

WEYI TLANAWATILLI TLEN POWI ITECH TLALNANTLI

Inin Weyi Tlanawatilli okinextihkeh itech se amatlahkuiloxiniani tlen kinotzah *Diario Oficial de la Federación*, Ipan makuilli tonalli, tlen metztli *febrero* wan xiwitl 1917.

TLAHKUILOLLI TLEN AXKANTIKAN IPATI

VENUSTIANO CARRANZA, Yawtlayekanki tlen kinnawatia nochtin yawtlakameh wan tlen okitekitihkeh ma tlanawati nowiyan totlalnan tlen kitokayotiah *Estados Unidos Mexicanos*, nimechmolwilia:

Yen tlakaolocholli kanin tlanawatilchiwah, tlen kinotzah *Congreso Constituyente*, omolochoh ipan se tonalli tlen metztli *diciembre* wan xiwitl 1916, tla keh yomonotzkeh ipan metztli *septiembre* wan yokipahpatlakeh inon tlanawatilli tlen okichihkeh itlamian xiwitl 1914, Itch inon altepetl itokahkan Veracruz wan okisalilihkeh okse amatlahkuilolli tlen okitokayotihkeh *Plan de Guadalupe* tlen okichihkeh ipan tonalli 26 tlen metztli *marzo* wan xiwitl 1913, okiwalnextih inin:

WEYI TLANAWATILLI TLEN KITOKAYOTIAH *CONSTITUCION POLITICA DE LOS ESTADOS UNIDOS MEXICANOS*, TLEN KIPATLAS OKSE TLANAWATILLI TLEN OMOCHIHKA IPAN MAKUILLI TONALLI, METZTLI *FEBRERO* WAN XIWITL 1857.

Semipan Tlahkuiloltokaitl

**Tlahkuilolxelolli I
Tlen sehsen intech powi**

Tlanawatiltzintli (Art. 1). - Nochtin altepetlakah tlen nentokeh itech inin tlalnantli itokahkan *Estados Unidos Mexicanos* kiseliskeh tlahtolpalewiliistli tlen ihkuilitok itech inin Weyi Tlanawatilli. wan amo kipia tlen kinkotoniliskeh tlen intech powi tla keh amo ihkon machiohtok itech inin tlahuilolli.

Amo kipia tlen yetos tlahyowiltekiyotl itech inin tlalnantli tlen kitokayotiah *Estados Unidos Mexicanos*. Nekateh tlahyowiltekitin tlen okse intlalnan wan tla keh nikam ekoskeh, ayakmo kintlahyowiltekitiskeh. Wan noihki kiseliskeh tlahtolpalewiliistli tlen ihkuilitok itech inin tlanawatilli.

Itech inin tlalnantli amo kipia tlen kinchichikoittaskeh toyolikniyah tla keh techan powih, tla keh pinomeh noso masewaltin, tlalia kipiah okse intlayehyekol, tla keh yokokoxkatihkeh noso ok telpochtin, tla keh teoneltokah noso amo, tla keh tominyohkeh noso amo, tla keh yomonamiktihkeh noso inseltih chanchiwah; wan amo kipia tlen kitzatzakuiliskeh innemilis noso tlen intech powih nochtin siwameh wan tlakameh.

Tlanawatiltzintli (Art. 2).- Tlalnantli mosentlalihtok wan amo moxehxelowa. Tlalnantli kisentlaliah nekateh masewalaltepemeh tlen achtopantika ochanchihtokah nikam anawaktlalli ihkuak ayakmo topan okalakiayah inon tlakameh tlen wehka powih wan otechtlalkuilihkeh. Inon masewalaltepemeh kitlakittah intlakaolocholwah tlen ipan oneskeh, wan axkan ok motlahtolchikawah kanpa nochi mexikayotl amo ma polawi.

Yen masewalpowilistli tlayekanas kanpa tikasikamatiskeh, akin melahkayopan itech powi inin tlanawatilli tlen kiteixpantia kenemin monahnawatiskeh nochtin masewalaltepemeh.

Nekateh altepemeh tlen, sehsekan molochowah, monekuitlawiah, kintlakittah inteachkawah, wan inixkoyanka monahnawatiah powih, masewalaltepemeh.

Intech powi masewalaltepemeh moyehyekoskeh kenemin monahnawatiskeh tla keh amo kitzatzakuiliskeh inin tlanawatilli kanpa mosentilihtoskeh nochtin altepemeh tlen chantihokeh nikam tlalnantli . Nowiyan itech tlalnankotonaltin, tlen kintokayotiah *Entidades Federativas* kipia

tlen kintlakittaskeh nochtin masewalaltepemeh wan inon tetlakittalstli noihki kipia tlen machiohtos itech nochtin tlanawatiltin tlen kinchiwah itech oksekimeh tlalnankotonaltin. Inon tlanawatiltin, kipia tlen mokitziskeh itech tlanawatiltzintli tlen nikan ihkuilitok wan noihki tlahpixtoskeh kox melahkayopan masewalpan chanchiwah wan kitenewah inmasewaltlahtol.

A. Inin Weyi Tlanawatilli kahsikamati wan kitlakitta tlen intechpowi nekateh masewalaltepemeh kanpa:

- I. Inixkoyanka motlahtoltiskeh kenemin mosentiliskeh wan moyeknotzaskeh ihkuak intekipankayo kimotekitiskeh.
- II. Noihki welitis inixkoyanka motlayehyekoliskeh wan motlahtoltiskeh kenemin kinyektaliskeh tlahtoltin tlen inmasewalpan ewah. Tla keh nochipan kimawisittaskeh inin Weyi Tlanawatilli tlen kitokayotiah *Constitucion*, wan tla keh melahkayopan kitlakittaskeh tlen intechpowi sehsen tlakah wan siwah. Inin Weyi Tlanawatilli kikualnextis katli yehwan tekiwahkeh intechpowi tepalewiskeh.
- III. Kinpehpenaskeh intekiwahkawah wan intlayekankawah kemin yehwan inixkoyan kichihiwitckeh wan itech inon tlakapehpenalli, kipia tlen kintlakittaskeh nochtin siwameh ihkon kemin machiohtok itech Weyi Tlahtowankayotl.
- IV. Kinmalwiskeh wan kiniskaltiskeh inmasewaltlahtol wan nochi inon ixtlamachilstli tlen kinextihtok intekipankayo.
- V. Kimalwiskeh wan kiyektlaliskeh intlal kanin chanchihtokeh ihkon kemin machiohtok itech inin Weyi Tlanawatilli.
- VI. Kimawisitaskeh tlatlamantli tlalaxkaitl wan tlalpihpialistli, ihkon kemin moihtowa itech inin Weyi Tlanawatilli wan itech oksekintin tlanawatiltin kanin noihki machiohtok kenemin tlalli, tlalmalwilli. Noihki kinmawisittaskeh nekateh tlen omotlalkohkeh noso ika kualyotika omotlalaxkatilikhkeh. Noihki welitis achtopan kikuiliskeh nochi tlen tlalli kitemaka, nowiyanka kanin masewaltin chanchihtokeh. Tla keh okse tlamantli okachi patiyoh konahsiskeh tlalihtik noso tlalixko, kipia tlen kimawisittaskeh tlen itech inin Weyi Tlanawatilli machiohtok. Welitis mosentiliskeh wan moyehyekoskeh tlenon kichiwaskeh kanpa kitlahtlaniskeh tlapalewilistli.

VII. Itech altepetlahtolkan tlen kintokayotiah *municipios* kanin okachi miaktin masewaltin chanchiwah, kipia tlen kintokayotiskeh intlayekankawah kanpa tlanawatiskeh ompa tekiwahkapan tlen kintokayotiah *ayuntamientos*.

Nekateh Weyi Tlanawatiltin tlen powih itech sehsen tlalnankotonaltin tlen kintokayotiah *Entidades Federativas*, kipia tlen kiahsikamatiskeh tlen masewaltin intechpowi wan kipia tlen kinnahnawatiskeh tekiwahkeh tlen tlanawatiah itech altepetlahtolkan tlen kintokayotiah *Municipios*, ma kichikawaltikah inon tekitl kanin nochtin masewaltin mosentiliah ihkuak kinpehpenah intlayekankawah.

VIII. Intechpowi motlahtoltiskeh innawak tekiwahkeh, ikinon ihkuak sehsen noso mimiaktin motelwiskeh, kipia tlen kinkakiliskeh wan kiahsikamatiskeh innemilis, inneltokalis wan intekipankayo. Ihkuak motelwiskeh masewaltin, intechpowi, motlahtolpalewiskeh inawak se tepantlahtowani tlen kualli kixmatis intlahtol wan intekipankayo.

Nekateh tlanawatiltin tlen powih itech sensen tlalnankotonaltin tlen kintokayotiah *Entidades Federativas*, kipia tlen motlahtoltiskeh kenemin kinneltokiliskeh wan kiahsikamatiskeh tlen masewaltin intech powi wan tlenon intech monehneki. Noihki inon Weyi tlanawatiltin kipia tlen kinyektlaliskeh okseki tlanawatiltin kanin kintlakittaskeh masewalaltepelemeh.

B. Weyi olocholtekiwakan tlen kintokayotiah *Federación, Estados y Municipios*, kinsentlaliskeh tlatlamantli tlanawatihkapan kanin melahkayopan kintlakittaskeh masewaltin, tlen intechpowi wan nochit palewili listli tlen ika tlayekapankisakesh. Noihki yehwan masewaltin kipia tlen motlahtoltiskeh kenemin mochiwaskeh wan kenemin monahnawatiskeh inon tlanawatihkapan.

Kanpa welitis kitlahtlamiskeh nochit chihchikoitalistli wan tla sohtilistli tlen inpan wetzi nekateh masewalaltepelemeh, tekiwahkeh kipia tlen:

I. Kitohtopewaskeh tlatlamantli tekitl nowiyan masewalaltepeyohkan wan kichikawaltiskeh

tominchiwaliſtli kanpa moyektlalis masewalaltepemeh innemilis, inon tekitl kipia tlen kichiwaskeh nochtin tekiwahkeh wan kipia tlen noihki mosepanpalewiskeh inwah masewalaltepemeh. Itech inon altepetlahtolcan tlen kintokayotiah *municipios*, yehwan tekiwahkeh tlen ompa tlanawatiah, motlahtoltiskeh kenemin kixehxeloskeh tekitl noso tomin wan okseki tepalewelistli tlen monehneki itech altepetemeh.

II. Kiyektlaliskeh tlatlamantli ixtlamachilistli tlen motemaka ompa temachtiloyan wan okachi kichikawaltiskeh inon temachtilistli tlen kitlakitta masewalyehyekolli masewaltlahtolli wan masewaltekipankayotl. Noihki kintopewaskeh nochtin tlakameh wan siwameh ma kitlamikah inixtlamachilis tlen okachi monehneki kanpa kitzikoskeh itech intlayehyekol, kenemin okachi kualli tekitiskeh. Moyehyekoskeh kenemin kinpalewiskeh nochtin masewalmomachtianeh ika seki tomin tlen kitokayotiah *becas* kanpa amo kikahtewaskeh inixtlamachilis. Itech inon ixtlamachilistli, tekiwahkeh motlahtolchikawaskeh, kanpa kinmelawiliskeh masewaltin, kanin ewa tekipankayotl, kanin ewa masewaltlahtolli wan kenemin miak ipati tlen okitekawilihkeh tlen achtopan nikan ochanchihtokah. Kipia tlen kinmawisitaskeh nochtin masewalaltepemeh tlen chantitokeh itech inin tlalnanti.

III. Kitekawiliskeh melahkayopan ma kinpahmakakah ompa teptahtiloyan wan kinmiaktiskeh inin tekitl nowiyan itech tlalnanti. Noihki kiahsikamatiskeh masewalpahtli wan kinpalewiskeh masewaltin kanpa kimoyektiliskeh kenemin motlakualtemoliskeh wan kenemin kinnekuitlawiskeh inpilwah.

IV. Tlayektlaliskeh ompa intech altepemeh kanin masewaltin mopahpakiltiah mahmawiltiah noso tlamaſisowah. Noihki kiteittitiskeh kenemin welitis kanah kech kimotlanewiliskeh kanpa yehwan masewaltin innewiyan mochantiskeh noso inchan tlayektlaliskeh.

V. Motlahtoltiskeh kanpa siwamasewaltin noihki welitis mokalakiskeh itech masewalaltepemeh iniskaltilis. Tlapalewiskeh tla keh yehwan siwamasewaltin kipewitiskeh itlah tekitl tlen ik motomintemoliskeh noso mopahtiskeh, noihki welitis kinpalewiskeh okachi ma momachtiyah kanpa ihkon tepalewiskeh ika tlamatilistli itech masewalaltepemeh.

VI. Nochtin masewalaltepemeh kipia tlen kinpahpalewiskeh ma mohwitikah noso ma kinyektlalikah inohwi wan noihki ma kitilanakah tlatlamantli tlahtolxiniloneh tlen wehka ika

tenotzaskeh noso monotzaskeh kanpa mosentiliskeh. Noihki welitis motlahtoltiskeh masewalaltepemeh, ma kinmactilikah inon tlahtolxiniloneh kanpa yehwan innewiyan kintekipanoltiskeh.

VII. Kinpalewiskeh masewaltin itech inteki kanin kinextiskeh tlatlamantli tekichiwalli. Kinpalewiskeh ma tekipanokah kanpa welitis motomintemoliskeh. Noihki kinkawiliskeh oksekimeh tlakatominyohkeh ma kiewitakah tlatlamantli intlayehyekol kanpa walnesis miak tekitl wan tekichiwalli tlen welitis monemakas wan inkon noihki moskaltiskeh masewalaltepemeh.

VIII. Nekateh masewaltlakah wan masewalsiwh tlen yawih tekipanotiweh itech mexikatlalnatli noso nepa tetlantli, noihki kipia tlen inpan tlahtoskeh wan kimawisittaskeh tlen intechpowi. Noihki kintlakittaskeh siwameh kanpa inyolika ma yetokah. Kinpahpalewiskeh konemeh, ichpokameh wan telpokameh tlen intahwah wehkan tekipanohtinemi, ma momachtikah katli yen tlakualli okachi teyoliti wan noihki inpan tlahpixtoskeh ma kinmawisitilikah intekipankayo.

IX. Motetlahtlaniskeh inawak masewalaltepemeh ihkuak kimachiotiskeh intech amameh tlen kintokayotiah *Plan Nacional de Desarrollo y de los estatales y municipales*. Inon kihtosneki tlen tekitl kichiwaskeh nowiyan kanin monehnekis wan tla keh kualli moyehyekowah masewalaltepemeh, welitis noihki kiihkuiloskeh intlayehyekol.

Weyi Tlanawatilchiwaloyan tlen kitokayotiah *Congreso de la Union* wan oksekimeh tlanawatilchiwaloyan tlen powih itech tlalnankotonaltin tlen kinnotzah *entidades federativas* wan noihki tekiwahkapan tlen kinnotzah *ayuntamientos*, kipia tlen moyehyekoskeh kenemin kiyekxeloskeh inon tepalewilistli tlen kinmakaskeh masewalaltepemeh, tla keh yinelli kinekih ma mochiwa tlen machiohtok itech inin amatlahkuilolli.

Okseki altepemeh kanin noihki monehneki ma kinpalewikah, welitis kinmahmakaskeh inon tepalewilistli, maski amo masewaltin, ihkon kemin machiohtok itech inin Weyi Tlanawatilli. inon amo kihtosneki kinkuihkuiliskeh masewaltin tlen intechpowi.

Tlanawatiltzintli (Art. 3). Nochtin tlaka wan siwa intechpowi kiseliskeh ixtlamachilistli. Weyi Tlahtowankayotl tlen kinnotzah *estado*, kanin powih nochtin tlalnankotonaltin tlen kinnotzah *entidades federativas*, wan *Distrito Federal*, noihki altepetlahtolkan tlen kintokayotiah *municipios*,

kipia tlen kitemakas ixtlamachilistli tlen kitokayotiah; *preescolar, primaria wan secundaria*. Inon ixtlamachilistli noihki kipia tlen kiseliskeh nochtin altepetlakameh, ikinon kinotzah *educación básica obligatoria*.

Ixtlamachilistli tlen kitemakas weyi Tlahtowankayotl tlen kinotzah *estado*, motlahtoltis kanpa nochtin tlakameh wan siwameh, sentetl intlakayo moskaltis kemin powi, noihki kiyolewas intlayehyekol kanpa kitlasohtlaskeh itlalnan wan kiahsikamatiskeh tlekan monehneki mosepanpalewiskeh nochtin tlakameh itech inin semanawaktli.

- I. Inon ixtlamachilistli amo teotlahtoltokani, inon kihtosneki nowiyan temachtiloyan amitlah teotlahtolli kitekakitiskeh. Ihkon machiohtok itech tlanawatiltzintli 24, kanin kihtowa sehsen tlakah noso siwah inixkoyanka kimatih akin inawak kimomachtiskeh teotlahtolli.
- II. Inon ixtlamachilistli kineltokas nochi tekichiwalli tlen melahkayopan kinpalewis nochtin tlakameh wan siwameh ma moyektlali innemilis, motlahtolchikawas kanpa nochtin ma ixtlamatikah wan amikah inpan ma tlaksa.

Noihki:

- a) Inpan tlahtlachias nochtin altepemeh wan kiahsikamatis kenemin mosentiliah, moyeknotzah wan sepantekipanowah. Wan kenemin okachi yektekipanoskeh kanpa kiyektlaliskeh innemilis.
- b) Kintlakawaltis kanpa amo ma momachtikah inon tlachiwalli tlen teowihtilih wan amo kitekawilis ma kawilchiwakah tlaltzintli itlakilo, amo kitekawilis ma techyehyekolikah kenemin timonahnawatiskeh, kenemin timotomintemoliskeh wan kenemin tikchikawaltiskeh totekipankayo.
- c) Tepalewis kanpa nochtin momachtianeh moyekwikaskeh, wan kitemachitis ma tetlakittakah, ma kinmawisittakah tetahmeh, nanameh, pipiltin wan nochtin senyelistin, kitemachitis kualyotika ma moyehyekokah wan ma kitlakittakan nochtin tlakameh wan siwameh tlen intechpowi, wan amo kipia tlen kinchihchikoittaskeh nekateh tlen okse inteotlahtol okse intlachialis, okse inmasewalyo noso okse intlalnanyo.

III. Kanpa yinelli mochiwas tlen nikán machiohtok, Weyi Tlanawatiani tlen kitokayotiah *Ejecutivo Federal*, tlanawatis kenemin mochiwaskeh amameh kanín machiohtos tlenon kinmachtiskeh konemeh tlen yekín kalakíh temachtiloyan, tlen tlakhötian yawih wan tlen tlayakapankistokeh, inon tlen kitokayotiah *preescolar, primaria, secundaria* wan *normal*. Noihki motlahtoltis innawak okseki Weyi tlanawatihek tlen tlanawatia intech tlatlamantli tlalnankotonaltin tlen kintokayotiah *entidades federativas* wan tlalnanyolotl tlen kinotzah *Distrito Federal*, wan nochtin olocholtin kipia tlen moyehyekoskeh kenemin temachtiskeh.

IV. Nochi ixtlamachilistli tlen kitemakas Weyi Tlahtowankayotl tlen kinotzah *Estado*, amo kipia tlen motlaxtlawas.

V. Weyi Tlahtowankayotl kitemaka ixtlamachilistli tlen kinotzah *preescolar, primaria* wan *secundaria*. Noihki kipia tlen kiyekanas tlatlamantli ixtlamachilis tlen monehneki ipan totlalan kanpa melahkayopan mochikawaltis. Ikinon kipia tlen tlapalewis ma kiyektlalikah wan ma kiskaltikah inon ixtlamachilistli tlen kitzintoka melahkayotl tlen okachi kipalewis tonemilis wan totekipankayo.

VI. Oksekimeh tetlakah tlen kinotzah *particulares*, welitis kitemakaskeh tlatlamantli ixtlamachilistli ihkon kemin machiohtok itech Weyi Tlanawatilli. Weyi Tlahtowankayotl kimomachiltis kox kitemakas amameh kanín machiohtos tetlakittalistli tla keh yinelli ipati inon ixtlamachilistli tlen kitemakah ompa temachtiloyan tlen powih inmak inon tetlakah. Nekateh tetlakah tlen inixkoyanka kitemakah inon ixtlamachilistli tlen kinotzah *preescolar, primaria, secundaria* wan *normal*, kipia tlen:

- a)** Kitepanittaskeh nochí tlahtolli tlen machiohtok itech inin Weyi Tlanawatilli wan inon temachtilistli kipia tlen yetos kemin ihkuilitok intech amoehmeh tlen kintokayotiah: *planes y programas*.
- b)** Motlahtoltiskeh innawak tlahtowaneh kanpa kinkawiliskeh ma temachtikah wan ma kinmaktikah amameh kanín machiohtos ipatiyo inon ixtlamachilistli.

VII. Inon kaltemchtiloyan tlen kinotzah *universidades* wan okseki tlanawatihkapan kanín kitemakah ixtlamachilistli tlen okachi tlayakapankistok welitis inixkoyanka monahnawatiskeh, kipia tlen kitzintokaskeh tlen kuahualli ixtlamachilistli, inixkoyanka motlahtoltiskeh kenemin

temachtiskeh kenemin kinseliskeh chokomeh wan takomeh , akimeh temachtiskeh, kenemin tominxehxeloskeh wan kenemin piltomeh motlamitiweh kuahkualli ixtlamatkeh. Temachtihkeh noso okseki tekiwahtlakewaltin tlen ompa tekipanowah kipia tlen monahnawatiskeh itech okse tlanawatilli tlen kitokayotiah *Ley Federal del Trabajo* tlen noihki machiohtok itech tlahuilolxelolli tlen kinotzah *apartado A*, itech inin Weyi Tlanawatilli.

VIII. Weyi Tlakaolocholli kanin tlanawatilchiyah tlen kinotzah *Congreso de la Unión* kipia tlen kinchiwas inon tlanawatiltin tlen monehnekis ipan tlalnankotonaltin tlen kintokayotiah *Entidades Federativas* kanpa welitis kisentilis noch ixtlamachilistli tlen kitemakah ipan tlanantli tlen kitokayotiah *República Mexicana*. Noihki tlatopehtos kanpa nochtin tekiwahtlakewaltin kualli kichiwaskeh inteki wan tlakeh amo tlawelkakiskeh, kipia tlen kintlaxtlawaltiskeh intlahtlakol.

Tlanawatiltzintli (Art. 4). Tlahkuilolkotanalli tlen achtopantikan ewa, okipopolohkeh.

Inin tlanawatilli kinsepanitta siwameh wan tlakameh, ikinon inpan tlahtos kanpa moskaltiskeh inchanehkawah.

Nochtin tlakameh wan siwameh intech powi, inixkoyan motlahtoltiskeh kemanian wan keski inkonewah kinpiaskeh.

Nochtin tlakameh wan siwameh intech powi inyolika nentoskeh, inin tlanawatilli kimihtoltis kenemin kinpahmakaskeh wan kenemin Weyi Tekiwhakan tlen kinotzah *Federación*, okseki tlalnankotonaltin tlen kinnotzah *entidades federativas* wan okseki altepetlahtolkan tlen kintokayotiah *municipios*, tlapalewiskeh kemin machiohtok ipan tlanawatiltzintli tlen kinotzah *Artículo 73* itech inin Weyi Tlanawatilli.

Nochtin tlakameh wan siwameh intech powi tlakualkanpa nenemiskeh kanpa inyolika moskaltiskeh.

Nochtin chanehkameh intech powi kipiaskeh kuahkualli inkalwah, inin tlanawatilli kimihtoltis kenemin tlapaleewiskeh kanpa melahkayopan mochiwas inin asitilistli.

Nochtin konemeh intech powi kinyektlamakaskeh, kinpahmakaskeh, kinyekmachtiskeh wan kinyeknenemitiskeh kanpa inyolika moskaltiskeh.

Tlakameh wan siwameh tlen kipiah inkonewah noso kiniskaltiah tekone wah, kipia tlen kimawisittaskeh tlen intech powi. Weyi Tlahtowankayotl tlen kitokayotiah *Estado* kitemakas tlen monehnekis kanpa kinmachtiskeh ma kinmawisittakah nochtin konemeh.

Weyi Tlahtowankayotl kinkawilis wan kinyolewas i xkoyankatlakameh ihkuak tepalewiskeh kanpa kinmawisittaskeh konemeh tlen intech powi.

Tlanawatiltzintli (Art. 5). Nochtin tlakameh wan siwameh, welitis tekipanoskeh tlen ipan okachi kinpaktis wan amikah kintlakawaltis ma tekichiwakah kanin kinekiskeh tla keh inon tekitl amo teowihtili. Tekiwahkeh, welitis kintzahtzakuiliskeh inteki tla kinnextiliskeh amo kualyotika tekipanohtokeh wan tla keh inon tekitl noihi kinowihtilia okseki tlakameh noso siwameh. Tlen ipan tekitl kimotlaniliskeh, mach ikah welitis kinkuilis tla keh amo intlanawatil tekiwahkeh tlen powih itech tlanawatihkapan tlen kinotzah *Poder Judicial*.

Tlanawatilli kimihtoltis itech sehsen tlalnakotonalli tlen kinotzah *estado*, katli inon tekitl kipia tlen kikualnextihtos sen amatlahkuilolli tlen kitokayotiah *titulo* kanin machiohtos itokayo akin tekitis, kenemin kahxilis inon amatl wan akin kitemaktis.

Amo welitis ikah kichiwaltiskeh ma tekipano tla keh amo ipakilis wan tla keh amitlah kitlaxtlawiliskeh. Tekiwahkeh tlen powih itech tlanawatihkapan tlen kinotzah *poder judicial*, welitis kintekipanoltiskeh nekateh tlakah tlen melahkayopan tlahtlakolehkeh. Noihi kipia tlen kintlakittaskeh ihkon kemin machiohtok itech okse tlanawatiltzintli 123. Ompa kimihtoltia: Sen tlakatl welitis tekipanos tlahkantika san chikueyi kawitl wan tlayowahkan tekipanos san chikome kawitl.

Tlanawatihkapan tlen kinotzah servicios públicos welitis kintekipanoltiskeh tlen ompa tekipanohtokeh wan amitlah itlaxtlawil kiseliskeh ihkuak kinnawatiskeh ma tlapalewikah ihkuak sentel chanehkameh kinpowah noso ihkuak sentetl kichiwah tekiwapehpenalistli. Kintlaxtlawiskeh nekateh tekiwahtlakewaltin tlen melahkayopan nochipan monehneki intekiyo wan intlaxtlawil noihi kiyehyekoskeh kemin machiohtok itech inin Weyi Tlanawatilli.

Weyi Tlahtowankayotl tlen kinotzah *Estado* amo kualtis kitekawilis ma mochiwah itlah amatlahkuilolli tlen kitokayotiah *contrato* noso *convenio*, kanin machiohtos kenemin welitis kintzakuiliskeh innemilis tlakameh noso siwameh.

Noihi amo kitekawilis ma mochiwa itlah amatlahkuilolli tlen kinotzah *contrato* noso *convenio* kanin machiohtos kenemin ikah tlakatl noso siwatl, kiewitiskeh, tla keh itech inin tlalnantli chanchiwa, noso kichiwaltiskeh ma kikahtewa iteki.

Welitis mochiwas sen amatlahkuilolli tlen kitokayotiah *contrato* wan ompa machiohtos tlen achi tekipanos sen tlakatl noso sen siwatl ihkon kemin machiohtok itech inin tlanawatilli wan amo welitis kipanowis se xiwitl. Inon amatlahkuilolli amikah itech mokitzkis kanpa kitekuilis tekitl noso kanpa ma tlakahtewakah tlen intech powi siwameh noso tlakameh.

Tlalia se, tekitini amo kiwelita noso amo kitlakitta inon amatlahkuilolli wan amo okitlamito iteki, amo kipia tlen ipan tlaksaskeh, san kitlakawaltiskeh kanpa amo tetekipan ma motlakewa tla keh amo ipakilis.

Tlanawatiltzintli (Art. 6). Tla keh tlatlamantli totlayehyekol, kipia tlen techmawisittaskeh wan tlalia amo tikwelittah totlayekankawah intlayehyekol, welitis tikinixiliskeh tlen amo techpaktis ihkon kemin kimihtoltia inin tlanawatilli. Amo techkawiliskeh tetlakah ma tikinkuehsokah noso ma tikinkuahkualanikah wan ma tikowihtilikah sentetl tlakaolocholli. Noihi totech powi tikmatiskeh nochi tlen nowiyan tlamocheva wan inon powilistli kitemaktia yen Tlahtowankayotl tlen kitokayotiah *Estado*.

Weyi Tekiwahkan tlen kinnotzah: *La Federación, los Estados y el Distrito Federal*, kanpa kitempanittaskeh inon powilistli, kipia tlen moyektiliskeh ika inin tlanawatilewalli:

- I. Nochi tlen nowiyan tlamochiwa wan momati ompa tekiwahkapan noso itech okseki olocholtin tlen kinnotzah *organismos federales, estatales y municipales*, kipia tlen kinextiskeh inawak weyi tlakaolocholli tlalia monehnekis. Wan tla keh tekiwahkeh tlanawatiskeh ma kixkawikah inon tlamatilistli, welitis amo wehkawitl kixkawiskeh inkon kemin kimihtoltia inin tlanawatilli.
- II. Tlen sehsen tlakah inixkoyanka mochiwah noso innemilispowal, kipia tlen moixkawihtos ompa tekiwahkapan wan yehwan tekiwahkeh kihtoskeh kemanian monextis ihkon kemin machiohtok itech tlanawatilli.
- III. Nochtin tlakah intechpowi motlahtlaniskeh nowiyan tekiwahkan nochi tlen kimatisnekih wan noihki ompa welitis kiyektlaliskeh innemilispowal, tla keh amihtok okimachiotihkeh.
- IV. Tlayektlaliskeh ompa tlanawatihkapan kanpa okachi kualli kinkakiliskeh tlenon kimatisnekih tlakameh noso siwameh. Inon tekitl kinmaktiskeh ma kichiwakah tlakaolocholtin noso tetahmeh tlen melahkayopan ixtlamatkeh.
- V. Nekateh tlakah tlen welika kipia tlen kinextiskeh intlachiwal, kinpixtoskeh inamawah, kanin machiohtok nochi inteki, itech sen amanepantli tlen axkantikan ipati wan kinextiskeh nochi tlen monehnekis. Noihki kinextiskeh kenemin okixehxelohkeh tominpixkaitl tlen inmak okipixtokah.
- VI. Tlanawatiltin kimihtoltiskeh kenemin tlakameh tlen intechpowi, kinextiskeh inon tlahtolli tlen kimelahkayotia kenemin okixehxelohkeh tominpixkaitl tlen inmak okatka.
- VII. Tla keh amo kitlakamatiskeh inon tlahtolli tlen moneki nowiyan momatis, welitis inpan wetzis tlanawatilli wan welika kintlaxtlawatiskeh intlahtlakol.

Tanawatiltzintli (Art. 7). Nochtin tlakameh wan siwameh kualtis tlen inpakilis tlahuiloskeh wan kinehnextiskeh nowiyan kanin kinekiskeh, kualtis tlahuiloskeh san tlen kinpaktis wan amikah welitis kinpihpinahtis, kintlaxtlawaltis noso kintzahtzakuilis inteki. San monekis akin tlahuilos, ma tetlakitta wan amo ma kinkuahkualani tetlakah. Amo kemanian kitzakuaskeh sen tlahuiloyan.

Yehwan tlanawatiltin kimihtoltiskeh wan amo kintekawiliskeh ma kinkaltzakuakah ompa teipiloyan nekateh tlakah tlen amochnemakah noso nekateh tlen amochihkuilowah maski kintelwiskeh tla keh amo achtopantika kinahsiliskeh intlahtlakol.

Tlanawatiltzitli (Art. 8). Tlahtowaneh wan tekiwahlakewaltin kinmawisittaskeh nochtin tlakameh wan siwameh ihkuak kitlahtlaniskeh tlen intechpowi. Moneki motetlahtlaniskeh ika kualyotikah wan ika sen amatlahkuilolli. Tlalia mokalakiskeh itech okseki tlakaolocholtin tlen kinnotzah *partidos políticos*, ompa kemah san yehwan tlakah tlen oneskeh nikan altepenantli, welitis motlahtoltiskeh.

Tlalia ikah motetlahtlanis ika sen amatlahkuilolli, tekiwahlkeh kipiah tlen tlanakiliskeh noihi ika okse amatlahkuilolli wan amokipia tlen mowehkawaskeh.

Tlanawatiltzintli (Art. 9). Nochtin tlakah tlen powih altepenantli welitis molochoskeh kanpa moyektlapowiskeh kenemin motekimakaskeh kanpa kiyektlaliskeh nochi tlahtolli tlen onkah itech totlalnan. Amikah welitis itech sen olocholistli kinmamahtinemis tepostlatoponilli ihkuak kinotzaskeh tehwan ma motlahtlapowi.

Amo welitis kixitiniskeh sen olocholistli kanin moyenotzah wan moyektlapowiah kenemin motetlahtlaniskeh inawah sen tekiwahl, tla keh amo kikneliskeh, kixkomakaskeh, kitlaweltzahtziliskeh noso kikuehsoskeh.

Tlanawatiltzintli (Art. 10). Nochtin tlakah tlen powih nikan altepenantli *México* welitis kimopialiskeh ompa inchan, sehsen tepostlatoponilli kanpa amo motekawiliskeh inpan ma kahkalakikah ixtekih, san moneki kitlahtlaniskeh inawak tekiwahlkeh tlen tlanawatiah itech weyi yawtlakaolocholli tlen kitokayotiah *ejército* kanpa kinkawiliskeh ma kipixtokah inon tepostlatoponilli. Ompa noihi kiniliskeh katli yen tepostlatoponilli kipihpiaskeh wan amo yen tlen kinmamahtinemih yawtlakameh.

Tlanawatiltzintli (Art. 11). Nochtin tlakah, intechpowi nenemiskeh itech tlalnantli tlen kitokayotiah *Republica Mexicana*, wan mochanpahpatlaskeh ihkuak kinekiskeh noso san kanin kinekiskeh wan amitlah amatl monekis. Inin powilistli welitis kitzakuiliskeh tekiwahkeh, tlalia sen tlakatl noso sen siwatl itlah kitewikiliah noso inpan ahsí itlah kokolistli tlen amo pahtiloh. Noihki welitis kintzakuiliskeh nekateh tetlalnantlakameh tlen xolopehkistokeh wan teowihtilihkeh.

Tlanawatiltzintli (Art. 12). Nikan itech totlalnan tlen kinotzah *Estados Unidos Mexicanos*, amikah kimaktiskeh weyi itokayo kemin oksekan tetlalnan yiwehkika okintokayotiayah intlayekankawah tlen tominyohkeh.

Tlanawatiltzintli (Art. 13). Amikah welitis kitlahtlakoltemoliskeh ika tlanawatiltin tlen oksekan powih noso itech tlakaolocholtin tlen amo kitlakittah totlanawatilli tlen powi nikán totlalnan. Amikah tlakah noso tlakaolocholli welitis moweyimatis wan tekiwahkeh amo kipia tlen okachi kipahpalewiskeh tla keh amo kualnestok itech inin tlanawatilli. Itech yawtlakaolocholli tlen kinotzah *ejército*, ompa keman motlahtlakolahxiliah inawak inyawtekiwah. Inon yawtekiwah amo welitis mokahkalakis inpan okseki altepetlakameh tla keh motlahtolnamikih noso mowihtiliah. Ihkuak sen teowihkayotl tlen kahki imak yawtlakaolocholli wan noihi kinalakis sen altepetlakatl kipia tlen kiteixpantiskeh inawak altepetekiwah.

Tlanawatiltzintli (Art. 14). Amikah tlakatl, noso siwatl welitis kitlahtlakoltiskeh ika sen tlanawatilli tlen amo okichihkeh ihkuak omowihtilih.

Amikah welitis kikaltzakuaskeh, kikuiliskeh tlen iaxka, noso kitzahtzakuiliskeh tlen itech powi, tla keh amonkah sen teowihkayotzintokalistli kanin melahkayopan kualnestos kenemin kiyektiliskeh inon teowihkayotl, ihkon kemin machiohtok itech tlanawatilli.

Itech se teowihkayotzintokalistli tlen kintzintoka nochtin temiktihkeh, amo welitis motlatlalwiskeh kanpa ikah tlakatl noso siwatl kitlahtlakoltiskeh, tla keh amonkah sen tlanawatilli kanin machiohtos kenemin kitlaxtlawaltiskeh itlahtlakol.

Itech se teowihkayotzintokalistli tlen kitzintoka nochí tlen tlatlamantli tlahtlakolehkeh, welitis se tlakatl noso se siwatl kitlahtlakolahxiliskeh ihkon kemin machiohtok itech tlanawatilli noso kemin tekiwahkeh melahkayopan tlaneltokah wan tlayehyekowah.

Tlanawatiltzintli (Art. 15). Amo powi kitekawiliskeh ma mochiwakah amameh kanin machiohtos kox keh welitis techintitlaniliskeh tlakameh tlen tetlalnan kaltzaktekeh ompa teilpiloyan noso tikintitlaniskeh tlen nikán teilpiloyan kaltzaktekeh. Noihki amitlah momachiotis kanpa nekateh tlahyowiltekitineh kinehkotiskeh nikán itech totlanan wan amo kintzahtzakuiliskeh altepetlakameh wan altepesiwameh tlen intechpowi.

Tlanawatiltzintli (Art. 16). Amikah welitis kinehnekiliskeh itech itlakayo, isenyelis, ichan, iamawah noso iaxkayo, tla keh amonkah sen amatlahkuilolli tlen kititlani sen tekiwah tlen itech powi wan tlalia kualnestok tlekan ikah kimonochiliah ma moteixpanti.

Amo welitis tlanawatiskeh, kanpa se tlakatl noso se siwatl, ma kikaltzakuakah noso ma kilpiyah, tla keh amo yen tekiwah tlen kitokayotiah *judicial* tlanawatis wan tla keh amonkah sen telwiliistli noso tekualanilistli tlen itech tlanawatilli moihtowa tepantlaksalistli. Noihki kipia tlen kinechikoskeh nochtin amatlahkuiloltin kanin welmachiohtos nochí intlahtol akimeh motlahtoltiah kox yinelli noso amo tlahtlakoleh se tetlaka noso se tesiwa.

Inon tekiwahtlakewalli akin tekaltzakuas noso teipis tla keh yokinawathihkeh amo kipia tlen mowehkahtinemis kanpa kiteixpantis inawak tlahtlakolahxiliani tlen kinotzah *Juez* wan tla keh amo tlawelkakis, noihki welitis kitelwiskeh.

Tlalia sen tetlakah temiktia, tlaxteki noso tepantlaksa, welitis ikah altepetlakah kikaltzakuas noso kilpis wan niman kinkakitis tekiwahkeh kanpa yehwan kimatiskeh tlen intekih. Noihki niman kititlaniskeh inawak teilwiloyan. Inon tlachiwalli welika niman kimachiotiskeh.

San kemanian monekis tlalia welowih inon ijkisyotl noso temiktiyotl wan tla keh tlakaixkiski noso temiktiani kicholilisneki tekiwahkayotl wan tlalia wehka mokawa tekiwahkapan, welitis tlanawatis

ma kitzahtzakuilikah noso ma kilpiyah inon tlakaixkiski noso temiktiani ika sen amatlahkuilolli kanin kihtohtos tlekan ihkon otlanawatih.

Tlalia melahkayopan welmonekis ikah ma kikaltzakuakah noso ma kilpiyah, inon tlahtlakolahxiliani tlen kitokayotiah *Juez* ihkuak kiselis tlakailpilli, niman kimihtoltis kox keh teipiloyan kikaltzakuaskeh noso amitlah kitlahtlakoltiskeh, ihkon machiohtok itech tlanawatilli.

Tekiwhakayotl tlen kinotzah *poder judicial* welitis tlanawatis ma kinkaltzakuakah nekateh tetlakah tlen molochowah kanpa tepantlaksaskeh temiktiskeh noso tlaxtekiskeh wan nochi inon tlen tiknotzah sepanixkiskayotl, tla keh teipiloyan tlen kitokayotiah *ministerio público* kimotlahtlanilis inawak, inon kaltzakualistli amo kipia tlen kipanowis ompowalli tonalli wan tlalia yinelli welmoneki kanpa kiyektiliskeh se teowihkayotzintokalistli, noso tlalia kittaskeh inon tetlakah kicholilisnekih tekiwhakayotl. Welitis okachi mowehkawas inon kaltzakualistli tlalia ihkon kimoyehyekolis tekiwhah, kualtis kahxitis sawel nawpowalli tonalli.

Moahsikamati *delincuencia organizada*, inon sepanixkiskayotl, tlen itech nentokeh kanah eyi noso okachi miakeh tetlakah tlen molochowah wan sepantemiktiah, sepantlaxtekih noso sepantepantlaksah, nochipan noso wewehkika, ihkon machiohtok itech tlanawatilli.

Amikah tetlaka noso tesiva welitis kikaltzakuaskeh imak teipiloyan. Tlalia yokipanowih ompowalli wan chikueyi kawitl, kipia tlen kikahkawaskeh tlalia tlahtlakoleh noso kititlaniskeh tlahtlakolahxiyan. Welitis okachi mowehkawas inin kaltzakualistli tlalia inon tlakatlahtlakoleh sepantepantlaksatinemi, sepantemikihtinemi noso sepantlaxtekinemi wan nochi inon tlen kinotzah sepanixkiskayotl. Akin amo kitlakittas inin tlanawatilli noihiwelitis kitelwiskeh wan kitlaxtlawaltiskeh itlahtlakol.

Nochi tlahkuilnawatilli tlen kitemaktis tekiwhakayotl tlen kinotzah *judicial*, tlalia tlanawatihtok techan ma tlahtlatemokah noso tetlakah ma kinkitzkikah wan tla keh yokimotlahtlanilis yen , kipia tlen kimachiotis ipan inon tlahkuilnawatilli akin ichan tlahtlatemoskeh noso akin kikitzkiskeh wan tlenon kahsisnekih, amo san tlen kahsiskeh kimowikiliskeh, wan ihkuak yotlanki otlahlatemokeh

wan oteilpihkeh, kipia tlen amatlahkuiloskeh kanin kualnestos kenemin omotekitihkeh tekiwahtlakewaltin, kimachiotiskeh intoka ome altepetlakah tlen kintokayotis akin chanchiwa kanin okahkalakeh wan inixpan otekichihkeh. Niman kitlilanaskeh inon amatl wan tla keh amo ompa yetos noso amo kinekis ikah ma kimachiotikah, yen tekiwahtlakewalli kintokayotis akimeh kitlilanaskeh inon amatl tlen kichiwas.

Ixkoyanka tenotzaltin amo kipia tlen kintzahtzakuiliskeh noso kinistlakoskeh. Tlanawatilli kixkomakas akin amo kitlakittas inin powilistli. Welitis kinnextis inon tenotzaloleh tlen ixkoynaka monahnawatiah tlalia melahkayopan monehnekis wan tlalia akin otenotzki noso otlatlahkuiloh, kitekawilis ma monexti tlen tewan omotlahtlapowih. Tlahtlakolahxiliani kimihtoltis kox keh inon tenotzaloneh tlen inixkoyanka monahnawatiah welitis tlapalewis itech tlahtlakoltzintokalistli. Tekiwahkeh amo kiseliskeh inon tenotzaloni tlen ixkoyan monahnawatia tla keh teowitilih noso kiowihtilis tlanawatilli.

Amikah okachi, san yeh weyi tekiwahkayotl tlen kinotzah *judicial federal* tlalia kimotlatlaniliskeh okseki tekiwahkeh tlen tlanawatiah itech teilwiloyan tlen kitokayotiah *ministerio publico* tlen powi itech tlalnankotonaltin tlen kinnotzah *entidades federativas*, welitis kitekawilis ma kinistlakokah, ma kintzahtzakuilikah, noso ma kinachiwakah tlatlamantli tenotzaloneh tlen inixkoyanka monahnawatiah. Yehwan tekiwahkeh tlen intech powi kimachiotiskeh tleka ihkon kinekih ma mochiwa. Noihki kimihtoltiskeh kenemin tekichiwaskeh, akimeh kintzahtzakuiliskeh wan kemanian kinkawiliskeh oksepan inixkoyanka ma motlahtlapowikah. Tekiwahkayotl tlen kinotzah *judicial federal* amo welitis kitzahtzakuilis tekiwapehpenalistli, tekinamakalistli, tekitaistlakolistli, tekipanolistli noso tlalia sen tlakailpilli moixkoyannotzah iwan itepantlatowani.

Tekiwahkan tlen kinotzah *poder judicial* kipias tlahtlakolahxilianeheh tlen kinnotzah *jueces* kanpa saniman kitenkilikiskeh tla keh okseki tekiwahkeh kitlahtlanih ma kinpalewikah ihkuah kinehnekiskeh kanpa kualli tekichiwaskeh. Noihki kipia tlen kimawisittaskeh tlen intech powi nekateh tetlakah tlen kintlahtlakolmamaltiah wan tlen inpan otlahtlaksakeh. Itech inin tekichiwalli nochti momachiotis tlen motlahtlapowiah nochtin tekiwahkeh.

Nochtin tzahtzakuilistli noso tlaistlakolistli tlen tekiyah yokimihtoltih ma mochiwakah, intech tlatlamantli tenotzaloneh tlen inixkoyanka monahnawatiah, amo kipia tlen kinpanowis tlanawatiltin. Tlalia itech inin tekichiwalli tekiwahtlakewaltin okinpahpanowihkeh tlanawatiltin, nochi tlen kinextiskeh amo kipia tlen kineltokaskeh tekiwahkeh.

Altepetekeiwah welitis techan ahsiti kanpa tlaistlakos kox yinelli kiwelkakih tlen tekiyah kinnahnawatia, kanpa tlachipahyan mayetokah wan, kintlahtlanilis nochtin amameh kanin machiohtos kox keh yinelli kitlaxtlahtokeh tlen powi inawah tominpixkaloyan. Inin tekichiwalli noihki kipia tlen tetlakittas wan moneki kinchiwaskeh amameh kanin machiohtos tlekan altepetekeiwah techan otlailstlakoto.

Amameh noso tlatlamantli tlatitlanilli, tla keh kuali kimilitok wan tlalia ikah kititlaniliskeh amo kipia tlen kixitiniskeh noso kixtakapowaskeh. Akin amo kiwelkakis inin tlanawatilli kualtis kitelwiskeh inawak tekiwahkeh.

Ihkuak amitlah yawtewilistli yetos, yawtlakameh amo welitis techan mokahkalotiskeh tla keh chanehkeh amo inpakilis. Ihkuak yetos yawtewilistli, yawtlakameh welitis kitetlahtlaniskeh ma kinkalotikah, ma kintlamakakah wan okseki tlatlamantli tlen kinehnekiskeh, maski chanehkeh amo inpakilis. Yawtlakameh amo kipia tlen kipahpanowiskeh intlanawatil.

Tlanawatiltzintli (Art. 17). Amikah tetlakah welitis i xkoyanka momakopas tla keh yomotelwi inawak tekiwah wan amo i xkistinemis tlalia kinekis ma kitlakittakah tlen itechpowi.

Nochtin tetlakah intech powi ma kintenkakilikah nekateh teowihkayoyektlalianeh tlen kinnotzah tribunales ihkuak motelwisnekih ihkon kemin machiohtok itech tlanawatiltin. Amo kipia tlen mowehkawaskeh noso kichihkoltiskeh intlahtol ihkuak kinnankiliskeh tlakameh noso siwameh tlen motelwiah. Intekiyo nekateh teowikayoyektlalianeh amo kipia tlen kitlaxtlawas akin kitlahtlani ma kipalewikah itech iowihkayo.

Tlanawatiltin kiyehyekoskeh kenemin kualtis moyektlaliskeh nekateh tetlakah tlen mokuahkualaniah, motlahtolchikawaskeh kanpa kitlaxtlawas akin itlah kitewikiliah wan kimihtoltiskeh kemanian amo welmonehnekis intekiyo okseki tekiwahkeh tlen powih Tekiwahkan tlen kinotzah *poder judicial*.

Tlalia sen tekiwah kimihtoltis kox tlahtlakoleh noso amo tlahtlakoleh sen tlakatl noso sen siwatl kipia tlen kinnotzas akin omotelwihs wan akin okitelwihs kanpa inixpan motlahtoltis.

Tlanawatiltin tlen kinnotzah *federales* wan tlen kinnotzah *locales* kimihtoltiskeh kenemin kitekawiliskeh kualli ma tekichiwakah teowihkayoyektlalianeh tlen kinnotzah *tribunales* wan ma mowellaki intlahtol.

Weyi Tekiwahkan tlen kinotzah *Federación*, tlalnakotonaltin tlen kinnotzah *Estados* wan tlalnanyolotl tlen kiliah *Distrito Federal* kitlaliskeh sen kaltekiloyan kanin kinpalewiskeh nochtin altepetlakameh, kinehnekiskeh wan tlahpixtoskeh kanpa melahkayopan ma tepantlahtokah nochtin tlen ompa tekipanoskeh. Noihki tlahpixtoskeh ma kitlantokah intlaxtlawil kemin kitlanish tlen tekipanowah itech teilwiloyan.

Amikah welitis kikitzkiskeh noso kikaltzakuaskeh tlalia itlah kitewikilia inawak okse altepetlakatl tla keh inon tewikilistli amo okachi teowitzilish.

Tlanawatitzintli (Art. 18). Ihkuak sen tlakatl noso sen siwatl kitlahtlakoltiah, welitis kanah keski tonal kikaltzakuaskeh ompa teilpiloyan tzikitzin, sekan kinkaltzakuaskeh tlakameh wan oksekan siwameh. Wan nekateh tlen temiktihskeh, sepantlaxtektinemih noso sepanixkistinemih oksekan weyi teipiloyan kinkaltzakuaskeh.

Itech tlahtlakoltlaxtlawilkan kanin kintlaxtlawaltiah nochtin tlahtlakolehkeh, kinmachtiah ma tekipanokah, ma mawiltikah, ma tlahuilokah ma amoxpowakah, wan tlatlamantli tekichiwalli, kanpa inon tetlakah tlen achtopan ixkiskeh noso temiktihskeh okatkah, moyehyekoskeh wan moyektlaliskeh itech innemilis wan ihkon, oksepan kintlasohtlaskeh itech weyi tlakaolocholli.

Weyi Tekiwhakan tlen kinotzah *Federación*, tlalnakotonaltin tlen kinnotzah *Estados* wan tlalnanyolotl tlen kinotzah *Distrito Federal* welitis motlahtlapowiskeh wan kintlilanaseskeh amameh kanin kualnestos kanin welitis kinkaltzakuaskeh nekateh tetlakah tlen tlahtlakolehkeh.

Weyi Tekiwhakan tlen kinotzah *Federación*, tlalnakotonaltin tlen kinnotzah *Estados* wan tlalnanyolotl tlen kinotzah *Distrito Federal* kimotekitiskeh wan kiyehyekoskeh kenemin kintlaxtlawaltiskeh nekateh telpochmeh noso ichpokameh tlen yekin kipiah mahtlaktli wan ome noso ayakmo kipanowiah kaxtolli wan eyi xiwitl, tlalia yokipewithkeh inchikonemilis. Kintlaxtlawaltiskeh intlahtlakol wan kintlakawaltiskeh kemin machiohtok itech inin Weyi Tlanawatilli kanpa amo ipan tlaksaskeh tlen intech powi. Nekateh piltomeh tlen ayamo kahxitiah mahtlaktli wan ome xiwitl wan ijkistinemih, tekiwhakeh kipia tlen kintlakawaltiskeh wan kinyektiliskeh innemilis.

Kanpa inon tlahtlakoltlaxtlawilkan kualli tekichiwas, kipia tlen mokawas inmak tlanawatihkapan wan tekiwhakeh tlen melahkayopan kixmatih kenemin kinyektiliskeh wan kintlakawaltiskeh inon chokohtin noso takohtin tlen pewah ijkistinemih. Welitis kinnahnawatiskeh, kinyeknotzaskeh wan kitlahtlaniskeh kenemin kinpaktis motlamitiweh ihkuak moskaltiskeh.

Nochtin teowihkayotzintokalistin tlen kinewaltiskeh ipanpa chokohtin noso takohtin tlen ijkistinemih noso tepantlaksatinemih, tekiwhakeh kipia tlen kimawisittaskeh nochi tlen machiohtiwickit tlanawatiltin. Noihki kipia tlen motlakittaskeh tekiwhakeh tlen sehsekan tlanawatiah. Amo motzahtzakuiliskeh itech intekiyo tlen teilwiloyan tekichiwhah wan tlen tlahtlakolahxiloyan tekith. Amo welitis kintlahtlakolmamaltiskeh takohtin noso chokohtin tlen amo powi wan tlalia kintlaxtlawaltiskeh intlahtlakol, noihki kualyotika kipia tlen kintlakawaltiskeh kinnahnawatiskeh wan kinpalewiskeh ma kiyektilikah innemmilis. Tlalia inon piltomeh, melahkayopan tlahtlakolehkeh wan tlalia walmonehnekis kinkaltzakuaskeh, inon kaltzakualistli amo wehkawas wan kihyowiskeh nekateh piltomeh tlen yokipanowihkeh mahtlaktli wan nawi xiwitl.

Nekateh tlahtlakolehkeh tlen powih nikan totlalnan, tlalia kaltzaktekeh oksekan tetlalnan, welitis kinwalikaskeh kanpa nikan ma kitlaxtlawah intlahtlakol wan nekateh tlahtlakolehkeh tlen oksekan tetlalnan powih, tlalia kaltzaktekeh nikan, welitis kinpanoltiskeh intlalnan kanin powih tla keh ihkon machiohtok itech amameh tlen intoka *Tratados Internacionales*, wan tla keh yehwan tlahtlakolehkeh inpakilis wan tla kitlahtlaniskeh ika se amatlahkuilolli.

Nekateh tlahtlakolehkeh welitis kintlaxtlawaltiskeh intlahtlakol ompa teipiloyan tlen amo wehka mokawah kanin yehwan chanchiwah kanpa amo kinelkawaskeh inchanehkawah, inyolikniyah wan okseki tetlakah tlen ialtepechan kateh ihkon kemin machiohtok itech inin tlanawatilli. Nekateh tlahtlakolehkeh tlen sepanixkiskayotl inpakilis wan nekateh tlen intlahtlakol sentetl teowihtilih welika wehka kinkatzakuatiweh wan kinixkawiskeh.

Kanpa kintlahtlakolahxiliskeh wan kinkatzakuaskeh nekateh tetlakah tlen sepanixkiskayotl inpakilis tekiwahkeh kinixkawiskeh kanin sawel inixkoyanka yetoskeh. Noihi tekiwahkeh welitis kintzahtzakuiliskeh tenotzaloneh tlen ixkoyanka monahnawatiah wan nochipan kinistlakoskeh akin inwan motlahtlapowiah. San kin kawiliskeh inwan ma motlahtlapowi intepantlahtowani. Inin tekichiwalli tlalia walmonekis, noihi kihyowiskeh oksekimeh tetlakah tlen ompa tzaktekeh ihkon kemin kualnestok itech tlanawatilli.

Tlanawatiltzintli (Art. 19). Amikah welitis kikatzakuaskeh teipiloyan wan kipanowiltiskeh expowalli wan mahtlaktli wan ome kawitl noso kemin moihtowa, eyi tonalli wan eyi yowalli, tla keh yehwan tekiwahkeh amo kinextiliskeh kox melakkayapan tlahtlakoleh. Nochi tlen kimihtoltiskeh tekiwahkeh, welika machiohtos itech sen amatlahkuilolli kanin kualnestos kenemin wan kemanian oteowihtilih inon tlakatl noso inon siwatl, akin testlakawia wan akin kistlakawiah.

Welitis kitlahtlanis ma kikatzakuakah ompa teipiloyan sen tlakatl noso sen siwatl ihkuak kimatis inon tetlakah amo tlawelkakiskeh ihkuak kinnotzaskeh ma moteixpantikah innawak okseki tekiwahkeh, noso kikmatis inon tetlakah welitis momakopaskeh ipan akin okintestlakawih noso ihkuak kimatis inon tetlakah, achtopan yokintelwhkeh wan ayimo kitlaxtlawah intlahtlakol. Tlatlakolahxiliani tlen kinotzah Juez, tlanawatis ma kikatzakuakah nekateh tetlakah tlen

sepanixkistinemih tepantlaksatinemih noso sepantlaxtekinemih wan kiwikatinemih
 tepostlatoponiltin noso kinamakah tlatlamantli pahtli tlen techkuatlapololtia wan tikoliskuih. Noihki
 welitis kinkaltzakuaskeh nekateh tlen kiowihtiliah nochi totlalnan.

Itechtlanawatilli machiohtok kemanian yen tlahtlakoahxiliani tlen kinotzah *Juez* welitis tlanawatis
 ma kinkahkawahah nekateh tetlakah tlen otlapalewihkeh itech se teowihtilistli wan tla keh amo
 wel miak tlahtlakolehkeh.

Tekiwah tlen tlanawatia ompa teipiloyan kanin kaltzaktok sen teistlakawiloh, kipia tlen
 motlahtoltis inawak tlahtlakolaxiliani tla keh yokipanowih tonalli kaltzaktok inon teistlakawiloh,
 kemin machiohtok itech tlanawatilli. Tla keh amo kiselis sen amatlahkuirolli tlen kititlanilis yen
 tlahtlakolahxiliani tlen kinotzah *Juez*, kanin kualnestos kox yinelli inon teistlakawiloh otlapalewih
 itech se teowihtilistli, ipan eyi kawitl kipia tlen kikahkawas. Tlamo ihkon kichiwas, welitis yeh
 kitelwiskeh wan kikaltzakuaskeh kemin machiohtok itech tlanawatilli. Noihki moihtowa itech
 tlanawatilli, tlalia inon tetlaka kinekis oktepitzin kaltzaktos, welitis kimotlahtlanis ompa ma
 kipixtokah.

Itech nochi tlahtlakoltemolistli, welika kiwelkakiskeh itlanawatil tlahtlakolahxiliani kanin kualnestos
 kox keh yinelli ikah otlapalewih itech se teowihtilistli. Tlalia itech sen tlahtlakoltemolistli monextis
 itlah okse teowihtilistli, amo kisehsepanoskeh tlahtolli, kipia tlen kipewaltiskeh ixkoyanka okse
 tlatzintokalistli wan amo kimamaltiskeh inon teistlakawiloh tlen amo powi.

Tlalia yokimihtoltihkeh yinelli se testlakawilo sepanixkistinemih wan satepan inon teistlakawiloh
 kicholilis tekiwahkayotl noso okse tlahtlakolahxiliani tlen tetlalnan powi, kineki imak ma
 kipanoltikah tla keh itech powi, ompa ihkon mokawas inon tlahtlakoltemolistli.

Nochi tlatewilistli ihkuak kikitzkiskeh sen tlakaistlawiloh noso ihkuak teipiloyan kaltzaktok, wan
 nochi tlaiknekilistli noso tominkuililistli amo powi kalihtik teipiloyan. Inon tepantlaksalistli
 machiohtok itech tlanawatilli kenemin kitlakawaltis wan kenemin tekiwahkeh noihki amo kipia tlen
 kitekawiliskeh ma tepantlaksakah.

Tlanawatiltzintli (Art. 20). Tlahtlakoltemolistli kipia tlen tlatestlakawis ika tlahtolli. Tekiwahkeh monahnawatiskeh wan motekitiskeh ma moixmati intekyo, inawak miaktin altepetlakah, ma kitekakitikah nowiyan altepemeh kenemin tekichiwhan kenemin amo kinkotontewah tlahtlakoltemolistli tlen yokipewithkeh.

A. Sentetl tlanawatilewaltin:

- I. Tlahtlakoltemolistli kipia tlen kikualnextis kenemin omochih se teowihtilistli, ipantlahtos wan ipan tlahpixtos akin amo tlahtlakoleh wan welika kitlaxtlawaltis akin melahkayopan tlahtlakoleh.
- II. Nochi tlakakilistli mochiwas ixpan tlahtlakoahxiliani tlen kinotzah *Juez* wan amikah okachi kitekawiliskeh ma kikaki wan ma kiyektili nochi tlen kihtoskeh nekateh tlen motelwihtokeh.
- III. Kanpa yen tlahtlakolahxiliani kimihtoltis kenemin kitlaxtlawas itlahtlakol sen tetlaka, kiahsikamatis nochi tlen kimokakitiskeh itech sen teowihkayotzintokalistli. Itech tlanawatilli machiohtok tlenon monehnekis kanpa okseki neskayotilli achtopan kimokakiltis wan kiyektilis yen tlahtlakolahxiliani itech inon teowihkayotzintokalistli.
- IV. Inon teowihkayotzintokalistli mochiwas ixpan sen tlahtlakolahxiliani tlen amo achtopan kixmatis inon teowihkayotl. Nochi teistlakawilistli wan telwlistli kipia tlen moteixpantis inawak altepetlakameh tlen tenotzaltin.
- V. Achtopan motlahtoltis yen teistlawini kanpa kitemakas nochtin neskayotiltin kanin kualnestos kox melahkayopan sen tlakatl noso sen siwatl tlahtlakoleh. Akin kiteistlakawiah, noihki welitis motlahtoltis kenemin omowihtilih noso tlalia san kitlahtlakolmamaltiah. Nochtin ome kipia tlen kinkakiliskeh intlahtol.
- VI. Amikah tlahtlakolahxiliani welitis motlahtlapowis sehsekan inwan tetlakah tlen motelwihtokeh tla keh yokipewithkeh sen teowikayotzintokalistli. Kipia tlen kitlakittaskeh tlen machiohtok itech inin tlanawatilli.
- VII. Ihkuak yokipewithkeh tlahtlakoltemolistli, tlalia sen teistlakawiloh kitekawilis, welitis ompa tlamic inon tlahtlakoltemolistli kemin ihkuitok itech tlanawatilli. Tla keh inon teistlakawiloh inawak tekiwhah *judicial* kimihtoltis yinelli ixbonyaka omowihtilih wan amikah okitopeh ma kichiwa tlen

okichih wan tla keh tlahtlakolahxiliani kinpias miaktin nekayotiltin kanpa kitlahtlakoltiskeh inon teistlakawiloh, saniman kinnotzas altepetlakah tlen intech powi wan inixpan motlahtoltis kenemin kitlaxtlawas itlahtlakol inon tetlaka. Noihki ihkuilitok itech tlanawatilli kenemin welitis kipalewiskeh inon tlahtlakoleh ihkuak yokahsikama itlahtlakol.

- VIII.** Tlahtolahxiliani tetlahyowilmakas ihkuak sen tlakaistlakawiloh kiahsikamatis itlahtlakol.
- IX.** Itlah okse neskayotilli, tlalia ika tepantlaksalistli kiteixpantiskeh amo kipia tlen kineltokaskeh tekiwahkeh wan.
- X.** Nochi tlen nikan ihkuilitok noihki kipia tle kitlakittaskeh itech oksekintin tekakiliskan tlen achtopan mochiwah itech sen tlahtlakoltemolistli.

B. Tlen itech powi se teistlakawiloh.

- I.** Welitis kihtos amo tlahtlakoleh, tlalia yeh tlahtlakolahxiliani tlen monotza *juez* ayakmo kimihtoltia kox yinelli tlahtlakoleh.
- II.** Ma tlatlahto noso ma mihyokawa. Ihkuak kikitzkiskeh kipia tlen kiliskeh tlekan ihkon kikitzkiah wan tlen itechpowi, amo kipia tlen ipan tlaktzaskeh, kimahmawtiskeh noso kitzahtzakuiliskeh tlalia kinekis kanah tenotas. Amitlah ipati tlen kihtos inawak tekiwah tla keh amo ixpan itepantlahtowani.
- III.** Ma kinextilikah ihkuak kikitzkiskeh wan ihkuak kiteixpantiskeh inawak noso inawak tlahtlakolahxiliani tlen owihkayotl ikokitestlakawihkeh wan tlen itechpowi. Tlalia sepanixkiskayotl ipan nentinemi, tekiwah *judicial* welitis tlanawatis ma moixkawihto itokayo akin okitestlakawih.

Itech tlanawatilli machiohtok kenemin kipalewiskeh inon teistlakawiloh tlalia kinpalewis tekiwahkeh kanpa kitzintokaskeh se teowihtilistli tlen noihki kinotzah sepanixkiskayotl.

- IV.** Kiseliliskeh tetlakah tlen inixpan otlamochih wan noch i neskayotiltin tlen kinteixpantis ihkuak kinotzaskeh, ihkon kemin ihkuilitok itech tlanawatilli. Tekiwahkeh kipalewiskeh ma monotzakah inon tetlakah tlen inixpan otlamochih kanpa motlahtoltiskeh inawak noso inawak tlahtlakolahxiliani.

V. Kipia tlen kitlahtlakolahxilis sen tlahtlakolahxiliani noso sen tlakaolocholli tlen teowihkayoyektlaliani, inixpan oksekintin altepetlakah tlen tenotzaltin. Welitis amo teixpan tekichiwaskeh tlalia tekiyahkeh ihkon tlanawatiskeh kanpa tlahpixtoskeh inpan tetlakah tlen omotelwihkeh, tetlakah tlen inixpan otlamochih, konemeh tlen teistlakawiah noso ihkuak sentetl techowihtilis itech totlalnan.

Tlen tekichiwalli achtopan ewa itech sepanixkiskayotl itzintokalis, tekiyah welitis kineltokas tlalia nekateh tlen inpan otlahtlaksakeh noso tetlakah tlen inixpan otlamochih mahmawih wan amo kinextisnekih nochi tlen kimatih, itech inon teowikayotzintokalistli. Teistlakawiloh itechpowi motlahtoltis wan kinextis okseki neskayotiltin kanpa motlahtolpalewis wan kinixnamikis tekiyahkeh intlahtol.

VI. Kimaktiskeh nochi tlen powi kitlahtlanis kanpa motlahtolpalewis wan nochi kimachiotiskeh itech tlahtlakoltemolistli.

Teistlakawiloh wan itepantlahtowani welitis kipowaskeh tlen otlamachiotihkeh itech tlatzintokalistli, ihkuak teistlakawiloh kaltzaktok wan tekiyahkeh kinekiskeh iwan motlahtlapowiskeh. Noihki ihkuak yekin semipan moteixpantis inawak tlahtlakolahxiliani welitis kipowaskeh inon tlamachiotiltin kampa kiyehyekoskeh kenemin ipantlahtos itepantlahtowani. Ompa pewas ayakmo kixkawiskeh nochi tekichiwalli tlen moneki itech inon tlatzintokalistli san tlen ihkuilitok itech tlanawatilli tlalia welmonekis kanpa tekiyahkeh kitlayekapankixtiskeh intekiyo wan tla keh amo kitzahtzakuiliskeh teistlakawiloh itepantlahtolis.

VII. Amo kipanowis nawi metztli kanpa kitlahtlakolahxiliskeh tlalia inon teowihtilistli ipati san kanah ome xiwitl kaltzaktos teilpiloyan wan tlalia inon teowihtilistli welika kipanowis ome xiwitl kaltzaktos, welitis amo kahxitiskeh sen xiwitl kanpa kitlahtlakolahxiliskeh. Tlalia yen teistlakawiloh kinekis welitis kimotlahtlanis inawak tekiyah, oktepitzin ma mowehkawa kanpa kiyektlalis itepantlahtolis.

VIII. Itechpowi, ipantlahtos sen tepantlahtowani tlen ixkoyanka kimotemolis ihkuak kikitzkiskeh wan tla keh amo kinekis noso amo welitis inewiyan kitlakewas, yen tlahtlakolaxiliani kitekitis sen

tepantlahtowani tlen nochtin teistlakawilohkeh inpan tlatlahtowa. Noihki itechpowi, itepantlahtowani nochipan ihkuak kinotzaskeh ipanpa ma tlakakiti wan ipanpa ma tlahtoti.

IX. Amo wekawitl kaltzaktos teipiloyan, tla keh amo kipias tomin kanpa kintlaxtlawis tepantlahtowaneh noso itlah okse tomitlahtlanilistli tlen amo powi noso tlalia oksekan tetlawikilia.

Tlalia sen teowitilistli amo wel tekualanis wan tekiwahkeh kihtoskeh amo miak tonalli kaltzaktos wan tlalia ihkon machiotok itech tlanawatilli, amo kaltzaktos wehkawitl ompa teipiloyan wan amo kipanoltiskeh ome xiwitl. Tlalia yokipanowih inon kawitl wan ayakmo kitlahtlakolahxiliah kipia tlen saniman kikahkawaskeh inon teistlakawiloh, wan amo ikinon kikotonaskeh tlahtlakoltemolistli. Noihki welitis tekiwahkeh moyehyekoskeh kenemin kinchiwaltiskeh nekateh tlen motelwihtokeh, ma tlapalewikah kemin powi, itech inon teowihkayotzintokalistli.

Tlalia sen teistlakawiloh kitlahtlakolahxiliskeh wan tekiwah tlanawatis ma kaltzakto ompa teipiloyan, kipia tlen kinpowas nochtin tonalli wan pewitis inon powalli ihkuak okikitzkihkeh.

C. Tlen itech powi akin okiknelihkeh noso ipan otlahatlaksakeh.

I. Kipia tlen kinahnawatiskeh kenemin motlahtolpalewis itech sen teowihkayotzintokalistli; kipia tlen kimachitiskeh tlen itech powi, kanin machiohtok itech inin tlanawatilli wan kenik mochihtok inon tlahtlakoltemolistli.

II. Tepalewis ompa Telwiliskakiloyan kanpa kiseliliskeh neskayotiltin wan nochi tlen powi kanpa motlahtolpalewis kanin ewa tlatzintokalistli noso itech tlahtlakoltemolistli, tepalewis noihki kualli ma motlahtoltakah ompa telwiliskakiloyan. Welitis noihki mokahkalakis itech inon teowihkayotzintokalistli kanpa kinnextis neskayotiltin tlen ik motenpalewis tla keh itech powi.

Ihkuak yeh telwiliskakini kimihtoltis amo wel monekis sen telwilistli ma kimotekiki yen tlahtlakolahxiliani, kipia tlen kimachiotis itlahtol wan motlahtolpalewis itech tlanawatiltin.

III. Tlalia kanah okipachilihkeh noso okikokoltihkeh, saniman kipia tlen kipahtiskeh noso kipahmakaskeh wan kiyoloseewiskeh.

IV. Welika kitlaxtlawiskeh tlen ipan otlahatlaksakeh. Walewa yen kipia tlen kitetlahtlanis ma motlaxtlawi akin tepan otlaksak, walewa yen tlen ipan otlaksakeh, welitis kitetlahtlanis inewiyan ma kitlaxtlawi yen tlalistlakawiloh. Wan yen tlahtlakolahxiliani amo welitis kitlapohpolwis inon teistlakawiloh tla keh yotlanawatih ma kaltzakto ompa teilpiloyan.

Tekiwahkeh kihtoskeh kenemin sen teistlakawiloh, tla keh yokitlahtlakolahxilihkeh saniman kitetlaxtlawas tlen ik omowihtilih.

V. Kipia tlen kixkawiskeh nochi tlen ixbokoyanka powi wan amo kipia tlen tlahtolxihxiniskeh, ihkuak akin ipan otlaksakeh ok piltontli noso ihkuak sawel tepinati tlen okitokthkeh. Noihki kixkawiskeh tlatlamantli tlahtolli tlen kinextiah nekateh tlen inixpan itlah otlamochih, tla keh nekateh teistlakawilohkeh sepanixkiskayotl inpakilis. wan nochi tlen monehnekis kanpa amo kitzatzakuiliskeh tepantlahtolistli.

Tlen tekitih ompa Telwiliskakiloyan, kipia tlen inpan tlahpixtoskeh akimeh inpan otlahatlaksakeh, akimeh inixpan otlamochih wan nochtin tlen omokalakihkeh noso okinkalakihkeh itech inon teowihtilistli. Nekateh tlalistlakolahxilianeheh tlen kinnnotzah *jueces* kipia tlen tlalistlakohtoskeh kanpa welika mochiwas inin tekitl.

VI. Itech powi akin omotelwi, kitetlahtlanis inawak tekiwah nochi tlen monehnekis kanpa kimaktiskeh tlen itech powi wan amo oksepan ipan ma tlaksakah.

VII. Kitlahtolmelahkayotis tekiwah tlen kinotzah *judicial* tlalia sen Telwiliskakini amo nochi otlamachiotih noso amo nochi okihtoh wan inon tlalistlakoltemolistli amo kualyotika motlamitih wan amo kualli motlaxtlawas inon teowihtilistli.

Tlanawatiltzintli (Art. 21). Tlen tekitih ompa Telwiliskakiloyan, intech powi kitzintokaskeh nochi teowihtilistli wan tepantlahpixkeh tlen kintokayotiah *policías* amo inixkoyanka monawatiskeh, kipia tlen kiwelkakiskeh akin tlanawatihtok ompa Telwiliskakiloyan.

Intech powi yehwan tlen tekitih ompa Telwiliskakiloyan wan tepantlahpixkeh tlen kinnotzah *policías*, motekitiskeh itech sen teowihtillistli kanpa ma kintlaxtlawaltikah akimeh tlahtlakolehkeh. Tlanawatilli kimihtoltis kemanian yehwan altepetlakameh, welitis kitelwiskeh tekiyah tlen kiliah *judicial*, tlalia noihki tlahtlakoleh.

Yen tekiyah tlen kiliah *judicial* itech powi kitlalis, kipatlas noso kimihtoltis tlen achi wehkawas tlahtlakolihiyowilitli tlen kitlaxtlawaskeh nekateh tlen melahkayopan tlahtlakolehkeh.

Yen tekiyah tekixehxelowani itech powi, kitlalis kenemin welika motetlaxtlawis akin ixpetokkisas wan amo kintlakittas tlanawatiltin tlen powih tekiyahkapan noso tepantlahpixkan. Welitis kikaltzakuaskeh, kitekipanoltiskeh noso san kanah kech tomin kitlaxtlawaltiskeh. Tla keh inon ixpetokkisan amo kinekis tekipanos noso tomin kitlaxtlawas, kikaltzakuaskeh teipiloyan se tonalli wan tlahko wan amo kipanoltiskeh senpowalli wan kaxtoli wan se kawitl.

Tlalia inon ixpetokkisan tlen amo kintlakitta tlanawatiltin tlen powih tekiyahkapan noso tepantlahpixkan wan tekipanowa tetekipan, amo welitis kitlaxtlawaltiskeh okachi miak tomin tlen itech sen tonalli kitlani.

Nekateh tlen amo tetekipan tekipanowah, tla keh amo kintlakitta tlanawatiltin tlen powih tekiyahkapan noso tepantlahpixkan, amo welitis kintlaxtlawaltiskeh okachi miak tomin tlen itech sen tonalli kitlani.

Yen telwiliskakini welitis kimoyehyekoltis wan kimihtoltis kemanian yeh ipan powi ikah kikaltzakuas teipiloyan noso kitlaxtlawaltis kemin machiohtok itech tlanawatilli.

Weyi tlahtowani tlen kitokayotiah *Ejecutivo Federal* itech powi motlahtlanis innawak oksekimeh tlahtowaneh tlen kinnotzah *Senado*, kanpa kimihtoltiskeh kox kitekawiliskeh ma mochantlaliki okse tlahtlakolahxiyoyan tlen kinnahnawatia okseki tetlalnatin tlen powih itech semanawak.

Tepantlahpixkalistli tlen kiliah *seguridad pública* kahki imak Weyi Tekiwhakan tlen kinotzah *Federación*, tlalnanyolotl tlen kiliah *Distrito Federal*, tlalnankotonaltin tlen kinnotzah *Estados* wan altepetlahtolkan tlen kintokayotiah *Municipios*. Inon tepantlahpixkalistli kipia tlen kinnahnawatis nochtin tetlakah kanpa amo mowihtiliskeh. Kipia tlen kitzintokas nochti teowihtilistli kanpa melahkayopan mochiwas inon tepantlahpixkalistli. Wan noihi kintetlaxtlawaltiskeh akimeh amo tekitlakittah, kemin inin Weyi Tlanawatilli kineskayotia. Nochtin tlanawatihkapan kanin powih tepantlahpixkeh, kipia tlen kichiwaskeh inteki, ika kualyotika, ika pakilstli, ika melahkayotl wan kimawisittaskeh tlen totech powi, kemin mopowa itech inin Weyi Tlanawatilli.

Tlanawatihkapan kanin powih tepantlahpixkeh, kipia tlen moyeknawatiskeh, kiyekchiwaskeh intekiyo ika miak ixtlamachilistli wan tlen ompa tekipanoskeh kipia tlen motlakamatiskeh. Yen telwiliskakiloyan wan oksekimeh tlanawatihkapantin kanin powih tepantlahpixkeh kipia tlen mosepannotzaskeh kanpa moyekchiwas inon tepantlahpixkalistli tlen kiliah *seguridad pública* wan noihi inon tlanawatihkapantin powih itech okse Weyi tlakaolocholli tlen kinotzah *Sistema Nacional de Seguridad Pública*, tlen itech totlalnan sentetl tlanawatia. Inon Weyi tlakaolocholli kipia tlen kintlakittas ininteh tlanawatilewaltin:

- a) Weyi Tekiwhakan tlen kinotzah *Federación*, tlalnanyolotl tlen kiliah *Distrito Federal*, tlalnankotonaltin tlen kinotzah *Estados* wan altepetlahtolkan tlen kintokayotiah *Municipios*, intech powi kinpehpenaskeh, kinseliskeh kinmakhmachtiskeh, wan kimihtoltiskeh kox keh nochtin altepetlakah tlen ompa tekitih, melahkayopan powi ma yetokah itech inon tlanawatihkapan kanin motemaka tepantlahpixkalistli.
- b) Nochtin tlanawatihkapan kanin motemaka tepantlahpixkalistli, amo kitekawiliskeh ikah tetlakah ma kalaki, tla keh amo ixmachtli wan tla keh amo achtopan kitlatemoliskeh itech inemilis. Kipia tlen kimachiotiskeh nochti tlen tlamoche, tlen moixmati wan tlen monehneki itech inon tlanawatihkapan.
- c) Noihi kipia tlen motekitiskeh tlatlamantli tekichiwalli kanpa nochtin altepetlakah kualli moyehyekoskeh wan amo okachi mowihtiliskeh.
- d) Altepetylakameh welitis kimihtoltiskeh kox yompa noso amihtok tepantlahpixkeh intekiyo kanpa altepetlakah amo okachi mowihtiliskeh. Noihi welitis kihtoskeh kox yompa noso amo

kualli kahki tlen kimotekitiah tlanawatihkapan kanin motemaka tepantlahpixkalistli. Ihkon ik tlapalewiskeh altepetlakameh.

- e) Tomintlaxelolli tlen ik kipalewiah tlanawatihkapan kanin motemaka tepantlahpixkalistli, tlalia kititlanis Weyi Tekiwhakan tlen kinotzah *Federación*, welika kintitlanilis inmak tlalnankotonaltin tlen kinnotzah *Estados* wan altepetlahtolkan tlen kintokayotiah *Municipios*, inon tomin kinehnekiskeh kanpa kualli ma motemaka tepantlahpixkalistli.

Tlanawatiltzintli (Art. 22). Tekiwhakayotl amo powi kitekawilis ikah teistlakawiloh noso tlahtlakoleh, ma kitlahyowiltakah, ma kitominkuilikah, ma kikuawtemakah, ma kineskayotikah itech itlakayo, ma kitlalkuilikah, ma kitzohtzontekakah noso ma kimiktakah. Nochi tlahtlakolihyowilitlistli tlen kitialis tlahtlakolahxiliani tlen kiihliah *juez*, kanpa ma motlaxtlawas se teowihtilistli, kipia tlen yetos sawel ipatka inon teowihtilistli.

Amo moihtos tlakuililistli tlalia sen tekiwha motlahtolchikawas wan tlanawatis ikah ma motlaxtlawi kanin tetlawikilia noso tlen ikomowihtilih, maski ika kualankayotl kitemakas nochi tlen kipixtok. Noihki amo tlakuililistli tlalia sen tekiwha tlanawatis ma kitemaka noso ma kikuilikah nochi tomin tlen amo ika kualyotika okimoaxkatiloh. Ihkon machiohtok itech tlanawatiltzintli 109. Intech powi tekiwhkeh, kimihtoltiskeh kemanian wan kenemin inon tomin tlen kinkuiliah noso kikahtewah nekateh tominixtekih, mokawas imak Weyi Tlahtowankayotl wan kipia tlen kintlakittas okseki tlanawatiltin ihkuak itlah tomin kiselis:

- I. Inon tekichiwalli kipia tlen kixkoyantiskeh wan kineskayotiskeh kanin ewa wan kanin tlamic, amo kipia tlen kisepanoskeh itech okse teowihtilistli.
- II. Inon tekichiwalli mochiwas tlalia ikah sepanixkistinemi noso kinnamaka noso kixehxelohtinem tlatlamantli pahtli tlen tekuatlapololtia noso tekokoliskui. Noihki tlalia ikah tekatzakua noso kinixtektinemi nenkaltin tlen kiniliah *vehículos* wan tlalia ikah kinextiliskeh, siwameh noso tlakameh kintetekiwiiltia noso kinnamakatinemi. Nochi inon teowihtilistli kipia tlen kitzintokaskeh tekiwhkeh, welitis kitekuiliskeh:

- a) Inon tlatlamantli tlen ik omowihtilihkeh, welitis yetos se tlamantli tlen okinehnekih noso tlen okipixkakeh ihkuak omowihtilihkeh. Tekiwhah welitis tlanawatis ma kintlatemolikah wan tlalia kintlahtlakolahxiliskeh welitis kintlakuiliskeh wan tlakalotiskeh ompa tekiwhahkapan, maski tlahtlakolahxiliani tlen kiliaj juez satepan tlanawatis tlen achi intlahtlakol.
- b) Inon tlatlamantli tlen ika omopalewihkeh akimeh omowihtilihkeh noso tlen ik motlapachiliskeh, tla keh yinelli kinahxiltiskeh tlahtlakolli itech se teowihtilistli.
- c) Inon tlatlamantli tlen kimotlanewiskeh kanpa kichiwaskeh se teowihtilistli. Tekiwhah welitis tlanawatis ma kintekuilikhwan ma kinkalotikah tekiwhahkapan tla keh akin imak okatkah amo okinawatih tekiwhah noso amo okintlakawaltih nekateh tlakahixpetoktin.
- d) Inon tlatlamantli tlen amo kinextiah akin melahkayopan inaxka. Tla keh okse tokayotl kimoaxkatilia wan tlalia yomonextih inon tlatlamantli nelitok itech se teowihtilistli, tekiwhah welitis tlanawatis ma kinkalotikah tekiwhahkapan.

III. Nochi altepetlakah tlen moihnomatis kitlahtlakolmamaltiah, welitis kiteixpantis tlatlamantli neskayotl kanin kualnestos nochi tlen kipihpia, melahkayopan iaxka, noihki kinextis kox inemilis chipawak wan tla keh yinelli amo okimatiaya kox keh, tlen okitetlanetih otlapalewih itech se teowihtilistli.

Tlanawatiltzintli (Art. 23). Itech se teowihkayotzintokalistli, amikah welitis ohpatian kitlahtlakoltemoliskeh, tla keh semi yokitlahtlakolahxilikeh wan yokitlaxtlawaltihkeh noso okitlapohpolwihkeh. Amo welitis ikah kitlapohpolwiskeh ompa tlanawatihkan kanin okitlahtlakolaxilihkeh wan kanin yotlanawatihkeh ma motlahtlakoltlaxtlawi.

Tlanawatiltzintli (Art. 24). Nochtin tlakameh wan siwameh, welitis kineltokaskeh tlen teotlahtolli inpakilis wan nochi tlachiwalli tlen kinpaktis kanpa moteochiwaskeh noso kilwtiliskeh inteko, tla keh amo kinowihtiliskeh oksekimeh tetlakah wan amo kitlahtolnamikiskeh tlanawatilli.

Weyi tlakaolocholli tlen tlanawatilchiwa tlen kinotzah Congreso, amo welitis tlanawatis ma kiewaltikah noso ma kitzahtzakulikah sen teoneltokalistli.

Nochi teoneltokalistli welika kalihtik teopantli kipia tlen mochiwas wan tlakeh monekis kalan molwitaliskeh, kipia tlen kintlakittaskeh wan kiwelkakiskeh nochtin tlanawatiltin.

Tlanawatiltzintli (Art. 25). Weyi Tlahtowankayotl itechpowi kiyektilis tlalnantli itlayakapankisalis kanpa melahkayopan moyektlalis isentilis, inemilis wan itekiwhakayo, ihkon kemin nochtin altepetlakah kinekih. Moyehyekoltis wan motekitis kenemin nochtin kipiaskeh tekitl, kenemin amo kinpolos tomin tlen monehneki wan kenik mosepanxehxelos nochti tominpixkaitl tlen onkah itech tlalnantli, kipia tlen kitekawilis nochtin inyolika nowiyan ma nentokah wan amo kanah kintzahtzakuiliskeh. Ihkon powi wan ihkon machiohtok itech inin weyi Tlanawatilli.

Weyi Tlahtowankayotl kiyehyekos, kiyekanas wan kiyektilis nochti tekitl kanin tlalnatli welitis tominpixkas wan tlahpixtos kenemin moyekxelos nowiyan kanin monehnekis kemin powi wan kemin mopowa itech inin Weyi Tlanawatilli.

Itech tlalnantli itominyakapankisalis tlapalewiskeh ika tetlakittalistli, tlen ixbuyanka tekapanowah, tlen tekiwahtlakewaltin wan nochtin altepetlakah tlen nikan chantihokeh, wan noihki welitis okseki tlatlamantli tekitl mochiwas kanpa tlalnantli tlayakapankisas.

Nekateh tlen kiyekanah tekiwhakayotl kipia tlen inmak mokawas inon tekitl kanin okachi monehneki ma tlahpixtokah tlakameh wan siwameh tlen okachi tlayehyekolehkeh wan tlen okachi ixtlamatkeh kemin machiohtok itech **Tlanawatiltzintli 28º**. Ipan nawi tlahuilokotonalli tlen mopowa itech inin Weyi Tlanawatilli. Weyi tlahtowani amo kitekawilis oksekimeh tetlakah ma kimoaxkatilikah wan nochipan tlahpixtos wan kinyektilitos intekiyo, nekateh tlen tekapanowah ompa tlanawatihkan.

Noihki welitis ixbuyanka noso inwan oksekimeh tlakaolocholtin tlen mosepanpalewiah, kiyekanas inon tekitl tlen okachi miak tomin kitemaka, ihkon kemin moihtowa itech tlanawatilli.

Kualli moyehyekos kenemin kinpalewis nekateh tlakaolocholtin tlen kitekipanoltiah intomin wan motlahtoltis kenemin yehwan noihki tlapaleewiskeh. Noihki kimihtoltis kenemin nochtin

altepetlakah kiseliskeh inon tekichiwalli wan kenemin kimalwiskeh inchan kanpa amo ihtlakawis nochि tlen techyawalowa.

Tlanawatilli kimihtoltis kenemin mosentiliskeh nekateh tlakaolocholtin tlen mosepanpalewiah wan kenemin kiweyiliskeh intekyo tlen monehneki itech weyi tlakaolocholli, kenemin tominpixkaskeh wan kanin kinamakaskeh intekichiwal.

Tlanawatilli kinyolewas wan inpan tlahpixtos nekateh tlen inixkoyan kitekipanoltiah intomin wan kimihtoltis kenemin noihki tlapalewiskeh kanpa moyektlalis wan tlayakapankisas tlalnantli kemin moihtowa itech inin Weyi Tlanawatilli.

Tlanawatiltzintli (Art. 26).

A. Weyi Tlahtowankayotl tlen kiliah *Estado* kiyektlalis nochि tekitl tlen onkah itech tlalnantli wan tlahpixtos kanpa nochtin altepetlakah kipiaskeh tekitl wan kipalewiskeh tlalnantli ma tlayakapankisa itech tlatlamantli ixtlamachilistli tlen nowiyan monehneki. Ihkon amo okse tetlalan nan topan tlanawatihtos.

Tlalnantekiyehyekolli tlen kiliah *proyecto nacional*, tlen machiohtok itech inin weyi Tlanawatilli tlen kinotzah *Constitución*, kiyektilitos nochि tekitl tlen kualnestos itech amatekichiwalli tlen kinotzah *planeación*. Inon amatekichiwalli mochiwas ika inpalewilis wan intlayehyekol okseki tlakaolocholtin tlen kinnotzah *sectores sociales*. Itech inon amatekichiwalli kipia tlen machiohtos nochि tlen monehneki itech altepemeh wan itech weyi tlakaolocholli tlen kiliah *sociedad*. Kipia tlen yetos okse amatekichiwalli tlen kinotzah *Plan Nacional de Desarrollo*, kanin machiohtos kenemin tlawelkakiskeh okseki amatekichiwaltin tlen kinnotzah *programas* wan powih itech tekixelolkan tlen kiliah *Administracion Publica Federal*.

Tlanawatilli kichikawaltis tlakaolocholli tlen kinotzah *Ejecutivo Federal* kanpa yektlanawatis kenemin mochiwas tekitl tlen motlalis itech okse tekipankan tlen kiliah *Sistema Nacional de Planeación Democrática*, nikan ihkuilos nochि tlen altepetlakah kinekiskeh ma mochiwa, noihki

kitenewaskeh tlahtolnawatilli kanin machiohtos tlen monehnekis ihkuak kichiwaskeh tekitl, noso kox yinelli ipati noso amo, ichin tekiyehyekolli wan itech amatekichiwaltin. Noihki machiohtos kenemin wan akimeh kiyektiliskeh inin tekitl tlen kiliah *Planeacion* kanpa yen tlakaolocholli *Ejecutivo Federal* mopalewis inwan tlalnankotonaltin tlen kinnotzah *Entidades Federativas* wan kintlahtlanilis nochtin altepetlakah ika inteki ma tlapalewikah.

Itech inon tekipankan tlen kinnotzah *Sistema Nacional de Planeación Democrática*, tlakaolocholli tlen kitokayotia *Congreso de la Unión* tekitlahtos kemin machiohtok itech tlanawatilli.

B. Tlahtowankayotl kipias se tekipankan tlen kinnotzah *Sistema Nacional de Información Estadística y Geográfica*, wan nochti tepowalli tlen ompa tlamachiotiskeh kipia tlen kineltokaskeh nochtin altepetlakah. Weyi Tekiwhakan tlen kinnotzah *Federación*, tlalnankotonaltin tlen kintokayotiah *Estados*, tlalnanyolotl tlen kiliah *Distrito Federal*, wan okseki Tekiwhakan tlen kinnotzah municipios, kipia tlen kineltokaskeh wan kinnehnekiskeh inon tepowaltin tlen kinnotzah *datos*, kemin machiohtok itech tlanawatilli.

Se tlakaolocholli tlen kitokayotia *organismo* kintialis tlahtolnawatiltin wan kiyekanas nochti tekitl tlen moixkoyantis, kipias itlanawatil wan noihki nochti tlen kinehnekis ihkuak tekipanos, kipia tlen kololos tlahtolli, kiyektilis wan kixpantis nowiyán nochti tlen kimattis wan tlahtlachias ma kiwelkakikah tlanawatilli.

Inon tlakolocholli tlen kinnotzah *organismo* kipias itlayekanka tlen kinnotzah *Junta de Gobierno* kanin yetoskeh makuilli tlakameh, se tlakatl yetos tlanawatiani tlen kinotzaskeh *Presidente*. yeh tlanawatis itech inon tlakaolocholli tlen kinnotzah *Junta de Gobierno* wan kintekimakas weyi tlahtowani tlen powi itech tlalnantli . Noihki motlahtoltiskeh, Weyi Tlanawatilchiwaloyan tlen kinnotzah *Cámara de Senadores* noso yen okse tlakaolocholli tlen kinnotzah *Comisión Permanente del Congreso de la Unión*.

Tlanawatilli kimihtoltis kenemin tekipanos wan moyekchiwas inon tekipankan tlen kinnotzah *Sistema Nacional de la Información Estadística y Geográfica*, ihkon kemin kihtowah

tlanawatilewaltin tlen kinnotzah *principios* kanin machiohtok kenemin moyekchiwas inon tekitl. Tlakameh tlen yetoskeh itech *Junta de Gobierno* kipia tlen kiwelkakiskeh wan kitemaktiskeh nochi tlen monehneki kanpa kiyekchiwaskeh inteki.

Tlakameh tlen tekipanowah itech tlakaolocholli tlen kiliah *Junta de Gobierno* welitis kintekikuiliskeh tlalia mowihtiliskeh wan amo oksekan kintekimakaskeh. Welitis tekipanoskeh kanin amo kintlaxtlawiskeh, noso kanin tepelewiah wan amitlah tomin kiseliah. Noihki kipia tlen kiwelkakiskeh tlen machiohtok itech nawi tokaitl, tlen kahki itech inin Weyi Tlanawatilli *Constitución*.

Tlanawatiltzintli (Art. 27). Nochi tlalmanalli wan amanalli tlen kateh itech tlalnantli, itech powih tlalnantli wan yeh itech powi kox welitis kinaxkatilis okseki ixbuyantlakameh. Ihkon walnesi teaxkayotl tlen kinotzah *propiedad privada*.

Welitis ikah kitlalkuiliskeh tlalia itech inon tlalli okse tekitl mochiwas kanpa miaktin tlakah kiseliskeh tepalewelistli wan akin kitlalkuiliskeh welika kitlaxtlawiliskeh itlal.

Tlalnanyotl kualtis tlalxehxelos tlalia monehnekis itlah tekitl, ihkuak kinpalewis altepetlakah, noihki kiyekittas kenik mochiwa palewelistli tlen mokixtia itech tlalli, kinahsivilis tlalli nochtin altepetlakah tlen kateh tlalnantli, ihkon nochi palewelistli moxehxelos ihkon okachi kualli chanchiwaskeh altepemayomeh, wan altepemeh. Ikinon moyektlaliskeh tlahtolnawatilmeh kanin kihtos kenik motzintlaliskeh altepemayomeh, altepemeh; kenemin kinehnekiskeh tlalli, atl, kuawtlantin, ihkon mottas kenemin mochiwas tekitl tlen kinpalewia altepetlakah; moyeknawatis ken moyankuiliskeh altepemayomeh, noihki kipiaskeh palewelistli wan iskaltlistli; amo kihtlakoskeh kuawayoh yon ameyaltin noso aweyatl; moxehxelos tlalli; tlanawatilli kihtowa kenemin kitekitiskeh tlalli altepetlakah tlen kateh itech tlalxexelolli tlen kinnotzah Ejidos wan altepemayomeh; kualtis kiselis palewelistli akin kimakaskeh achitzin tlalli; motemakas palewelistli akin kitekitis **tlatokalistli**, **tlanemitilpixkiyotl**, **kuawtokalistli**, wan nochi tekitl tlen mochiwa itech altepemayomeh, wan amo mo kiihlakoskeh tlalokan, yon **teachkayotl** wan kiihyowitis itlah amo kualli nikan **altepetlakayotl**.

Tlalnanyotl moixkoyantis wan kimoaxkatilis nochí tlatlamantli tlen onka tlalokan, itech tlen kinotzah *plataforma continental*, wan tlalwaktin tlen kinotzah *zócalos submarinos de las islas*; nochí teyoh noso **minerales**, ayotlatlamantli tlen kateh ipan manalistli, minahtitlan, tlen mantokeh ipan tlalli wan tlalia kikixtiskeh monehnekis okse tekitl, kemin teposmanalistli, tlahtlaxtepostli, tlen monehneki itech tekitl tlen kinotzah *industria*; noihi kánin mantok tepatiyoh, istamanalistli, tepeتلانیتیل wan istatl tlen molochowa itech weyatl; nochí tlatlamantli tlen kisa ihkuak kixitinia tetl, tlalia tekitl kichiwa tlalihtik; tlatlamantli *minerales* noso tlen kiliah *orgánicos* tlen kualtis monehnekis kemin ipahiskaltilistli tlatoktl; nochí tlen tlaxotlaltia; *petroleo* wan tlatlamantli tlen kinotzah *carburos de hidrogeno* tlen tetik, atik, wan ihyotik; nochí semanawaktli tlen kahki tlalnanyotl monawatia kemin machiohtok itech tlanawatilli tlen kitokayotiah *Derecho Internacional*.

Tlalnantli kimoaxkatilis nochí atl tlen ipan kahki, kemin machiohtok itech tlanawatilli tlen kiliah *Derecho Internacional*; atl tlen kahki ihtik tlalnantli; amanalko, chiawatlan tlen ahsiti ipan weyatl; amanalco tlen momana ihtik tlalnantli tlalia motlalowa miek atl itech atoyatl; nochtin atoyameh tlen pankisatiwihih itech weyatl, atl tlen pewas itech sen ameyalli, xopantla wan kikiawi, nochí kisati weyatl amanalko, chiawatlan iaxka tlalnantli; nochí atl tlen papanowa wan tlen kikiawi atl tlen monechikowa ihkuak motlalowa itech atoyameh, tlalia inon weyatl apanotok wan kixehxelowa tlalnantli noso ome tlalnankotonaltin kinxehxelowah, noihi tlalia papanowa itlahkotian tlalnankotonaltin, noihi tlalia kipanowia tlalnantli; amanalko, chiawatlan, atoyameh tlen itlalnamikkan ome tlalnankotonaltin noso okse tlalnantli; nochtin atoyameh tlen nesi itech weyatlihtikan, itenpan atoyatl itenpan amanalko, nochí iaxka tlalnantli, wan nochí tlen kikixtiah kánin tlalmina; nochí atoyatl, amanalko, wan atl tlen motlalowah itlanpa tlalli kemin kihtowa tlanawatilamatl. Nochi amanalli kualtis motlawis ika tekitl wan teachkani moixkoyantis kenemin kinehnekis, wan tlalia nochí altepetl kinehnekis inon tlalli kimoaxkatilis tlalnantli; Weyi tlanawatiani kualtis kiyekchiwas tlahtolnawatilli kánin kihtos tlen mokixtis, monehnekis noso amo, noihi okseki atl tlen iaxka tlalnantli. Tlen amo motenewa nikan, noihi iaxka tlalnantli nochí tlen kahki tetlalpan kánin motlalowa atl noso momana, maski yetos inpan ome tetlalan monenehkis tlalia Weyi tlahtowankayotl kinnehnekis.

Tlatlamantli tlen machiohtok nikan intech ome tlahuilolkotonaltin, kihtowa tlen tlalnanti iaxkayo, amo kualtis motemakas noso monamakas, wan nochi tlen altepetlakah kinehnekiskeh, moneki achtopan kiwelkakiskeh tlanawatilli, wan san Weyi Tlanawatiani kualtis kichiwas sen temakalisli, wan yeh noihki kittas tlen kihtowah tlanawatiltin. Tlanawatiltin tlen kihtowa kenemin mochiwas tekitl kanin kikixtiah petlaktetl tlen kinotzah *minerales* wan tlen kintokayotiah **substancias** ihkon kemin machiohtok itech nawi tlahuilolkotonalli, tlanawatiskeh kenik mochiwas wan kenemin mottas kox omochih noso amo nochi tekitl kemin kahki ihluilitok, maski amo motenewas tlen tonalli omotemakak, tlalia amo mowellakis Weyi Tlanawatiani kitekuilis inon palewlistli. Weyi Tlanawatiani tle kinotzah *Gobierno Federal* kualtis tlanawatis kanin mochiwas tekitl noso kinkuilis akin amo kiyekchiwa iteki. Weyi Tlanawatiani ixkoyanka kihtos akin tekipanos kemin kahki machiohtok itech tlanawatilli. Tlalia tlen motemakas yen chiapotl tlen kiliah *petroleo* noso *carburos* tlen kikixtilah *hidrógeno* tlen kahki tlakuawak, ayoh, noso pokyoh, noihki petlakmeh tlen tlixitinia, amo motemakas amatekitl, yon amo mochiwaskeh maski yomotemakak wan Tlalnanyotl kitekuilis nochi tlen kikixtiskeh kemin kihtowa tlanawatilli. Ixkoyan tlalnanyotl kichiwas, kixehxelos, wan kitemakas tliyotl tlen kinotzah *electricidad* tlen kinehnekiskeh nochtin altepemeh, altepemayomeh. Amo motekawilis ma kitekitikah altepetlakah inon tlatlamantin, wan Tlalnanyotl kinehnekis nochi tlen monekis ihkuak inon tekitl monekis.

Noihki Tlalnanyotl moixkoyantis wan kimoaxkatis tlatlantli tlen mochiwa ihkuak mokixtia tlitl tlen kitokayotiah *energía nuclear*, wan kihtos kanin monehnekis. Inin tlitl amo monehnekis ika kualankayotl.

Tlalnanyotl tenawatia tlalkotonalli kanin motomintemoliah tlen kinotzah *zona económica*, wan amo kahki inawak weyatl iyaxka totlalnan, tlen itech powi tlalnanyotl wan kanin tlanawatia moyektilis itech Weyi Tlanawatilchiwaloyan tlen kitokayotiah *Cámara de Diputados*. Tlalkotonalli kanin motomintemowah yetos kanin tlamiti mahtlaktli powalli *millas náuticas*, wan motomachiwaskeh kanin tlami weyatl tlen iyaxka totlalnan. Kanin yetoskeh ome tlalkotonaltin kanin motomintemowah tlen iaxka oksekimeh Tlanankotonaltin, motlahtlapowiskeh kenemin moxehxelos inon tlalkotonaltin kanin motomintemoliah.

Tlalnantli kimoaxkatisis nochitlalli wan atl, ikinon kiwelkakis ininteh tlahtolnawatiltin:

I. San tlakameh wan siwameh tlen oneskih Tlalnantli, noso akin nikán omochantlaliko itech powi, kualtis kipias tlalli, atl, wan nochitlalli kinehnekiskeh ihkuak kitekitiskeh tlatlamantli tlen nikán kahki. Weyi Tlahtowankayotl tlen kiliah *Estado*, kualtis iaxkatisis powilistli tetlalnantlakatl, tlalia moteixpantiskeh *Secretaría de Relaciones* wan kihtoskeh kemah nikán chantiskeh, wan amo kihtoskeh intekiwah kinpalewis ihkuak moaxkatisis tlen tlalnantli iaxka; tlalia ihkon kihtoskeh, palewlistli tlen kitemakah tlalnantli kinkulis wan kimoaxkatisis, noihki nochitlalamantli tlen nikán otekichihkeh. Tetlalnantlakah amo kualtis kimoaxkatiskeh tlalli wan atl tlen tlamiti makuili powalli *kilómetros* tlalnamikan, wan ome powalli wan mahtlaktli *kilómetros* tenweyatl.

Weyi Tlahtowankayotl achtopan kittas tlen kimoaxkatisis tlalnantli, wan *Secretaria de Relaciones* kihtos kenemin moyekxehxelos tlalli, wan kox ikah Tetlaltoltiankayotl kualtis mochantiki nika, kanin kateh Tlanawatihkan tlen kintokayotia *Poderes Federales*, kipias kanin walehkos mexkotlalpan itech chanti kanin kinnotzah *embajadas* noso *legaciones*.

II. Tlakaolocholtin teotlahtoltokaneh tlen monechikowah kemin kihtowah tlanawatiltzintli 130 wan itlanawatil kihtowah kema kualtis kipias, moaxkatisis noso kitekipanos, san yeh, nochitlalamantli tlen kinehnekis ihkuak motekitis, kiwelkakis tlen machiohtok itech tlanawatilli tlen kinotzah *ley reglamentaria*;

III. Tlakaolocholtin tepalewianeheh, tlen kitemakah tekiwha noso ixkoyankatlakah, tlen tepalewia akin amitlah kipia, tlatzintokalyotl, tlen kitenehwa temachtili, tlakapalewlistli noso okse kualli tekitl, amo kualtis kipiaskeh miak tlatlamantli san tlen kinehnekiskeh ihkuak kichiwaskeh itekih, kemin kihtowah itech tlanawatilli.

IV. Tlakaolocholtin tlanamakaneh tlen mopalewia ika amatli tlen tomin ipati wan kitokayotia *acciones* kualtis kimoaxkatiskeh tetlalan san tlen kinehnekiskeh ihkuak kichiwaskeh iteki.

Tlakaolocholtin amo kualtis kipiaskeh miek tlalli kanin monehneki tlalaxkayotl, tlanemitilpixkayotl, noso kuawtekiyotl san kanah sen powalli wan makuilpan tetemilistli, kemin kihtowa itech tlanawatilxelolli noso *fraccion* XV kemin kihtowah itech inin tlanawatiltzintli. Tlanawatilli tlen

kiyektilia kenemin mochiwas tekitl, tlanawatis kanah keski tomin motemakas wan keski tlakameh tekipanoskeh itech inon tlakaolocholtin, ihkon sehsen amo kipiaskeh miek tlalli, san tlen kiliah *pequeña propiedad*. Ikinon nochi tetlalan tlen kahki san tlalkawalli, kualtis monechikos wan mopowas keski omochih. Noihki, tlanawatilli kitewas kenemin kualtis tekipanoskeh tetlalnentlah.

Tlanawatilli kihtowa kenemin mochiwas wan momachiotis nochi tlen monawatia itech inin tlahtolxelolistli.

V. Tominpialoyantin tlen kema kualtis kitlatiskeh tomin, noihki tlalaltepetl wan tlalkawalli kemin kihtowa itech tlanawatiltin, amo kualtis kipiaskeh noso kitekitiskeh miak tlalli noso yetoskeh okachi kalehkeh, maski san tlen yehwan kinnehnekih.

VI. Tlalnankotonaltin noso *Estados* wan Tlalnanyolotl tlen kinotzah *Distrito Federal*, kualtis kipiaskeh nochi tlatlamantli tlalli wan kalli tlen kinehnekiskeh ihkuak kiyekchiwaskeh iteki kanin tlapalewiah noso kitemakah palewlistli.

Intlanawatil Weyi Tekiwhakan tlen kitokayotiah *federación* wan Tlalnankotonaltin itech intlanawatihkan, kihtoskeh kox tlalli tlen teaxka monehnekis itech altepetlakayohkan noso amo, tekiwhakapan tlen tlanawatia itlanawatihkan kiteixpantis tlen kihtowa tlanawatilli. Tlamantli tlen motekuilia kipias ipatilistli, wan itlaxtlawil yetos tlen machiohtok itech tlanawatihkapan tlen tominololawah kinotzah *oficinas catastrales o recaudadoras*, teteko kualtis kitlahtlanis itlaxtlawil kemin yeh kittas itlalan, noso kemin yokitlaxtla kanin tominololawah. Tlalli sapanowa miak ipati tlalia itlah okiyektlalihkeh, wan amo miak motetlaxtlawis tlalia amitlah okichihkeh ihkuak ompa chanchiwayah wan tekiwhakeh okimachiotihkeh ipatilistli tlen kinotzah *valor fiscal*, san inin tlamantli mochiwas tlalia mottas kanah kech ipati tetlallan wan tekiwhakeh kichiwaskeh teowihkayotzintokalistli tlen kinotzah *juicio pericial* noso mowellkakis tlanawatilxpantilyotl tlen kitokayotiah *resolucion judicial*. Noihki mochiwas inin tlanawatilli tlalia kateh okseki tlatlamantli tlen amo kipia ipatilistli itech tekitlahtolkan kanin kinotzah *oficinas rentísticas*.

Itlachiwalis Tlanantli, tlen kahki machiohtok itech inin tlanawatiltzintli mochiwas kemin sen tlanawatilxpantilyotl noso *procedimiento judicial*; Tlakaolocholtin tekiyektlalianeh tlen kinotzah *tribunales* tlanawatiskeh yipanowa se mestli, kenik motemakas, motekitis, monamakas tetlalan noso ateskatl ika noch i tlen ipan kipia, tekiwahkapan amo kualtis kihtlakos tlanawatilli tlen yomochih tlalia ayimo moyektemaka tlanawatiltzintlalilistli tlen kiliah *sentencia ejecutoriada*.

VII. Monextia tlanawatilli kanin kihtowa momalwia itlallan altepetlakah tlen kateh itech tlaltekiolocholistli tlen kinotzah *ejido* noso *núcleos comunales*, wan noihki momalwia tlalia ompa chanchiwah noso ompa kahki intlatekipanol.

Tlanawatilli kimawis noch i tlalli kanin kateh masewalaltepemeh.

Tlanawatilli, kimawisittas wan kichikawaltis inemilis tlaltekiolocholistli tlen monotza *ejido* wan altepemayomeh, kimawis tlalli kanin kichiwaskeh inchan wan kihtos kenemin kitekitiskeh wan ahachitzin kinehnekiskeh ihkuak kitekipanoskeh tlalli, kuawayoh, atl tlen noch i kinehneki wan noch i tekitl tlen moneki kichiwaskeh ihkon kipiaskeh tlatlamantli tlen ika monewitlawiskeh altepetlakameh.

Tlanawatilli, kimawisittas tlen kihtoskeh tlaltekiolocholistli tlen monotza *ejido* wan altepetlakameh tlen motokayotiah *comuneros* tlen yehwah kinekiskeh kichiwaskeh ihkuak kitekitiskeh tlalli, ahachitzin kintemaktias palewiliistli tlen intech powi *comuneros* wan tlaltekitlakatl *ejidatario* italla. Noihki kintemakas tlanawatiltin kanin kihtos kenemin tlaltekitlakah *ejidatarios* wan altepetlakameh *comuneros* kualtiskeh san yehwah molochoskeh, noso ika Weyi Tlahtowankayotl noso ikah okse altepetlakatl wan kitemakas itlal ma kitekipanoltikah; tlalia tlaltekitlakatl, kualtis kitemakas itlal itech altepetl; noihki kihtos yeknawatilistli kanin olocholistli *asamblea ejidal* kitemakas itlal. Tlalia ikah kitemakas itlal mowellkakis tlen machiohtok itech tlanawatilli ompa kiutowah tlen itech powi.

Itech altepetl, noch i tlalli tlen kipias tlaltekiolocholli *ejido*. amikah tlaltekitlakatl *ejidatario* amo kualtis kipias tlalli tlen panos 5% noihki oksekimeh kipiaskeh inon tlalli. Tlalia se tlaltekitlakatl

kipias okachi miak tlalli moneki kiwelkakis tlen machiohtok itech tlahuilolxelolli tlen kinotzah *fraccion XV.*

Weyi olocholistli tlen altepetlakameh noso tlaltekiolocholistli kichiwah ikmonawatiah, ika tlakaolocholli wan tekitl kemin machiohtok itech tlanawatilli. Tlayekanki tlen kinotzah comisariado ejidal tlen ompa tlanawatia noso noihki itech altepetl, tlen okipehpenkeh itech inon tlakaolocholli kemin kihtowa itech tlanawatilli, yetos tepantlahtowani wan imak kahki kiyekchiwas tekitl tlen motlahtlapowiah itech weyi olocholistli.

Tlalli, kuawayoh wan atl tlen kikopaltiskeh altepetlakameh mochiwas kemin machiohtok itech tlanawatilli

VIII. Okipopolohkeh:

- a) Nochi tlalli tlen omotekuili, atl wan kuawayoh tlen iaxkah altepemeh, altepemayomeh, tlen noihki kinnotza *rancherias* noso *congregaciones*, tlen okitemakakeh tlayekankeh, intlahtowani Tlalnankotonaltin tlen kinotzah *Gobernadores de los Estados*, noso ikah okse altepetekiwh tlen amo okielkak tlen machiohtok itech tlanawatilli tlen omochih 25 mestli *julio* xiwitl 1856 wan oksekimeh tlanawatiltin tlen kitnewah inin tlamantli;
- b) Nochi tlen omotemakak: tlayektlalilistli noso tlalnemakalistli, atl wan kuawyo, tlen okitemakakeh tlanawatihkan tlen kinnotzah *Secretarias de Fomento, Hacienda* noso okse weyi tekiwa tlen itoka *autoridad federal*, noso tlen omochih kipewaltia se tonalli mestli *diciembre* xiwitl 1876, wan okkahki, ika inin tlahtolli omoaxkatihkeh tlalli wan amo okitlaxtlahkeh tlalaxkayotl *ejido*, tetllalan tlen yomoxehxelohka noso okse tlatlamantli, tlen iaxkah altepemeh, altepemayomeh tlen kitokayotiah *rancherias, congregaciones, noso comunidades*, wan *núcleos de población*.
- c) Nochi tlalkotonalli, tlalnamakalistli, tekuiplistli noso tenamakalistli tlen yiwehkawitl okichihkeh tlen machiohtok itech tlahuilolxelolli tlen kinotzah *fraccion* tlen otikpanowihkeh, olocholtektiloyantin, tlahtlakolahxilianiltin wan oksekimeh intlahtowaneh Tlalnankotonaltin noso Weyi Tekiwhakan tlen kitokayotiah *federación*, tlen otepalewihkeh ihkuak otekuilihkeh tlalli, atl,

wan kuawayoh tlen itech powi tlalaxkayotl, tetlallan tlen sepanxehxelitok noso okse tlamantli, tlen iaxka altepemeh.

Amo kixitinia tlahtolli, kanin kihtowa omotemakak tlalli itech Tlanawatilli tlen omochih tonalli 25 mestli *junio* xiwitl 1856 wan okimoaxkatihkeh yokipanowihka mahtlaktli xiwitl wan tlalia inon tlalli amo kipanowilia ome powalli wan mahtlaktli tlalkotonaltin tlen kinotzah *hectáreas*.

IX. Tlalli tlen okimoxehxelohkeh altepetlakah wan motta kualli maski amo nelli okiyekchihkeh wan sawel amo kualli kahki itech inon altepemayotl, kualtis moxitinis inon tlalolocholli tlalia amo nochti chanchihkeh moyolchikawah wan kipia amo itlahko nochi tlalli, wan yehwa okachi miakeh kipanowiliah tlahko altepetlakameh tlen ompa chanchiwah, wan kinekih kixehxeloskeh tlalli, noihi tlahtolli amo miakeh altepetlakah moaxkatilihtokeh wan kipanowilia tlahko tlalli.

X. (Okipopolohkeh)

XI. (Okipopolohkeh)

XII. (Okipopolohkeh)

XIII. (Okipopolohkeh)

XIV. (Okipopolohkeh)

XV. Itech tlalnanyotl tlen itoka Estados Unidos Mexicanos amo kualtis san se tlakatl moaxkatis miak tlalli.

Kualtis kimoaxkatiskeh sen achitzin tlalaxkayotl tlen kinotzah *pequeña propiedad* tlen amo kipanowis makui powalli tlalkotonalli tlen itoka *hectarea* tlen amimiloh noso ameyaloh noihi okseki tlatlamantli tlalli tlen noihi kipia inin itlalmayoh.

Nikan mottas kenemin sen tlalkotonalli *hectarea* tlen amimiloh mochiwa ome tlalkotonaltin tlen xopankiawilohkeh, nawi tlen kuahkualtin tlanemitilpixkeh noso *agostadero*, chikueyi tlen kuawayoh, akawaloh noso tlen tlanemitilpixkeh wan san tlawaktok amonka miak atl.

Yetos achitzin tlalaxkayotl tlen kinotzah *pequeña propiedad*, tlalli tlen kipias sen tlakatl san chikome powalli wan mahtlaktli tlalkotonalli *hectarea* tlalia ompa kitoka ichkakuawitl, tla kiselia

amimilolli; wan kaxtolli powalli, ihkuak itech inon tlalli kitokah tzapotl, owatl, kahwen, nohpalli, kakawatl, soyatl, ixtli noso *henequen*, tziktl noso *hule*, *vid*, *olivo*, *quina*, *vainilla*, *agave*, noso okseki tlatlamantli tlakilotl.

Yetos achitzin tlalaxkayotl tlen kinotzah *pequeña propiedad*, kanin tlanemitpixkeh tlen amo momiaktis san kinnekuitlawis se tzontli wan makuili powalli tzontekontlanemitiltin tlen wehweyih, noso tlen kahxiltia tlanemitilkonemeh kemin machiohtok itech tlanawatilli, noihi moyekittas kox kipiah tlen kikuaskeh tlanemitiltin.

Tlalia itech tlalan kitlaliskeh amimilolli, apankuitlatl noso *drenaje* wan okse tekitl tlen okachi kiyektlalis achitzin tlalaxkayotl tlen kinotzah *pequeña propiedad*, itlal ok yetos *pequeña propiedad*, maski, tekiyektlalilistli tlen omochih, kipanowia tlen kahki machiohtok itech inin tlahtolxelolli *fraccion*, noihi moneki kiwelkakis tlen kihtowa tlanawatilli.

Tlalia tlalaxkayotl tlen kinotzah *pequeña propiedad*, kanin tlanemitpixkeh okiyektlalihkeh tlalli, wan ompa kitaltekitia, amo kualtis kipanowiliskeh tlen kihtohtok itech ome wan eyi tlahuilokotonalli tlen kahki itech tlanawatilxelolli *fraccion* kanin kihtowa kenemin moyektlalis inon tlalli wan kenemin achtopan okatka.

XVI. (Okipopolohkeh)

XVII. Weyi tlakaolocholli kanin tlanawatilchiwah tlen kinotzah Congreso de la Unión, wan Weyi Tlanawatilchiwaloyan tlen kateh tlalnankotonaltin, kualtis kichiwaskeh itech itlanawatihan, wan kinextiskeh tlanawatiltin kanin kihtos kenemin moxehxelos wan motekuilis tlalli tlen amo kiwelkakih wan kipanowiliah tlen kihtowa tlanawatilxelolistin *fracciones* IV wan XV kemin kahki itech inin tlanawatiltzintli.

Tlalli tlen okachi weyi moneki moxehxelos wan tlakatl tlen kipia okachi miak tlalli kitemakas wan amo kipanowis sen xiwitl ihkuak kiselis amatlanawatilli. Tlalia yopanok kawitl tlen kihtowa tlanawatilli wan ayimo kitemaka tlalli, tlalnamakalistli mochiwas kanin kateh altepemeh. Nochtin

kualtis kikowaskeh tlalli, wan mowelkakis tlen kihtowa tlanawatilli tla keh se tlakatl okachi kualtis kikowas tlen monemaka.

Tlanawatiltin tlen kateh tlalnankotonaltin kiyektlaliskeh tlen chanehkeh inaxkah, kihtoskeh tlen kualtis kipiaskeh noso amo, wan amo kualtis kinkuiliskeh noso kinnamakiltiskeh amo kitlaxtlawaskeh tominxochiotilistli tlen kiliah *impuesto*.

XVIII. Kualtis moyekittaskeh tlalamameh tlen okinchihkeh okseki tekiwahkeh tlen yopanokeh yiwehkika itech xiwitl 1876, wan san se tlakatl noso tlakaolocholli okinechikohkeh miak tlalli, atl wan tlatlamantli tlen kiyolchikawa tlahnantli, wan tlanawatiani kualtis kinxitinis tlalia amo kinpahpalewia altepetlakameh noso itlah amo kualli kinpanoltilia.

XIX. Weyi Tlanawatilli motlahtolchikawa, Tlahtowankayotl moixkoyantis wan kitemakas tlalli ika tlalamameh tlen kualyotika kinpalewis altepetlakameh kimoaxkatiskeh tlalli tlen kiselia tlalaxkayotl tlen kinotzah *pequeña propiedad*, wan kinmelawilis tlaltekitlakameh kenemin mopahpalewiskeh.

Weyi Tekiwahkan tlen kitokayotiah *federación* kipias itlanawatiikan, ihkon kittas nochichichikoittalistli tlen pankisa ikuak amo moyekxehxelia tlalli ihtik tlalaxkayotl, kinyektlalis tlen yowehkahkeh noso tlen kateh itech ome eyi altepemayomeh; noihki tlen amo kualli omoxehxelo ompa tlaltekiyohtin ikinon motlaliskeh teowihkayoyektlaliani tlen kinotzah *tribunales* wan yehwan moixkoyantiskeh wan kipiaskeh itlanawatiikan kan yetoskeh tlanawatilyektlalianeh tlen intokah *magistrados* tlen kintokayoltis Weyi Tlahtowani *Ejecutivo Federal* wan kiyekittas Weyi Tlanawatilyehyekolkan *Camara de Senadores* noso, kintemaktilis Tlakaolocholli tlen nochipan tekitlehtowa tlen kitokayotlia *Comisión Permanente* tlalia oksekimeh mosewihtokeh.

Tlanawatilli kinextis kenik moyektlalis sen tlakaolocholli kanin moyekittas tlen intech powi tlaltekitlakameh, wan

XX. Weyi Tlahtowankayotl kitekitis tlamatli kanin kinyolchikawas altepemayomeh, ikinon kinahsitilis tektil wan ihkon tlaltekitlakameh kipiaskeh kualli inemilis wan ihkon noihki kipalewiskeh tlahnantli wan okachi mochikawaltis, wan kinchikawaltis iteki kanin yetos tlatoktli, tlanemitiltin, wan

kuawayoh ihkon okachi kualli moyeknehnekis tlalli, kitemakas palewiliistli, tlatlamantli tlen monehneki, tomintlanetilistli, tekitemachtilistli wan tekipalewiloni. Noihki kinextiskeh tlanawatilli kanin yetos, kenik moyektlalis wan moyektekitis nochi tlen kichiwa altepemayomeh, tlen kitoka, kiyektekitia, wan kinamaka, tlalia intech powi altepetlakameh.

Tlanawatiltzintli (Art. 28). Itech itokahkan *Estados Unidos Mexicanos* amo kualtis kichiwaskeh se tlamanawilistli tlen kiliah *monopolio*, inon tlachiwalli amo ipati, noihki amo mochiwas tlen sansekan se tlamatli monamaka wan tlen tominxochitilistli tlen kitlaxtlawas kemin machiohtok intech tlanawatiltin. Noihki ihkon mochiwas kanin amo kitekawiliah ma kixtinikah yekteklistli.

Ihkon, tlanawatilli sapanowa kintlahyowiltis, wan tekiwahkeh yinelli kintokatinemis, akin imak kolochos sen noso miak tlatlamantli tlen okachi monehneki wan kineki kitlehkoltis ipati; mochiwas olocholistli, noso kinenehoskeh tekichiwalli, tlanamakakeh noso tlanamakayekankeh tlen tepalewia, kichiwaskeh tlatlamantli, wan ihkon amo motlatlaniskeh wan nochi tlakowaltin amo miak ipati kitlaliliskeh, ihkon akimeh tlakowah amo kitlaxtlawaskeh sapanowa patiyo intlakohkowal, wan nochi, oksekintin palewiliistli tlen kiyolchikawah sen tlakatl noso tlakaolocholli wan amo kittaskeh kox amo kintlakittah nochtin altepetlakah noso tlakaolocholtekiyotl tlen kinotzah *clase social*.

Tlanawatiltin kitzintlaliskeh kech ipati nochtin tlakowaltin, tlatlamantli tlen monehneki itech tlalnanyotl itominaxkayo tlen itoka economia noso tlatlamantli tlen kitlamia altepetlakah, noihki amo kualtis molochoskeh wan kixehxeloskeh tlakowaltin san kemeh yehwan kinekiskeh, tlatlamantli noso tlakohkowalli, ihkon akimeh tlanamakanah amo san kintlehkoltiskeh nochi tlakowaltin ikinon amo kahxilis tlen altepetlakah kinekiskeh, yon amo kintlehkoltiskeh ipatiyo tlakowaltin. Tlanawatilli kinpalewis tlakowani noso *consumidores* wan kinolochos ihkon moyolchikawaskeh wan kitlahtlaniskeh tlen intech powi wan moneki.

Tlamanawilistli tlen kiliah *monopolio* amo kualtis tekichiwaskeh kemin tlahtowankayotl intech ininteh yektekith: topilnehnenkeh noso *correos*, *telégrafos* wan *radiotelegrafía*; chiapopotl noihki itoka *petróleo* wan oksekimeh chiapopotl ikoneyoh noso *hidrocarburos*; achtopan chiapopopahatl

noso *petroquímica básica*; tlawiltemeh tlen kiliah *minerales radiactivos* wan tekichiwalli kanin monextia tliyotl tlen kinotzah *energía nuclear*; tlawilli tlen kahki itech tlimekatl wan nochi tekitl tlen kahki machiohtok intech tlanawatiltin tlen kitemaka Weyi tlakaolocholli kanin tlanawatilchiwah tlen kiliah *Congreso de la Unión*. Tlapowalisti tlen mochiwah ika tlahtoltlaniloni tlen itoka *satélite* wan *ferrocarriles* okachi achtopan monehnekiskeh itech iyolchikawalis tlalnanyotl kemin kiutowah tlanawatiltzintli 25 tlen kahki itech inin Weyi Tlanawatilli; Weyi Tlahtowankayotl tekiyekanas, kimalwis wan kittas iyolilis Tlalnantli, wan tlalia kitekawilis ma monehnekikah ohnemilistin tlen kiniliah *vías de comunicación* achtopan moaxkayotis tlalnantli niman motemakas kemin kiutowah tlanawatiltin tlen inon tlamantli kitewa.

Weyi Tlahtowankayotl kipias tlakaolocholtin wan tominolocholtekiyotl tlen noihi tikaniliah *empresas* ikinon kitekitis tlen kiliah *áreas estratégicas* wan san yeh kipixtos yehyekolli kanin kahki tlen moyekchiwas, tlanawatiltin kihtoskeh kenemin mochiwas tomintemaktilistli tlen kikixtiskeh altepetlakameh wan tlen tlakatominyohkeh tlen moixkoyantiah wan kinotzah *sector privado*.

Weyi Tlahtowankayotl kipias achtopan tomintlatiloyan noso *banco central* tlen moixkoyantis itech itekichiwal. Kittas amo ma kitlehkoltikah ipatiyotl tlakowalli, inon yetos iahsivilis, ikinon tomin amo kipolos ipatiyotl, kichiwaltis iteki Weyi Tlahtowankayotl. Okse tekiwa amo kualtis tlanawatis ma motemaka tomin tlen kahki itech tomintlatiloyan *banco central*.

Iteki Weyi Tlahtowankayotl amo kitekawilis ma mochiwa tlamanawilistli noso *monopolio*, inon tlamantli kipia tlen kichiwas, itech tomintlatiloyan noso *banco central* tominchiwas wan amatomin. Tomintlatiloyan kiwelkakis tlanawatiltin wan mopalewis inwan tekiwahkeh ihkuak kichiwas iteki, kiyekchiwas nochi tekitl kanin monehnekis tomintekilistli noihi tikitliskeh *servicio financiero*, kipalewis tekiwahkeh wan ihkon tominchiwas noso noihi kiliah *emisión de billetes*. Tomintlatiloyan kiyekanas tlakaolocholli tlen kitlalis Weyi Tlanawatiani tlen kahki wan kinotzah *Presidente de la República* wan kiyektilis Weyi Tlanawatilyehyekolkan *Cámara de Senadores* noso, kintemaktilis Tlakaolocholli tlen nochipan tekitlahtowa tlen kitokayotlia *Comisión Permanente*, noso; wehkawaskeh itech inteki se ome eyi wehkawitl noso *periodo de tiempo* tlalia

mottas kualli kichihtokeh tlen yehwan okinnawatihkeh wan amo mowihtiliah; tlalia amo kualli okichihkeh inteki noso omowihtilihkeh kintlatzintokiliskeh tleka amo kualli otekipanohkeh wan ayakmo kualtis oksekan tekipanoskeh, san kanin kiyekanaskeh tomintlatiloyan *banco central* wan kanin amo kintlaxtlawiskeh. Temachtiskeh, tlayehyekoltzintokaskeh, tekipanoskeh itech tlatekpankayotl, tepalewiskeh wan tetlakittaskeh. Tlakameh tlen tekipanoskeh itech tomintlatiloyan *banco central*, kinchiwiliskeh teowihkayotzintokalistli tlen kiliah *juicio político* tlen amo kualli okichihkeh kemin kihtowa itech tlanawatiltzintli 110 tlen itech inin Weyi Tlanawatilli.

Tekipanowaneh kualtis molochoskeh wan mopahpalewiskeh tlalia kinehnekih itlah kichiwaskeh, noso okachi kinekih tomintlaniskeh inon tlakaolocholtin tlen kintokayotiah *asociaciones* noso *sociedades cooperativas* ihkon moyolchikawaltiskeh san yehwan noso noihki intech altepemayomeh, kualtis tlanamakaskeh tetlalnan tiankisko *mercado extranjero* nochitlachiwalistli tlen yehwan kimotekitiah wan okachi tomintlaniskeh ompa itech inaltepetl maski inon tlamantli amikah ik monekuitlawia, tlalia kichiwaskeh inon tlakaolocholli, moneki kiteixpantiskeh tekiwhakapan wan kiniliskeh kox kema noso amo molochoskeh. Yeh Tlalnannawatihkayotl *Gobierno Federal* wan itlanawatihkan Tlalnankotonaltin *Gobiernos de los Estados*, wan intlanawatilchiwaloyantin *legislaturas*. Weyi Tlanawatiani tlen kahki wan kinotzah

Ejecutivo kiyektilis wan kinnawatis Tlanawatilchiwaloyantin tlen kateh Tlalnankotonaltin ma kinachiwakan tlanawatiltin tlalia amo kualli moyektlakittah tlakaolocholtin, wan ma kinkuilikh ixbuyantli inon olocholtin.

Noihki amo yetos olocholtekiwayotl wan kinyolchikawaltiskeh ika palewulistli nochtin tlakameh tlen tlapalwiah tlahuilowah wan kichiwha tlatlamantli tlen tlakuika noso tlalia ikah kichiwa noso kiyektlalia sen tekipalewilioni *máquina*, kinmakaskeh palewulistli.

Tlahtowankayotl, kinwelkakis tlanawatiltin, wan ihkon kualtis kitekawilis ma tekichiwakah kanin moneki, wan tlalia inon tekitl kinehnekiskeh Weyi Tekiwhakan tlen kitokayotiah *federación* kintemaktilis okseki altepetlakah ma kichiwakah inon tlamantli, amo kualtis kichiwaskeh inon tekitl tlalia tlanawatilli amo kitekawilia. Tlanawatiltin kitzintlaliskeh kenemin motemakas inon tekitl wan

kennemin kinehnekiskeh tlatlamantli tlen altepetl iaxka, amikah kualtis, san yeh kipixtos miak tlatlamantli tlalia ika inon tekitih nochtin altepemeh moaxkayotia wan ik mopahpalewiah.

Nochtin tekiwahtlakewalpalewianeh sevidores publicos kiwelkakiskeh Weyi Tlanawatilli ihkon mochiwas nochti tekitl ika iyektilis tlanawatilli.

Kualtis motemakas palewlistli kanin okachi achtopan monehnekis, tlalia sanenkan moneki, nochti tekitl mochiwas wan moyektekitis nochti tomin wan amo san kikuilis tlalnanyotl. Tlahtowankayotl kittas amo san malwilchiwas tomin wan tlahtlachis kox yinelli itlah yankuik tlamantli okixpantihkeh.

Tlanawatiltzintli (Art. 29). Tlalia ikah Tetlalnантлакатл kinekis san kalakis nikan tlalnantli, noso kinekis kuahkualanis, tzahtzatzis, noso okse kualankayotl tlen kihtlakos sanenkan yehyetolistli itech tlalnantli, san Weyi tlahtowanih *Presidente* tlen tlanawatia *Estados Unidos Mexicanos* wan mopalewis inwan tlayakankeh tlen kateh tekiwahkapantin *Secretarias de Estado* wan Weyi tekiwatzintokalistli *Procuraduria General de la Republica* wan kipalewis Weyi tlakaolocholli kanin tlanawatilchiwah *Congreso de la Union* wan, tlalia yehwan mosewihtokeh, tlakaolocholli tlen nochipan tekitlahtowa wan kinotzah *Comisión permanente*, kualtis kachiwas nochti tlen intech powi altepetlakameh itech nowiyán tlalnantli noso san se tlalkotonalli tlalia tzahtzawilihtok iteki wan amo kualti kichiwa san nimantzi noso kiwehkawa tlen mochihtok; san moneki kichiwaskeh san nimantzin amo wehkawas inon tlamantli, noihi tlanawatis tlen kiihyowiskeh akimeh amo kiwelkakiskeh tlanawatilli wan amo kimahmaktiskeh san se tlakatl. Tlalia inin teowihkayotl mochiwa wan kahki Weyi tlakaolocholli kanin tlanawatilchiwah *Congreso de la Union*, wan kikawilis Weyi tlahtowani ma tlanawati tlen mochiwas ihkuak moyektlalis inin kuatotonilistli; tlalia mosewihtok Weyi tlakaolocholli kanin tlanawatilchiwah *Congreso de la Union*, san nimantzin kinotzaskeh.

Tlahkuilolxelolli II

Mexikotlakameh

Tlanawatiltzintli (Art. 30). Tlalnanyotl kualtis moselis tlalia nikan nesis tlakatl noso nikan motzintlalis tlalia Tetlalnantlakatl.

A. Yetoskeh Mexikotlakah Mexicanos tlalia nikan nesih.

- I. Akimeh nesih tlalnantli, maski intahwah yetoskeh tetlalnantlakatl noso tetlalnansiwal.
- II. Akinmeh nesih tetlalnantli, wan intahwah yetoskeh Mexikoewaneh noso oneski , intah oneski , noso san innan oneski .
- III. Akimeh nesih tetlalnantli, wan intahwah yetoskeh Mexikochanehkeh tlalia nikan omotzintlalikoh, intah oneski tetlalnan wan omotzintlaliko, noso inan oneski tlalnantli wan omotzintlalikoh wan
- IV. Akimeh nesih intech akaltin noso itech patlanilonih, tlen moyawtekitia noso tlanamakah.

B. Mexikochanehkeh akinmeh:

- I. Akimeh kiselia Mexikochanehkayotl *nacionalidad Mexicana* tlen kitemakah Tlanawatiikan *Secretaria de Relaciones Exteriores* iamatzintlalilistli tlen kiliah *carta de naturalización*.
- II. Siwameh noso tlakameh tlen tetlalnan ewah, monamiktiskeh nikan tlalnantli *México* noso nikan chanchiwakiwi kipias tlen kiwelkakiskeh tlen kihtowa tlanawatilli.

Tlanawatiltzintli (Art. 31). Mexikotlakah kipia tlen kichiwaskeh:

- I. Kinnawatiskeh inpipilwah, inchokowah wan intakowah tlen yawi tlamachtiloyan kanin tetlaxtlawia noso Tlahtowankayotl iaxka, kanin kitlamiskeh tlamachtilistli preescolar, primaria wan secundaria, wan kiselikeh yaotemachtilistli, kemin kihtowa tlanawatilli.
- II. Yaski momachtitiwihih yawtemachtilistli kemin tlanawatia altepetlahtolkan *municipio*, kanin kimatiskeh kenemin mochiwa tekitl tlen intech powi, kimatiskeh kenik monehneki tepostlatoponilli, wan tleka kiwelkakis tlen kiliah *disciplina militar*.

III. Moyekmanas wan kiwelkakis yawlocholli *Guardia Nacional*, kemin kihtowa tlanawatilli, ihkon kualtis amo tiktekawiliskeh ma kitlaksakah mexikotlalnentli, ichikawalis wan inemilis, tlen itech powi tlalnanyotl, noihki tlalia ikah kihtlakos sanenka yehyetolistli itech tlalnentli; wan

IV. Tepalewis ika tomin tlalia Tlalnentli kinehnekis, noihki Weyi Tekiwahkan tlen kitokayotiah *federación*, Tlalnanyotl kinotzah *Distrito Federal*, Tlalnankotonaltin noso Altepetahtolkan kanin chanchiwa, nochtin moxehxeloskeh ika mawisolli kemin kihtowah tlanawatiltin.

Tlanawatiltzintli (Art. 32). Tlanawatilli kiyeknawatis kuali ma kinmawisittakah tlen intech powi mexikotlakah tlalia omotzintlalihkeh itech okse tetlalnan wan kinchiwas tlanawatiltin kanin kihtos kenemin moyewikaskeh tlalia kipia ome itlalnentin.

Tlalia ikah tlakatl noso siwatl kinekis yetos tekiyah nos tekipanos itech okseki tlanawatihkapantin kemin kihtowa itech Weyi tlanawatilli Constitucion, moneki nesis mexikotlalpan wan noihki amo kipias okse tlalnanyotl tlen kiliah *nacionalidad*. Inin tlamantli noihki mochiwas tlalia ihkon kihtowa okseki tlanawatiltin tlen kiyekana Weyi tlakaolocholli kanin tlanawatilchiwah *Congreso de la Union*.

Ihkuak amonka yawyotl, amika tetlalnentlakatl kualtis tekitis itech yawtlakaolocholli *ejercito*, yon tekiwatlakewaloyan noso altepetlapixkiloyan *seguridad publica*. Sen tlakatl kualtis yetos yawtlakatl ihkuak amonka yawyotl, wan itech *Armada*, noihki nochipan itech *Fuerza Aerea*, noso okse tekitl tlen ompa moneki, moneki nesis itech mexikotlalnan.

Noihki monekis nesis mexikotlalnentli akimeh kinekiskeh yetoskeh *capitanes, pilotos, patrones, maquinistas, mecánicos* wan nochtin tlakameh tlen kinekiskeh itlah tekipalewiloni tlen yawi itech atl noso tlen yetok patlaniloni tlen kipixtos mexikopantli *bandera mexicana*. Noihki akin kinekis yetos tlayekanki noso *capitan de puerto* wan nochtin tlen kiyekanaskeh *aeródromo*.

Tlalia sen tlamantli noso palewilestli motemakas wan kinekiskeh mexikotlakah noso tetlalnentlakah, achtopan kinmakaskeh mexikotlakah nochti tekipanolistli wan palewilestli,

tekiwahkayotl noso tekitl tlen kahki Weyi Tlahtowankayotl kanin amo monehnekis mexikotlalnanyotl noso yetos altepetlakah tlen oneskikh.

Tlahkuilolxelolli III

Tlen Tetlalnintlakah wan Tetlalnansiawah

Tlanawatiltzintli (Art. 33). Kateh tetlalnintlakah noso tetlalnansiawah akimeh amo kipiah tlamantli tlen kihtowa itech tlanawatiltzintli 30. Intech powi tlen kihtowah Tlahkuilolxelolli I, Semipan Tlahkuiloltokaitl, tlen kahki itech inin weyi Tlanawatilli tlen kitokayotiah *Constitucion*; yen Weyi Tlahtowatiani tlen kiliah *Ejecutivo de la Union* tlen tlanawatia Mexikotlalnintl, welitis kihtos akin kualtis nikan nentos noso akin kewitis, maski amo kitlahtlakoltemolis, tlalia inon tetlalnintlakah satekitl tekualanh inemilis.

Tetlalnintlakah amo kualtis mokahkalakiskeh kanin amo inteki, noso kanin tlanawatia tekiahkeh.

Tlahkuilolxelolli VI

Tlen altepetlakah tlen chanteh México

Tlanawatiltzintli (Art. 34). Kateh altepetlakah noso altepesiawah tlen chanteh México tlen, kipia itlalnanyo, wan tlalia kipiaskeh okseki yeknawatiltin *requisitos*:

- I. Kipias mahtlaktli wan eyi xiwitl, wan
- II. Kualli chanchiwas wan moyekwikas inwan iyolikniyah.

Tlanawatiltzintli (Art. 35). Altepetylakameh intech powi:

- I. Tekiwapehpenas ihkuak monekis
- II. Kualtis kitekiwapehpenaski wan tekiwatekipanos, wan kitlaliskeh kemeh tlayekanki noso okse tekitl, tlalia kipia tlakittalistli kemin kihtowa tlanawatiltin.

- III. Molochos ika inyolikniyah tlalia kinekiskeh kitlaliskeh sen tekiyah noso motekiwapehpenaskeh.
- IV. Kikitzkiskeh tlatoponilli wan yetoskeh itech yawtlakaolocholli noso *Guardia Nacional*, ihkon kimalwiskeh wan kichikawaltiskeh Tlalnanyotl wan tekiwahkapantin kemin kiutowah tlanawatiltin tlen kiyekana Mexikotlalnantli; wan
- V. Kualtis kitetlahtlanis tepalewelistli tlalia kinehnekis.

Tlanawatiltzintli (Art. 36). Altepetylakah tlen chanchiawah Mexikotlalnantli kipias tlen kichiwaskeh:

- I. Momachiotiskeh itech tlanawatihkapan kanin kimachiotia tlalamameh kanin kiliah *catastro municipal* tlen kahki altepetlahtolkan *municipio*, ompa kihtos tlen axkayotl kipia, industria, tekichiwani noso tekitl tlen ika moyolitia; noihki momachiotis itech *Registro Nacional de Ciudadanos*, kemin kiutowah tlanawatiltin.

Tlakaolocholli tlen itoka *Registro Nacional de Ciudadanos* nochipan tekipanohtos, wan amatl kanin kiutowah kema itlalnanyo México. Weyi Tlahtowankayotl kiyekanas tlen monehnekis ihkuak kitemakas kemin kiutowah tlanawatiltin,

- II. Moyekmanas itech yawtlakaolocholli *Guardia Nacional*;
- III. Tekiwapehpenas kemin kiutowah tlanawatiltin.
- IV. Kualli tekichiwas tlalia kipehpena ma tekiti kemin Weyi Tekiwahkan tlen kitokayotiah *federación*, noso Tlalnankotonaltin, kitlaxtlawiliskeh itech inon tekitl; wan
- V. Kualli kiyekchiwas iteki tlalia kipehpena itech ialtepetylaltokan, tekiwapehpenki wan kemin olocholtlachixkeh tlen kiliah, *jurado*.

Tlanawatiltzintli (Art. 37).

- A) Amikah tlakatl tlen oneski Mexikotlalnantli, welitis kikuiliskeh itlalnanyo.
- B) Kualtis kipolos imexikotlalnanyo inon tlakatl noso inon siwatl tlen itech ahsis inin tlatlamantli tlahtolli:

- I. Akin moixkoyantis wan mochiwas tetlalnantlakatl, noso tlalia kipixtos sen amatl kanin kihtowa yeh, tetlalnantlakatl maski amo nelli, kipias amatetlalnanyotl *pasaporte*, noso tlalia kiselis weyi tokayotl *titulo nobiliario* kanin kihtosneki, yeh kiwelkaki okse Weyi Tlahtowankayotl tlen powi okse tetlalnan, wan
- II. Tlalia yokipanowih makuili xiwitl chanchihtok tetlalnan.

C) Mexikotlalnanyotl mopopolowa tlalia:

- I. Ikah kiselis weyi tokayotl *titulo nobiliario* tlen kitemaka okseki Tlanawatihkayotin tlen kateh tetlalnantin.
- II. Ikah kichiwa tekitl tlen kipalewia tetlalnan wan Weyi tlakaolocholli kanin tlanawatilchiwah *Congreso Federal* noso tlakaolocholli tlen nochipan tekitlahtowa tlen kiliah *Comision Permanente* amo okitekawilihkeh;
- III. Tlalia kiselis Weyi yawtokayotl noso *condecoraciones* tlen okimakak tetlanan wan Weyi tlakaolocholli kanin tlanawatilchiwah *Congreso Federal* noso tlakaolocholli tlen nochipan tekitlahtowa tlen kiliah *Comision Permanente* amo okitekawilihkeh;
- IV. Ikah kiselis weyi tokayotl *titulos* wan noihki kichiwas tekitl tlen kitemaka okseki Tlanawatihkayotin tlen kateh tetlalnantin, wan weyi tlakaolocholli kanin tlanawatilchiwah *Congreso Federal* noso tlakaolocholli tlen nochipan tekitlahtowa tlen kiliah *Comision Permanente* amo okitekawilihkeh, kema kualtis kiseliskeh tlalia kitliokoliskeh itlah akin tlakuika, xochiihkuilowa, yehyekoltzintoka noso ciencia, wan tlakeh semanawak kimelawa kuali tlahtolli.
- V. Tlalia ikah kipalewis se tetlalnantlakatl noso okse Tlahtowankayotl tlen tetlalnan powi kanpa ma kahkalakikah wan ma tepantlaksakah nikán México tlalnanti, noso itech tzintokalistli tlen mochiwa kanin kahki okseki tetlalnantin tlen kiliah *reclamacion diplomatica* kanin kahki tlakaolocholli teowihkayoyektlaliani tlen kiniliahliah *tribunal internacional*, wan
- VI. Okseki tlamantli kemin kihtowah tlanawatiltin.

Weyi tlakaolocholli kanin tlanawatilchiwah *Congreso Federal*, kinchiwas tlanawatiltin wan ihkon kualtis moyekchiwas tlen kihtowa tlanawatilxeloltin II wan IV kenemin kihtowa itech inin

tlahkuilolxiloli, kanin kema motekawilis noso motemakas permisos wan licencias mochiwas kemin kahki machiohtok itech tlanawatiltin, tlakatl san kiteixpantis sen amatlahtlanilistli solicitud tlalia kinehnekis. 38

Tlanawatiltzintli (Art. 38). Altepetylakah ayakmo kipiaskeh mexikotlalnanyotl tlalia:

- I. Tlalia amo kichiwas iteki kemin kihtowa tlanawatitzintli 36, wan amo kihtos tleka amo okichi. Akin ayikmo kikawiliskeh ma tekipano, wehkawas se xiwitl wan noihki kitlaliliskeh okse tlahyowilistlli kemin kihtowa tlanawatilli;
- II. Noihki amo kipiaskeh mexikotlalnanyotl tlalia kiteilwitokeh wan moteixpantia tekiwahkapan noso tlahtlakoleh wan kikalakiah teipiloyan;
- III. Ihkuak otlanki ihyowilisktli;
- IV. Tlalia ikah san nemi noso tlawana wan kichiwa tlen kiliah *ebriedad consuetudinaria*, kemin kihtowa tlanawatiltin;
- V. Noihki amo kipiaskeh mexikotlalnanyotl tlalia kiteilwitokeh wan tekiwahkapan kieki ma moteixpanti, monekis tlamis tlahtlakoleh ihkuak kikalakiskeh teipiloyan.
- VI. Tlalia ikah tlanawatilli okitzintlalli wan tzaktos teipiloyan welitis noihki kipolos tlen itech powi.

Tlanawatilli kitzintlalis tlahtolli kanin kihtohitos kenemin wan kemanian altepetlakameh kipoloskeh tlen intech powi wan kenemin oksepa intech ahsis wan ihkon moyolchikawaskeh.

Omipan tokaitl

Tlen tlalnanyotl itech powi wan tlen itech powi tlanawatihkayotl.

Tlanawatiltzintli (Art. 39). Yen tlalnantli itech powi kimalwis itlalnanyo nochitl tlanawatihkayotl ewa itech altepetlakayotl wan akin nikán yetos kipia tlen tlapalewis kanpa moyektlaliskeh nochtin

altepemeh. Altepetylakah sentetl intech powi welitis kipahpatlaskeh intlanawatihkayo kanpa kiyektiliskeh inemilis.

Tlanawatiltzintli (Art. 40). Tlalia Mexikotlakah kinekiskeh moyekmanaskeh kemin se Tlahtowankayotl *República* kanin nochtin monawatiskeh wan kitokayotiskeh *democrática federal*, kipixtos Tlalnankotonaltin tlen yehwan moixkoyantiskeh wan kihtoskeh kenemin moyeknawatiskeh; yehwan amo moxehxeloskeh kipia tlen kiwelkakiskeh Weyi Tekiwahkan tlen kitokayotiah *federación* kemin kahki itech tlanawatilewaltin noso *principios rectores*.

Tlanawatiltzintli (Art. 41). Mexikotlakah welitis monawatiskeh wan mopalewiskeh itech eyi tlatlamantli tlanawatihkayotl tlen kintokayotiah *Poderes de la Unión*, kanin wan ihkuak monehnekis, noiiki inin tekitl welitis mochiwas ihkuak monehnekis itech intlanawatihkayo Tlalnankotonaltin, inin tekitl mochiwa kemin monawatia itech Weyi Tlanawatilli tlen powi itech tlalnantli itokahkan *México*. Tlen kiliah *Constitución Federal* wan weyi tlanawatiltin tlen intech powi Tlalnankotonaltin, yehwan amo moixkoyantiskeh, kipia tlen kiwelkakiskeh tlen kitokayotiah *Pacto Federal*.

Ihkuak mopatlas Tlanwatihkayotl, Weyi Tlanawatilchiwaloyan *Cámara de Diputados* wan Weyi Tlanawatilyektiloyan *Cámara de Senadores* wan Weyi Tlanawatiani tlen kiliah *Ejecutivo*, ihkuak mochiwas tekiwapehpenalistli, mowellkakiskeh inin tlanawatiltin:

I. Tlakalolcholtin tlen kiniliyah *Partidos Políticos*, mochiwah ika nochtin altepetlakameh tlen powih itech se altepenantli; itech Weyi tlanawatilli kualnestok tlen monehnekis ihkuak momachiotiskeh inawak tlanawatihkapan wan kenemin motekitis ihkuak mopehpenas ikah se tekiwah. Tlakalolcholtin tlen kiniliyah *Partidos Políticos* wan tlen mochiwah itech tlalnantli *México* intech powi motekitiskeh ihkuak kinpehpenaskeh intekiwahkawah tlen powih Tlalnankotonaltin, tlen kinnotzah *Estados* altepetlahtolkan noso *Municipios* wan tlalnanyolotl tlen kiliah *Distrito Federal*.

Tlakalolocholtin tlen kiniliah *Partidos Políticos* kinyolchikawas altepetlakah kenemin kualtis kinpehpenaskeh intekiwahkawah, tlekan moneki tlanawatihkayotl wan tlakaolocholtin tlen mochiwah itech altepetl techyolchikawas wan welitis yetoskeh tekiwahkeh noso tlanawatihkeh. Yehwan *Partidos Políticos* kinpiah tlahuiloltin kanin machiotokeh tekiyehyekoltin noso *programas*, tlanawatilewaltin *principios* wan intlayehyekol kanin kualnestok kenemin kinpehpenaskeh intlayekankawah. Inon pehpenalistli mochiwas ixkoyankan wan amikah kualtis kichiwaltiskeh ma kipehpena akin amo ipakilis. San yehwan altepetlakah kualtis molochoskeh, motlahtlapowiskeh wan kinewaltiskeh tlakaolocholtin tlen kiniliah *partidos políticos* wan amo okse tlakaolocholli tlen amo itech powi welitis mokahkalakis.

Yehwan tekiwapehpenaltin kualtis kihtoskeh kenemin motekitiskeh tlakalolcholtin tlen tlen kiniliah *Partidos Políticos* kemin kihtowa Weyi Tlanawatilli tlen kinotzah *Constitucion*, wan tlanawatilli.

II. Tlanawatilli kitzintlalis tlakalolcholtin tlen kiteixpantiah akin kualtis yetos tekiwah tlen kiliah *Partidos Políticos* wan kateh tlalnanyotl, kipiaskeh tepalewilistli wan kiteixpantiskeh akin kipehpenaskeh wan yetos tekiwah tlalia altepetlakah kinekih, tlanawatilli kihtowa nochi tomin tlen kinehnekih *Partidos Políticos* okachi miak yetos tlen kitemaka tlanawatihkapan wan amo tlen tlakixtiah ixkoyanka altepetlakah *particulares* noso *privado*.

Tomintekilstli tlen kitemaka tlanawatihkayotl noihki kiliah *financiamiento publico* tlen kimakah tlakalolcholtin tlen kiteixpantiah akin kualtis yetos tekiwah tlen kiliah *Partidos Políticos* tlalia okmachiohtokeh ihkuak opanok tekiwapehpenalistli, ahxilis itech tekitl tlen nochipan monekuitlawiskeh, ihkuak nowiyan kiteixpantiskeh iyolikni akin kineki ma yeto tekiwah noso tlahtowani tlalia kipehpenaski. Tomin motemakas kemin kihtowa tlanawatilli:

a) Tomintekilstli tlen kitemaka tlanawatihkayotl noihki kiliah *financiamiento publico* tlen itech tekitl tlen nochipan monekuitlawiskeh kinmakaskeh sehsen xiwitl, wan achtopen mottas kanah keski altepetlakah kateh machiohtokeh itech tokayopehpenaltin noso *padron electoral*, wan momiaktilos kanah eyi powalli wan makuili noso *sesenta y cinco por ciento* tlen itlaxtlawil tekipanowani tlen kateh tlalnanyolotl Distrito Federal. Sen powalli wan mahtlaktli noso treinta por

ciento tlen kisas ihkuak mochiwas tlen nikan kihtowa kinxehxeloskeh tlakalolcholtin tlen kiteixpantiah akin kualtis yetos tekiyah tlen kiliah *Partidos Políticos* wan okse eyi powalli wan mahtlaktli *setenta por ciento* motemakas tlalia kanah keski amapehpenaltin okipixkeh ihkuak tlen yikin okipehpenki tlanawatilchiwaneh noso *diputados*.

- b)** Tomintekilstli tlen kitemaka tlanawatihkayotl noihki kiliah *financiamiento publico* ihkuak nowiyan kiteixpantiskeh akin kineki mayeto Weyi tlahtowani Presidente de la Republica, tlanawatilyehyekowani noso *senadores*, tlanawatilchiwaneh *diputados*, tlakalolcholli tlen tlen kiliah *Partido Politico* kipiaskeh oktlahko tomin kemin okichiwaskia iteki; tlalia mopehpenas san tlanawatilchiwaneh tlen kateh weyi olocholkan wan kintokayotiah *diputados federales*, tomin tlen yetos kahsiti senpowalli wan mahtlaktli noso *treinta por ciento* tlen kiselia ihkuak kichiwa iteki.
- c)** Tomintekilstli tlen kitemaka tlanawatihkayotl noihki kiliah *financiamiento publico* tlen kinehneki *Partidos políticos* ihkuak kichiwa iteki, tlalia tlamachtia, tekitemachtia, tlayehyekoltzintakah kenemin kahki tlalnantli kanah onka tomin tlen tlapolowa wan kenemin mopehpenas tlanawatihkeh, noihki tlalia kikixtiskeh amoxmeh, yetos kanah eyi *tres por ciento* tlen nochitomin tlen kiselia se xiwitl tlen ika monekuitlawia. Sen powalli wan mahtlaktli treinta por ciento tlen kisa kemin achtopan machiohtok, moxehxelos intech tlakaolocholtin tlen kixpantia akin yetos tekiyah noso *partidos políticos* nochtin kiseliskeh san se tomin wan eyi powalli wan mahtlaktli *setenta por ciento* tlen mokawas moxehxelos wan achtopan mottas kanah keski amapehpenaltin okipixkeh ihkuak tlen yikin okipehpenki tlanawatilchiwaneh noso *diputados*.

Tlanawatilli kiyeknawatis kenemin motemakas tomin ihkuak tlakaolocholtin tlen kiixpantia akin yetos tekiyah noso *partidos políticos*, kipehpenaskeh san yehwa akin kiteixpantiskeh mayeto tekiwa. Tlanawatilli kitzintlalis kanah kech tomin kitemakaskeh inwanpowah, inon tomin amo yetos okachi miak tlen kinmaka ihkuak motekitia se xiwitl, sehsen partido, kiselis mahtlaktli diez por ciento tomin ton okinehneki itech pehpenalistli kanin okitlalihi Weyi Tlanawatiani; noihki kitlalis tlanawatiltin kanin kualtis kikixtiskeh tomin ihkuak amo kinmakas tlanawatihkayotl wan tlalia amo kiwelkakiskeh tlen nikan machiohtok kihyowiskeh tlen tlanawatilli okitzintlali.

Noihki tlanawatilli kitzintlalis tekichiwalli kanin kihtos kemin mochiwas tlalia se tlakaolocholli tlen kiixpantia akin yetos tekiyah noso *partido político* ayimo kiselis tomin ihkuak ayakmo yetos

machiohtok tlalia amo miak pehpenkayotl kahxitis, wan nochi tlatlamantli tlen kipias noso omoaxkatilihkeh kitemakaskeh Weyi Tekiwahkan tlen kitokayotiah *federación*.

III. Tlakaolocholtin tlen kixpantia akin yetos tekiyah noso *partidos políticos*, kualtis kinehnekiskeh tlahtolxiniloni noso *medios de comunicación*.

Tlahkuilolkotontli A. Tlanawatihan tlen kinotzah Instituto Federal Electoral tlanawatis kenemin motemakas kawitl tlen kintemakah tlahtolxinilonintin *radio* wan *televisión*, wan Tlahtowankayotl kinehneki itech iteki noso, tlakaolocholtin tlen kiixpantia akin yetos tekiyah noso *partidos políticos*, ihkuak mochiwa pehpenalistli, kemin kihtowa itech tlanawatiltin.

- a) Ihkuak pewa sanenkanixpantilistli kanin motekiwapehpenas noso campaña electoral wan ahsiti tonallia kanin mochiwas pehpenalistli yen *Instituto Federal Electoral* tlanawatis ma motemakah mohmostlatika ome powalli wan chikueyi minuto, wan moxehxelos ohomeh noso eheyi *minuto* itech sen kawitl kanin moxixinia tlahtolli itech tlahtolxiniloni *radio* wan ixkopinkaxiniloni *televisión*, ipan kawixehxelolli *horario* kenin kihtowa ipan *inciso d)* tlen kahki itech inin tlahuilolkotontli;
- b) Tlalia achtopan pewas sanenkanixpantilistli kanin motekiwapehpenas wan kiliah *precampaña* tlakaolocholtin tlen kiteixpantia akin yetos tekiyah noso *partidos políticos*, kiseliskeh se *minuto* itech sen kawitl kanin moxixinia tlahtolli itech tlahtolxiniloni *radio* wan ixkopinkaxiniloni *televisión*; kawitl tlen amo tlamis yen tlanawatilli kihtos kenemin monehnekis;
- c) Itech sanenkanixpantilistli kanin motekiwapehpenas wan kiliah *campaña*, tlakaolocholtin tlen kiixpantia akin yetos tekiyah noso *partidos políticos*, kiseliskeh nawi powalli wan makuilli *ochenta y cinco por ciento* tlen monehnekis kawitl kanin moxixinia tlahtolli kemin kihtowa *inciso a)* tlen kahki itech inin tlahuilolkotontli;
- d) Tlahtolxiniani tlen mochiwas itech tlahtolxiniloni *radio* wan ixkopinkaxiniloni *televisión* moxehxelos itech kawixehxelolli tlen papanowa chikuase kawitl wan sempowalli wan nawi;
- e) Kawitl tlen intech powi tlakaolocholtin tlen kiteixpantia akin yetos tekiyah noso *partidos políticos*, ihkon moxehxelos: moxehxelos sempowalli wan mahtlaktli treinta por ciento wan eyi

powalli wan *setenta por ciento* moxehxelos wan achtopan mottas kanah keski amapehpenaltin okipixkeh ihkuak yikin okipehpenki tlanawatilchiwaneh noso *diputados*.

f) Nochtin tlakaolocholtin tlen kiteixpantia akin yetos tekiwah noso *partidos políticos*, tlen amo kipias sen diputado itech Weyi tlakaolocholli kanin tlanawatilchiwah wan kiliah Congreso de la Union, kimaktiliskeh kawitl kanin moxixinia tlahtolli itech tlahtolxiniloni *radio* wan ixkopinkaxiniloni *televisión* san tlen kihtowa *inciso* tlen yopanok, wan

g) Tlanawatihkapan tlen kiyekana tekiwapehpenalistli *Instituto Federal Electoral* kimaktiliskeh mahtlaktli wan ome *doce por ciento* kawitl kanin moxixinia tlahtolli itech tlahtolxiniloni *radio* wan ixkopinkaxiniloni *televisión*, wan amo mochiwas kemin kihtowa tlahuilolkotontin *apartado A* wan *B* kanin kihtowa kenemin motemaka ihkuak pewa nowiyankanixpantilistli kanin motekiwapehpenas wan kiliah *campaña*, kemin kihtowa okseki tlanawatiltin; kawitl tlen kipias Tlanawatihkapan *Instituto* kixehxelos tlahko *cincuenta por ciento* kawitl ik nochtin tlakaolocholtin tlen kiteixpantia akin yetos tekiwah noso *partidos políticos*, okse tlahko kawitl kinehnekis itech iteki noso oksekintin tekiwahkapantin tlen tekiwahpehpena, tlen tekiti tlananyotl wan tlalnankotonaltin. Nochtin tlakaolocholtin tlen kiteixpantia akin yetos tekiwah noso *partidos políticos* kiseliskeh kanah makuilli kawtzitzin *minuto* sehsen mehmestlitikah wan okse kawitl kinehnekiskeh itech tlahtolxinilli tlen wehkawas sen powalli pilkawtzitzin segundos. Yen tekiwapehpenalistli *Instituto* tlanawatis ma mochiwa inin tlahtolxiniani wan motlahtolxixinis itech kawixehxelolli tlen kitzintlalis kemin kihtowa *inciso d)* tlen kahki itech inin tlahuilolkotontin *Apartado*. Tlalia Instituto yinelli kinehnekis kawitl kualtis kikiskis ihkuak se Partido kiyolchikawas ma kipalewikah itech inowiyankanixpantili.

Tlakaolocholtin tlen kiteixpantia akin yetos tekiwah noso *partidos políticos*, amo kualtis kikowaskeh kawitl noso okse iyolikni kinawatiskeh ma kikowa kanin moxixinia tlahtolli itech tlahtolxiniloni *radio* noso noihki ixkopinkaxiniloni *televisión*.

Yon se tlakayekantli *persona moral* noso san tlen kahki iselti *persona física* kualtis kitlaxtlawas kawitl noso kilis okse ma kichiwa tlalia yeh amo kineki moixkoyantis onpa kanin moxixinia tlahtolli itech tlahtolxiniloni *radio* wan ixkopinkaxiniloni *televisión* wan ihkon kinekis ma kipehpenakah iyolikni tlen kiteixpantia ma yeto tekiwa, yon amo san tlahtlapowas tlen oksekintin *partidos*

políticos kichihchitokeh ihkuak mopehpenas tlen moteixpantia mayeto tekiwa. Amo motlahtolxixinis nikan tlalnanyotl tlahtolli tlen witz tetlalnan nowiyankanixpantilistli kanin motekiwapehpenas wan kiliah *campaña*.

Tlen machiohtokeh intech tlahuiloxlolli tlen yopanokeh mowellakis intech tlalnankotonaltin wan tlananyolotl *Distrito Federal* kemin kihtowah tlanawatiltin tlen yomochihkeh.

Tlahkuilolkotontli B. Ihkuak mochiwas tekiwapehpenalistli intech tlalnankotonaltin, tlanawatihkapan tlen kiyekana tekiwapehpenalistli *Instituto Federal Electoral* kixehxelos kawitl tlen iaxka onpa kanin moxixinia tlahtolli itech tlahtolxiniloni *radio* wan ixkopinkaxiniloni *televisión* wan noihki kateh intech itlalaxkayotl *territorio* kemin kihtowa itech tlanawatilyekantli wan tlen nikan tlani machiohtok:

- a) Tlalia tekiwapehpenalistli tlen mochiwa tlalnakotonaltin wan nepanitokeh tlen ika mochiwa Weyi Tekiwhakan tlen kitokayotiah *federación*, kawitl tlen motemaka wan tlen tlalnankotonaltin kipixtoskeh tlen kihtowa itech *incisos a), b) wan c)* tlen kateh itech tlahuiloxlolli A itech inin tlanawatilewalli;
- b) Nochtin okseki tekiwapehpenalistin, temakalistli mochiwas kemin kihtowa itech tlanawatilli, mowellakis tlen kihtowa weyi Tlanawatilli tlen kiliah *constitucionalidad*, wan
- c) Kawitl tlen kinxehxeliliskeh nowiyankanixpantilistli kanin motekiwapehpenas wan kiliah *campaña*, wan akimeh amo machiohtokeh itech tekiwhakan tlen tlanawatia Tlalnanyotl, mochiwas kemin kihtowa tlanawatiltin tlen kateh itech tlahuiloxlolli A itech inin tlanawatilewalli.

Tlalia tlanawatihkapan tlen kiyekana tekiwapehpenalistli *Instituto Federal Electoral* kittas amo kahxilia kawitl tlen kahki onpa kanin moxixinia tlahtolli itech tlahtolxiniloni *radio* wan ixkopinkaxiniloni *televisión* noso noihki okseki tlanawatihkantin amo kinahxilia, kihtos tlen mochiwas wan ihkon okachi kawitl kahsitis kemin kihtowa itech tlanawatiltin.

Tlahkuilolkotontli C. Tlakaolocholtin tlen kiteixpantia akin yetos tekiyah noso *partidos políticos* amo motlahtlahtolwiskeh wan kihtoskeh tlen amo kualli ika tlen kitekitih nowiyankan ixpantilistli kanin motekiwapehpenas wan kiliah *propaganda*, noso san tlakuikaltiskeh.

Itech tekitl kanin pewa nowiyankanixpantilistli kanin motekiwapehpenas wan kiliah *campaña electoral* wan ihkuak kahsiti tekiwapehpenalistli, amo kualtis tlahtolxiniskeh itech tlahtolxiniloni *radio* wan ixkopinkaxinloni *televisión* akimeh tlanawatiah Tlahtolatiankayotl, yon akimeh tlanawatiah Tlanankotonaltin, altepetlahtolkan *municipios*, tlanawatihkaptantin tlen kateh tlalnanyolotl *Distrito Federal* imayotekwahtin *delegaciones* yon okse tlanawatihkapan. San tlanawatihkapan tlen kiyekana tekiwapehpenalistli kualtis tlahtolxixinis tlalia monekis itlah kiteixpantis, tlatlamantli tlen kihtowa kemin temachtiskeh wan tepahtiskeh, noso tlen moneki ihkuak panowa itlah tlen amo kualli.

Tlahkuilolkotontli D. Akin amo kiwelkakis tlen nikan machiohtok kihyowis ixkomakalistli wan inon tetlahyowilistli kiyektlalis san nimantzin kitzintlalis tlanawatihkapan tlen kiyekana Weyi tlakaolocholli tekiwapehpenani tlen kiliah *Instituto Federal Electoral*, kualtis tlanawatis amo ma tlahtolxinikah itech tlahtolxiniloni *radio* wan ixkopinkaxinloni *televisión*, akimeh moaxkatilia wan kitetlanetia inon tlamantli, tlalia amo kiwelkakih tlanawatilli.

IV. Tlanawatilli kitzintlalis wehwekawitl kanin tlakaolocholtin tlen kiteixpantia akin yetos tekiyah noso *partidos políticos* wan kemanian kipehpenaskeh iyolikni tlen kiteixpantiskeh altepatlakayotl, noihki kintemakas tlanawatiltin kanin machiohtos kenemin mochiwaskeh nowiyankanixpantilistli kanin motekiwapehpenas wan kiliah *campaña electoral*, wan tlen achtopan kichiwaskeh.

Nowiyankan ixpantilistli tlen mochiwas ihkuak mopehpenaskeh Weyi Tlanawatiani Presidente de la republica, tlanawatilyehyekowanuh, tlanawatilchiwanuh wehkawas nawpowalli wan mahtlaktli tonalli; xiwitl kanin mopehpenaskeh tlanawatilchiwaneh san wehkawas eyi powalli. Nowiyankan ixpantilistli tlen noso *campaña* tlen achtopan mochiwa amo kipanowis tlahko kawitl tlen kitemaka ihkuak mochiwa yinelli nowiyankan ixpantilistli.

Tlalia tlakaolocholtin tlen kiteixpantia akin yetos tekiyah noso *partidos políticos* noso se tlakayekantli *persona moral* wan noihki san tlen kahki iselti *persona física* amo kiwelkakiskeh inin tlanawatilli welika kihyowis tetlahyowilistli kemin kihtowa tlanawatilli.

V. Tekiwapahpenaloyan kiyekana Tlahtowankayotl wan tlanawatihkan tlen tekiwapahpena tlen kiyekana tekiwapahpenaloyan tlen itoka *Instituto Federal Electoral* yeh moixkoyantia, kipia ixkoyantilis tlen kitemaka tlanawatilli wan iteaxkayotl, kiyektlalia Weyi tlakaolocholli kanin tlanawatilchiyah, tlakaolocholtin tlen kiteixpantia akin yetos tekiyah *partidos políticos* wan altepetlakah, nochi mochiwas kemin kihtowa tlanawatilli. Tlayehyekoltin wan tlanawatilewaltin tlen ika moyakanaskeh kipiaskeh melahkayotl, mowellakas tlanawatilli, ika ixkoyantilistli, amo kiyolchiwaskeh san sen tlakatl wan tlamantli yinelli mochiwas.

Tekiwapahpenaloyan tlen itoka *Instituto Federal Electoral* tlanawatis wan tlayekanas, moixkoyantis ihkuak itlah kihtos wan iteki kualli kiyekchiwas; kipias tlakewalixtlamatini, *ejecutivos*, tekipalewianeh noso *técnicos* wan akimeh tlahtlachiaskeh. Olocholtlayekanki noso *Consejo General* yetos tlen tlanawatis, inin kipias sen tenahnawatiani noso *consejero* wan noihki yetos Tlanawatiani *Presidente* wan chikueyi yetoskeh tekiyahkeh itech tekiwapahpenalli *consejeros electorales* itech tekiwapahpenalistli, tekiyahkeh tlen walewah Weyi Tlanawatilchiwaloyan, akimeh kateh itech tlakaolocholtin tlen kinnotzah *partidos políticos* wan se tlakewalixtlamatini noihki kiliah *secretario ejecutivo* ompa kualtis kihtoskeh tlen kiyehyekowah wan amo kitemakaskeh ipehpencayotl; tlanawatilli kitzintlalis kenemin moyekchiwas wan tekipanoskeh tlakewalixtlamatkeh, noihki kemin moyeknawatiskeh. Olocholtlayekankeh tlen kinnotzah *organos ejecutivos* wan tekipalewianeh noso *técnicos* kipiaskeh tekipanowaneh tlen miak kimati ihkuak kichiwaskeh iteki kanin tekiwapahpenaskeh. Tomintlachialoyan *Contraloria General* moixkoyantis wan tekipanos itech tominxehxelolli, kittas kenemin kinehneki tomin wan kanah kech kitlani inon tlanawatihkapan. Tlanawatilli kitzintlalis tlanawatilpehpenalli noso *Ley Electoral* tlen kiyektlalis Olocholtlayekanki noso *Consejo General*, tlanawatiskeh kenemin moyekwikaskeh tekipanowaneh tlen kateh tekiwapahpenalistli. Olocholtlayekanki tlen tlaistlakowa tokayonepantli tlen tekiwapahpena noso *padron electoral* yetoskeh akimeh walewa intech tlakaolocholtin tlen

kiteixpantiah akin yetos tekiyah *partidos políticos*. Altepetlakameh tlen amo kateh itech *partidos políticos* kinyekanaskeh ikpaltin kanin moselia tlapehpenkayotl.

Tenahnawatiani noso *consejero* wan tlen noihki yetos Tenahnawatiani Tlayekanki *Presidente* wehkawas itech itekiyo chikuase xiwitl wan kualtis san okse wehkawitl kipehpenaskeh. kemeh tlen kateh itech tekiwapehpenalistli wehkawaskeh itech iteki chiknawi xiwitl, sehsen wehkawitl mopatlaskeh wan amo kualtis oksemi kinpehpenaskeh. Mottas katli yen yokitlamih iteki, sehsen oksemi kinpehpenaskeh kipanowiah tlahko tlakameh tlen kateh itech Weyi Tlanawatilchiwaloyan, tlakaolocholtin tlen kiyolchikawa tlanawatilchiwaneh noso *grupos parlamentarios* kihtoskeh akin yetos, achtopan tetlahtlaniskeh itech altepetlakayotl inin tlamantli. Tlalia tenahnawatiani noso *consejero* wan tlen noihki yetos Tlayekanki noso *Presidente* ayakmo tekipanos, kipatlaskeh wan kitlaliskeh okse tlakatl ma kitlami iteki. Tlanawatilli kitzintlalis kenemin mochiwas inon pehpenalistli.

Tenawatiani Tlayekanki noso *Consejero Presidente* wan keh tlen kateh itech tekiwapehpenalistli tlen kinnotzah, amo kualtis kipiaskeh okse tekitl, noso tekitiskeh itech sen tekitlahto comisión, san akimeh kateh kiyekanaskeh Olocholtlayekanki noso *Consejo General* wan tlalia temachtia, tlayehyekoltzintokah, kiyolitia tekipankayotl, tlatzitzintokah noso tepalewia, wan onpa amo kintlaxtlawia. Tlen tlanawatia itech olocholtlayekanki kitlaxtlawiskeh kemin kitlani sen tlayekanki tlen kahki itech Weyi mawisotlanawatilchihkan tlalnanyotl *Suprema Corte de Justicia de la Nación*.

Akin yetos tomintlachixki noso *contralor*, tlanawatis itech tomintlachialoyan *Contraloria General* wan tlahatlachias itech tlanawatihan tlen itoka *Instituto*, yeh kitlalis Weyi Tlanawatilchiwaloyan *Camara de Diputados* ikah kipanowia tlahko pehpenkayotl tlen tlanawatilchiwaneh kitemakah, wan kiteixpantiskeh Weyi tlamachtiloyantin ihkon kihtowa tlanawatilli. Wehkawas itech tekitl chikuasen xiwitl wan kualtis oksemi kipehpenaskeh. Tekimachiohtos kanin kahki Tenawatiani Tlayekanki noso *Consejero Presidente* wan moyeknotzas ika weyi tomintlachixkeh tlen iaxka Weyi Tekiwhakan tlen noihki kiliah *entidad de fiscalización superior de la federación*.

Tlakewalixtlamatini tlen noihki kiliah *secretario ejecutivo* kitlalis se olocholtlayekanki noso *Consejo General* ikah kipanowia tlahko pehpenkayotl tlen tlanawatilchiwaneh wan kiteixpantis Tlanawatiani Tlayekanki noso *Consejero Presidente*.

Tlanawatilli kitzintlalis nochí tlen kinehnekis akin yetos Tenahnawatiani Tlayekanki noso *Consejero Presidente* tlen tlanawatis olocholtlayekanki noso *Consejo General*, tekiti itech tekiwapehpenalli *consejeros electorales*, sentetl tomintlachixki noso *Contralor General*, tlakewalixtlamatini tlen noihki kiliah *secretario ejecutivo* tlen yetoskeh itech tekiwapehpenaloyan tlen itoka *Instituto Federal Electoral*; akin yopanok kemin Tlanawatiani Tlayekanki noso *Consejero Presidente*, tekitih itech tekiwapehpenalli *consejeros electorales*, wan, tlakewalixtlamatini tlen noihki kiliah *secretario ejecutivo*, amo kualtis kinpehpenaskeh ma yetokah tlayekankeh itech tekiwapehpenalistli kanin inyolkiwah kinekiskeh kinixpantiskeh.

Tekitl tlen walewa weyi tlakaolocholli kanin tlanawatilchiwah kiteixpantiskeh tlakaolocholtin tlen kiyolchikawa tlanawatilchiwaneh noso *grupos parlamentarios* tlen kateh itech tlakaolocholtin tlen kiteixpantia akin yetos tekiwah noso *partidos políticos*. Sen tlakaolocholli tlen kiteixpantia akin yetos tekiwah noso *partido político* san sen te wan kualtis moyolchikawas intech ome tlanawatilchiwaloyan tlen moyekanah itech tlakaolocholli kanin tlanawatilchiwah tlen kiliah *Congreso de la Unión*.

Tekiwapehpenaloyan tlen itoka *Instituto Federal Electoral* itech powi kichiwas nochí tekitl, kenemin kihtowa tlanawillli, kitekitis wan kittemachtis ma kimawisittakah Tlalnanyotl, ma kixmatikah tlalnantli kanin mopehpena tlahtowani wan tekiwah, tlen intech powi wan kenemin kinpalewiskeh tlakaolocholtin tlen kiteixpantia akin yetos tekiwah *partidos políticos*, tokayopehpenalli wan tokayohmeh, kinixkopinkayotis amapehpenaltin, kichiwas tekitl kanin kipehpenaskeh tekitlahtowani wan tekiwah, kinpowas amapehpenaltin ihkon kemin kihtowa tlanawatillli, kihtos akin otlatlanki pehpenalistli, tlanawatilyehyekowani wan tlanawatilchiwani, kichiwas powalistli itech pehpenalkan *distritos electorales uninominales* kanin moixpantis akin yetos Weyi Tlahtowani noso *Presidente de los Estados Unidos Mexicanos*; noihki kinyeknawatis kenemin tlahtlachiaskeh tekipehpenalistli wan tlahtoltlahtlanilistli *encuesta o sondeos de opinión*

kanin mottas akin kualtis tlatlanis. Altepemeh kinittaskeh olocholtin tlen tlayakanah ihkuak molochoskeh, ihkon kihtowa tlanawatilli.

Tomintlaistlakolistli noso *Fiscalizacion de las finanzas* tlen kinchiwiliskeh Tlakaolocholtin tlen kiteixpantia akin yetos tekiyah noso *partidos políticos*, kiyekanas sen Olocholtlayekanki noso *Consejo General* tlen kipia Tekiwapahpenaloyan tlen itoka *Instituto Federal Electoral*, kualtis moixkoyantis, wan itlayekanki kinpehpenaskeh kipanowia tlahko tlakameh tlen kateh itech olocholtlayekanki wan kiteixpantis tlen tlanawatia. Tlanawatilli kitzintlalis tlanawatilli kanin kihtos kenemin moyektlalis inon tlakaolocholli tle tlayakanas, noihki kihtos kenemin yektekipanoskeh tlen yetoskeh itech olocholtlayekanki noso *Consejo General*. Ihkuak kichiwas iteki olocholtekipalewiani órgano técnico tominpialoyan banco amo kitlatilis tlahtolli kanin kihtowa tlalia onka tomin, kox itlah motewikilia noso motlaxtlawa *impuestos*.

Olocholtekipalewiani yetos akin kinpalewis tlanawatihkapatin tlen tlachixkeh wan kittah kenemin kinehneki tomin, tlakaolocholtin tlen kiteixpantia akin yetos tekiyah noso *partidos políticos* wan kateh Tlalnankotonaltin ihkon kualtis mochiwas tlen kihtowa tlanawatilli.

Tlakaolocholli tekiwapahpenani tlen itoka *Instituto Federal Electoral* kualtis moixkoyantis kichiwas tlahtoltlachiwalli ika tlalnankotonaltin tlalia kineki ma kichiwa tekiwapahpenalistli, noso altepetlahtolkan municipio, ihkon kemin kihtowa tlanawatilli tlen okteyolchikah.

VI. Nochi tekitl tlen kichiwa tekiwapahpenalistli wan ihkon kiwelkakis tlanawatilyotl wan tlechiwalistli kanin mopehpena tekiyah; motzintlalis se tekichiwalli kanin machiohtos kenemin kualtiskeh tlatzintokaskeh tlalia itlah amo kualli omochih, ihkon kahki itech Weyi Tlanawatilli wan inin tlanawatilli. Inin tlanawatihkan kitzintlalis kenemin paapanotias pehpenalistli noso, *procesos electorales* wan ipan tlachias iteachkayotl *derechos políticos* tlen intech powi altepetlakah wan kualtis kinpehpenaskeh wan kualtis yetoskeh tekiyahkeh noso tlanawatianih, noihki kualtis molochoskeh kemin kihtowa tlanawatiltzintli 99 tlen kahki itech inin Weyi Tlanawatilli.

Tlalia omopehpenki tlahtowani noso okse tekiyah wan tlayekanki wan amo nochtin kiwelittah tlen omochih, kualtis kihtoskeh wan inon tlahtolli amo kipatlas tlen yomochih noso tlen kitenewa amo kualli kahki.

TLAHKUILOLXELOLLI II

Tlen ahachi powi itech tlalnantli wan tlen nochi iaxkayo

Tlanawatiltzintli (Art. 42). Tlen mexihkotlalli itechpowi:

- I. Tlen ahachi kichikawiliah Weyi olocholtekiwahkan tlen kinotzah *Federación*;
- II. Tlalayalwaltin tlen kitokayotiah *islas*, noihki tlen itech powi ihtik weyatl tlen tlahtlayekapan nochi tlayolli ika sen ayolkatl kitokayotiah *coral* wal mochiyah tlen kinotzah *arrecifes*, wan tlen wehweyi tetl waltlayakapankistok ihtik weyatl kanin amika welitis onpa chantis tlen kinotzah *cayos*;
- III. Tlalayawaltin tlen kitokayotiah *Guadalupe* wan *Revillagigedo* tlen powi itech weyi weyatl tlen kitokayotiah *oceano pacífico*;
- IV. Tlen atenpa weyatl mohmoskaltia wan ahsí san sen tlatomachiwalli ihtik weyatl tlen kinotzah *plataforma continental* wan kanin tlalayawaltin tlen atlalpachiwihs kemin kitenewa *zocalos submarinos*, tlalayawaltzitzin tlen kinotzah *cayos* wan noihki tlen waltlayolli tlen kinotzah *arrecifes*;
- V. Tlen weyatl powi mehxikotlalli, kemin kitenextilia itlanawatilli noso tlen itech powi tetlalnayotl wan tlen itech tlalnantli atekitl;
- VI. Nochi tlen ahkopan powi mexihkotlalli, iaxka wan kemin kitenextilia tlen itech powi tetlalnayotl tlen kinotzah *internacional*.

Tlanawatiltzintli (Art. 43). itech Mexihkotlalli powi wehweyi altepemeh tlen tlalnankotonaltin: *Aguascalientes, Baja California, Baja California del Sur, Campeche, Coahuila, Colima, Chiapas, Chihuahua, Durango, Guanajuato, Guerrero, Hidalgo, Jalisco, México, Michoacan, Morelos, Nayarit, Nuevo Leon, Oaxaca, Puebla, Queretaro, Quintana Roo, San Luis Potosi, Sinaloa, Sonora, Tabasco, Tamaulipas, Tlaxcala, Veracruz, Yucatan, Zacatecas* wan *Distrito Federal*.

Tlanawatiltzintli (Art. 44). Itech Tlalnantli kipia sen weyi altepetl tlen kitokayotiah *Distrito Federal* ompa kahki tlanawatiloyan wan *capital* kemin tikixmatih *Estados Unidos Mexicanos*. Wan mochihtok tlalnantli tlen kinotzah *México* wan tla moihekuaniskeh tlanawatiloyantin oksekan, motlanawatis itech tlalnankotonalli tlen kinotzah *Estado del valle* wan itlalnamiktilis wan moweyitilis kemin kimaktiliskeh Weyi tlakaolocholli tlanawatilchih tlen kitokayotiah *Congreso General*.

Tlanawatiltzintli (Art. 45). Nochi tlalnakotonaltin tlalpixtokeh wan motlahtlakohkotontokeh kemin ihkon okinxehxelihkeh wan ihkon amo mokuahkualaniskeh.

Tlanawatiltzintli (Art. 46). Tlalnankotonaltin welitiskeh mosepantlapowiskeh wan san yehwan motlanawatiskeh, noso moyolotlapowiskeh, kanin motlalkohkotontokeh noso motlaixnahnamiktokeh; wan amo motenkakis inin sepantlapowalistli tla keh amo kiseliskeh itech tlanawatilyehyekhan tlen kinotzah *Camara de Senadores*.

Kemin amo motenkakih tlen wehweyi altepemeh kuali semeh kuali moteixpantitin noso yaski tlanawatilyehyekolcan, tlen tekitiskeh kenin kineskayotia tlanawatiltzintli 76, itech tlanawatilxeloltzintli XI tlen kahki itech inin tlanawatilli.

Nochi itekio tlen tlanawatilyehyekolcan kipia kiyehyekoskeh wan ihkon mochiwas, amo welitis mononotzaskeh noso monanankilli. Weyi mawisotlanawatilchihkan tekitepantlahtowanih tlen tlalnantli powi kipia kiixmatis ikka tlahtolchikawalis wan kitenchikawilis melahkayopan wan tanawatihkan noso san akin kimatisneki, tlen kualanalisis san akin itech walewa mochihchiwas tlanawatilyehyekolcan itech tlanawatilnextilis.

Tlanawatiltzintli (Art. 47). Tlalnankotonalli tlen (de, sic DOF 05-02-1917) Nayarit yetos itlalan wan motlalnamihtos kemin axkan iaxka itlalan Tepic.

Tlanawatiltzintli (Art. 48). Nochi tlalayawalli, tlalayawaltzitzin wan atlalyolkan tlen kinotzah arrecifes tlen ihtik weyatl kahki tlan iaxka Tlalnantli, atlalixmanalli tlen kinotzah *plataforma continental*, itlanpa tlalayawaltzitzin tlen onpa tlayoltok tlen kinotzah *zocales submarinos*, de los tlalayawaltzitzin tlen kinotzah cayos wan tlen ihtik tlayolli tlen kinotzah arrecifes, weyiatlahsiankan tlen kinotzah *mares territoriales*, tlaitik atlalnantli tlen kinotzah *aguas marítimas* wan ehekapanyotl tlen kinotzah *espacio* nochi itech tlalnantli Mexihkotlalli, wan kinnawatihtos tlanawatiani tlen México, wan tlen tlahko tlalayalwalli kahki, tlen iaxkantika kahki achtopan okinmaktilihkeh nochi tlalnankotonaltin itlanawatilkan.

EYIPAN TLAHKUILOLTOKAITL TLAHKUILOLXELOLI I TLANAWATILXEHXELOLISTLI

Tlanawatiltzintli (Art. 49). Tlalnantli itlanawatil moxehxelowa kanin tlanawatilchiwah tlen kitokayotiah tlanawatilixmachilyotl tlen kinotah *legislativo*, tlanawatilselilistli tlen kitenewah *ejecutivo* wan melahkanyehyekilli tlen kinotzah *judicial*.

Ayik weltis mosetiliskeh noso sepanian tekitiskeh, wan amo noiiki weltis mokuepas tlanawatilixmachilyotl ika sen tlakayotl, ihkon weltis mochiwas, tlalia ihkon mochiwas kipia tlanawatis tlalnantlanawatilselilis, kanin motechikawilia itech tlanawatiltzintli **29**. Ayik okanah mochiwas kemin kihtowa tlahkuiloktonalli ohpa tlen tlanawatiltzintli 131 kitenextia, wan kimaktiliskeh nochi kan tlanawatiskeh.

TLAHKUILOLXELOLI II TLEN ITEKIO TLANAWATILIXMACHILOYAN

Tlanawatiltzintli (Art. 50). Tlanawatilixmachiloyan tlen tlalnantli powi wan tlen kitokayotiah *Estados Unidos Mexicanos* wan tlen motemaka itech Weyi tlanawatilchiwaloyan wan motlahkoxelowa ika tlanawatilchihkan wan tlanawatilyehyekolkhan.

SECCION I

IXPEHPENALISTLI WAN KENIN MOYEKTLALIA WEYI TLANAWATILCHIWALOYAN

Tlanawatiltzintli (Art. 51). Tlanawatilchihkan kiteixpantia tlen mexikhkotlakameh, akinmeh kinixpehpenah tlen kipia mochiwas eheyi xiwitl, akin yen ineli yetos noso okse ipatkayo yetos.

Tlanawatiltzintli (Art. 52). Weyi Tlanawatilchiwaloyan kipia yetoskeh kaxtolli poali tlanawatilchihkeh tlen kipia kinixpehpenkeh, kemah miekintin kinnehneki, kemin motlakamatiskeh tlen kipia Kiteixpantis *distritos electorales uninominales*, wan mahtlakpoalli tlanawatilchihkeh tlen yetoskeh kemin kineskayotia wan ahachkiteixpantia, itech tenpowalmakalis itech amatlahkuilolis wan tlen kipia kinixpehpenakeh itech altepemeh. (*circunscripciones, sic DOC 16-12-1986*) sepanixpehpenalistli.

Tlanawatiltzintli (Art. 53). Tlalnanxehxelolkan tlen kaxtolpoalli olocholixpehpenaliskan wan kanin kixehxeloskeh nochí altepetlakameh. Inin altepeixpanpehpenalis sepanixpehpenkan tlen kinotzah *Distrito electorales uninominales* intech tlalnankotonaltin tlen kipia mochikawilis ika powilis tlalnintlakameh, tla keh sen altepeh kipias san achintzintzin omentih tlen tlanawatilchiwanih tlen kimiektin kemin kinixpehpenaskeh mahtlaktlipoalli tlanawatilchihkeh kemin kihtowa iteixpantiskeh ahachi wan itech tlahuiloipantilis tlen kinotzah *sistema de listas regionales* mochikawilis ika makuilli altepemeh noso altepehxehxelolten tlen sepanixpehpenalis motemaka itech tlalnintl, wan tlanawatilli tlen yen kihtos kemin motlahkohxehxelos tlalmexihko noso itech xehxelolaltepemeh.

Tlanawatiltzintli (Art. 54). Tlen mahtlaktli poalli tlanawatilchihkeh tlen moixpehpenaskeh, mochiwas kemin ahachi teixpantilis wan kenin kinmaktilia kanin machiotitokeh itech altepemeh, moyekchikawilis kemin ihkuilitok itech tlanawatilli.

I. Sen tlakaholocholli tlen tlatlamantli itlayehyekol tlen kitokayotiah *partido político*, kemin momachiotis, monehneki ma moteixpanti kemin yeh kineki moyehyekos ma kipehpenakan kanah mahtlaktli poalli altepeteixpantilis tlen kitokayotiah *Distrito*.

- II. Nochi tlakaholocholli tlen tlatlamantli itlayehyekol kema kiahxitis kanah ome tlaxehxelolistli tlen tlen itlamian ixpehpenalistli kualtis tekiwahtis kemin ihkuilitoh itech ahachi tlakateixpantilistli.
- III. Tlen tlakaolocholli tlatlamantli itlayehyekol, kema kiaxitiskeh kemin achtopan ihkuilotok, ixkoyantika noso amo machiotitok itech iamateixpantilis kanin okitlanki noso okiixpehpenkeh kimaktiskeh tlanawatilchiwanih kemin machiotitokeh itech altepetlanawateixpantilis kemin ihkuilitok tlen ahachi tlakateixpantilistli wan motemaktilis kemin ixpehpenalistli kitenextilis mexihko tlalli wan kintekimakaskeh ahachi kemin okinixpehpenkeh.
- IV. Ninseh tlakaholocholli tlen tlatlamantli itlayehyekol amo weltis kinpias ma kipanowikan kaxtolpoalli tlanawatilchiwanih
- V. Amo weltis, tlakaholocholli tlen tlatlamantli itlayehyekol weltis kinpias sepanelistli kemin tlanawatilchiwanih kenin kiteixpantiah sen *porcentaje* itlamelistli itech kaltlanawatilchiwalistli tlen kipanowihtos chikueyi puntos a su porcentaje kemin ixpehpenalistli tlalnantli. Inin amo motekichiwas intech tlakaholocholli tlen tlatlamantli itlayehyekolli, kemin okitlanki intech altepemeh tlen kitokayotia *distritos uninominales*.
- VI. Tlen ihkuilitok itech tlahuilolxeхxelolli III, IV, V tlen achtopan neskayotitokeh, nochi tlanawatilchihkan tlen ahachi teixpantilistli, satepan mokawaskeh sekintih ihkuak kinmaktiliah tlakaolocholli tlen tlatlamantli itlayehyekolli kemin kihtohyok itech tlahuilolxeхxelolli IV noso V, motekiwhakamakaskeh inwan oksekintih tlakaolocholli tlatlamantli itlayehyekol tlen intechpowilis sehsen altepeixpehpenalli tlen tiknotzah *circunscripciones plurinominales* san imekahkayopan kemin mexihko ixpehpenalistli kinextia wan satepan tlanawatilli kiyektlalis kemin ihkon mochiawas.

Tlanawatiltzintli (Art. 55). Kemin tlanawatilchiwani monehneki:

- I. Ma powi mexikhkotlalli altepetlakatl, tlen onpa otlakatki wan ma kiyehyeko tlen itech powi.
- II. Ihkuak ahsis tonalli tlen mopehpenas ma kipia senpoalli wan se xiwitl tlen itlakatilistli.
- III. Ma powi itech tlalnankohkotonalli kanin moteixpantia, kan mopehpenas noso ihkuak ahsis tonalli tlen ixpehpenalistli ma kipanowi tlahko xiwitl kanin onpa chantitok.

Kemin kualtis noneskayotis itech amatlanawatilixpehpenalistli, kanin moteixpantisneki kanin kineki yetos tlanawatilchiwani, monehneki kanin otlakatki itech se tlananxehxelolli kanin powi, noso kema chikuase metztli onpa chanchihtok ihkuak moixpehpenas

Ayik poliwi chanchiwaloyan tla amo tekititok itech se altepetlanawatilli kan motlanawatil ixpehpenaslistli moyehyekowa.

IV. Itech altepetl kan mochiwa tlanawatilixpehpenalistli moneki amo ma powi itech tlalnanyaoyotlakatilistli, amo ma tepantlahpixki noso altepetlahpiani ma yeto, kanah nawpoalli wan mahtlaktli tonalli tlen achtopan ihkuak inon tonalli motekiwickas;

V. Amo ma tlayekanto noso tlanawatihtok sen tlakaolocholistli kan tlalnannawatilli kitemaktiliah

Ixkoyannahnawatilistli, amo ma ihkuilowani tlen tlalnankotonalli kan powi noso tlakewalihkuilowani, noihki amo ma tlayekanto semeh nechikolismeh tlen amo sepanitok tlanawatilkapan wan ixkoyantlanawatilis kipia tlen tlalnannawatilistli, tla kineki yetos tlanawatilchiwani monehneki ma motekikawa kanah nawpoalli wan mahtlaktli tonalli tlen achto mochiwas ixpehpenalistli.

Ayik welitis motekiwaixpehpenas akin tekititok noso kiyekantoh Weyi mawisotlanawatilchihkan tekitepantlahtowankeh tlen kitokayotiah *suprema corte*, tlen yektlahitolchiwayotl kitokayotiah *justicia*, noihki tlanawatilyektlaliani tlen kinotzah *magistrado*, tlahuilochechiwani tlen powi Tlakaolocholli tlen teowihkayoyektlaliani tlaixpehpenalis itech tlalnantli tlen kinotzah *Tribunal electoral del poder de la federación*, ayik ma tlahtolchiwani tlen weyi tlanawatiani tlen tlakaixpehpenalis tlen nochí ahachi altepemeh, wan tekiwahixpehpenalis tlen kinotzah *distritales del Instituto federal electoral*, tlahuilochechiwani tlen tlawawatilchiwalis, tlaixpantitok itech tlakaolocholli, welitis tla motekikawas kanah eyi xiwitl achto tlen mochiwas tlakaixpehpenalistli.

Nochi tlanawatihkeh tlen tlalnanxehxelolli wan weyi tlanawatilli tlen kixpantitok tlalnanyotl tlen kinotzah *Distrito Federal* amo welitiskeh motekiwhixpehpanaskeh kemin tlanawatilchiwani kanin

powih itech inaltepeh ihkuak yehwan tlanawatihtokeh, ma yihki ma moixkoyantikah noso ma motekikawakan.

Tlahkuilowanih tlen tlalnankotonaltin tekiwahkeh wan tlalnanyotl tlen kitozah *Distrito Federal*, tlanawatilyektlalihkeh wan tlahtlakolahxilianih tlen powi tlalnantli, tlalnankotonaltin noso tlalnanyotl tlen kinotzah *Distrito Federal* wan noihki tlahtoani altepemeh tlen kintokayotiah Presidentes Municipales wan kiteixpantitokeh sen tlakaolocholli tlen tlatlamantli itlayehyekolli nosos tlalnaxehxelohkeh kemin tlalnanyotl, amo welitiskeh moixpehpenaskeh itech ialtepemen tlakeh motekikawaskeh nawpoalli wan mahtlaktli tonalli tlen achto moixpehpenaskeh;

VI. Amo ma teopankisto wan ayik ma tlaneltokani, wan

VII. Ayik welitiskeh tlanawatilchiwani yetos tla itlakayo amo kualikkah kemin kineskayotia tlanawatiltzintli 59.

Tlanawatiltzintli (Art. 56). Tlanawatilyehyelkan tlen motokayotia cámara de senadores moyektlalia chikuasenpoalli wan chikueyi tlanawatilchihkeh, ininkeh walewah itech tlalnaxehxelolli wan noihki onpa distrito federal, kanin ome tlen kitlani itech tlanawatilixpehpenalistli kemin kihktowa itech tlanawatilixpehpenalli tlen tlamiekilia wan sen moixpehpena tlen achto tlen amo tlamiekilia. Ihkuak ihkon mochiwas moneki tlakaolocholistli tlen tlanawatilchihkeh moneki ma moihkuilokan noso ma moteixpantikan itech ome tlamantli itech ihkuilolamatl. Achtopan tlen amo miekintih kimaktiliskeh tlen kitokayotiah senaduría kemin neskayotitok itech tlakaolocholistli tlen tlatlamantli itlayehyekol kemin mokawas omipan tlen ixpehpenalistli tlen mochiwa itech ialtepe kanin powi.

Wan oksekintih tlen senpoalli wan mahtlaktli wan ome tekiwahkeh tlen senadores mokawaskeh kenin kihtowa yektlanawatilixpehpenalistli tlen ahachi moixpehpenas kenin okihpehpenkeh wan sepanixpehpenalistli tlen powi itechtotlalnan. Kemin ihkon mochiwas tlanawatilli kineskayotis.

Chihchikuasipan moyankuiktilis tlanawatilchiwaloyan.

Tlanawatiltzintli (Art. 57). Sehsen tlanawatilchiwani moixpehpenas se ipahpatkayoh.

Tlanawatiltzintli (Art. 58). Noihki kemin tlanawalchiwani monehneki kemin yesneki tlanawatilchiwani, itech inin tlakaixpantilistli moneki ixiwtlakayotl, tlen moneki ma kipia senpowalli wan makuilli xiwitl ihkuak tonalli tlen mochiwas tlakapehpenalistli.

Tlanawatiltzintli (Art. 59). Nochitin tlanawatilchihkeh wan tlanawatilyehyekohkeh tlen powih tlanawatilchiloyan amo welitiskeh san niman mopehpenaskeh ihkuak tlami intekiyo.

Nochi tlen ipatkayotl tlanawatilchihkeh wan tlanawatilchiwanih welitiskeh mopehpenaskeh san niman ihkuak tlami intekih tlen yineli iaxkatika amo welitiskeh tla yehwan otekiteh ipatkayoh tlanawatilchiwani; tlen tekitlamilistli tlanawatilchihkeh wan tlanawatianih amo welitiskeh san niman mokawaskeh noso moneskayotiskeh kemin patkayowani.

Tlanawatiltzintli (Art. 60). Tlanawatilxpaloyan kintlakittas nochitlanawatilchihkeh, tekiwahkeh noso tlanawatihkeh kanin powi altepeyohkan tlen kitokayotiah *distrítos* wan itech tlalnanxelolli kemin kineskayotia tlanawatiltzintli 41 tlen powi itech inin Tlanawatilli; kinmaktilis amatlatlanilistli noso kemin okinselihkeh tlen ipatkah okixpehpenkeh wan ihkon kinmaktiliskeh, kemin tlanawatilyehyekohkeh tlen sehpá amo miekeh kemin yolsepankawalistli kemin kineskayotia tlanawatiltzintli 56 itech inin Tlanawatilli. Noihki kintlakaitaskeh wan kinmaktiliskeh tlanawatilchihkeh kemin ahachi teixpantihoskeh kemin kineskayotia tlanawatiltzintli 54 tlen powi itech inin Tlanawatilli.

Nochi tlen kintlakaitah wan kinmaktiliah iamatlatalnlistli wan tlen kintekimakah tlanawatilchihkeh wan tlanawatilyehyekohkeh welitiskeh kinkuiliskeh noso amo kintlakaitaskeh itech tlanawatiloyan tlen kitokayotiah *salas regionales* kanin tlakaixpehpenah itech weyi altepeyan owihkayopohpolohkan kemin kineskayotiah Tlanawatilli.

Tlen motekichiwas itech tlanawatiloyan tlen kitokayotiah *salas* tlen achtopan neskayotitok kiamanemiliskeh wan kitzintokaskeh tlen iaxka Tlakaolocholli tlen teowihkayoyektlaliani tlen kitokayotiah *tribunal*, kemin kixtilistli noso tlen amo kintlakaitiliah tlen tlakaolocholli tlen tlatlamantli

itlayehyekol welitiskeh moteilwiskeh noso mopalewiskeh ihkuak tlen akin amo inpan kualli kitlakaitah kualtis moyektlalis tlen itlamilis ixpehpenalistli. Nochi tlen motekichiwa onpa tekiwaloyan amo welitis mononotzas wan amo mokualankatokatinemiskeh. Inin tekitl tlen mochiwas kitemaktilis Tlanawatilli.

Tlanawatiltzintli (Art. 61). Tlanawatilchihkeh wan Tlanawatihkeh amo wel mononotzaskeh tlen kitenechtia intlayehyekol kemin tekichiwhah wan amo kinahwaskeh.

Tlen tlayekantok itech sehsen tekiwaloyan tlen kitokayotiah cámara yen inon kittas ma kintlakaitakan wan kanin tekitiskeh noso moolochoskeh ma kinpalewikan.

Tlanawatiltzintli (Art. 62). Nochi tlanawatihkeh wan tlanawatilchihkeh tlen tekititokeh amo welitiskeh kipiaskeh okse tekitl noso okseki tlayekapankistos itech okse tlakaolocholistli kemin tlalnantekiwaloyan noso tlalnanxehxeltekiwaloyan kanin ma kitlaxtlawihtokan, kanin ma kimatto noso ma kimaktili tlanawatiloyan tlen kitokayotiah tlanawatilchiwaloyan; onpa welitiskeh kitekuijiskeh tlen teixpantitok, ihkuak tlami yankuik tekitl. Noihki ikon mochiwas innawak tlen inpatka tekitih. Akin amo kitlakaitas inin tlanawatiltzintli kiyektlachialtiskeh wan motekipolos.

Tlanawatiltzintli (Art. 63). Ihkuak intech tlanawatilchiwaloyantih amo ikah moolochowa, amo motekiwahtlaliskeh wan amo tekitiskeh, ihkuak moolochoskeh tlen ma panoto itlahkotia tlen tekitih, welitiskeh moolochoskeh okse tonalli kemin kineskayotia tlanawatilli wan welitiskeh kinchiwaltiskeh akin amo yawih ma moteixpantikan kanah senpowalli wan mahtlatli tonalli, wan kinnawatiah akin amo tlawelkakis, moahsikamatis kemin amo kineki tekitis, ihkuak ihkon kinnotzaskeh tlen inpatkayoh omokahkeh tlen noihki kimakaskeh senpoalli wan mahtlatli tonalli tlen kipiah moteixpantiskeh wan kema noihki amo tlawelkakis, intekio noteixpantis wan monehnekis okse tlanawatikin. Tlanawatilchihkeh wan tlanawatihkeh tlen tlalnanawatilchiloyan tlen achtopan moteixpantiah tlen kinotzah *legislatura* noso panowa ihkuak tekitih, inon tekitl okse kimaktiliah kemin neskayotitok tlanawatilpehpenalistli imiekilis. Kanin monehneki sen tekiwhah Tlanawatilchiwaloyan tenotzas ma mochiwa tekiwhapehpenalistli ika imahkayopan kemin neskayotitok itech tlahuilojxelolli IV ipan Tlanawatiltzintli 77 tlen powi itech inin Tlanawatilli; tlen

monehneki okse tlanawatilchiwani ma tekitih itech Weyi Tlanawatilchiwaloyan, wan tlen okachi miek okipehpenkeh kemin kineskayotiah tlakapehpenalistli mopehpenaskeh tlen okseki omotepantihkeh wan kitzintokah ika pehpenkayotl kanin altepeyoh omoteixpanti wan tlen itech powi tlakaolocholistli tlen sentetl itlayehyekol, tlen satepan okintlakaittakeh kemin tlanawatilchiwani; tlen monehneki okse tlanawatilyehyekowani tlen tekitih itech weyi tlanawatilyehyekolkan kemin omochih ika tlanawatihpehpenalistli, kitekimakaskeh okse tlen powi tlakaolocholistli tlen sentetl itlayehyekol, kemin tlazintokah itech neskayoamatl, tlen satepan okinmaktilihkeh iaxkayo kemin tlanawatilyehyekowani; wan tlen monehnekis okse tlanawatilyehyekowani tlen powi weyi tlanawatilyehyekolkan wan omokah tlen sehpā tlen amo miekeh, noihki kimaktiskeh kanin powi itech tlakaolocholistli tlen sentetl itlayehyekol, Tlalnankotonalli wan omipan omokah ihkuak itlamian tlakapehpenalistli.

Noihki moahsikamati tlen tlanawatilchiwani wan tlanawatilyehyekowani amo tekipanotinweh mahtlaktli sepan tonalli wan amo kitenextilis noso motenpalewis tleka amo oyahki noso tlen kiteixpantihtok, weyi tlanawatilchihkan amo okimah, kinawatis tlen okichih amo kualli wan ikinon motekipolawah, wan kinnotzas inpatkayoh ma tekitikh.

Itech sen tlanawatilchiwaloyan, tla amo miek kateh kemin mochiwas olocholistli noso motekiwahtlaliskeh ihkuak opehki, san imahkayopan kinnotzaskeh ipatkayowan tlen yehwan ma tekikitzikan wan ma moteixpantikan san niman, ihkuak panotih senpowallli wan mahtlaktli tonalli kemin achtopan neskayotitoh.

Sen *Diputado* tlen kinotzah Tlanawatilchiwani, noso *Senador* tlen kinotzah Tlanawatilyehyekowani, tla keh inonkeh Tlahtlakolkitziskeh wan kinyeknotzaskeh noso kinyektlachialtiskeh kemin kineskayotia Tlanawatilli, akin omokahkeh wan okitlankeh yetoskeh tlanawatilchiwani noso tlanawatilyehyekowani wan amo moteixpantiskeh wan amo motenpalewiskeh kanin owihkayotzintokalistli tlen tlanawatiloyan, kemin tekitiskeh, noso kemin kinawatiah wan neskayotitok itech acho tlahkuilolkotonalli tlen itech inin Tlanawatiltzintli. Noihki mokualankaonanaskeh, nochi tlakaolocholli tlen sentetl itlayehyekol tlen powih itech tlalnanyotl,

kemin kintlaliah tlen tlanawatilchianih noso tlanawatilyehyekowanih yesnekih wan motlatlalwiah ihkuak kitlanih, amo ma motekipachokan.

Tlanawatiltzintli (Art. 64). Tlanawatilchihkeh wan tlanawatilyehyekohkeh, tlalia se amo tekipanotin ihkuak moolochoskeh wan amo motenpalewis noso amo otlanawati amo welitiskia, maski motekipachotin kanin powi weyi tlanawatiloyan, noihi amo welitis kiselis itlaxtlawilli tlen kinotzah *djeta*, itech inon tonalli tlen amo otekipanotoh.

Tlanawatiltzintli (Art. 65). Tlen tekitih itech weyi tlanawatiloyan, onpa motekichiwas tlen sehpā tlakaolocholistli itlahkotian xiwitl wan mochiwas sehsen xiwitl, ipan sehpā tonalli tlen metztli *septiembre* wan mochiwas ohpa tlakaolocholistli ipan sehsen xiwitl ipan sehpā tonalli, metztli *febrero*.

Ihkuak ininkeh ome tekiyolocholli tlen mochiwas xihxixtlan, itech weyi tlanawatiloyan motekichiwas, moyeknemilis, moyektlapowiskeh wan kipehpenaskeh tlen kualli tlen yankuik noso tlen moyektlalia Tlanawatilli tlen moyekwikas itech Weyi tlalnantli tlen itoka México wan okseki tlen itech powi Tlanawatilli.

Itech sehsen Tlanawatilli olocholli motekichiwas tlen walewah nochi itech Tlanawatilli tlen okachi tetominmaka wan ihkon okachi tominololoskeh wan satepan kitexehxelisiskeh itech nochi altepemeh.

Tlanawatiltzintli (Art. 66). Nochi xihxiwtlan tlen olocholtlanawatilli mochiwas, ihkuak kiyektlaliskeh noso kinemiliskeh nochi tlahtolli tlen itech tlanawatiltzintli tlen tlakpak ihkuilitok, wehkawas kawitl kemin Tlanawatianih kitlaliskeh. Tlen sehpā Tlanawatilli olocholli amo welitis kinwehkawitiskeh san ipan kaxtolli tonalli metztli *diciembre* tlen powi itech inon xiwitl, mochiwas Weyi tlahtowani tlen powi itech tlalnantli itokahkan México kipewaltis tlen okitlahtlan ma kinemilikan ipan tonalli kemin kahki itech Tlanawatiltzintli 83, welitis olocholtlanawatilli mochiwas itlamian xiwitl ipan senpowalli wan mahtlaktli tonalli. Tlen omihpan olocholtlanawatilli amo

mowehkawitis wan kipanawis senpowalli wan mahtlaktli tonalli tlen metztli *abril* tlen powi itech inon xiwiti.

Tla keh tlanawatilchiwaloyan wan tlanawatilyehyekohkan amo mowellakih noso amo tlamih moyektlapowiah itech olocholistli ihkuak tonalli tlen kineskayotiah, itech powi, noso imak yetos kitlahtolyektlalis Weyi tlahtowani tlen powi itech tlalnantli itokahkan México.

Tlanawatiltzintli (Art. 67). Weyi tlakaolocholli kanin tlanawatilchiwah noso tlanawatilchiwahkan, kemah ixkoyantikah itekiyo noso itlah kinekih motlanawatisnekih noso satepan moolochoskeh noso ihkuak melahkayopan kinnotzaskeh inawak Tlakaolocholli tlen nochipa tekitlahtowa tlen kitokayotiah *Comisión Permanente*; ohkantikah tekitlatolyektlaliskeh noso kiteixpantiskeh wan kitenchikawiliskeh tlen ika okinnotzkeh.

Tlanawatiltzintli (Art. 68). Weyi Tlanawatilchiwaloyan wan Weyi Tlanawatilyehyekolkan kipia san sekan moolochoskeh itech se tlanawatiloyan wan amo kipia moihekuaniskeh tla kinekih oksekan yaskeh tlen kipiah achto moyektlapowiskeh, tlen kawitl wan kinyekittaskeh, wan insepanian kittaskeh san sekan ma mochiwa wan kanin onpa moolochoskeh tlen ome tlanawatiloyantin tlen kitokayotiah *cámaras*. Tla keh moahsikamatih moihekuaniskeh oksekan wan ika mochichikoittah, ihkuak mochiwas, tlen kinnawatihtok Tlanawatilli, ihkon mochiwas kemin onpa neskayotitok wan kipehpenas kenik mochiwas. Tlanawatihkeh tlen powih sehsen olocholli amo welitiskeh motekikawaskeh wan ma panoto eyi tonalli wan tlen okse amo kikakistilia noso tlen okse amo kitekipannextilia.

Tlanawatiltzintli (Art. 69). Weyi tlahtoani tlen powi itech tlalnantli itokahkan México moteixpantitin ihkuak moolochoskeh kan weyi tlanawatilchiwaloyan noso ihkuak pewas tlen sehpa olocholli wan onpa kitemaktis itekichiwal kan ihkuilitok wan kineskayotis kenik motekiwiwa itech Weyi Tlalnantli. Wan tlen kiyekantok *comisión permanente* kitekichiwalixpantis kenamin okipewaltihkeh inin tlanotzalistli, noso tleka onpa omonechikohkeh.

Tlen sehsen inon Cámaras, inmak powih kualli kinemiliskeh itekih weyi Tlahtowani, wan innewian powis kitlahtlaniliskeh ihkuilitok, satepan ma kintenextili inixpan tlahuilowanih tlen kateh altepetlakotonaltin, Weyi melahkayehyekowani powi tlalnanyotl *Procurador General de la República* wan okseki tlanawatianih, tlen innewian kiteixpantiskeh tlen melahkayopan intekichiwal tlen kiyehyekowah. Inin weyi tekiixnamikilistli imak mokawas Weyi tlakaolocholli tlanawatilchih wan itlanawatil ma nochí kualli yeto.

Tlanawatiltzintli (Art. 70). Nochi tlen motekichiwas itech weyitlanawatilchihkan motenkixtis nochí tlananawiltltin. Tlanawatiltin tlen moyehyekowah kintemaktiliskeh inawak weyi tlanawatilchiwalistli wan onpa kintlitilanamakaskeh tlen ika kiyehyekantokeh sehsen tlanawatilchikan wan tlanawatilyehyekolcan, nonihki sehsen tlahuilowani tlen onpa tekitih wan ihkon moteixpantiskeh: "Weyi tlakaolochohkan tlen tlanawatilchihkan tlen powi mexihko tlalli kitenextia: (Nikan moihkuilos tlen Tlanawatilli omochih) Kemin ika kastilla kihtowa "*El Congreso de los Estados Unidos Mexicanos decreta: (texto de la ley o decreto)*".

Tlanawatilyehyekohkan tlen kinotzah Congreso, nochí imak kahki tlen moyektlalihtos wan mochihchihtos kiyekkixtis noso kitenextilis san imak Weyi tlanawatilchihkan, amo oksekan, wan nochí itlakewalwan tlen onpa tekitih

Itech Tlanawatilli onpa machiohtok kenihki mochihchiwas wan moyektlalis nochí tlakaolocholli tlen tlanawatilchihkeh, kemin yehwan powi itech tlakaolocholli tlen sentetl intlayehyekol kemin ihkon kualtis tlahtoskeh wan kiteixpantihtoskeh Weyi Tlanawatilchiwaloyan.

Inin Weyi Tlanawatilli amo welitis mokixtis wan amo monehneki tlen Weyi Tlanawatilchihkan tlen olocholtlalnakotonalli, kemin ihkuak kihtos itlamilis, noso amo imak kahki wan omo itech powi kihtos itlamilis inin Wetí Tlanawatilli.

TLAHKUILOLXELOLLI II

YOLEWALISTLI WAN TLANAWATILYEKCHIWALISTLI

Tlanawatiltzitli (Art. 71). Tlanawatilpewalistli wan tlanawatilchiwayotl tlen itech powi:

- I. Weyi tlahtoani tlen powi itech tlalnantli *Mexico*;
- II. Tlen tlanawatilchiwanih noso *Diputados* wan *Senadores* tlen kinnotzah Tlanawatilyehyekowanih tlen kateh Weyi tlakaolocholli tlen tlanawatilchiwa *Congreso de la Unión*; wan
- III. Tlen *legislaturas* powih tlen kahkateh intech tlalnanyokotonaltin.

Nochi tlen pewalistli wan kiteixpantia weyi tlanawatiani (*Presidente, sic DOF 05-02-1917*) Weyi Tlalnanti, tlen tlakaolocholistli tlen powih intech tlalnankotonaltin noso tlanawatilchiwanih, tlen kinpanoltiliskeh tlen tlakaolocholli tlen tekitlahtowa. Wan kiteixpantiskeh innawak tlanawatilchiwanih noso Tlanawatilyehyekowanih wan kiyekwikaskeh nochi Tlanawatilli kemin kihtowa Tlanawatilli tlen tlahtolixnamikilistli tlen monotza *Reglamento de los Debates*.

Tlanawatiltzitli (Art. 72). Nochi tlanawatilchiwalistli noso tlanawatiltekitl, amo san Weyi Tlanawatilchiwaloyan noso Weyi Tlanawatilyehyekolkan ihixkoyantikan kiyektlaliskeh noso kiihtoskeh ihkon ma mochiwa, tlen kipia insepanian moyektlapowiskeh, kienik mochiwas, wan kenihi motlahtolmakaskeh wan tlakapehpenalistli kipia mochiwas kemin moihtowa itech Tlanawatilixnamikilistli tlen kitokayotiah “*Reglamento de Debates*”.

A. Ihkuak sen tlanawatilchiwalistli moteselilia san kanin walehkotia Weyi Tlanawatilchiwaloyan noso Weyi Tlanawatilyehyekolkan, panos imak okse kanin onpa monemilis wan motlahtolixnahnamikiskeh. Wan tla keh noso okiselihkeh, kimaktliskeh inawak weyi tlanawatilixpantihkan wan tla amo kipia itlah tlen moyektlalis, san niman kualli kintenextilis.

B. Nochi tlanawatilchiwalistli, tlen weyi tlanawatilihtoliskan kualli kiyekselia ihkuak amo kikuropa ihkuak mahtlaktli tonalli tlen motekimakani, kan walewa inin tlanawatilyehyekolli; welitis mochiwas tla keh inon tonalli tlen panotok ihkuak weyi tlanawatilchiwaloyan tla tzaktok noso amo

moolochowah wan kikuepaskeh tla ihkuak weyi tlanawatilchihkan moolochoskeh kemin itech sehpia tonalli tlen motekimaka.

C. Ihkuak weyi tlanawatilxpantihkan tlen nochiahi amo panowa tlanawatilchiwalistli, tlen kipia kikuepas, ika nochiahi iyektlalilis noso kihtos kanin wan tleka amo kualli kan walewa inin tlanawatilyehyekolli. Oksepa kipia kiyeknemiliskeh wan motlahtolmakaskeh wan tla eyihpa tlakaxelolistli kiyekpehpehpenah kemin kualli kahki, oksepa kimaktiskeh weyi tlanawatiltlachialoyan, wan tla miekeh onpa noihihi kipehpenah, inin tlanawatilyehyekolstli mokuepas Tlanawatilli wan oksepa kimaktiskeh weyi tlanawatilteixpantihkan ma kitlanawatilnexti.

Nochi tlanawatilpehpenalistli tlen kipia mosepanmakas.

D. Tla keh sen tlanawatilchiwalistli amo nochiahi kualli kahki wan amo kiselias weyi tlanawatilchialoyan, kikuepaskeh kan walewa wan kiyekihtos kan amo kualli kahki. Inin tlanawatilyehyekolli tla kiyeknemiliskeh wan tla nochtin tlen olochitokeh kihtoskeh kualli kahki wan panowa, oksepa kimaktiskeh tlen amo okiseliha kan weyi tlanawatilchihkan, wan onpa kiselis wan kiyekmawisoskeh wan tla miekeh kihtoskeh kualli kahki kipanoltiskeh tlen weyi tlanawatilteixpantihkan kichiwas kemin moihtowa itech tlahuilolxelolli A; Tla keh inon amo kualli kahki wan amo kiseliskeh inin tlananawatilli ayik welitiskeh kiteixpantiskeh san niman ihkuak moolochoskeh.

E. Itech weyi tlanawatiltlachiahkan tla keh sen tlanawatilchiwalistli amo nochiahi kiselias san ahaci, noso okiyektlalihkeh noso okiahxitilihkeh, oksepa motlahtolmakas kanin walewa inin tlanawatilyehyekolstli kiyeknemiliskeh san kan amo ihtok kahki, noso kan okipatilihkeh noso okiahxitilihkeh wan amo welitis motlanawatilpapatilis kemin sepanian okipanoltihkeh. Sen tlanawatilahxitilistli noso tlanawatilyektlalilistli tlen tlanawatiltlachiahkan okichih, kiselias noso kipanoltis miekeh tlen olochitokeh itech tlanawatilchihkan kanin walewah inin Tlanawatiltin, kimaktiskeh weyi tlanawatilteixpantikan nochiahi inin tlanawatiltekitl kemin mochiwas kemin tlanawatilxelolli kineskayotia A. Welika tlanawatilyektlalilis noso yetos tlanawatilaxtilistli tlen

okichih tlen weyi tlanawatiltlachiahkan amo kinseliliah tlen miakeh onpa powih noso amo okinpakti tlen weyi tlanawatilchiwahkan kanin walewa inin Tlanawatilli, oksepa kikuepaskeh kemin ma kiyekittakan wan ma kinemilikan kemin ohpa ma kinemilikan wan ihkuak miakeh amo kipanoltiskeh tlanawatilixphehpenalistli tlen ahxitilistli noso yektlalilistli, tlen kualli kahki wan panowah itech sehsen tlanawatilchihkan, inin tlanawatilchiwalistli panos imak weyi tlanawatilteixpantihkan kemin ma mochiwa tlanawatilxelolli tlen onpa kineskayotia **A.** tla keh weyi tlanawatiltlachihkan kinmahkanekis, wan tlen onpa olochitokeh tlen okachi miakeh kitlahtolpehpenaskeh, tlen tlanawatilpehpenalistli noso tlanawatilyektlalilistli, nochi tlanawatilchiwalistli ayakmo welitis moteixpantis tlen oksepa kipewiltiskeh okse yankuik olocholli noso tlen insepanian wehweyi tlanawatilchihkan moyektlapowiskeh tlen onpa tekitih wan tlen ihkuak inon tonalli olochitokeh kihtoskeh ma moteixpanti itech Tlalnantli inin yankuik Tlanawatilli noso yakachi itlanawatiltzitzin tlen kualli kateh wan okseki tlen poliwh moyektlaliskeh satepan kinyeknemiliskeh wan kinixpehpenaskeh ika miak kualneskayotl.

F. Kemin Tlanawatilli iahsikamatilis, inewian tlanawatilyektlalilis noso tlanawatilkixtilis, moyeknemiliskeh wan mochiwas inin yektlalilistli, noihki monehnekis kemin achtopan neskayititokeh

G. Nochi tlanawatilchiwalistli tlen amo kiseliah kanin weyi tlanawatiloyan omochih, ayik welitis moteixpantis inon Tlanawatilli itech tlakaolocholli tlen sen xiwtika mochiwa.

H. Tlanawatilpewalistli welitis mopewaltiskeh weyi tlanawatilchiwaloyah noso weyi tlanawatilyehyekohkan, san seki tlanawatiltin tlen kipiah motlahtolmakaskeh noso moyeknemiliskeh onpa weyi tlanawatilchiwaloyan kemin tomintetlanetiskeh, tomintlaxtlawaskeh, tominololoskeh wan yaotlakaolochoskeh.

I. Nochi tlen tlanawatilpewalistli monehnekis motlahtolmakaskeh wan moyeknemiliskeh kanin motemaktilia onpa weyi tlanawatilchiwaloyan noso weyi tlanawatilyehyekolkhan, tla opanok se metztikan tlakaolocholli tlen tlanawatilihtowa amo monekis ma moyeknemili Tlanawatilli, wan

tla ihykon moteixpantis tlanawatilyehyekolli welika moteixpantis wan motlahtolmakas itech okse weyi tlanawatilchihkan kanin powi.

J. Tlen weyi tlanawatilteixpantihkan tlen powi Weyi tlalnanti México amo weltis kiyekilwis kenik moyekkawaskeh noso motlahtolmakaskeh itech Weyi tlakaolocholli kanin tlanawatilchiwah noso weyi tlanawatilyehyekolkah, ihkuak kichiwas sen tlanawatianpehpenalli noso tlayekankitlakaolocholli noihki itech weyi tlanawatilchiwaloyan ihkuak kitelwis tlen wehweyi tlanawatihkeh noso tlakewalixtlamatihkeh kemin melahka tlalnantiлаtlakolehkeh.

Noihki amo weltis tlanawatilchiwas noso tlanawatilteixpantis kemin tlahtolnonotzalistli mochiwas ika mahkayopan kemin kitemaktis Tlakaolocholli tlen nochipa tekitlahtowa.

TLAHKUILOLXELOLLI III

WEYI TLAKAOLOCHOLLI TLEN TLANAWATILCHIHKAN ITEKIYO

Tlanawatiltzintli (Art. 73).- Tlanawatilchiwakan yetos itekiyo:

- I. Kinpia kinselis Tlalnanxehxeloltin tlen yankuikeh;
 - II. (Okipopolohkeh);
 - III. Tlalia monehneki moyehtlalis yankuikeh tlalnankotonaltin kanin motlalnamiktokeh tlen kateh ikinon monehnekis:
- 1o. Tlakeh monehneki sen yankuik tlalnankotonalli, moneki ma kinpia kanah kaxtolli xikipilli altepetlakameh.
 - 2o. Moneki moteixpantis tlanawatilchihkan yineli weltis powis yankuik tlalnanxehxelolli.
 - 3o. Ma motenkakikan tlanawatilchihkan tlen powi tlalnankotonaltin tlalia intlal kinkuiliskeh, tlen kualli noso amo weltis moyektlalis sen yankuik tlalnankotonalli, kipia tlen kitennextiskeh itekiyo yitlamian chikuasen metztli, wan kiwalpewitis ihkuak kiselis tlanawatilistli.

- 4o.** Noihki ma motenkaki tlen Weyi tlanawatiani tlen kitokayotiah *Ejecutivo* tlen powi *Federación*, ipan chikome tonalli kitemaktis tlahtoltlahkuilolli tlen itech kawitl kitlahtlaniliah.
- 5o.** Tlanawatilchiwaneh wan tlanawatilyehyekowaneh motlahtoltiskeh wan kipanowia tlahko tlen motlahtolkakiskeh, mottas tlalia kiyankuiktiliskeh okse tlalnankotonalli.
- 6o.** Tlen tlanawatis tlanawatilchiwaloyan kiyekittaskeh tlanawatilchiwaloyantin *legislaturas* tlen kateh tlalnankotonaltin ma kichikawilikan, tlen inin amanepantli kipias wan tlanankotonaltin ma kiyekihtokan kemin kinehnekis motlalnaxehxelos.
- 7o.** Tlalia sen tlanawatilixmachiloyan *legislatura* tlen kahki tlalnankotonalli amo okiseli noso amo kitenchikawilih tlalamatlahtlanilistli tlen moixkoyantisneki oksekih tlanawatilixmachiloyantin moneki oksekintin tlanawatilchiwahkan tlen powi tlalnankotonaltin ma kiselikan wan ma motlahtolchikawakan kipanowia tlahko tlen onpa tlapehpena.

IV. (Okipopolohkeh);

V. Kihtos kenemin mopatlas ichanteh Weyi tlanawatihkapantin tlen kitokayotiah *Supremos Poderes* tlen powi *Federación*.

VI. (Okipopolohkeh);

VII. Taxtlawilli tlen motlahtlanis wan ihkun mochikawilis tominxelolli;

VIII. Kikawiliskeh Weyi tepantlahtowani tlen tiktokayotiah ika pinotlahtolli *Ejecutivo* welitis tominyekxehxelos tlen tlalnantominyotl kitetlanetiah. Kemin moyekchiwas wan moyekittas tlatitlanis ma motlaxtlawa tlen motewikilia. Amo kualtis monehnekis tomintewikilistli yon tominnechikolli tlen iachka altepetomin, noihki amo san moixkoyantis moxehxelos tlen kipia kimaktiskeh kanin motekimaka wan tominchiwah, noihki kinmactilia tlalnaxehxelolli kanin motominyehyktalia, tlen monehneki imahkayopan tlalia itla otlamochih wan Weyi tlanawatiani tlanawatis kemin monehnekiks tomin kemin kihtowa ipan tlanawatiltzintli 29. Noihki sehsen xiwitl kiteixpantis tlanawatilli kanin kihtos motomintlanewis tlalnantlik wan machiohtos itech tlanawatilli kanin kihtowa kemin mololos tomin itech *ley de ingresos*, innawak tlanawatilchiwaloyan tlen kitewikilia tlayekan tlen altepetl kitokayotiah *Distrito Federal*, kitenextilis tlen okichiwili nochi tomin wan noihki kinmilis nochi tlakaolocholli tlen tlayekantokeh ialtepeyohkan. Weyi tlahtowani kiteixpantis kenin omonehneki nochin tomin wan tlayakanki tlen kahki *Distrito Federal* noihki moteixpantis wan kihtos kenin okinehneki tomin.

- IX.** Tlalia amo kuali mochiwa tlen tlanemakalistli intech tlalnankotontli, amo kitekawilis inin tlatalmantli wan tlanawatis kuali ma motlanemakakah san tlen yehwan kinekiskeh.
- X.** Kichiwaskeh tlanawatiltin wan tlanawatiskeh itech tlalnantli noch i tlen itech powi: chapopoayotl tlen kinotzah *hidrocarburos*, petlakin tlen kinotzah *minería*, pahyotl tlen kitokayotiah *sustancias químicas*, tlatoponaltin, awiltoponalli, ixkopinalmowisoll tlen kitokayotiah *industria cinematográfica*, namakalistli, awiltomin, awiltemakatilistli, wan tominxehxelolli, tliyotl, wan kichiwaskeh tlen kihtowa itech tlanawatiltzintli 123.
- XI.** Kualtis tekimakaskeh wan tekikuiliskeh noch i tekitlanawatiltin tlen tlalnantli wan kineskayotitokeh wan kox okse noso sekinkixtiliskeh noch i tlen tominmakalis noso tlen kinakah.
- XII.** Kualtis teyaokualankamakas, tlalia Weyi tlahtowani tlen kitokayotiah *Ejecutivo* kitemakas itlahkuiloltekitl.
- XIII.** Tlanawatilchiwaskeh kenin kihtoskeh kox kualikah noso amo kuali weyi anechikoyan, wan tlallan, wan noihki tlanawatilchiwaskeh kanin atlanyolsewilis wan tlalia yetos yaoyotl.
- XIV.** Kipewaltiskeh wan kichikawilisen noch i yaotlakanechikoltin tlen itech powi Tlalnanyotl: yoatlakaolocholli, ayaotlakaolocholli, yaopatlanolocholli wan tlanawatilchiwaskeh kemin motlanawatiskeh wan kemin tekitiskeh.
- XV.** Tlanawatiltemakaskeh kemin monawatiskeh, kinmahmakaskeh tlatoponiltin wan okse tlen ika tekitiskeh, wan kitlawelkakitiskeh nochtin yaotlakaolocholli tlen kilia *Guardia Nacional* tlen powi tlalnantli, kan motlamalwismakas altepetlakameh tlen itech powi, tokayotemakas kemin yaotlayekanki tlen kitokayotiah *jefes* wan *oficiales*, wan noch i tlananxehxeloltin kinyeknextiliskeh kemin motlanawatiskeh ika tlanawatilli tlen kitemaktiliah.
- XVI.** Tlanawatilchiwaskeh kanin kihtos kemin motlalnayoahxiliskeh tetlalnantlakah, innemilis kemin nikan tlalnantli powi, altepetlakayotl, tlalnanyolilistli, tetlalanaxkayotilis, altepetlakah tlen wehka yayawih wan tlen altepetlakah nikan wawalehkoh wan noch i inyolikayotl tlen powi itech tlalnantli.

1a. Tlakaolocholli tlen kiyekana tepahtikayotl noso *Consejo de Salubridad General* kinawatihtos Weyi tlahtowani tlen powi itech tlalnantli *México*, wan amikah welitis kinawatis okse tlanawatiikan wan noch i tlanawatil ihkon mochiwas itech noch i tlalnantli *México*.

2a. Tlakeh motemakas sen mikakokolistli noso kokolistli tlen tetlalnan powih, moneki mosepanmakasneki itech tlalnanti México, Tlanawatihkan kanin kahki tepatihkayotl tlen kitokayotiah *Secretaria de Salud*, kipiah tlen tlanawatis kenihki kitzakuilis noso teptahtiskeh nochi kokoliskayotl, satepan welitis kiyektilis Weyi tlahtoani tlen powi itech tlalnanti México.

3a. Tekiwha tlen kinnahnawatia teptahtianeh kihtos kemin mochiwas wan motetlakamatis innawak tlanawatilxelolyotl tlen powi tlalnanti México.

4a. Tlanawatiltin tlen tlakaolocholli okinyektlali wan kisepanmakah kanin amo kitekawilia tlawankayotl wan tlen pahmikinamakaneh noso tlakaixpoliwianeh wan noihi kkokoliskayotl tlen kitlalilia tlaltikpak tlen kitokayotiah *contaminación ambiental*, wan tlalia monehnekis satepan kiyekittas Weyi tlakaolocholli tlen tlanawatilchiwah *Congreso de la Union*.

XVII. Tlanawatilchiwaskeh wan ihkon moyeknawatis kenemin nentoskeh itech ohtin tlen powi sentetl tlalnanti, tlen kilia vias *generales de comunicacion*, noihi postas wan tlahtoltlatitlanilli correos, wan tlanawatilmaktiliskeh kanin kihtos kenemin monehnekis amanalli tlen itech powi tlalnanti;

XVIII. Kintlahtlaliskeh tominpatlaloyan, wan kihtoskeh kenemin moyeknawatis, wan tlanawilchiwaskeh kemin motlalis ipatiyo tetlalnantomin, wan noihi moyehyekos ken yetos sepantlatomachiwalli *pesos y medidas*.

XIX. Tlanawatilchiwaskeh kemin motlalnehnekis wan kenihki kimoaxkatiskeh tlalkawaltin wan kanah kehkechi ipatiyoh;

XX. Tlanawatilchiwaskeh kemin tlakaolocholli tlen tetlalnan tepankisani *Cuerpo Diplomático* wan tlakaolocholli tepankisani tetlalnan wan kiyolewa México noso *Cuerpo Consular Mexicano* itech oksekintin tetlalnantin;

XXI. Tlanawatilchiwaskeh kemin nochitlen mowihtiliskeh noso ixpektokisah itech olocholtlakotonalli tlen kitokayotiah *Federación* wan kisepankihtoskeh kemin ihyowilismakaskeh akin kahki itech olocholowihtilistli *delincuencia organizada*.

Tekiwhakameh welitis kiixmatiskeh nochi teowihkayotl tlen kichiwha altepetlakameh wan kilia *del fuero común*, noihi teowihkayo tlen mosalowa ika teowihkayotl tlen kateh nochi tlalnanti noso *delitos federales*;

Nochi tlen nikan moteixpantia itech inin tlanawatilli tlen powi tlalnatli México, tlanawatihkeh kiixmatiskeh, wan kiyektlaliskeh nochi tlahnanteowihkayotl.

XXII. Welitiskeh kintlahpolwiskeh nochi owihkayotl tlen powi itech Tlalnan tlakaolocholli tlen teowihkayoyektlaliani;

XXIII. Tlanawatilchiwaskeh kanin kitenpewaltiskeh wan sepantekitiskeh inawak Weyi olocholtekiwahkan tlen kinotzah *Federación*, tlananyotl tlen kinotzah Distrito Federal, tlalnakotonaltin wan altepetlanawatihkan, kan tepantlahpixkalistli; noihki kemin sepantekitl wan tekiyolilis, tominmakilis, ixpehpehpenalis, ihtolis wan tlakaittalis tlen olocholtin tlen powi tlalnantli tepantlahpixkalistli;

XXIV. Tlanawatilchiwalis tlen kisepanwikas itech tlalnakotonaltin tlen powi Weyi tlakapankistok tlaistlakolistli wan kienik kitekiwikas, kitekitlahnanis wan kitekiyekittas itech tlanawatilchiwaloyan wan tlalnantlakayotl.

XXV. Tekitliskeh, tekiwikaskeh wan kichikawiliskeh nochi temachtiloyan tlen powi itech tlalnantli kemin altepemeh, altepinopan, tlen monehneki achtopan ixtlamachtilis tlen kinotzah *elementales* tlen tlayekapan temachtilis, *secundaria* wan tekiixtlamachtilis; kenin tenextiliah tlatzintokalis, tla ixyehykchiwalli tlen noch tech yawalowa, wan temachtiikan tlen kinotzah *técnica*, kan temachtiifikatokalis wan minatitlantekitl, yehyektekichiwalli, tekiixmachtilis, tlapiwkawehkikan, amoxpialoyan, tlachialoyan wan oksekintin temachtiikan tlen kichikawiliah tlalnannehtoltlakayotl wan tlanawatiskeh nochi olocholtin tlanawatiltemachtiikan; noiki tlanawatilwikaskeh kemin nochi tlen moahsi tlen yiwehkika onka wan nochi omiyolkameh tlen kinmahsих wan nochi teopankalmeh tlen yiwehkikah okinchihkeh, wan tlen itlahpialis kinehnekis tlalnantli; wan nochi tlanawatilli tlen kichikawilis nochi tlalnantli, tlalnankotonaltin, altepetlanawatihkan, kan tlanawatemachtiikan wan tetominmakalis itech altepetlakameh intech powi, wan ma sepantekiti noso sepanwikas nochi tlalnatemachtiikan wan amatlakaitalis tlen kinotzah Títulos tlen kitemaktiah powiskeh itech nochi tlalnantli.

XXVI. Kitekiwahsewiskeh tlen Weyi tlahtoani tlen powi itech tlalnantli Mexico wan kitekiwayektlaliskeh itech Olocholli ixpehpenalistli wan kiyekixpehpenaskeh sen altepetlakatl tlen ipatka Weyi tlahtoani tekritis, kanin welitis kitekiwahpatlas, kitekiwahkachikawilis,

tekiwahkatlakewalli noso tekiwahkamahkayotl kemin kineskayotia tlanawatiltzintli 84 wan 85 itech inin tlanawatilli.

XXVII. Kiseliskeh itlahtol tlen Weyi tlahtoani tlen powi itech tlalnantli México ihkuak motzinkixtis noso ayakmo tlayekapankistos ;

XXVIII. Tlanawatilpoliwilis;

XXIX. Tominololoskeh noso tomin nechikoskeh:

- 1o.** Tlanamakalis tlen oksekan tetlalnan;
- 2o.** Kiyekseliskeh wan kitlakixtiliskeh noso kitekipanoltiekeh nochi tlen techyawalohtok tlen kitokayotiah ika pinotlahtolli *recursos naturales* kemin kineskayotia tlanawatiltzintli senpoalli wan chikome itech itlahkuilolxeloli nahpa wan makuilpa;
- 3o.** Kemin tetomintlanetihan wan olocholtin tlen tetominpiah tlen kinnotzah *seguros*.
- 4o.** Nochi tekichiwalis tlen altepetlakameh intech powi noso tekipanmiekilis ika melakayopan itech tlalnantli,
- 5o.** Kemin kachi powi itech:
 - a)** Tlitlawilyotl tlen kinotzah *energía eléctrica*.
 - b)** Chiwalis wan kowalistli tlen kuahualli poktlachichinalli tlen kinotzah *tabacos labrados*;
 - c)** Chapopoayotl tlen kinotzah *gasolina* wan oksekintin tlen ikka mochichchiwa;
 - d)** Tlawiltitzin tlen kinotzah *cerillos* noso *fósforos*;
 - e)** Mexkalnektli wan tlen okseki tlen ika mochihchiwa tlawankayotl, wan (*sic*)
 - f)** Kuawtlateteki tlen kinotzah *explotación forestal*, wan
 - g)** Chiwalis wan tlawankamakalis tlen kinotzah *cerveza*.

Nochi tlalnanxehxeloltin tlen kipiah kichikawiliskeh nochi inin tomin nechikolis kemin tlalnannawatilistli ihkon kineskayotis. Nochi tlanawatilchihkan tlen powi tlalnanxehxeloltin kihtoskeh kanah kekechi kinmaktiliskeh tlalnanpilkotonaltin wan tlen ika motominmakas tlen tlanawatil itlaxtlawil ttitlawilyotl tlen kinotzah *energía eléctrica*.

XXIX-B. Tlanawatilchiwaskeh ipampa ken ihtos wan monehnekis Pantli, Chimalli wan Mexikakuikatl.

XXIX-C. Tlanawatilchiwaskeh kemin kitenextis tlakaolocholis kan powi weyi tlalnantli tlanawatihkayotl, tlalnankotonaltin wan tlalnanpilkotonaltin, kemin welitiskeh kichiwaskeh noso intech powi, kanin motlalixpehpenaskeh noso motlalchantlaliskeh wan ihkon motenchikawilis Tlanawatiltzintli senpoalli wan chikome kemin kineskayotia itech eyipan itlahkuilolkotonal tlen powi itech inin tlanawatilli.

XXIX-D. Tlanawatilchiwaskeh kenin tlalnantli México motekichiwas kemin tlayekapan kisas ika tominyotl wan tlakayotl wan nonihki kemin motlahtolnextis kemin powi wan ik kanin chantih kemin ixtlamatiskeh noso ma kintekipacho nochi tlalnantlakameh.

XXIX-E. Tlanawatilchiwaskeh kenin kikawichiwaskeh, kihtoskeh, kixpantiskeh, kisepantlaliskeh patiotl wan mochiwas nochi tekiohl kanin motominmaka, kanin okachi tlaonka noso kanin okachi tlatemaka wan san nimantzin tlen axkayotl wan altepetekipanolli, tlakatekipanolli, wan nochi tlen tlalnantekichiwalli tlen monehneki.

XXIX-F. Tlanawatilchiwaskeh kenin motominmakas itech tlalnantli México tlen tlalnatlanamakakeh tlen kinotzah *inversión mexicana*, kisepanwikaskeh nochi tlen tomintekitl tlen witzeh tetlalan, sepanmakalis tlen nochi yankuik tlachiwaloni tlen kinotzah *tecnología* tlen mokawipatla, teitolis wan itlanawatilis nochi intlayehyekol tlaixmatianintin kemin monehneki yekpankisas tlalnantli México.

XXIX-G. Tlanawatilchiwaskeh kemin Tlalnantlanawatihkayopan, tlanawatihkameh tlen powih tlalnankotonaltin wan tekiwahkeh tlen tlalnanpilkotonaltin, tlen intech kahki intlayehyekol, kan kimalwiskeh nochi tlen techyawalohtok wan kichiwaskeh ma kisepanmalwikan kuawyo wan yolkameh tlen powi tlalnantli.

XXIX-H. Tlanawatilchiwaskeh kemin kinyolomachtiskeh Tlakaolocholli tlen teowihkayo yektlalianintin tlen kualankayonesis tlen tominmaka, kanin kixkoyankamaka wan tlen kitzinpantokah nochi kualankatlahtolli tlen onka itech weyi tekixelolkan wan ixkohkoyantika wan kemin tetlahyowlismakas nochitin tlen amo ihtok tominyehxelowanah tlen tekiwahtlananxpantiah, tlanawatiltkitl, tlanawatilchikawilis, tekiwahkawikas wan tominmakas kemin ika motlahtolyektlalis;

XXIX-I. Tlanawatilchiwaskeh kanin kichikawiliskeh tlalnantli, tlalnankotonaltin, tlalnantlakohkotonalli tlen kinotzah *Distrito Federal* wan tlalnanpilkotonaltin, kemin tekipalewiskeh kemin itlah panowa san ilewilis, wan

XXIX-J. Tlanawatilchiwaskeh kemin kichikawiliskeh tlen teixpantitos ika kuali iyehyekolis itech ahawilyotl, kanin tlalnantli, tlalnankotonaltin, tlalnантлакокотонали tlen kinotzah *Distrito Federal* wan tlalnanpilkotonaltin; noihki oksekintin tlen kiteixpantihtokeh tlakaolocholtin tlen noctin powi wan tlen ihixkoyantika powih,

XXIX-K. Noihki tlanawatilchiwaskeh kemin sepanian intech powi tlalnantli, tlalnankotonaltin, tlalnanpilkotonaltin wan tlalnантлакокотонали tlen kinotzah *Distrito Federal*, noihki oksekintin tlen kiteixpantihtokeh tlakaolocholtin tlen noctintin powi wan tlen ihixkoyantikan powih, kemin paxialolis itech altepemeh tlen tlakualtzin kah.

XXIX-L. Tlanawatilchiwaskeh tlen intech powi intlayehyekol weyi tlanawatihkan tlalnantli, tlanawatihkah tlalnankotonaltin wan tlalnanpilkotonaltin nochi tlen tekitl powi itech michkitzkilis noso tlen onka itech weyatl, noihki powi tlen kiteixpantihtokeh tlakaolocholtin tlen noctintin powi wan tlen ihixkoyantikan powih

XXIX-M. Tlanawatilchiwaskeh kemin monehnekis wan itlatzintokalis tlen tlalnантлакопике.

XXIX-N. Tlanawatilchiwaskeh kemin monehnekis, mochihtos, tlanawatilistli wan itlamian tlen tlakaolocholtin tlen mosepantomimakah itech inin tlanawatilli. Inin tlanawatilchiwaltin kipia tlen mochihtos ika teixpantilis wan mochikawilis ika sepan tekiolocholli tlen powi tlalnantli *México*, tlalnankotonaltin wan tlalnanpilkotonaltin, kemin noihki tlalnантлакокотонали tlen kinotzah *Distrito Federal*, tlen intech powi.

XXX. Tlanawatilchiwaskeh tlen monehnekis kemin tlen achtapan ihkuilotokeh motetlakamatiskeh wan oksekimeh tlen wale wah itech inin tlanawatilli tlen powi Weyi tlanawatilli.

Tlanawatiltzitli 74. Weyi tlanawatilchiwaloyan tlen imaktipan kahki noso tlen itekio:

- I. Kitemaktiskeh tekiwahkayotl tlen kinotzah *Bando Solemne* wan ihkon kiteixpantiskeh tlalnantli *México* ihkuak kiselia itekio tlen weyi tlahtoani ihkuak kimaktiliah weyi olochohkan tlen tlakaixpehpenah tlen kinotzah Tribunal Electoral kan tlanawatilchihkan itech tlalnantli;
- II. Tekiwikaskeh wan tekiwahkayehyekoskeh, ika ixkoyantika kan amo kipia tlen ipan tlahtlaksaskeh itekio wan itekitlahtlanilis wan iteki tlalnan tlaistlakolis tlen tlayekapankahki wan kemin tlanawatilli kinehneki;
- III. (Okipopolohkeh)

IV. Kiyekseliskeh nochi tominxehxelolis tlen xihxiwkan mochiwa itech tlalnantli, tlen achtopan moyeknemilis noso motlahtoltomachiwas, moyektlapowiskeh, wan tla monehnekis kiyektlaliskeh nochi tekichiwalli tlen kititlani Weyi tlanawatilchiwalis tlen powi tlalnantli wan tla kiseliah nochi inon tlahtlanilis, kipia kiowihtzintokalismakaskeh wan kualtis kitlahtolchikawiliskeh. Noihki welitiskeh kitominxehxeloskeh tlen sehsen xiwtika motemaka itech inonkeh tekichiwaltin tlen motomintemakah itech nochi tekichiwalmakalistli tlen kinotzah *infraestructura* kemin moihtowa itech tlanawatilli; nochi tominmakalis tlen itech powi tlen kipia motekipowas itech oksekintin tomintlahtlanilis kemin tomintlatemakalis.

Tlen tlanawatilchiwaloyan powi tlalnantli kipia kitemaktilis inawak tlanawatilchikan ipan chikueyi tonalli metztli *septiembre* tlen yankuik tlanawatilli tlen ika tominnechikoskeh wan tekichiwalyehyekolistli tlen ika welitiskeh tominolochoskeh wan inin kipia kiseliskeh tlahuilowani tlen tlatemaktia. Noihki kipia kiselis tlanawatilchihkan wan kipanoltis nochi tominnehnechikolis tlen monehneki ika yehyekoltekitl itech tlalnantli ipan kaxtolli tonalli tlen metztli noviembre.

Ihkuak pewas itekio kemin kineskayotia tlanawatiltzintli 83, tlanawatilchiwaloyan kipia kitematiltis nochi yankuik tlanawatilli tlen tominnehnechikos tlen ika motekichiwas, noihki tlen ika tekichiwaskeh itech tlalnantli, wan inin kipia kitemaktiliskeh ipan kaxtolli tonalli metztli diciembre, itech imaktipan tlanawatilchihkan.

Amo welitis oksekan motominonanaskeh, tla kichiwaskeh san tlen monehnekis welitiskeh, san yen inon kipia tlahuilowanih kiseliskeh noso kisepanihtoskeh iwan weyi tlanawatiani tlen kixpantia México.

Tlahkuilolkotonalli makuilli.- (okipopolokeh)

Tlahkuilolkotonalli chikuasen.- (okipopolokeh)

Tlahkuilolkotonalli chikome.- (okipopolokeh)

Welitis mowewehkawitis ihkuak moteixpantia se yankuik tlanawatiltlaxtlawalyotl wan tlen satepan tekitl motominxehxelos, kemin noihki tominnehchikolli tlen intech powi tlalnantlakameh wan kemin kisepanwika tetlanawatiloyan wan kichikawilis ihkuak moixkomakas itech weyi tlanawatilchihkan

noso tlanawatilyehyekohkan noso Tlakaolocholli tlen nochipa tekitlahtowa wan kipia kiteixpantis tlen ika motenchikawilis itekio tlahuilowani tlen kateh itech tlanawatilchihkan;

V. Moteixkomakas tla keh noso amo welitis moteilwimakaskeh nochi tekiwahtlakewaltin kemin ihkuak tlahtlaksah itech tlalnentlanawatilli itech itlanawatiltzin makulpoalli wan mahtlaktli wan se.

Kipia tlen kixmatiskeh nochi tlen amo kualli kichiwas tekiwatlakewaltin kemin mihtowa itech tlanawatiltzintli 110 tlen powi itech inin tlanawatilli wan kipia tlen tekritiskeh kemin tlateilwlistli intech nochtin tlen tlaixkomakalistli ihkuak inintin kiyektlaliskeh.

VI. Kipia kiyeknemiliskeh nochi altepetominyotl tlen yi se xiwtika opanok, tlen monehneki kiyek ixtlamatomachiwalmakaskeh tlen tominmakalistli wan kitaskeh kox omosepanmakak tlahtolli kemin monehneki itech tomintlahtlanilistli wan kittaskeh kox mochiwa tekiah silistli.

Iyeknemilis altepetominyotl tlen kichiwas tlanawatilchihkan kemin monehneki tlalnankotonaltin itlaistlakolis tlen tlayekapantika kahki. Tla ixtlamatomachiwalli tlen kichiwaskeh wan tla kineskayotia chichikotomin tlen kipia ahsitos noso tlen tlatemakah noso amo moneskayotia kualli wan amo kualli kitominnextiah tlen ika motomintiah noso tomintlamiah, motekimakas wan motekinotzas kemin inin tlanawatilli monehneki. Tla kualli tekitomachiwalli tlen mochiwa itech se tlalnankotonalli kiyekihtoskeh tlen kualtis moyektlalis kemin moihtowa itech inin tlanawatilli.

Altepetominyotl tlen motlaistlakomakah itech inin tekitl tlen kipia moteixpantis tlanawatilchihkan kemin amo ma mowehkawiti ipan senpoalli wan mahtlaktli tonalli metztli *abril* tlen okse xiwtika, wan welitos mowehkawitis kitixpantiskeh kemin kineskayotia tlanawatilxehxelolli IV itech itlamian tlankuilocotonalli tlen powi itech inin tlanawatilli; tlen tekiwekawitl amo welitis panos miek kawitl san kanah senpoalli wan mahtlaktli tonalli, wan tla tlalnankotonalli tlen tlaistlakolistli tlayekapan kahki itech tlalnentli wan noihki kipias inon kawitl kemin kiteixpantis itekichiwal tlen motemaka itlamatomachiwal altepetominyotl.

Tlanawatilchihkan kipia kiyektlamis inemilistekiw tlen altepetominyotl ipan senpoalli wan mahtlaktli tonalli tlen okse xiwtika tlen moteixpantis tlen ipewalis wan inemilis tlen tekikhuitlakotok wan itlamilis tekichiwalli tlen kiteneztiah tlalnankotonalli itekiw tlen tlayekapan itlaistlakoltekiw itech tlalnantli powi kemin kineskayotiah tlanawatiltzintli 79 itech inin tlanawatilli, tlen amo kualtitos nochi tekiyotl tlen motlahtalnis itech tlaittalistli, yekmelawalistli, wan nochi tekichiwalpanoltilis tlen tlalnankotonalli kitlaistlakolitta mochihtias kemin monehneki itech inin tlanawatiltzin.

Tlanawatilchihkan konixyehyekos tla tlalnankotonalli itlatekichiwal tlaistlakolis tlen tlayekankistos tlen tlalnantli powi wan kualtis noihki kitlahtlanilis itekichiwal kenin yawi noso panotiw itlaistlakolistekiw tlen tlayekapan kahki.

VII. (Okipopolokeh).

VIII. Wan oksekintin tlen kiteneztiah inin tlanawatilli.

Tlanawatiltzitli (Art. 75). Weyi tlanawatilchiwaloyan ihkuak sepan tominonanaskeh tlen monehnekis itech tlalnantli, amo weltis kitenkawas itech tlanawatilli kemin kineskayotia tekitlaxtlawalli; kanah kilkawaskeh noso amo tetlaxtlawiskeh san moahsikamatis kemin neskayotitok tlen achtopan tominxehxelolli noso kemin tlanawatilli kemin otlatekimakak.

Tlanawatiltzitli (Art. 76). Tlen intekio Weyi tlanawatilyehyekolkan:

I. Kipia kitekichiwalixpantiskeh itech Weyi tlakaolocholli tlanawatilchi tlen xiwxintika kichiwa Weyi tlahtoani tlen powi itech tlalnantli México wan tlahuilowani tlen kahki itech tlanawatilchihkan wan kiyeknemiliskeh nochi tlayehyekolli tlen kahki tetlalnatin tlen itekiw tlalnantlanawatilchihkan.

Wan noihki kipia kinseliskeh nochi sepanlahtolistli tlen yi kimahmatih okseki tetlalnatin wan nochi tlakaolocholli tlalnanixpantilis tlen kihkuilowa, kemin noihki welitis kitlamilti, kiteilwia,

kiketzaltis, kiyektlalis, kitlahtlamis, kiyekkixtis nochí tlen iahkokuil, wan kitlahtolyektlalis tlen iaxkantika;

- II. Kintokayochikawiliskeh tlen kichiwa tlalnan melahkayehyekowani tlen kinotzah *Procurador General de la República*, tlahtoani tlen tlen kinnotzah *Ministros*, ixmatianintin tlen kinotzah *agentes diplomáticos*, tekiwaixpantiani tlen kinnotzah *cónsules*, tlakewaltomin nechikohkan, yaotlayekankeh tlen tlalpannemih wan tlen ahkopannemih itech tlalnantli wan tlen tlanawatilli moihtos;
- III. Noihki welitiskeh kitenchikawiliskeh noso tlanawatiskeh kemin ma kisakan yaotlakameh tlen powih tlalnantli *México*, kualtis panoskeh teyaotlakameh itech tlalnantli *Mexico* wan welitiskeh moseewiskeh noso moketahsих itech tlalnantli weyiatl san sen metztikah.
- IV. Kimaktiskeh inawak Weyi tlahtoani tlen powi itech tlalnan *México* kemin welitis kitekimakas yaotlakameh san nohnowian amo san kanin powi itech tlalnankotonaltin wan kihtos san kanin motekichikawamakas noso mokualankamakas;
- V. Teixpantiskeh ihkuak wehweyi tlanawatilchikan noso tlanawatilyehyekohkan noso nochtin tla pohpoliskeh intech tlalnankotonaltin, wan ahsí tonalli monehnekis motenewas se tlahtoani tlen tlalnankohkotonalli tlakpatekiyah, wan tenotzaskeh kenemin noteikiwaixpehpenas kenemin tlalnankotonalli itlanawatil, itokayotilis tlen tlahtoani mochiwas kemin tlanawatilyehyekowani wan mochiwas eheyi kiteixpantis weyi tlahtoani tlalnantli *México* kenemih tlen okachi miekintin tlen kixpehpenah tlen onpa olochitokeh wan ihyosewilis itech Tlakaolocholli tlen nochipa tekitlahtowa, kemin tlanawatilli moihtowa. Tlanawatiani tlen motokayotia ayik welitis motekiwhixpehpenas wan kipia moyeknemilis kemin kiteixpantia itech tekiwhnotzaloni, inin tlanawatilli nochipa mochihchiwas, san ihkuak se tlalnankotonalli amo kittaskeh inin tlahtolli;
- VI. Tlahtolyektlaliskeh ihkuak olocholtin tlen tlatlamantli itlayehyekol tlen kiteixpantiah intech sehsen tlalnankotonaltin tlen itekiwhakayopan noso itekiwhahyekolkán kanin ompa kixpanawiah noso miek tlatlamantli tlen panowa wan okitlahtolketzaltihkeh tlen itech tlanawatilli ika se kualanka yaotewilistli. Tlanawatilyehyekohkan kipiah kinyolosewiah kemin moihtowa itech Weyi Tlanawatilli tlen tlalnantli wan tlalnankotonalli iaxka.

Tlanawatilli kichikawilis inin tlahtolli tlen achtopan kahki.

- VII.** Moyektlalis se tlakaolocholli tlen tlahtlakoltlaxtlawalismakas wan welitis mixmatis ika tekiyah owihtzintokalistli tlen amo ihtok kichiwa noso kitlahtollatia nochi tekiwahtlakewaltin wan noihki tlen motlahtolkuekuepah wan kemin tlahtlaksah nochi iaxkatika tlen intech powi wan tlen motemaka kemin kineskayotia inin tlanawatilli itech itlanawatiltzin makuilpoalli wan mahtlaktli.
- VIII.** Kintokayotiskeh tlanawatilmelakhanyotiani tlen kintokayotiah *Ministros de Suprema Corte de Justicia de la Nación*, kanin Weyi tlahtoani tlen powi itech tlalnanti *México* kiyekihtos noso kiselis eheyikpan noso amo kiselis nochi tlen mosewilis monehneki noso motekiwahkixtiskeh;
- IX.** Welistiskeh kitokayotiskeh wan kipatlaskeh tlen tekiyah kiteixpanthtok tlahko tlalnankotonalli tlen kitokayotiah *Distrito Federal* kemin neskayotitok itech inin tlanawatilli;
- X.** Tlanawatiskeh ihkuak se tlanawatilli okiselihkeh kemin okachi miekintin tlen ohkan xelolis ma kipia kanah eyipan ahachi tlanawatilchihkeh tlen ompa kateh, wan tlen mosepanyolkawaskeh nochi tlen kittasneki ika itlalnamikoyan tlen powi tlalnankotonaltin;
- XI.** Ika itlamilis moyektlalis nochi kualankayotl tlen itlalixnamikilis tlen iaxka tlalnankotonaltin kemin ihkon kihtlaniskeh ihkon mochiwas, ihkuak kiseliskeh tlanawatilli wan tlen okachi miekintin kixpehpenaskeh tlen ihkuak inon tonalli onpa kateh tlanawatilchihken;
- XII.** Wan oksekintin tlen intech powi tlanawatilli.

Tlanawatiltzintli (Art. 77). Sehsen tlanawatiloyan tlen kinnotzah *cámaras*, welitis ipan se tlahtos:

- I. Tlanawatilchiwaskeh kemin kiyektlaliskeh nochi tominkayotl kanin motlanawatiah ihtik itlalnan;
- II. Mosepantlahtoskeh tlanawatilchihkan wan tlanawatilyehyekohkan inwan tlen kateh itech Weyi tlanawatilchihkan wan intekiw tlen intech powi;
- III. Kintekimakaskeh intlakewalixmatihan wan kinchiwaskeh intlanawatil tlen intech powi.
- IV. Kichiwaskeh nochi tekitlanotzalli tlen kiteixpantiskeh ipan sempoalli wan mahtlaktli tonalli ihkuak pewas kemin monehnekis se tlakewalli, kemin moixpehpenas tekiwahkayotl tlen mochiwas satepan nawpoalli wan mahtlaktli tonalli wan ihkon motekimakas kemin ihkon monehneki itech tlanawatiltzintli expoalli wan eyi tlen powi itech inin tlanawatilli, kemin monehnekis se tlanawatilchiwani noso tlanawatilyehyekowani itech tlalnantlanawatilchiwaloyan

monehnekis ma kichikawilikan tlen okachi miekintin, tla ika motekikawa wan welitis okse san niman kalakis tlen kipia ma pano itech xiwtika itlamian tlen itekio tlanawatilyehyekowaneh.

TLAHKUILOLXEHXELOLLI IV

Tlanawatiltzintli. (Art. 78). Ihkuak mosewia Weyi tlakaolocholli; kanin tlanawatilchiwah, molochohotokeh sempoalli wan kaxtolli tlanawatihkeh, kanin kaxtolli wan nawi yetoskeh tlanawatilchihkeh wan kaxtolli wan eyi yetoskeh tlanawatilchiwaneh akimeh kinpehpenaskeh achtopan tlamitih nechikolistin ompa tlanawatilchiwaloyan kanin yehwan powih.

Tlakaolocholli tlen nochipan tekitlahtowah, noihki kualtis okseki tekichiwas tlen Weyi tlanawatilli kiteneva:

- I. Kihtohtok itech tlanawatiltzintli (Art. 76), kanin nawi tlahkuilolxehxelolli, kikawilis ma kipia wehweyi tlahpixkeh.
- II. Kiselis itenewilis Weyi tlanawatiani.
- III. Ihkuak mosewis Weyi Tlakaolocholli, kiyektlalis noch ixtolli tlen itech powi, kiselis tlen kuah tlayehyekolli tlen kintitlanilis tlakaolocholli kanin tlanawatilchiwah wan ihkon kinxehxeloskeh.
- IV. Motlahtlapowiskeh wan tlamo kitenkakiskeh kenemin tenotzas Weyi tlanawatiani tlanawatilchiwaloyan wan tlamo san se tlanawatilchiwaloyan monechikos, monekis kipanowihtos tlahkotian altepetlakameh motlahtoltiskeh. Inon tenotzalistli kihtohtos tlekan monechikoskeh.
- V. Kinkakiliskeh intlahtol wehweyi tlanawatihkeh ihkon kinotzaskeh noso amo melahka yehyekoltemakani.
- VI. Kikawiliskeh ma mosewi sempoalli wan mahtlaktli tonalli weyi tlanawatihkeh wan kinotzaskeh okse ipatka ma mokawa.
- VII. Weyi tlanawatihkeh welitis konihtoskeh akimeh yetoskeh tekiwahkeh tlen kinnotzah *Ministros, Agentes Diplomáticos, Cónsules Generales, Empleados Generales de Hacienda,*

Coroneles wan okseki wehweyi yawtekiwahkeh, tlen kateh itech yawtlakaolocholli tlen kiliah Armada wan *Fuerza Aérea* tlen powi itech tlalnantli, tlen ihkon kihtohtok tlanawatilli.

VIII. Kixmatiskeh wan kihtoskeh kox kinkawiliskeh ma mosewikah akimeh ihkon kinekiskeh.

TLAHKUILOLXEHXELOLI V

Tlanawatiltzintli (Art. 79). Tlaistlakolistli tlen weyi tlanawatilkan, ixbayan monahnawatis wan tetlahtlanis wan kihtos kenemin yetos itlakaolochol, wan kenemin yetos itekiyo kemin kihtohtok tlanawatilli.

Tekitlaistlakolistli imelahkayotl melawalistli, tlen satepan, sexihtikan, mochiwas san ika se tlahtoli, amikah ma mopalewi wan nochtin ma kineltokakah.

Inin weyi tlaistlakolistli yetos itekiyo:

I. Satepan tlaistlakos tomin tlen kiselia wan tlen kitemaka wan kimatis kenemin kinehnekis Weyi sentilistlanawatilkan tlen kinotzah *Poderes de la Unión* noihki monehnekis kox tekitl mochiwa ihkuak kitnewas.

Noihki tlaistlakos tominpixkaitl tlen powi weyi olocholkan tlen kinotza recursos *federales* wan tlen inaxka Tlalnankotonaltin wan okseki altepemeh tlen kintokayotiah *Municipios, Distrito Federal* wan okseki tlakaolocholli tlen itlayehyekol kanin itlalkotonaltin wan amo monehnekis iteki weyi olochohkan, noihki tlaistlakos tomin pixkaitl tlen powi weyi olocholkan tlen kinehnekis oksekimeh altepemeh, tlakameh noso ikah tlen san tokayotlanetiani, akin tlapalewia wan okseki tlen amo tlapalewia wan tomin tlen oksekimeh kintlatilihtok tlen tlanawatihkayotl, tlanawatilli, tomin pixkayotl wan oksekih tlakameh wan akimeh san tokayohtlanetiani, yehwan tekichiwaskeh kemeh tlanawatihtokeh oksekih tlanawatiltin wan amokitekakiskeh oksekimeh tlanawatianih wan oksekimeh tlen intech powi tlen tominpixki.

Tlalnankotonaltin tlen okintlaistlakohkeh kemeh achtoh kihtohtok kimachiotihtiaskeh nochi tomin tlen kipixtok wan tlen kiyehyekowa kinnehnekis wehweyi olocholkan, kinxehxeliliskeh kemen kihtohtok tlanawatilli.

Tepantlaksalistli tlayehyekol pewalistli xiwitikah, tlalnankotonali tlaistlakolistli welitis kitlahtlanis wan kitlaistlakos tekitl tlen kihtohtok itech amameh tlen achtoh omochih, tlen tomin tlatilli tlen nochtin totech powi, amo welitis se kiyehyekos, nochi tlen se kichiwas, oksepan welitis se kipewitis tekitl ika tomin tlen totech powi wan se kinehnekis kanin kiitlahtlania, ihkuak tekitl oksepan monehnekis se kimatis tlen kitlahtlania, ihkuak tekitl noso tomin tlen ik se tekipanos se kimatis kenemin monehnekis wan tla mochiwas tekitl tlen kinawatia tlanawatihkayotl. Tlaistlakolistli kihtos kox kualli mochihtok tekitl wan kenemin tomin pixkaitl tlen powi weyi olocholkan monehnektok.

Noihki amo tepantlaksaskeh tlen achtopan ewa tlalia kualli mochihtok tekitl tlen monawatihtok itech tlanawatilli, tlen kiselia itech teilwiliestli, welitis monehnekis ikah tlaistlakolistli ihkuak tekipanohtos xixiwtikah tlen panotos, tlen kiteitiliskeh wan monehnekis monextis. Tlalia tlen monehnequis amo kikakitiseh wan ihkonin kihtohtok tlanawatilli, welika motlaxtlawas. Weyi Tlaistlakolistli kipia tlen kitemakas se nahnwatalistli ixpan Wehweyi Tlanawatilchihkeh, wan tlamo kinteixpantiskeh ixpan weyi tekiyah;

II. Monehnekis kitemakaskeh se ihkuilotekichiwalli kanin ma monexti tomintlatili tlen nochtin intech powi ixpan wehweyi tlanawatilchiwaneh amo ma ahsí se xiwitl ipan sempoali tonanalli tlen mestli febrero, wan kipias tlen yehwuan kiyehyekoskeh kox yompa noso amo wan ihkon nochtin kimatiskeh. Itech inonkeh ihkuilotekichiwallin monextiskeh nochtin istlakolistin wan tlen omokiho ihkon ma mochiwa, wan nihki kanin monextia tlaistlakolistli tlen tomintlatili tlen totechpowi tlen omochih ixpan wehweyi tlaistlakowaneh kemeh achtopan kihtohtok wan tlalia omochih tekitl, tlen wehweyi tekitlamachiotiltin tlen kinnotzah *programas federales*, noihki kipias se ihkuolistli kanin kihtoskeh wehweyi tlaistlakowaneh kox kualli omochih tekitl wan ma kihtokah tleka ihkon omochih wan tlamo, mopalewis itech wehweyi tlaistlakowaneh

Achtoh monextis tekichiwalisxpantilistli ixpan wewetkeh tlaistlakowaneh tlen yehwan inaxka okitemolihkeh, ihkon kualtis kinextiskeh wan kihtoskeh tleka ihkon omochih inon tekitl, wehweyi tlaistlakowaneh kihtoskeh tlalia kualli omochih wan ihkon kualtis mochiwas tlen satepan tekichiwalisxpantilistli tlen monextia altepetomin.

Weyi tlanawatilli tlen powi itech weyi tlaistlakolistli Weyi tekiwahkan tlen kintokayotiah *federación* amo ma pano mahtlaktli tonalli kintitlanilis tlalnankotonalli tekichiwalixpantilistli, ipan sempoalli wan mahtlaktli tonaltekipanohkayan momatis ihkuak kitemaktiskeh tekinextilistli wan ihkon kihtoskeh tlenon kiyektlaliskeh, wan tlamo kichiwaskeh, kiseliskeh se tenotzalli wan kintlaxtlawaltiskeh tlen kihtohtok itech tlanawatilli. Tlen achtoh omomachiotih, amo ihkon mochiwas kemin mihtowa itech tekimakalistli, nochi inon mochiwas kemin mihtowa itech tlanawatilli.

Kinextis ipan chikuase powalli tonaltekipanohkayan wan mopalewis itech tlayehyekolli tlen okitenehkeh olocholtlalnankotonall tlaistlakoltlanawatilli, wan tlamo kichiwaskeh, momatis nochi tlen omochih wan yikahki.

Tlalia nochi tekitl omochih, olocholtlalnankotonaltin tlen omotlaistlakohkeh tlayehyekoskeh ixpan oksekimeh wehweyi olocholtlalnankotonaltin tlen tekitl omochih wan tlamo ma kihtakah tlalia amihtok.

Weyi olocholtekiwahkan tlen tlaistlakowatlanawatilli kitemaktis yehwan wehweyi tlanawatilchiwaloyan, ipan se tonally tlen mestli *mayo* wan noviembre ihkuak tlamitin xiwitl se tekichiwalixpantilistli kanin monextis kenemin kateh nochi tlen omoteneh wan tlen omonawati wan tlen omochih.

Monextis tekichiwalixpantilistli ihkuak Weyi olocholtekiwahkan tlen tlaistlakowatlanawatilli amo kinextis tekitl tlen okichihkeh wan tlen kiyekkitta tlen achtopan kihtohtok, itech tlanawatilli moihtos tlen kitoktiskeh akimeh amokiwelkakiskeh;

III. Kintlahtlakolmamaltiskeh akimeh amo kiyekanaskeh tekitl ikan tomin tlen kololowa, kinehneki wan kitlatihtokeh, tlen iaxka tomin pixkaitl tlen weyi olocholkan kinotzah *Recursos Federales* wan kalihtik tlachiatwi kox kinextihtokeh amochmeh amameh wan tlen ikah yektemowa, nochi inon tekitl mochiwas kemin kihtohtoh itech tlanawatiltin wan kemeh monawatia ihkuak kalistlakoskeh, wan

IV. Kihtoskeh tlenon amihtok omochih wan ihkon amo ipantlaksaskeh tominpixkaloyan tlen kinotzah *Hacienda Federal* wan kiteistlakawiskeh akimeh amo tekichiwa wan nihki kiteixpantiskeh ixpan tekiwahkayotl tlalia miak amo omochih, mosemanaltis tlachiwalli tla ikah amihtok okichih wan mopalewis itech nawi tlanawatiltzintli tlen powi itech inin Weyi tlanawatilli wan monextis tlahtlakolihyowill kemin monextia itech Weyi tlanawatilli.

Tlahtlakolihyowilistin wan okseki tlamantli tlen omochih tlen powi itech weyi tlalnankotonalli welitis amo kineltokas tlaistlakolistin wan tekiwahtlakewaltin tlalia kinteilwiliskeh ixpan wehweli teixpantilistin tlamo ixpan teowihkayektlaliani tlen powi itech tlahuiloxlolli powalli expoalli wan mahtlaktli wan eyi itech okse tlahuiloxlolli sempoalli wan chiknawi, tlen kahki itech inin tlanawatilli kemeh kihtohtok itech tlanawatilli.

Weyi tlanawatilchiwaloyan kitnewas se tlanawatiltlayekanka tlen tlanawatihtos itech tlaitlakolistli wan kipehpenaskeh kanah keski tlen molachohtokeh. Tlanawatilli kihtos kenemin kipehpenaskeh akin tlanawatihtos ipan chikueyi xiwitl wan san semi oksepa kipehpenaskeh. Wan kipatlaskeh tlalia itlah amo okichih kemin ihkuilihtok itech tlanawatilli, wan kipehpenaskeh oksemi akimeh achtoh okipehpenkeh, wan tlamo mochiwas kemin kihtohtoh itech nawilpan tlanawatiltzintli tlen powi itech inin tlanawatilli.

Tlalia ikah kinekis tlanawatihtos itech weyi tlaistlakolistli amo monekis san tekipanohtos wan tlen monawatihtok itech tlanawatiltzitzinteh se, ome, nawi, makuilli wan chikuaseh tlen kihtohtok itech tlanawatilli napoalli wan mahtlaktli wan makuilli tlen powi itech tlanawatilli wan oksekimeh tlen machiohtokeh. Ihkuak tlanawatihtos amo kualtis yetos itech se tlakaolocholli tlen sentetl itlayehyekol wan amo okse tekitl kualtis kichiwas, tla ikah kipalewis noso tlakuikas, tlamachtis, yektemos amitlah tomin kitlanis.

Wehweyi nechikolistin wan Tlalnankotonaltin wan oksekimeh tlaistlakolistin, kipalewiskehweyi tlaistlakolistli ihkuak kichihtos iteki wan tlamo ihkoni mochiwas welitis kemeh monawatia kahsis tetlaxtlawiltlistli kemeh nawatia tlanawatilli. Noihki tekiwahtlakewaltin akimeh powi itech olochoatlalnankotonaltin wan Tlalnankotonaltin, tlakameh wan tlen san iyehyekol wan tlen totech powi wan tlen san sekimeh powi, tlanawatilli noso ikah owihtiltlayekan, akimeh kiselia tominpixkaitl tlen totech powi, kitemaktiskeh tekichiwalixpantilistli wan amameh tlen kitlahtlanis wehweyi nechikolistin, kemeh ihkoni omoihto itech nawatiltin wan amo kineltokaskeh tlen oksekimeh tekiwhakeh tlayehyekoskeh wan tlen intech powi akimeh kinehnekih tomin. Wan tlamo kitemaktiskeh tekichiwalistli akimeh itekih kitetlaxtlawaltiskeh kemeh machiohtok itech nawatilli.

Yen Weyi Tlanawatihkayotl tlen kinotza Poder Ejecutivo Federal tlahtos kenemin tetlaxtlawaskeh tlalia ikah itlah okitoktihkeh wan nihki yeh kech tomin kitlaxtlawaskeh kemen machiohtok itech inin nawi tlanawatiltzintli.

Eyipan Tlahkuilolxeloli.

DelPode r Ejecutivo

Tlanawatiltzintli (Art. 80). San yeh Weyi Tepantlahto tekichiwas akin motokayotis Weyi Tlahtowani tlen powi itech tlalnanti México.

Tlanawatiltzintli (Art. 81). Ihkuak mopehpenas Weyi Tlahtowani tlen powi itech tlalnanti México, mochiwas kemeh ihkuilohtok itech amapehpentlanawatilli.

Tlanawatiltzintli (Art. 82). Moneki akin yetos Weyi Tlahtowani tlen powi itech tlalnanti México:

- I. Nikan ma nesi wan ma yeto Mexikhkotlakatl wan ma yeto inemilis tlen iaxkayotl wan se itah ma yeto Mexikhkotlatl.
- II. Ihkuak kipehpenaskeh ahsitok ma kipia sempoalli wan kaxtolli xiwitl.
- III. Achtopen kipehpenaskeh moneki ma chanchihto se iwuitl nikán Mexico, wan tlalia semoalli tonalli oksekan tlalnanti onemito amo kihtosneki amo mopehpenas.

- IV. Amo ma yeto Teopixki.
- V. Ihkuak kipehpenaskeh Makipia chikuasen mestli kikawas yawtlakewalli tlalia ompa tekiti.
- VI. Ihkuak Kipehpenaskeh ma kipia chikuasen mestli amo yeto tlakewalpalewiani itech weyi tlahtowankayotl, Weyi melahyehyekowani, tekiwahlkayotl itech se tlalnankotonalli nion tekiwahl tlen tlanawatihtok tlalnanyolotl tlen kinotza Distrito Federal.
- VII. Itech tlanawatiltzintli 83 kihtohtok amitlah kualtis kichiwas tlalia ayamo kipia chikuasen xiwitl okikah tlanawatilistli.

Tlanawatiltzintli (Art. 83). Kipewitis iteki Weyi tlahtowani tlen powi itech tlalnantli México ipan se tonally itech mestli diciembre wan wehkawas chikuasen xiuitl. Wan ikah akin okatka Weyi tlahtowani tlen powi itech tlalnantli México noso akin san okaxitih inon tekiti amo oksepan kualtis yetos.

Tlanawatiltzintli (Art. 84). Tlalia okipehpenkeh Weyi tlahtowani tlen powi itech tlalnantli México wan ipan ome xiwitl amo kipewites iteki wan Weyi tlakaolocholli tlen tlanawatilchiwa molochoskeh panowa tlahko akimeh tlanawatilchiwah, wan welitis kixtakahpehpenaskeh ikah okse ma yeto Weyi tlahtowani tlen powi itech tlalnantli México, wan amo ma tlami mahtlaktli tonalli kixtiniskeh amatenotzalli tlen kiliah *convocatoria* wan ihkon nochtin okse Weyi tlahtowani tlen powi itech tlalnantli México kipehpenaskeh ma kitlami iteki tlen okse okipehpenkeh wan kiyehyekoskeh ihkuak kititlaniskeh amatenotzalli wan ihkuak mopehpenas amo ma pano mahtlaktli wan nawi mestli noso kaxtolli wan eyi.

Tlalia Weyi tlakaolocholli tlanawatilchih amo molochohtokeh yen okse tlakaolocholli tlen nochipah tekitlahtowa tlen kiliah *comision permanente* kitenevaskeh Weyi tlahtowani tlen powi itech tlalnantli México akin mochias ma molochokah weyi tlakaolocholli tlanawatilchih wan yeh kitlalis Weyi tlahtowani tlen powi itech tlalnantli México wan satepan kititlanis amatenotzalli kanin kihtohtos kemanian wan kenemin kipehpenaskeh Weyi tlahtowani tlen powi itech tlalnantli México , ihkon kemin machiohtok tlen achtopan tlanawatiltzintli.

Ihkuak poliwiki Weyi tlahtowani tlen powi itech tlalnanti México ma pano sempoalli wan mahtlaktli tonalli wan Weyi tlakaolocholli tlalia amo monechikohtok yen Tlakaolocholli tlen nochipa tekitlahtowa kinnotzas ma monechikokah wan kinotzaskeh akin mokawas Weyi tlahtowani. Wan tlalia ayakmo mokopas akin okipehpenkeh ma yeto Weyi tlahtowani, nochi mochiwas kemin kihtohtok tlen achtoh tlanawatiltzintli.

Tlanawatiltzintli (Art. 86). Akin yetos Weyi tlahtowani tlen powi itechtlalnanti México kualtis kikawas inon tekitl tlalia itlah owitlahtolli amo kaulti kiyektlalia wan kiteixpantiskeh inawak Weyi tlakaolocholli tlen tlanawatilchiwa wan yeh kiixpantiskeh amatl kanin kiihtohtos kikawas inon tekitl.

Tlanawatiltzintli (Art. 87). Weyi tlahtowani tlen powi itechtlalnanti México, ihkuak kiselis itekih, kitempowas ixpan Weyi tlakaolocholli wan tlamo ixpan Tlakaolocholli tlen nochipa tekitlahtowa ihkuak mosewihtokeh wan ihkon tlahtos: “ Nitkipanos kemen kihtohtok itech Weyi tlanawatilli tlen powi itechtlalnanti México wan nochi tlanawatilmeh tlen itech omoihkuiloh wan melahka nietos kualli Weyi tlahtowani tlen powi itechtlalnanti México, tlen nochtin mexicochanehkeh okipehpenkeh akimeh nikimpalewis ma yetokah wan tla amo ihkoni mochiwas nochi tlalnanti ma nechteilwikah”.

Tlanawatiltzintli (Art. 88). San kanah chikome tonalli kualtis oksekan tlalnanti yaski Weyi tlahtowani tlen powi itechtlalnanti México wan achto kitlahtlanis ma kikawilikah wan kinawatis Weyi tlanawatilyehyekolcan wan tlamo Tlakaolocholli tlen nochipa tekitlahtowa tlenon kichiwiati wan ihkuak mokopati, tlanawatis tlenon okichih. Tlalia okachi wehkawati kilis ma kikawili yaski oksekan tlalnanti yen Weyi tlanawatilyehyekolcan wan tlamo yen Tlakaolocholli tlen nochipa tekitlahtowa.

Tlanawatiltzintli (Art. 89). Tlen satepan moihiukohtok iteki Weyi tlahtowani tlen powi itechtlalnanti México.

I. Kinextis tlanawatiltin tlen kiihkuilos Weyi tlakaolocholli wan ik tlanawatis wan tlaistlakoskeh nochi ma mochiwa.

- II. Kimpehnaskeh wan kimpatlaskeh tlahuilowanih tlen kateh itech tlanawatilchihkan wan nihki kualtis kimpatlaskeh oksekimeh tekiwahkeh akimeh tlanawatihtokeh tominoloyan, wan nihki kintlaliskeh oksekimeh tlakewaltin akimeh amo kualtis kimpatlaskeh tlalia amo machiohtok itech tlanawatilli noso itech okseki tlanawatiltin.
- III. Tlanawatilyehyekowaneh kinnotzas tlahtowaneh akimeh kintokayotia agentes *diplomáticos* wan *consules generales*.
- IV. Yen Tlanawatilyehyekowanih kinnotzas weyi yawtlakaolocholli wan oksekimeh yawtlakaolocholtin wan oksekimeh yawtlakameh akimeh nemih itech tepospatlanih wan oksekimeh tekipanohkeh tlen tominoloyan.
- V. Kinnotzaskeh oksekimeh wehweli yawtlakaolocholtin wan oksekintin yaotlakameh akimeh kintlatia tepostlatoponkeh wan yawtlakameh akimeh nemeh itech tepospatlanih, kemeh kiihtohtok itech tlanawatiltin.
- VI. Titepantlahpiaskeh nochitlalnan, kemeh monawatihtok itech toamanawatilli wan tiknehnekiskeh nochitlalnan, kemeh monawatis itech weyi tlakaolocholli tlen tlanawatiltzintli 76.
- VII. Ihkuak monekis tikinnehnekiskeh yawlocholli kemeh ihkuilohtok nawi tlahuiloxelolli tlen tlanawatiltzintli 76.
- VIII. Tikyaotenevaskeh ipatka totlalnantli, kemeh monawatis itech weyi tlakaolocholli tlen tlanawatilchiwa.
- IX. Tlanawatilyehyekowani kinnotzas weyi melahkayehyekowani akin tlanawatis nochitlalnantli.
- X. Tikmelahkayehyekoskeh nochitlalnantli se kichiwas seantlahtolistli yikimahmatih okseki tetlalnatin noihki sekitlamis se kiteixpantis, se kotonas, se kipatlas, wan tikyektlaliskeh wan tikxeloskeh tlen satepan tiknehnekiskeh wan titlahtoskeh tlen se yehyekowa wan se kichiwas kemeh tlanawatia Weyi Tlanawatilyehyekolkan. Titlakayehyekoskeh kemeh tlanawatihtok Chikawak tetlanawatilistli. Chikawak tetlanawatilistli akin kiyekantos tlakayehyekolli: altepesenkatalachiwalli, nochitlakayehyekolli ma mochiwa, ihkuak ikah kichololtia wan kichiwa miakeh tlalnatin ma mopalewikah, tekitl ma mochiwa kemeh ihkuilohtok itech Weyi tlanawatilli wan tlayehyekolpalewilistli ma yeto ikah nochitlalnatin.

- XI.** Ihkuak monehnekis Tlakaolocholli tlen nochipa tekitlahtowa kinolochos Weyi tlakaolocholli.
- XII.** Ihkuak monehnekis se kipalewis owihkayopohpololistli wan ihkon kualtis tekichiwas.
- XIII.** Tikyehyekoskeh kanin mokawaskeh wehweyi atempan akalmaniloyantin wan tlalanmaniloyan.
- XIV.** Tikmatiskeh kemeh moihtohtok itech Wehweli tlanawatiltin, tleka sekih tlakameh kaltzakteh wan tlalia yehwan Tlakaolocholtin tlen teowihkayoyektlaliani kinitas wan akimeh kaltzakteh *Distrito Federal* tlen amo miak kinmamaltiah.
- XV.** Tikinkawiliskeh se kawitl ma mopakiltikah nochtin tlakaixtlamatzintokalistli wan tla itlah okiyektlalihkeh itech tlachiwali kemeh kihtohtok itech Weyi tlanawatilli.
- XVI.** Ihkuak Weyi tlanawatilyehyekolkan amo monechikowa yeh Weyi tlahtowani kualtis kipehpenas kemeh machiohtok itech nawatiltzintli III, IV wan IX wan ihkon kiselis yeh Tlakaolocholli tlen nochipa tekitlahtowa.
- XVII.** (Okipohpolohkeh).
- XVIII.** Tikinxpantiskeh tlalia kiselis tlanawatilyehyekowanh, eyintin tlakameh akimeh kinselis teki akimeh tekichiwaskeh tlen kinotza *Ministros de la Suprema Corte de Justicia* wan ihkuak kinekiskeh kitlahtlaniskeh makawilikah amo ma tekipanokah tlalia tlanawatilyehyekowani ihkon kiihtoskeh.
- XIX.** (Okipohpolohkeh).
- XX.** Oksekimeh tlen kinyekanah Weyi tlanawatilli tlen powi itechtlalnanti México.

Tlanawatiltzintli (Art. 90). Tlatlahkotian tlanawatihtos Weyi tekixelolkan kemen moihtos itech tlanawatiltin melahkayopantlalnan akin kinxehxelos nochi nemakaloyantin wan kinnawatihtos oloholtekiwahkan tlen kinotza *Federación* wan nochi itekih yehwan tlen kateh itech tlanawatilchihkan wan kiihtoskeh kenemin mokawaskeh tlalnankotonaltin tlen wehwitin tominnemakaloyaltin wan nawatihtos yen tlalnannawatihkayotl. Yehwan tlanawatilyekantin kiihtoskeh kenemin mowikaskeh yehwan tlalnankotonaltin iwan Weyi tlanawatiani wan iwan tlalnankotonaltin.

Tlanawatiltzintli (Art. 91). Tlalia ikah yetosnekis tlahuilowanih tlen kateh itech tlanawatilchihkan moneki ma yeto mexikantlakatl wan ma kiselihto noch itepantlahtolistli tlen monawatia itech Weyi tlanawatilli tlen powi itech tlalnatli *México* wan ma kipia sempoalli wan mahtlaktli xiwitl.

Tlanawatiltzintli (Art. 92). Nochi amanawatiltin, nawatiltin wan tlen tlanawatis Weyi tlahtoani tlen powi itechtlalnanti *México* monequis kinikhuios yen Weyi tlahuilowani akin tlanawatihtok itech tlalnankotonalli wan tlamo amo kualtis ihkoni mochiwas.

Tlanawatiltzintli (Art. 93). Tlahuiloanih tlen kateh itech tlanawatilchihkan ihkuak monechikoskeh nawatiskeh kenemin mochihtok tekitl.

Wehweyi tlanawatiltin kualtis kinnotzas tlakewalixtlamatiltin, weyi melahkayehyekowani, akimeh tlanawatihtokeh itech wehweyitin tominmakaloyan wan nonihki akinmeh monawatihtokeh ma kitemaktikah tekichiwalli tlen nelli, ihkuak monechtis kenemin mochiwas tekitl tlen yehwan inteki tla ihkoni mochiwas yehwan kualtiskeh itlah kiiftoskeh amo yompa mochihtok.

Se nawi xehxelolli Wehweyitin Tlanawatilchiwaltin wan tlakewalixtlamatiltin, weyi melahkayehyekowani, yehwan kintitlaniskeh oksekimeh tlakewaltin ma kimatikah kenemin mochihtok noch itepantlahtolistli tekitl oksekan kanin yokeh osekimeh tlanawatihtokeh wan noch itepantlahtolistli tekitl tlen kimatikah kiixpantiliskeh yen Chikawak tetlanawatilistli.

Wehweyitin Tlanawatilchiwaltin kualtis kimatikah ma moihiilo itich amameh tlalia kinekiskeh, tlen kichihtokeh wan kenemin mochihtok tekitl itech Nawatiloyantin tlen nowian oksekan nawatihtokeh wan tlalia monekis tetlahtlanis ika machiotl, inon tetlahtlanilistli kualtis monankilis amo ma pano kaxtolli tonalli.

Nochi inin tekitl mochiwas kemen ihkuilohtok itech amanawatiltin.

Nawipan Tlahuilojxelolli.

Tlen iteki Tekiwahkayotl *Poder judicial*

Tlanawatiltzintli (Art. 94). Inin tlanawatihkayotl kipixtos wan kiyakanas weyi tlanawatihkapan tlen kinotzah *Poder Judicial de la federación* kanin kahki Weyi Tlakaolocholli tlen Tlanawatilmelahkayotia *Suprema Corte de Justicia*, noihki Tlakaolocholli tlen Pehpenatlayektlaliani *Tribunal Electoral*, noihki *Tribunales Colegiados* wan *Unitarios y de Circuito* wan *intech Juzgados de Distrito*.

Itlachiwal, itlachialis wan iyektekichiwalis tekiwahkayotl *Poder Judicial de la Federación*, san amo ihkon yetos Weyi Tlakaolocholli tlen Tlanawatilmelahkayotia *Suprema Corte de Justicia de la Nación*, kinnawatis *Consejo de la Judicatura Federal* ihkon kiihtowa Weyi tlanawatiltin, wan tlen kiihtowa tlanawatiltin.

Weyi Tlakaolocholli tlen Tlanawatilmelahkayotia tlen kilia *Suprema Corte de Justicia de la Nación* kiyektlaliskeh mahtlaktli wan se mawisotlanawatilchiwaneh noso *Ministros* wan kualtis nochtin tekitiskeh ichin Tlakaolocholli *Tribunales de Circuito* noso ihtik tlahtolixnamikloyan tlen kiihlia *Salas*.

Tlanawatilli kiihtowa, nochin tekitl tlen mochiwas ichin weyi olocholkan kanin moyehyekowa tlanawatilli wan kinotzah *pleno*, noso ihtik tlahtolixnamikloyan tlen kilia *Salas* kualtis tlamawisoskeh akin kineki kimatis tlenon motlahtlapowia, sekimeh mochiwaskeh san ichtakatzin, tlalia itla tlahtolli monekis amikah kimatis tlen ompa kiihtowah.

Iteki Weyi Tlakaolocholli tlen Tlanawatilmelahkayotia *Suprema Corte de Justicia de la Nación*, itlachiwalis ichin weyi olocholkan kanin moyehyekowa tlanawatilli wan kinotzah *pleno* noso ihtik tlahtolixnamikloyan tlen kilia *Salas*, iteki Tlakaolocholli *Tribunales de Circuito*, iteki Tlahtlakolahxiloyan *Juzgados de Distrito* wan Tlakaolocholli tlen teowihkayotlayektlaliani ichin Tekiwahpehpenalistli *Tribunal Electoral*, wan nochtin inteki tekiwatlakewaltin tlen kateh altepepan owihkayopohpolohkan *Poder Judicial de la Federacion* kiwelkakiskeh tlen kiihtowa tlanawatilli, wan kenemin omotzintlali ichin Weyi Tlanawatilli tlen powi itechtlalnantli México.

Tlakaolocholli tlen tlayahana wan kilia *Consejo de la Judicatura Federal* kihtos kanah keski, moxehxeloskeh *circuitos*, tekitlalokan *competencia territorial*, wan noihki ixtlamatzintokalistli tlen intechpowi Tlakaolocholtin *Tribunales Colegiados* wan *Unitarios de circuito* wan Tlahtlakolahxiloyan *Juzgados de distrito*.

Weyi Tlakaolocholli tlen Tlanawatilmelakhayotia *Suprema Corte de Justicia de la Nación*, molochowah kanin moyehyekowa tlanawatilli wan kinotzah *pleno* wan kualtis kiyektlalis tlahtlapowaltin, ihkon kixehxelos nochtin tlatlamantin tlen kinyektlaliskeh ihtik tlahtolixnamikloyan tlen kilia *Salas*, noihki kintitlanis nepa *Tribunales Colegiados de Circuito*, ihkon san nimantzin moyekchiwas nochtin tlahtoltin tlen kiseliskeh wan kinehneki tlanawatiltzintlalilistli tlen kilia *jurisprudencia* noso kenemin omoyektlapowikhkeh tlen kiihtowa Weyi Tlakaolocholli tlen Tlanawatilmelakhayotia tlen kinotza *corte*. Nochtin yektlaholtin *acuerdos* kualtis monehnekiskeh tlalia sentetl yomoteixpantihkeh.

Tlanawatilli kitzintlalis kenemin mochiwas tlanawatiltzintlalilistli tlen kilia *jurisprudencia* tlen tlanawatiskeh tlakaolocholtin tlen teowihkayoyektlaliani tribunales tlen kiyekana tekiwahkayotl *Poder Judicial de la Federación* kanin kinextis kenemin moyeknehnekis Weyi Tlanawatilli *Constitución*, tlanawatiltin tlen kipia tlalnanyotl noso altepetlahtolkan wan sepantlahtolistli tlen yikimahmatih okseki tetlalnantin wan kinotzah *tratados internacionales* wan okiyetlali Weyi tlahtowankayotl *Estado Mexicano*, noihki yeknawatilistin tlen mochiwas noso mopatlas.

Intlaxtlawil Tlanawatilmelakhayotianeh *Ministros* tlen kateh Weyi Tlakaolocholli tlen Tlanawatilmelakhayotia *Suprema Corte de Justicia de la Nación*, Tlanawatilyektlalianeh *Magistrados de circuito*, tetlahtlakolahxilianeheh *Jueces de distrito*, wan tetlayehyekolehkeh *Consejeros de la Judicatura Federal*, noihki Tlanawatilyektlalianeh tlen kiyekanaah Tekiwapahpenalistli noso *Magistrados Electorales*, amo kualtis kinkuiliskeh itich iteki.

Tlanawatilmelakhayotianeh *Ministros* tlen kateh Weyi Tlakaolocholli tlen Tlanawatilmelakhayotia *Suprema Corte de Justicia* wehkawaskeh itech iteki kaxtolli xiwitl, kema kualtis kinachiwaskeh

tlalia moittas tlen kiihtowah Nawi Tokaitl tlen kahki ichin Weyi Tlanawatilli *Constitución* wan, tlalia tlamic ixehxelolwehkawi, kualtis kiseliskeh tomin tlen ika monekuitlawiskeh tlalia ayakmo tekipanowah.

Tlalia sen altepetlakatl yopan kemeh Tlanawatilmelakhayotiani amo kualtis oksemi kitlaliskeh ichin okse kawitl, kemah tekipanos tlalia yetos san se tepitzin wan amo oksemi motzintlalis itech inon tekitl.

Tlanawatiltzintli (Art. 95). Tlalia ika kinekis yetos Tlanawatilmelakhayotiani *Ministro* tlen yetos ichin Weyi Tlakaolocholli tlen Tlanawatilmelakhayotia *Suprema Corte de Justicia*, moneki:

- I. Yetos altepetlakatl tlen kipia imexikochanehkayotl, wan kualtis tekiwapehpenas wan kiselis tlen itechpowi.
- II. Yitlamia kanah sempoalli wan kaxtolli xiwitl ichin tonalli kanin kimaktiliskeh inon tekitl.
- III. Moneki kipias kanah mahtlaktli xiwitl yitkipanova kemeh tlahtolpalewiani, kipias okse weyitokaitl tlen kiihtowa yen tepantlahtowa noso *titulo profesional de licenciado en derecho*, tlen kitemaka sen weyi Temachtiloyan noso okse tlanawatihkapan tlen okitlalihkeh inon tlatemakas.
- IV. Amo kipias yon se tlamantli kanin kiihtos yeh amo kualli kiwika inemilis, noso okikalakihkeh teilpiloyan kanah se xiwitl; wan tlalia otlachteki, otekahkayah, tetlahtolewaltia, omoixkoyanti itech teteki noso okse owihtilistli kanin kitlahtoltia okse tlakatl, tlakeh omowihtili ika ininkeh teowihtilistin kikuiliskeh iteki.
- V. Ipan tonalli kanin kiselis iteki moneki kipias kanah ome xiwitl ichan nikan tlalnanyotl; wan
- VI. Amo opanok kemeh Tlakewalixtlamatini *Secretario de Estado*, Weyi Melahkayehyekowani tlen powi Tlalnanyotl *Procurador General de la Republica* noso kemeh Melahkayehyekowani tlen powi Tlalnanyolotl tlen kinotzah *Distrito Federal*, tlanawatilyehyekowani noso *senador*, tlanawatilchiwani *diputado federal*, yon Tlahtowani tlen tlanawatia tlalnankotonalli *Gobernador de algun Estado* noso tlanawatiani tlen powi Tlalnanyolotl tlen kinotzah *Distrito Federal* tlalia yopanok se xiwitl ihkuak kimaktiliskeh tekitl.

Tlanawatilmelakhayotiani *Ministro* yetoskeh akinmeh kuali otekithkeh oksekan wan omottak kuali okichihkeh tlen okinnawatihkeh kanin tlahtlachia ma moyektittakah altepetlakameh, noso tlalia kuali otepantlahto ichin tekitl kanin moneki teixpantilistli ihkuak okipahpalewi sekintin altepetlakah.

Tlanawatiltzintli (Art. 96). Tlanawatilmelakhayotianeh *Ministros* tlen kateh Weyi Tlakaolocholli tlen Tlanawatilmelakhayotia *Suprema Corte de Justicia* kintemaktiliskeh tekitl, ihkuak Weyi tlahtoani tlen powi itech tlalnantli *Mexico Presidente de la Republica* kiteixpantis intoka eyi tlakameh ompa kanin kate Tlanawatilyehyekowaloyan noso *Senado*, achtopan moteixpantiskeh akinmeh kintenewas ma kiselikah inon tekitl, kitzintlalis akin poliwi ma yeto *Ministro*. Tenewalistli mochiwas tlalia kipehpene kipanowia tlahko pehpenalli tlen Tlanawatilyehyekowani kitlaliskeh ihkuak ompa yetoskeh, amo kipanowiskeh sempoalli wan mahtlaktli tonalli. Tlalia Tlanawatilyehyekowaloyan noso *Senado* amo kualtis kitemaktilis iteki *Ministro* itech inonkeh tonaltin, yen Weyi tlahtowani tlen powi itech tlalnantli *Mexico* noso *Presidente de la Republica* kipehpenas itech eyi tlakameh akin yetos Tlanawatilmelakhayotiani *Ministro* wan kiteixpantis.

Tlalia Weyi Tlanawatilyehyekolkan *Cámara de Senadores* amo kinekis ma kiseli se tlakatl tlen kahki ompa kanin okinteixpanti eyinteh tlakameh, Weyi tlahtowani tlen powi itechtlalnantli *Mexico* noso *Presidente de la Republica* oksemi kintenewas eyi tlakameh, ihkon kemin kiihtowa tlahuilokotonalli tlen achtopan kahki. Tlalia oksemi amo kinekiskeh ika ma yeto *Ministro* yen Weyi tlahtowani tlen powi itechtlalnantli *Mexico* noso *Presidente de la Republica* oksemi kiteixpantis wan kitzintlalis.

Tlanawatiltzintli (Art. 97). Tlanawatilyektlalianeh *Magistrados de circuito* wan Tetlahtlakolahxilianeheh *Jueces de Distrito* kinteixpantis wan kitekitis Tlakaolocholli tlen kinotzah *Consejo de la Judicatura Federal*, kemin kiihtowa yeknawatilistli tlen machiohtokeh intech tlanawatiltin. Wehkawaskeh chikuase xiwitl ichin inon tekitl, wan tlalia kuali okichihkeh iteki oksemi kualtis tekipanoskeh, kualtis kinkixtiskeh ichin iteki tlalia amo kiwelkakiskeh tlanawatilli.

Weyi Tlakaolocholli tlen Tlanawatilmelakhayotia *Suprema Corte de Justicia* kualtis kitzintlalis se noso sekintin inyolchikahkeh noso Tetlahtlakolahxilaneh *Jueces de Distrito* noso Tlanawatilyektlaliani *Magistrados de circuito*, noso kintekitis topiltin *comisionados especiales* noso san yeh se, tlalia ihkon kihnehnekis Weyi tlahtowani tlen powi itech tlalnanti Mexico noso *Presidente de la Republica* noso kinekis Weyi Tlanawatilchiwaloyan *Camara de Diputados* noso Weyi Tlanawatilyehyekolkan *Camara de Senadores* tlen kiyolewa Weyi tlakaolocholli tlen tlanawatilchiwa *Congreso de la Unión* noso tlalia se Tlahtoani tlen tlanawatia tlalnankotonalli *Gobernador de algun Estado*, san ma tlatzintoka tlalia omochi se teohwitilistli ipan tlen se itechpowi *garantia individual*. Noihki kualtis kitlahtlanis Tlakaolocholli tlen kinotzah *Consejo de la Judicatura Federal*, ma tlatzintokah kenemin kiwika innemilis Tetlahtlakolahxiliani *Juez* noso Tlanawatilyektlaliani *magistrado federal*.

(Tlahkuilolkotonalli eyipan, Okipopolohkeh)

Tlakaolocholli tlen Tlanawatilmelakhayotia *Suprema Corte de Justicia* kitzintlalis wan ka chiwas itlakewalixtlamatineh wan okseki tlahtowaneh wan itlakewalihkuilowaneh *empleados*. Tlanawatilyektlalianeh *magistrado wan* Tetlahtlakolahxilaneh *Juez* kitzintlalis wan ka chiwas itlakewalixtlamatineh wan okseki tlahtowaneh wan itlakewalihkuilowaneh tlen yetoskeh itech Tlakaolocholli *Tribunales de Circuito*, noso Tlahtlakolahxiloyan *Juzgados de Distrito* ihkon kiihtowa tlanawatilli tlen kiyekana tekitl *carrera judicial*.

Nahnawi xiwitl, Weyi Tlakaolocholli tlen Tlanawatilmelakhayotia *Suprema Corte de Justicia de la Nación*, molochos kanin moyehyekowa tlanawatilli wan kinotzah *pleno*, wan kipehpenas itlahtowani *Presidente de la Suprema Corte de justicia de la Nacion*, inon tlayakanki amo kualtis oksemi kipehpenaskeh tlalia yikin opanok ixehxelolwehkawitl.

Ihkuak sen tekiyah tlen ompa pewas tekitis itech Weyi mawisotlanawatilchihkan tepantlahtowanih tlen kinotzah *Suprema Corte de Justicia*, ixpan wehweyi tekiwahtin tlen kateh ompa *Senado chikawak tlahtos*, wan ihkon tennawatis:

Weyi tlahtowani tlahtlanis: “xikmolwili noso xitlahto kox timoselia kualli titekitis, kox kualnestok motekiwahtekih tikchiwas ompa *Suprema Corte de Justicia de la Nación* wan tlen sawel omitztekimakak wan tiktzintokas nochi kualli ma mochiwa tekitl powi tlen neskayotitok itech Weyi Tlanawatilli nikán México technawatia, wan kualyotika tiktenextis ihkuak ihkon monekis, wan satekitl tepantitlachias ma ihkon ma mochiwa wan ika ihkon okachi moweyitilis toweyitlalnan?”

Tekiwah tlanankilis: “Kemah nimoselia”

Weyi tlahtowani oksemi kiihtos: “tlakeh amo ihkon tikomochiwilis, toweyitlalnan mitzmoixkomakilis”

Tlakaolocholtin tlanawatilyehyekowanih tlen kinnotzah *Magistrados de circuito* wan tetlahtlakolahxiliani tlen kinnotzah *Jueces de Distrito* ihkuak moseliskeh inin tlamantli kiihtoskeh noso motlahtoltiskeh innawak tlen kinnotzah *Suprema Corte de Justicia* wan innawak tekiwahtin tlen kateh *Consejo de la Judicatura Federal*.

Tlanawatiltzintli (Art. 98). ihkuak sen tekiwh amo mopachohtok noso amo yahtok motekititin wan yompanok kanah sempowalli wan mahtlahtli tonalli noso se metzli wan amo monehnexia, inon Weyi tlahtowani tlen tlanawatia Weyi tlalnanti México, imak kahki kitemos wan okse tlakpatekiwh kiteixpantis inawak tlanawatilyektilihkan tlen itoka *Senado*, wan yehwan ompa kimoihtoltiskeh, moyehyekoskeh wan mokitzkiskeh inawak tlanawatiltzintli 96 tlen machiohtok itech inin Weyi Tlanawatilli.

Tlakeh sen tekiwh ayakmo tekitis noso tlakeh amomikilih, noso okse tlamantli omochihki wan ayakmo ompa mopachos, Weyi tlahtowani tlen tlanawatia Weyi tlalnanti México, imak kahki kitemos wan okse tekiwh, noihki kiteixpantis inawak tlanawatilyektilihkan tlen itoka *Senado*, wan yehwan ompa kimoihtoltiskeh, moyehyekoskeh wan mokitzkiskeh inawak tlanawatiltzintli 96 tlen machiohtok itech inin Weyi Tlanawatilli.

Tla sen tekiwh san inewian motzinkixtia wan ayakmo okseki tekitisnekis ompa itech *Suprema Corte de Justicia*, kualtis kichiwas tlakeh sawel owihtilistli okichih, wan noso ok welika kipia tlen

kiixpantilis Weyi Tlahtowani imak panos inon tekitl wan ompa yeh kiittas koxkeh kiselis inon tekiwah itzinkisalis, wan satepan noihki kinmactilis inonkeh tekiwahtin tlen kateh ompa tlanawatilyektilikan tlen itoka *Senado*, kox nihki kiseliah inon tzinkisalistli tlen kitemaka inewian sen tekiwah.

Tla sen tekiwah noso tekiwahtin onmotekisewiah noso okse tlamantli oksekkan yaskeh kichiwaskeh, kualtis ihkon kichiwas yaskeh, noso amo ma pano se metztli, wan inon tepitzin tekiketzalistli kualtis kimomachiltis wan kimattos inon weyi tekiwah tlen okachi tlanawatihtok *Suprema Corte de Justicia de la Nación*, wan tlakeh inon tekiketzalistli walpanowa se metztli kualtis kimomachiltis wan kimattos Weyi tlahtoani tlen powi itechtlalnanti *Mexico*, tlen kinotzah *Presidente de la República* tlen satepan noihki kimoselilis inon *Senado*. Amo kualtis kichiwas yeski se tekiketzalistli tlen ma kipanolti kanah ome xiwitl.

Tlanawatiltzintli (Art. 99). Teowihtlatokalistli tlakapehpenalistli imak nochipa yetos tlen okachi tlanawatis, noso okachi chikawak tekiwah ipan kistos wan san yeh ipan mokitzkihtos wan okachi imak yeski tlanawatilli itech tlanawatiloyan *Poder Judicial de la Federación*.

Itech kahki miek tekitl noso tlen imak powi tlanawatis, ikinon Tribunal sawel tekipanohtos, amo mosewis wan tekititos iwan se *Sala Superior* wan okseki salas tleh ahachi kateh niwiyanan Weyi Tlalnanti; nochi inon tekitl tlen powis tila teixkomakalistli, noso nochi teixpantilli mochiwas teixpan, amo san ichtaka, san kenamin machiohtok itech Weyi Tlanawatilli. Teowihtlatokalistli tlakapehpenalistli kimpas itlakewalwan tlen kualli kixmatiskeh intekih, tepantlahtoskeh amatekpantiskeh wan nochi tlen inon tekitl ompa intech powis, wan ihkon kualli tekitl kiyekchihtoskeh.

Ompa itech inon *Sala Superior*, yetoskeh chikome Tlanawatilyektlalianih tlen inmak mochiwa Tlakapehpenalistli tlen kinnotzah *Magistrados Electorales*, sen tlen sawel tlayakantos yen weyi tlahtoani tlen kiyakantos *tribunal*, tlen kipia mopehpenas wan kitlalis yeh *Sala Superior* tlen ompa noihki kateh tekitihtokeh, wan itlanawatilis yetos san nawi xiwitl.

Yen Teowihtlatokalistli tlakapehpenalistli imak yeski teowihkayopohpolitis wan amo ikah okse kitlahtolpanawis, wan nochi inon itekih noso iowihkayopohpoliwlis itech mokitzkihtos inin Weyi Tlanawatilli, wan nochi san kenamin machiohtok wan ompa ipan neskayotitok, wen okseki owihkayopohpoliwlislistli kemin:

- I. Ihkuak onkah altepatlakapehpenalistli wan kitzintakah ma kualnesto inon tekitl ma mochiwa, noihki kanin moyehyekowah okse tlamantli noso onkah kuehsolistli itech weyi altepepan tlen kimpehpenah intlanawatihkawan tlen welitis powis Tlanawatilchiwanih noso tlanawatilchiwanih tlen kinnotzah *diputados* wan tlanawatilyektlalianih tlen kinnotzah *senadores*.
- II. Teowihkayotzintokalistli noso tlen kualnestok moneki tekitl ma mochiwa wan ma motenexti ihkuak itech Tlakapehpenalistli mochiwa wan mopehpena Weyi tlahtoani tlen powi itechtlalnanti Mexico tlen kinnotzah *Presidente de los Estados Unidos Mexicanos*, imak mokawas inon owihtekitl yen itoka *Sala Superior*.

Tlen itoka *Sala Superior* tlen kahki Weyi Tlalnanti wan tlen ahachi kateh nowiyankan Tlalnankotonaltin, inmak kahki kiihtoskeh kox tila Tlakapehpenalistli kualtis ma oksemi mochiwa noso amo kualli oyetok wan amo san ihkon innewian moyehyekoskeh, tlen kipia kitzintokatiaskeh wan itech mokitziskeh tlen miak okseki Tlanawatiltin ihkon intech neskayotitok.

Akin itechpowis kimpowas nochi inon amatl kanin neskayotitok tlakapehpenalistli, yen *Sala Superior*, yeh imak yetos nochi amapowalistli ihkuak tlakapehpenalistli kiteixmachilis tlen yetos Weyi tlahtoani tlen powi itechtlalnanti Mexico tlen itoka *Presidente de los Estados Unidos Mexicanos*, wan inon moteixpantilis ihkuak nochi otlanki tlaatzintokalistli wan kanin san se intlahtol monawatiskeh wan kiteixmachtiskeh tlen melahkayopan otlatlanki wan yeh Weyi Tlahtowani wan ihkon mochiwas inon tekitl wan ixnestok kualtis kiilwiskeh otlatlanki ihkuak kinpowiliskeh tlen yeh okachi miak amapehpenaltin okinmotlanih.

- III. Teowihkayotzintokalistli wan okseki owihkayopohpoliwlislistli tlen weyi tlanawatianih tlen kateh Tlakapehpenaloyan inmak kualtis inkon powis kichiwaskeh wan tlen okseki amo yompa noso okse tlamanti itechpowi, san kenamin nikan achtoh tlahtoktok ihkuilolli, wan tlen okseki tlen

ika amo kualli kateh wan impantlahtlaksasnekih tlen imachihtok noihki itech tlanawatiltin kimpiah Weyi Tlanawatilli;

IV. Teowihkayotzintokalistli wan okseki owihkayopohpoliwilistli, tlen sawel kualnestok wan melahkayopan ihkon yomotlahtoltihkeh inon tlanawatianih, noso tekiwahtin tlen kahkateh nowiyanka tlalnankotonaltin, wan noso tlen yehwan inmak kahki kiteyektekichiwaskeh nochi tlen ipan kistok tlakapehpenalistli wan inon tlen ipan walnesi ihkuak sawel owihti ihkuak miak kualankayotl itech monexitia wan san ipampatika kualtis okse tlamantli kichiwas motlamis inon tekijotl tlen tlakapehpenalistli, kualtiskiaya tlen kiteimachiltis tlen altepetlakatl otlatlanki itech inon altepepehpenalistli. Inon tekitl welitis mochiwas ihkuak san akin kiwalmonekiltia ma motetlaxtlawalti tlalia san itlah teaxkayo noso tla inon tlahtlanilistli kineki ma kikuapilikan tlen motzintoka ika tlanawatilli wan noihki amo ma walpanokan sawel miak tonalli wan amo yah okse tonalli noso miak kawitl tlen yopanok, wan satepan mawalmochiwa wan amo kemin machihtok melahkayopan itech tlanawatiltin, tlalia okse tonalli ihkuak tlen yomonawatihkeh inon tlanawatianih, noso ihkuak inon tlahtowani yomotekitlalihkeh;

V. Teowihkayotzintokalistli wan okseki owihkayopohpoliwilistli, tlen sawel impan ma tlahtlaksakan noso ma kimpancholkuikan inon tlen inaxkayo nocthin altepetlakah tlen kualtiskiaya tlapehpenaskeh, noso ma kimpehpenakan wan tla ihkon innewian motlakoolocholsentiliakeh inawan sentetl Tlakaolocholli tlen san se intlayehyekol, wan kualyotika ipakilis kimonekiltis wan tepalewis sen tekitl tepantlachias wan ika ma moweyitli totlalnan, wan san kenamin ihkon tlahtohtok inin Weyi Tlanawatilli wan okseki tlanawatiltin. Tlakeh sen altepetlakatl kimonekiltis moteilwitin inawak *Tribunal*, wan ompa inawak motlahtoltis kanamin ipan otlahatlaksakeh noso okse tlamantli tlen okitoktihkeh inon kanin san ipakilis inmawan omosentilih san tlakaolocholli sen tetl intlayehyekol, ihkuan nikau ahsis moteilwis, tlen kipia achtoh oksekkan yomotelwihka kanin powi itlakaolocholyo, Weyi Tlanawatilli ihkon kimoihtoltia itech seki tlanawatiltzitzinteh, wan kanin noihki neskatotitok kenamin mochiwas, tlen tonalli, noso tlen kawitl wan kenamin mochiwas nochi inon tlayehyekolli;

VI. Tlen tekiyoowihiplistli ma kimpikan noso ma kimonekilikan tlen tlakewaltin noso tekipanohkeh wan tlen otekiwahtin tlanawatiah itech *Tribunal*;

VII. Tlen tekiyoowihiplistli ma kimpikan noso ma kimonekilikan tlen tlakewaltin noso tekipanohkeh wan tlen sawel tlanawatia ompa weyi tlalnannawatihkan tlakapehpenalistli;

VIII. Tlen chikawak itlanawatilis inon weyi tlalnannawatihkan tlakapehpenalistli wan tlen itetlahyowilistemayako kichiwas noso ikualaniliskayo tlen kinchiwilis inon tlakaolocholli tlen sentetl itlayehyekol tlen kinnotzah *Partidos Políticos*, noso welitis okseki tlakaolocholtin noso tlen nikan totlalnan poweh noso sen altepetlakatl tlen okse intlalnan powi tlen sawel ma kiawilmatikan inin Weyi tlanawatilli wan itlanawatiltzitzin, wan

IX. Tlen okseki Weyi Tlanawatilli ma kimonekilti noso ma kintilana.

Tlen tlanawatih wan kateh itech inon *salas* tlen Tlakaolocholli tlen teowihkayotlayektlaliani kanin kinemiliah tlakapehpenalistli tlen itoka *Tribunal Electoral* powi, yehwan powi teowihkayomakaskeh noso yehwan kimatih kenamin kichiwaskeh wan kenin kitechiwaltiskeh nochi intlanawatil wan inmak kahki kenamin kualli kiwalchiwaskeh itlah okse tekitl noso kualnestok moyekahsis sen ahsikamatilistli, wan noihki powis kemin machihtok itech Weyi Tlanawatilli.

Tlen ika miak mawisotl wan amo itlah tlahtlaksalistli tlen ika motlanawatilpachos inon tlanawatiltzintli 105 tlen ihkuilitok itech inin Weyi Tlanawatilli, tlen kipia ompa itechinonkeh tlen intokawah Tlakaolocholli tlen teowihkayotlayektlaliani kanin kinemiliah tlakapehpenalistli noso tlen kinnotzah *Salas del tribunal Electoral* ompa innewian wan in nemak kahki kiihtoskeh tlakeh amo kitetlakamatih sen tlanawatilli tlen machihtok itech weyi tlanawatilli, sanwel ompa kanin tlahtowah itech tlakapehpenalistli. Nochi inon tekitlamalistli tlalia ihkon walmochiwa, welika itekih noihki tlen inemak powi, san se tlamantli moteixkomakas noso san inon tlen kimohtoltia ixkomakalistli. Welika itech inon miak tekitl, wan tlen owih, ompa itech *Sala Superior* yeh, kitenextilis inawak *Suprema Corte de Justicia de la Nación*.

Ihkuak inon Tlakaolocholli tlen teowihkayotlayektlaliani kanin kinemiliah tlakapehpenalistli *sala del Tribunal Electoral* ma kiteixpantili wan kanin ma tlahto itech se kualli tlamilistekiyotl, tlen kipias, sen tlayehyekolli, tlen ompa ihkuilitos sen tekitl tlen omochihki wan amo tlanawatilyo, tlalia noso ipanpatika sen amo ahsikamatilistli itech sen tlanawatilli noso achitzin sen tlakotonalli tlen itechpowi wan tlen machiohtok itech inin Weyi Tlanawatilli, wan inon nextilistli tlen kahki itech tlayehyekolli tlen moixnamiki noso motlahtolnamiki tlen kimohtoltia inon *salas* noso tlen itoka

Pleno de la Suprema Corte de Justicia, noihki wan *Ministros*, tlen inon *salas* nos san kanah keski, tehwan kualtis tlatelwiskeh noso kitetelwiskeh inon tlahtolixnamikilistli san kenamin machiohtok wan kimoihtoltia Tlanawatilli, wan ihkon ompa kanin itoka *pleno de la Suprema Corte de Justicia de la Nación* imak ma mochiwan noso ma tlanawati katliyeh inon tlayehyekolli kualli yetos wan ihkon mokawas. Nochi kualli tlamilistekiyotl tlen moteixpantiliskeh ipan inin tleyehyekolli, ayakmo okseki itlah kualtis mochiwas, sa ihkon waltlamokawas.

Ipan itlayektekiyo tlen kichihtok inon Tlakaolocholli tlen teowihkayotlayektlaliani tlen itoka *Tribunal*, tlen noihki ipan powi inewian inon *salas*, nochi inon tekichiwalistli tlen ika kualtis kichiwas se kualli tlamilistekiyotl tlen welika melahkayopan inewian itechpowi, noihki kemin okseki tekitl noso tlen ika welitis motlanawatilpalewis wan noihki powis ika kitechiwaltis wan tlen nikan kualli tlanawatia wan kitenextilia inin Weyi Tlanawatilli wan okseki tlanawatiltin tlen noihki intechpowih.

Tlanawatiltzintli (Art. 100). *Consejo de la Judicatura Federal* yeski tlakanechikolli tlen tlapalewis itech *Poder Judicial de la Federación* tlen ixtkoyan motlanawatis, tekipanos iwan kualyotika tlapalewis temakixtis.

Inon *Consejo moyektlalia* ika chikome tlakameh intech akinmeh, se yeski *Presidente de la Suprema Corte de Justicia*, akin noihki kiyakantos *Consejo*; eyi Tlayehyekolekeh tlen kimixpehpenaskeh itech *Pleno de la Corte*, ihkoni mochiwas tla ipan tlahtowah kanah chikueyi tlakameh, tlen powih kemi *Magistrados de Circuito* iwan *Jueces de Distrito*; eyi Tlayehyekolekeh tlen kimixpehpenas *Senado*, iwan oksetzin tlen kixpehpenas *Presidente de la República*.

Nochtin Tlayehyekolekeh noso *Consejeros* moneki tlen kitemaktiskeh imamawan tlen moihtowa itech Tlanawatiltzintli 95 iwan moneki yeskeh kuahkualli tlakameh tekipanokeh, chipawakeh iwan mawisohtikeh itech nochi tekitl tlen kichihiwitze, akinmeh tlen *Suprema Corte* kimixpehpena, moneki welika, ma kipiakan ixtlamachilistli ipampa tlanawatikayotl.

Nochtin tlen powih itech *Consejo* sepaniankan tekipanoskeh noso xexelitokeh. Sepaniankan tekipanowah ihkuak tlayektlalih ipampa itlah tlapehpenalistli, ipampa itlah tekiwahmactilistli, ihpa tekiwahmakalistli noso tekiwahpatlalistli, iwan okseki itlah tekiwahkatilistli tlen tlanawatillo.

Kampa amo powi *Presidente del Consejo*, oksekimeh *Consejeros* san kualli makuilli xiwitl tekiwahkatiskeh iwan mopapatlatiaskeh yohyolik, iwan ayakmo kualtis oksemi tekiwahkatiskeh. Tlayehyekolekeh amo tepankisah ipampa akin okimixpehpenki, ik inon tekiwahkatih inyolika iwan melahkayopan. Ihkuak tekiwahkatitoke, keman kualtis kimpatlaskeh ihkoni ken moihtowa itech Nawi Tokaitl tlen powi itech inin Weyi Tlanawatilli.

Tlanawatilli kualli tetlahtolmelawas kampa mochiwas iwan momachtis se tekiwa, ihkoni ken kualli mochiwas tekiwahkayotl, nochi moyakanas ika tlen kualyotika, kualli tekitl, chipawak iwan melawak tekiwahkayotl.

Ihkoni ken motlalihtias itech tlanawatilli, Tlayehyekolekeh inmak kah kitenextiliskeh nochi tlahtoltlalilistli tlen kiihtowa kenin yektekipanoskeh. *Suprema Corte de Justicia* kualtis kitlahtlanilis *Consejo* ma kintenextili nochi tlahtoltlalilistli tlen melahkayopan monehneki iwan ika motekiwahkatlalis iwan tekiwahkatis. Ahsitok *Corte* noiiki kualtis kihittas iwan, tla moneki, amo kipopolos tlen *Consejo* amo melahkayopan okichi, ihkoni mochiwas tla chikueyi tlakameh ihkon kiihtowah. Tlanawatilli tlayakanas ipampa kenin mochiwas iwan ihkoni mochiwas se kualli tekiwahkayotl.

Tekiyehyekolistli tlen kichiwa *Consejo* ihkoni mokawa iwan amo mokuehsowa, iwan ik inon, amo kualtis motzintokas, san yeh mokuehsos, kualtis itlah mochiwas tla powi tekiwamakalistli, tekiwahpatlalistli noso tekiwaholinilistli tlen kimakah *magistrados* iwan *jueces*, nochi inon mochiwas tla kimatok *Suprema Corte de Justicia*, inon mochiwa tla ihkoni kahki tlanawatilli tlen melahkan powi.

Suprema Corte de Justicia kiyehyekos tlen achi tomin kenehnekis iwan *Consejo* noiiki ihkoni kichiwas ipampa tlen powi *Poder Judicial de la Federación*, kampa tlen kema amo moneki mokuehsos tlen machiohtok itech tlanawatiltzintli 99. Nochi tlayehyekolli ipampa

tominnehnekilistli konintemaktis yen *Presidente de la Suprema Corte de Justicia* tlen kinekoxalos itech *Presupuesto de Egresos de la Federación*. Yektekipanolistli tlen kichiwa *Suprema Corte de Justicia* kualli moyakana ika *iPresidente*.

Tlanawatiltzintli (101). *Ministros de la Suprema Corte de Justicia, Magistrados de Circuito, Jueces de Distrito* iwan intlahkuilokawan, iwan *Consejeros de la Judicatura Federal*, noihki nochi okseki *Magistrados de la Sala Superior del Tribunal Electoral*, amo kualtiskeh, ayik, kiseliskeh noso kichiwaskeh se tekitl noso tekiwahkayotl tlen powi *Federación*, nion itech *Estados*, itech *Distrito Federal* noso okseki tetlakehkeh, iwan tlen kemah kualtis tekitiskeh kampa motlaxtlawa kemin tlen tlapalewiah ma mochiwa tlamatilistli, ixtlamachilistli, tlahuilolistli noso tlapalewilistli.

Tlakameh tlen yi otikewahkatikeh itech *Suprema Corte de Justicia, Magistrado de Circuito, Juez de Distrito* noso *Consejero de la Judicatura Federal*, noihki kemin *Magistrado de la Sala Superior del Tribunal Electoral*, amo kualtiskeh, tekiwahkatiskeh oksemi tla ayimo panowa ome xiwitl ihkuak omotekikahkeh, kampa yeskeh tetlakehkeh, tetlahtolpalewikeh noso tepankiskeh itech itlah tlapalewilistli inawak tekiwahkapan *Poder Judicial de la Federación*.

Itech inon kawyotl, tlakameh tlen otekiwahkatikeh kemi *Ministros*, amo powi tla okichikeh kanah tlakpatekiwakayotl, amo kualtis tekiwahkatiskeh ihkoni tlen mihtowa nawi tlakotontli tlen powi itech tlanawatiltzintli 95.

Nochi itlah amo tekawalistli tlen powi itech inin tlanawatiltzintli noihki kualtis ika moyakanaskeh intech tekiwahkameh *judiciales* tlen kitlahtlanih mosewilistli.

Tlahtlakoltlaxtlawalli tlen motixmachtia achtopan, motlaxtlawaltis ihkuak poliwi itlah tekiwahkayotl ompa itech *Poder Judicial de la Federación*, ihkoni nochi poliwi okseki itlah tlapalewilistli iwan nekuitlawilistli tlen intechpowia, amo moitta okseki itlah tlahtlakoltlaxtlawalli tlen itechmomattok inin tlanawatilli.

Tlanawatiltzintli (Art. 102).-

A. Tlanawatilli kiyektlalis telwiliskakiloyan noso *Ministerio Público* tlen powi Weyi Tekiwhakan tlen kinotzah *Federación*, tlen ompa tekipanowah kintekimakas noso kintekikuilis yen Weyi tlahtowani tlen kiihliah *Ejecutivo*, kemin kiihtowa tlanawatilli tlen itechpowi. Telwiliskakiloyan tlen powi ompa Weyi tekiwhakan tleh kiihliah *Federación* kiyekanas se Melahkayehyekowani tlen kiihliah *Procurador General de la República* wan inon tlayekanki, kitekimakas tlahtowani tlen kiihliah *Ejecutivo Federal*, noihki kipia tlen motlahtoltis weyi tlakaolocholli tlen tlanawatilli kiyeheyekowah wan kinotzah *Senado* noso okse tlakaolocholli tlen kinotzah *Comisión Permanente* wan tlen nochipan tekitlahtowa ompa itechtlanawatilchiwahkan. Akin yetos *Procurador*, welika kipia tlen yetos *México* itlalnan, kipias sempowalli wan kaxtolli xiwitl ihkuak kiselis itekiyo wan iama tlen kitokayotiah *título* noihki yikipias mahtlaktli xiwitl. Itech inon amatl kualnestos kox yinelli omomachtih wan omotlamito kemeh tepantlahtowani noso *licenciado en derecho*; noihki nowiyan kimawisittaskeh wan amo kemanian kitlahtlakolahxiliskeh itech inemilis. Inon *Procurador* welitis kitekikuilis yen Weyi tlahtowani tlen kiihliah *Ejecutivo*.

Telwiliskakiloyan noso *Ministerio Público* tlen powi ompa Weyi tekiwhakan tleh kiihliah *Federación* itechpowi kitzintokas nochi teowihtilistli tlen monotza *federal*, noihki itechpowi kitetlahtlanis ma kinkizkikah nekateh akimeh kinteistlakawiah, kintlatemolis wan kinextis kox melahkayopan tlahtlakolehkeh; noihki kipia tlen tlanawatis kampa nochi teowihkayotzintokalistli ma mochiwa kemin powi; motlahtolchikawas kampa ma kitlaxtlawakah intlahtlakol nekateh tlen mowihtiliah wan mokahkalakis nowiyan kanin kimihtoltis Tlanawatilli.

Melahkayehyekowani tlen kiihliah *Procurador General de la República* iniwiyan welitis motlahtoltis itech inon tekitl tlen kitenewa tlanawatiltzintli 105 tlen machiohtok itech ini Weyi tlanawatilli.

Nowiyan kanin Weyi tekiwhakan tlen kitokayotiah *Federación* kahkalaki, itechintekipan nekateh tlen wehweyi ixtlamatkeh tlen kiniliyah *diplomáticos* wan *cónsules generales*; noihki kanin kipia tlen tlahtlachias Telwiliskakiloyan noso *Ministerio Público* tlen powi ompa Weyi tekiwhakan tleh

kiihliah *Federación*, welitis yeh *Procurador General*, iniwiyan mokahkalakis noso kintitlanis itlakewalwah tlen kiniliyah *agentes*.

Melahkayehyekowani tlen kiihliah *Procurador General de la República* wan *itlakewalwah agentes*, impan wetzis tlahtlakkolli, tlalia amo kiyekchiwah intekiyo noso amo kimawisittah tlanawatilli.

Yetos okse tenahnawatiani tlen kiihliah *consejero jurídico del gobierno* inon tenahnawatiani kititlanis inewiyan Weyi tlahtowani tlen kiihliah *Ejecutivo Federa* ihkon kemin kimihtoltis tlanawatilli.

B. Weyi tlakaolocholli tlen tlanawatilchiwa noso *Congreso de La Unión* wan okseki tlanawatilchiwahkan tlen kintokayotiah *legislaturas* tlen powih itech tlalnankotonaltin tlen kinnotzah *entidades federativas* kintlaliskeh tlakaolocholtin noso *organismos* kampa tlahlachiaskeh amo ipan ma tlaksakah tlen totechpowi. Inon tlakaolocholtin kixmatiskeh tlalia se altepetlakatl kiteiwis se tekiwah tla keh amo kiyekchiwas itekiyo. amo weltis kiteilwiekiwahkeh tlen powih itech tekiwahkan tlen kinotzah *Poder Judicial de La Federación*.

Inon tlakaolocholtin, noso *organismos*, kinahnawatiskeh nekateh tekiwahkeh tlen amihtok kichiwah intekiyo.

Inon tlakaolocholtin noso, *organismos*, amo welitis mokahkalakiskeh itech tekiwapehpanalistli, tekiyektilistli noso tlalkotonalistli.

Inon tlakaolocholli noso *organismo* tlen kitlalis Weyi tlakaolocholli tlen tlanawatilchiwa noso *Congreso de La Unión*, motokayotis *Comision Nacional de los Derechos Humanos*. Inin tlakaolocholli ixbayanka monahnawatis wan tomin tlen kinehnekis kampa tekipanos, noihki ixbayanka kimotemolis.

Inon tlakaolocholli tlen ipan tlahtlachias tlen totech powi, kipias okse tlakaolocholli tlen monotza *Consejo Consultivo* wan ompa tlanawatihtoskeh mahtlaktili tenahnawatianeh noso *consejeros*. Inon tenahnawatianeh kimpehpenaskeh ompa itech Weyi tlanawatilyehyekolkan tlen kinotzah *Cámara de Senadores*, motlahtoltiskeh panotok itlahkotian tlen ompa tlanawatilchihkeh. Noso itech *comision permanente* ihkuak tlanawatilchihkeh mosewitiweh. Tlanawatilli kimihioltis kenemin kinteixpantiskeh akimeh yeteskeh itech ino tekitl sehsen xiwitl kimpahpatlaskeh ome tenehanawatianeh noso *consejeros* tlen okachi yo wehkahkeh itech inon tekitl tla keh amo okepan kintokayotiskeh ompa ma yetakah.

Tlahtowani tleh kiihliah *Presidente de la Comisión Nacional de los Derechos Humanos* noihi tebankistos kemeh *presidente del Consejo Consultivo* kipehpenaskeh noihi panotok itlahkotian tlen nochtin ompa tlanawatiah wan itech itekiyo, makuilli xiwitl wan welitis oksepan kitokayotiskeh noso kitekuiliskeh kemin machiohtok itech nawipan tlahuiloitokaitl tlen powi itech inin Weyi tlanawatilli.

Tlahtowani tleh kiihliah *Presidente de la Comisión Nacional de los Derechos Humanos* sehsen xiwitl kiteixpantis inawak Weyi tlanawatilchiwahkan, se amatlahkuilolli kanin kualnestos nochitekiyo, ihkon kemin powi itechtlanawatilli.

Tlakaolocholli tlen tlahtlachia ipan tlen totechpowi noso *Comisión Nacional de los Derechos Humanos*, kinixmatis nochitekiyo tlen amihtok okichihkeh tekiwahkeh tlen powih ompa tlalnakotonaltin tlen kinotzah *entidades federativas*.

Tlanawatiltzintli (Art. 103). Tlakaolocholyektilianeh tlen kiihliah tribunales, tlen powih itech weyi Tekiwahkan tlen kinotzah *Federación* kiyektiliskeh tlahtolixnamikilistli tlen ewas:

- I. Tlalia tlanawatiltin noso tekiwahkeh ipan tlasaskeh tlen sehsen altepetlakan intechpowi.
- II. Tlalia tlanawatiltin noso tekiwahkeh tlen powih ompa Weyi tekiwahkan tlen kinotzah *Federación* ipan tlaksaskeh tlen intechpowi nekateh tlanankotonaltin tlen kiniliah *Estados* noso yeh tlalnayolotl tlen kinotzah *Distrrito Federal, wan*

III. Tlalia tlanawatiltin noso tekiwahkeh tlen powih ompa tlanankotonaltin tlen kiniliah *Estados* noso yeh tlalnayolotl tlen kinotzah *Distrrito Federal* mokahkalakiskeh kanin itekipan tekiwah tlen kinotzah *federal*.

Tlanawatiltzintli (Art. 104). Intekiyo yehwan tlakaolocholyektlalianeh tlen powih Weyi tekiwahkan tlen kinotzah *Federación* kimatiskeh:

I. Nochi tlahtolixnamikilistli tlen mochiwa ihkuak tepanwetzih tlanawatiltin tlen monotzah *fедерales* noso okseki ixtlamachilistli tlen kinnotzah *tratados internacionales* tlen kintlakitta Weyi tlahtowankayotl noso *Estado Mexicano*. Ihkuak inon tlahtolixnamikilistli ewa ixkoyanka sen altepetlaka wan amo miakin altepetlakah kixnamikih se tlanawatilli, welitis okseki tekiwahkeh tlen powih itech tlalnakotonaltin noso tlalnanyolotl kixmatiskeh noihi inon tlahtolixnamikilistli. Tlahtlakolihyowilistli tlen yokitemak tekiwah tlen achtoh ikixmah se teowihkayotl, welitis oksepan motlahtlaniskeh inawak tlahtlakolahxiliani tlen kiihliah *Juez* tlen tlayekantok kampa kiyektilis inon tlahtlakolihyowilistli.

I-B Nochi tlen moihtowa noso monextia ihkuak kixnamikih tlen yomotlahtoltihkeh nekateh tlakaolocholyektilianeh tlen kiniliah *tribunales de lo contencioso administrativo* tlen kualnestok itechtlahkuilolkotonalli tlen monotza *fracción XXIX-H* tlanawatiltzintli 73 wan itech okse tahkuilolkotonalli noso *fracción IV*, tlahkuiloltzintlalilli e) tlanawatiltzintli 122 tlen machiohtok itech inin Weyi tlanawatilli, ihkuak motlahtlaniskeh ma kiyektilikah tlen yomotlahtoltihkeh nekateh tlakaolocholyektilianeh tlen kiniliah *tribunales* welika kixmatiskeh noihi okseki tlakaolocholyektilianeh tlen monotzah *Tribunales Colegiados de Circuito*, yehwan intekiyo, amo kipahpanowis tlanawatilli tlen kiilia *reglamentaria* tlen kualnestok itech tlanawatiltzintli 103 wan 107 kemin powi itech inin Weyi tlanawatilli tlen monotza *Constitución* kampa kitlahtlaniskeh ma tlayektilikah wan tlen kimiholtiskeh nekateh tlakaolocholyektilianeh tlen monotzah *Tribunales Colegiados de Circuito*, amikah wan amitlah okachi welitis kintlahtolixnamikis.

II. Inon tlahtolixnamikilistli tlen itechpowi atlanaxkaitl.

III. Inon tlahtolixnamikilistli kanin powi kahkalakis Weyi tekiwahkan tlen kiihliah *Federación*.

IV. Inon tlahtolixnamikilistli wan tlachiwalli tlen kualnestok itech Tlanawatiltzintli 105, wan inon tlahtolixnamikilistli san powi kixmatis inewyan Weyi tlakaolocholli tlanawatilmelakhayotiani tlen kinotzah *Suprema Corte de Justicia de la Nación*;

V. Inon tlahtolixnamikilistli tlen intech ewaskeh sehsen tlahnankotonaltin, wan

VI. Nochi inon tlahtolli tlen intechpowi nekateh ixtlamatkeh tlen monotzah *Cuerpo Diplomático y Consular*.

Tlanawatiltzintli (Art. 105). Tlen sawel weyi tlanawatiloyan itokahkan Weyi mawisotlanawatilchihkan tlen kinotzah *Suprema Corte de Justicia de la Nación*, tlen ompa tekitih, yehwan welika kiixmatiskeh, tlen itechmachiohtok inon *Ley Reglamentaria* wan tlen noihki ompa itechtlahattohtok wan neskayotitok.

I. Tlen telwlistli amo kualli moahsikamati, nikam amo powih tlen tlakapehpenalistli monotza, noihki ihkoni tlen motenewa itechtlanawatiltzintli 46 tlen noihki powi itech inin Weyi Tlanawatilli, ihkon tlakeh motelwiskeh:

- a) Tlananyonechikolistli wan Tlananxelolli, itoka tlalnanyolotl noso tlen kinotzah *Distrito Federal*;
- b) Tlananyonechikolistli wan se Altepennyotl.
- c) Weyi tlanawatihkayotl wan weyi tlakaolocholistli; Kanin tlanawatilchiwah; noso iwan tlanawatilchiwaloyan, noso okse weyi tlanawatiloyan, noso tlen kinotzah *Distrito Federal*;
- d) Sen Tlananyokotonalli wan okse itlalnayokotonalkni;
- e) Sen Tlananyokotonalli wan *Distrito Federal*;
- f) Yen *Distrito Federal* wan se Altepennyotl;
- g) Ome Altepennyotl tlen amo san sekkan powih itechTlananyokotonalli;
- h) Ome Tlanawatihkayopan tlen powih itech sen Tlananyokotonalli, tlen powi noihki intlanawatihkayo, noso tlen yehwan intekiyo noso insentetl tlanawatil;
- i) i)Sen tlalnanyokotonalli wan sen itechpowi ialtepenanyotl tlen powi noihki intlanawatihkayo, noso tlen yehwan intekiyo noso insentetl tlanawatil;

- j) Sen Tlalnanyokotonalli wan se Altepenaryotl tlen ma powi okse Tlalnanyokotonalli tlen powi noihki intlanawatikhkayo, noso tlen yehwan intekiyo noso insentetl tlanawatil; wan
- k) Ome weyi Tlanawatikhkayapan tlen powih *Distrito Federal* tlen powi noihki intlanawatikhkayo, noso tlen yehwan intekiyo noso insentetl tlanawatil.

Ihkoni nochippan mochiwas ihkuak telwilistli amo kualli moahsikamati wan tlen sentetl tlanawatilli tlen intech powih inon Tlalnanyokotonaltin noso Altepenaryohtih tlan amo kinyekselilis Tlalnanyonechikolistli, noihki tlen amo kiseliliskeh inon tlen powih Altepenaryohtih, noso tlen tlahtohtok kanin ihkuilitok tlen achtoh kahki c), h) wan k), wan tlen kualli kinyektlalis imak kahki inon Weyi mawisotlanawatilchihkan *Suprema Corte de Justicia* kihtos, kox kualli noso amo kualli, inon itenihtolis kualtis ihkon mochiwas ihkuak kanah chikueyi tlanawatikhk iihkon kahsikamatiskeh.

Okseki telwilistli, tlen kiyekihtos ompa Weyi mawisotlanawatilchihkan *Suprema Corte de Justicia* san mochiwas san tlen inon tlen omotelwihkeh, amo ikah okse.

II. Kanin amo moahasikamatih wan intekih tlen weyi Tlanawatilistli, noihki tlen kipia monohnotzaskeh wan kimoixkomakaskeh inon tlen tlatelwia wan inin Weyi Tlanawatilli.

Nochi telwilistli wan tetelwilistli tlen moteixpantis tlanawatikhkapan, san welitis kichiwas kanah senpoalli wan mahtlaktli tonalli ihkuak motenextis monankilis, kanin;

- a) Exkan kotonalli tlen tlakah tlapehpenaltih tlen kateh Tlanawatilchiwaloyan Weyi tlakaocholistli; Kanin tlanawatilchiwah wan ihkon sen tlakotonalli amo ma kinselikan inon tlanawatiltin noso *Distrito Federal*, tlen okinchihkeh ompa kanin Weyi tlakaocholistli; Kanin tlanawatilchiwah;
- b) Exkan kotonalli tlen tlakah tlapehpenaltih tlen chikawak tlanawatihtokeh kanin okachi weyi tlakaolocholli monechikowah, noihki inon sen tlakotonalli amo ma kinselikan inon tlanawatiltin noso *Distrito Federal*, Weyi tlakaocholistli; kanin tlanawatilchiwah, noso tlen okseki Weyi Tlanawatiltin tlen okseki Tetlalnanyotl powih tlen ixkoyan México okinsepanchih;

- c) Inon tlanawatiani itokahkan *Procurador General de la República* tlen amo kinyekselis inon wehweyi tlanawatiltin tlen powih México tlalli, noso Tlalnanyokotonalli, noso *Distrito Federal*, tlen okseki Weyi Tlanawatiltin tlen okseki Tetlalnanyotl powih tlen ijkoyan México okinsepanchih;
- d) Tlanawatilchiwaloyan wan Tlakaocholistli powi itech sen Tlalnanyokotonalli; wan Kanin tlanawatilchiwah, noso amo noihi ma kinselilikian;
- e) Exkan kotonalli tlen tlakah tlapehpenaltih tlen ompa kateh
- f) Tlen yikinixmatih weyi tlanawatiikan tlakapehpenalistli *Instituto Federal Electoral*, tlen noihi kahkateh nowiampan inin weyi tlalnatli, Iren noihi kateh itech tlalnanyoxeloltin wan tlen tewan moixkomakaskeh san powis tlen tlakahpehpenallli tekitl, wan tlen okinmaktilih inamah tlen axan kinixpantilia nowiampah.
- g) Weyi Tekimakalistli tlen kintlakapowilismaka noihi kiteixkomakas inawak weyi altepanantli noso tlalnanyoxelolli, noso okseki tlanawatikeh tlen kinselia ompa *Senado de la República* tlen noihi ipan ma tlahtlaksakan tlen inon tlakasepanpowilistli kimalwia itech inin Weyi Tlanawatilli. Ihkoni noihi tlen tepantlahtowanih ika tlakasepanpowilistli tlen kateh nowianpan toaltepenanyotl Comisión de *Derechos Humanos del Distrito Federal* tlen ompa moixkomakaskeh ompa inawak tlen okachi weyi tlakaolocholli weyi tlanawatilloyan kahki imak.

Amo oksekan kahki teixkomakalistli tlakeh itlah amo kualli kahki noso san nikan tlen machihtok itech inin Weyi Tlanawatilli.

Nochtin tlanawatiltin ma yeto tlen powih weyi Altepenantli noso Tlalnanxeloltin, achtoh moteixpantiskeh wan motenextiskeh ipan makuilpowali wan mahtlaktli tonalli, amo satepan noso ihkuak mopehpenaskeh tekiwahtih, noihi amo welitis moahxitiliskeh okseki tlamantli.

Inon *suprema corte de justicia*, Kualtis amo kichiwas kinselis telwilistin noso ixkomakalistin tlakeh kanah chikoeyi tlakah amo impakilis ihkon kichiwaskeh.

III. Itekih noso tetlakewalli tlen itechpowitikah *Tribunal Unitario de Circuito* noso imak *Procurador General de la República*, san kualtis kiixmatis kenamin yetos tlahtoltepalewelistli

innawak *Jueces de Distrito* ihkuak tlanekilistleh tekatzakuaskeh, wan satepan yeh imak yetos san se tlahtolli.

Imak wan inewian kualtis kihtos tlakeh kitzinkixtis telwlistli noso mopowas tlen ihkuitok itechtlanawatiltzinxelolli tlen I wan II tlen powi itech inin tlanawatiltzintli, ayakmo okseki kichiwas mochiwas, koxamo san ihkuak san telwlistli, tlakeh amo mochiwas inin Weyi Tlanawatilli kenamin itech machiohtok wan amo motzinkixtis.

Tlakeh amo mochiwa tlen ihkuitok itech tlanawatiltzinxelolli tlen I wan II, tlen kipia mochiwas kenamin tlahtohtok itech ome tlahuilokotonalli, kanin powi tlahuiloxelolli XVI, tlen itech machihtok tlanawatiltzintli 107 tlen noihki powi itech inin Weyi Tlanawatilli.

Tlanawatiltzintli (Art. 106). Inon *Poder Judicial de la Federación*, itechpowis teyeknohnotzas ihkuak yetos itlah ixkomakalistli tlen kimomakaskeh ompa ma yeto *Tribunales de la Federación* wan Tlalnanxeloltin, noso *Distrito Federal*, kualtis noihki ihkuak sen Tlalnanxelolli, wan okse, noso okseki tlen nikan tlalnentli powih, noso *Distrito Federal*.

Tlanawatiltzintli (Art. 107). Ihkoni kemin tlahtohtok tlanawatiltzintli 103, nochi ixkomakalistli momelahkachiwas kemin inin Weyi Tlanawatilli machihtok, wan kitentokaskeh inin okseki tlamantli:

- I. Inon owihtilistlanawatiltepalewilistli *juicio de amparo* nochipa kualli moikxitokatias tlakeh motetlakewis akin kitlahtlakolmamaltia;
- II. Tlakeh onkah teixpantilistli yen kanachi kawitl kitzakuaskeh sen altepetlakatl, amo ipan tlahtos noso kipalewis, kenamin kiihtowa akin ktilwihtok, noihki amo kualtis nochi motlahtolpalewis *declaración*, noso amo ikah kichiwaltis.

Ihkuak ikah motenpalewilis, amo kichiwas ilkawis koxkeh telwlistli amo kualli ihtok, welika motentokas kenamin tlahtohtok inon *Ley reglamentaria itechtlanawatiltzintih* 103 wan 107 tlen noihki powih itech Weyi Tlanawatilli.

Ihkuak owihtilistlanawatiltepalewilestli itoka *juicio de amparo*, kintzintoka itlah teaxka kemin tlalli, atl, sakatl, akawaltih, tlen sentetl ixtlawaktin tlen kinnotzah *ejidos* teaxka, noso okseki tlalli kanin powih tlakah wan siwameh, tlen okseki inon tekowahkeh, tlen kipia nochi kualli moyehyekoskeh tekiwahtih tlen tepantlachiaske, koxkeh kualtis kintzintokaskeh noso amo wan welika okseki motenpalewiskeh san kan ahachi moyektlaliskeh, motlalamatiskeh, noso kualyotika moahsikamatiskeh.

Ihkuak ikah chikawak motempalewilis, kemin nikan achatoh tlakpak tlahtohtok, tekiyah noso tekiwahkeh amo kualtis tetlalkuilis, wan noihki amo kualtis kintlalkuilis inonkeh wehweli tlalehkeh, san ihkon moihyokawaskeh, noso kemah kualtis ihkon okachi mochikawiliskeh wan ika motenpalewiskeh. Tlakeh onkah sen *sobreseimiento* ihkuak ikah chikawak kinekis monemitis wan kinehnekis welika tetlalkuilis, wan tlakeh tlalehkeh olochitokeh, maya ihkon ma kinehnexi itlah amatl amo kualtis tetlalkuilis, noso koxamo kualtis tlakeh inon tlatlahtolli omoowihkankalakihkeh ihkuak okichihkeh se weyi olocholistli wan ompa omotenextih itlah.

III. Ihkuak motzintokaskeh itlah telwilistin wan motenextiskeh nepa kanin wehweli tlanawatihkantih, tlen itechpowi tekitl, noso okseki owihtilistli, inon tlahtolpalewilestli san kualtis mochiwas kemin:

a) Ihkuak tekiwahkapan ma tlanawatikan ma ikah kitzakuakan wan melahkayopan amo ikah itepantlahtoh noihki ma kikakikan, wan ma ya tlahtoltenewa ma kitzinkixtilikan inon tzakualistli, noso kemin tepantlahtowani okinahsik miek tlamantli kanin amo kualli okichihkeh inon tlawel tzakualistli, wan kualtis kinetzakis itlahtol inon tepantlahtowani, kanin kitewas inon tlen amo kualli kahki ihkuilitok, wan kichiwas oksekkan mopalewis inon tepantlahtowani ma kipalewikan, tlakeh amo kinekih kikakiskeh kanin achtoh opanok inon telwilistli. Welitis koxamo ayakmo motenextiskeh nochi inon tlatlamantih ihkuak inon telwilistli achtoh yokinnehnextihkeh inon tlahtolpalewilestlin wan achtoh noihki tlakeh kintlaneltoktia senyelistli, noso tlen kualli nemilistli tlen itechpowi nochtin tlakah.

- b)** Inon owih telwiliistli, ihkuak sapanowa inmak okiski inon tekitl noso ihkuak noch mochiwas wan welika mochiwas inon tzakualistli, wan
- c)** Ihkuak tlakah ompa ma kinowihkalakikan wan amo itlah kitewikihiyah itech inon tekitl;

IV. Kema kualtis mochiwas se Tetlahtolpalewelistli ihkuak, machihtok ipan sen amatl, noso ilkawis sen telwiliistli ihkuak sawel teyolkokohki kahki. Welitis koxamo ayakmo motenextiskeh noch inon tlatlamantih ihkuak inon telwiliistli achtoh yokinnehnextihkeh inon tlahtolpalewelistin, noso moteixpantiskeh inawak inon weyi Tlanawatilli, tlen inewian tlanawatis ayakmo okseki ma motziontoka inon telwiliistli;

V. Sen Tetlahtolpalewelistli ihkuak sawel owihi inawak sen telwiliistli, wan kanin Tekiwhah imak kahki kisenmanas inon telwiliistli, tepantlahtowani kualtis kinextis ihkon otlamochih ihkuak okitzakkeh ikah, wan tlen kipia motenextis innawak inon okachi Weyi Tekiwhah, tlen innewian noiki kahki, yehwan tlanawatiskeh tlen okseki tekitl mochiwas kanin tlanawatihtokeh, wan satepan:

- a)** Kanin melahkayopan tzakualistli mochiwani, wan ma yetokan inon tlanawatihtokeh tlen sawel noihki tlanawatiah nikana nepa, noso ma yetokan yaotlanawatihtokeh, ompa itlah mochiwas.
- b)** Ihkuak monehnekis itlah ma moteixkomaka ipan se amatl, noso ihkuak ikah altepetlakatl ma kintzintoka wan kinekis kiixmatis kenamin kitlayehyekolah, wan kenihi kichiwas motenpalewis inixpan inon weyi tlakaolocholli tekiyektlaliani noso okseki tlakaolocholtin kemin powis, wan noihki kanin amo kanah kitenkakih, nikana welika kitenpalewiskeh wan kiahxiliskeh itlamian inon ijomakalistli.
- c)** Ihkuak monehnekis itlah ma moteixkomaka inixko altepetlakah, wan ihkuak ma motzintokakan kanah keski tlanawatilli tlen kiihtowa ma ikah kitzakuakan noso tla powi tlen weyi altepenanyotl iaxkayo noso itlah kan onkak nemakalistli, ihkon moneki ma yelo se kualli tekiwahtlahtolistli tlen ma itechpowi se weyi noso amo weyi teowihkayotzintokalistli.

Ihkuak ma yelo sen teowihkayotzintokalistli tlen kiyehyekowa sen tekiwhah wan ihkuak ikah moyehyekolisnekis motenpalewis inawak, noso sekli ital wan ma yelo tlen iaxka, wan

d) Ihkuak monehnekis itlah ma moteixkomaka ipan tekiyotl, ihkuak ma motzintoka se tlahtolmelawalistli tlen okitehtenehkeh ik ompa tekiwahkapan tlen kinnotzah *juntas locales* noso okse tekiwahkapan tlen kinohnotzah conciliación y arbitraje, welika noso inon teowihkayotzintokalistli tlen itekiwhakawan sen Tlahtoltiankayotl;

Inon Weyi Mawisotlanawatihkan itechpowi, noso imak kahki tekichiwas tlen kitekinawatis noihki weyi teowihkayotzintokalistli wan inon okse melahka yehyekoltemakani wan ihkon kiyehyekos wan kiixmatis tlen iweyittalis tlen ihkon monehnekis.

VI. Nikan tlen achtoh tlatenewa inin tlanawatilli, noihki tlen itechpowi kanin tlahtohtok itech tlanawatiltzitzintih ompa machiohtokeh ipan 103 wan 107, ompa motlahtolchikawa wan tenawatia tlen nepa powih itech Weyi mawisotlanawatilchihkan itech mokitzkis wan ihkon kualtis ika chikawak tlanawatis wan motlahtolpalewis;

VII. Ihkual yeski sen tetlahtolpalewilestli wan ihkuak sen tekiwah noso weyi tekiwah kitetzintokilia sen telwilistli, noso achtoh, noso satepan, noso tlakeh noihki okseki tlakah noso siwameh kintentilana tlen amo itlah kitewikihiyah, yehwan kualtis motempalewiskeh inawak sen okachi weyi tekiwah, ompa mochikawaskeh wan inon tekiwah kimpalewis wan kiteixkomakas inixpan tlen tekiwah tlen okintentilanki wan moixkomakaskeh wan mopalewiskeh ika miek tlamantli, noso ixtlakopinaltin, tlahuiloiltin wan ompa kualtis inon okachi weyi tekiwah kitemakas itlanawatil koxkeh tlahtlakolehkeh noso amo tlahtlakolehkeh;

VIII. Ihkuak seki Tekiwahkeh inmak owihti sen telwilistli wan amo kahxiliah sen kualli tekitl wan tlakeh noihki oksekkan motelwiah noso okachi wehweyi tekiwahkeh tlen powih itech sen Tlalnankotonalli wan tlen inon tekiwah tlanawatia itech sen Tlakaolocholli tekiyektlaliani. Inon Weyi mawisotlanawatilchihkan kipia tlen kimatis wan kixmatis:

a) Ihkuak oyetok sen tenpalewilestli wan tlakeh sen tetlahtolpalewilestli noso telwilistli amo kualli wan tlalia sawel teihyowilitlia wan kikuehsowa ika chikawak inin weyi Tlanawatilli, noso okseki tlanawatiltzitzintih tlen powih itech inin weyi Tlalnanyotl, noso okseki tetlalnan, noso itlanawatilwan inon Weyi tlahtoani tlen powi itechtlalnantli itokahkan México, ihkon noihki chikawak motempalewis ompa itech tlahuiloixelolli I, itech tlanawatiltzin 89 tlen machiohtok itech

inin Weyi Tlanawatilli tlen powi itechtlalnантli itokahkan México, wan tlen okseki tlanawatiltin tlen inaxkawan okseki weyi tlanawatianimeh, noso tlen tekiyah tlen kahki Tlalnanyolotl tlen kinotzah *Distrito Federal*, ompa ahsikamattok tlen telwlistli wan tlen kipia motlaxtlawas;

b) Noihki ihkuak ma motentilanakan itlah telwlistin noso tetlahtolpalewilistin tlen kintennnotzah itech inon tlahuiloxelotin II iwan III, tlen itechtlanawatiltzintli 103, wan machiohtok itech inin Weyi Tlanawatilli tlen powi itechtlalnантli itokahkan México.

Inon tlen itechpowi itekih tlen Weyi mawisotlanawatilchihkan, tlakeh kiweltlahtlanilia noso kiwelnewatia sen Tlakaolocholli tekiyektlaliani noso sen melahkayehyekowani, san ihkuakon kualtis kintzintokas seki telwlistin noso noihki kualtis kinnemilis wan kiwalankilis koxkeh kualtis motzintokaskeh noso amo.

Tlen achtopan amo kanah machiohtok, noso amo itlah kitewa, san kixmatiskeh inon Tlakaolocholtin tekiyektlalianih, wan yehwan tetlahyowilmakaskeh wan amo okse kualtis mokuehsos;

IX. Nochi tlen kuali intlahtol wan kiteixpantiskeh inon Tlakaolocholli tekiyektlaliani ihkuak onkah noihki se kuali Tetlahtolpalewilistli, noso tla amo motlahtolpatlah wan tlakeh satepan kiwalihtoskeh amo onkah tlanawatilyotl itech sen weyi Tlanawatilli noso san Tlanawatilli wan tlakeh satepan amo onkah ahsikamatilistli, wan tla kiihtoskeh ompa se ome tlahtolli wan tlakeh motlahtolchikawaskeh itech inon weyi Tlanawatilli kanin mokakitiskeh ompa inawak weyi tlamawisoltihchihkan tlen kitokayotiah *Suprema Corte de Justicia* wan noihki kenamin sen weyi wan kuali teixpantilistli. Ihkuak ihkon ma yeto inon tekitl kualtis kintzintokas wan kitlatemolis weyi tlamawisoltihchihkan tlen kitokayotiah *Suprema Corte de Justicia* wan sawel ipan motlahtolchikawaskeh itech weyi tlanawatilyotl;

X. Itlah telwlistli noso tekitl tlen itechpowi, kualtis ayakmo motekitokaskeh wan mochiwas tlen kitewas weyi Tlanawatilli, ikinon mokitzkis itech inon tlahtolli tlen achtoh okiteixkomakak, satepan, wehweyi tekiyahkeh kiittaskeh koxkeh kualtis motetlaxtlawisiskeh noso san tlen sen altepetlakatl kinkohkowa ihkuak motlahtlakolmamaltis, ihkon kualtis motzinkixtis sen telwlistli tla kinkohkowa wan tlakeh okachi miekeh altepetlakah noihki kinahxilia inon telwlistli.

Tla ayakmo mochiwas tekitokalistli, wan tla ipampa okse tekitl tlen tlanawatiah kihtoskeh ipan inon sen tzakualistli, ompa kualtis motenpalewiskeh wan kitzinkixtiskeh inon tetlahtolpalewilestli wan intech yetos noihi sen tetlahtolpalewilestli wan ompa kualtis mopalewis ika itomin tlen kinmaktilis inon tekiwahtin wan monekis ika tetlaxtlawiskeh ompa kanin monehnekis noso tla itlah okse tlamantli noihi monekis motlaxtlawas, inon kipia tlen kualli moichtakanemilis inon tekitl wan tla inon okse noihi kitemaka itomin inon tlen achtoh tetlahtolpalewilestli ayakmo motzintokas, wan inon tomin welika monekis tla onka itlah tlamantli tlen motlaxtlawas;

XI. Kualtis yetos tilketzalistli ipan inon ika tekitokalistli tlen inmak tekiwahtin kahki, wan ihkuak sen tetlahtolpalewilestli tlen kisenmanaskeh ompa kanin Tlakaolocholli tekiyektlaliani tlen kinnotzah *Tribunal Colegiado de Circuito*, wan inon sen weyi tekiwh tlen imak kahki kualtis kiyehyekos tlen ika mochiwas. Wan tla ihkon kimonekiltis inon akin ipan otlaksakeh kualtis noihi motelwis wan motlahtolpalewis, wan kitemaktis inon amatl kanin ihkuilitok itelwilis, wan tlen kitzintoka ninon owihtatzintokalistli, noihi amatemaktis ompa Teilwiyan tlen kinotzah *Ministerio Público* wan okse itech amanepantli. Itech okseki tekitl, kiteixpantiskeh wan kinyektlaliskeh inon tekiketzalistli ompa tlahtlakolahxiloyantih noso tlakaolocholli tekiyektlalianintih;

XII. Tla keh san kimpancholkuih inon tlanawatilli tlen machiohtokeh ipan tlanawatiltzintli 16, tlen machiohtok wan kitentilantok miek owhkankayotl, ok ome tlen powih 19, 20, welika motzintokaskeh wan moteixpantiskeh inawak inon tekiwhakapan tlen tepantlaksa noso okse Weyi tekiwh tlen Tlahtlakolahxiliani tlen imak tlen kipia kiyektilis inon telwilistli, noihi kualtis motenpalewis tlen ompa machiohtok itech inon Tlanawatilxelolli VIII.

Tlakeh inon tekiwh tlen Tetlahtolahxiliani noso inon sen Tlakaolocholli tekiyektlaliani wehka kahkateh, noso wehka chantih, Weyi tlanawatiltzintli inewian tlanawatis wan kitemos sen tekiwh tlen imak ahsis inon sen tlahuilolli tlen ipan amatl machiohtok wan kitenehtok sen Tetlahtolpalewilestli, yeh inon tekiwh kualtis kitilketas sen achitzin tekitl, wan noihi mokitzkis ipan inon tlanawatiltzinteh tlen Weyi tlanawatilli ompa machihtokeh;

XIII. Ihkuak inon Tlakaolocholtin tlen kinnotzah *Tribunales Colegiados de Circuito*, amo kualli ma motlahtoltikan ipanpa sen owihkayotzintokalistli tlen inmak powi, inon Weyi mawisotlanawatilchihkan, tlen kinnotzah *Suprema Corte de Justicia*, imak panos inon tlatzintokalistli, noso imak Melahkayehyekowani tlen kinnotzah *Procurador de Justicia*, noso Tlakaolocholtin tekiyektlalianih tlen noihki kinnotzah *Tribunales*, noso nochtin tewan akin ompa tlen kipiah tlahtoskeh wan intechpowi ihkuak opehki mochihtih inon owihkayotzintokalistli, kualtis ihkon mochiwas okse telwlistli inawak inon Weyi mawisotlanawatilchihkan, wan ihkuak monechikoskeh wan motlahtoltiskeh koxkeh kualtis itlah okse tlamantli mochiwas wan kenamin kiahsikamatih inon Weyi Tlanawatilli.

Ihkuak ompa kanin kahki inon Weyi mawisotlanawatilchihkan tlen kinnotzah *Suprema Corte de Justicia*, amo kualli ma motlahtoltikan ipanpa sen owihkayotzintokalistli tlen inmak powi, inon Weyi mawisotlanawatilchihkan, tlen kinnotzah *Suprema Corte de Justicia*, imak panos inon tlatzintokalistli, noso imak Melahkayehyekowani tlen kinnotzah *Procurador de Justicia*, noso Tlakaolocholtin tekiyektlalianih tlen noihki kinnotzah *Tribunales*, noso nochtin tewan akin ompa tlen kipiah tlahtoskeh wan intechpowi ihkuak opehki mochihtih inon owihkayotzintokalistli, kualtis ihkon mochiwas okse telwlistli inawak inon Weyi mawisotlanawatilchihkan, wan ihkuak monechikoskeh wan motlahtoltiskeh koxkeh kualtis itlah okse tlamantli mochiwas wan kenamin kiahsikamatih inon Weyi Tlanawatilli wan ihkon mochiwas kenamin kimoihtoltiskeh.

Tlen okkan achtopan omopoh wan tlen intlanawatil wan inahsikamatilis inon tekiwakapantih tlen kiihtoskeh noso motlahtoltiskeh san tlen kipia mochikawalismakaskeh inawak inon Weyi Tlanawatilli wan amo kualtis kinxihxikos wan amo kinihtlakos inon tekiwah tlen Tetlahtolahxiliani kimoihtoltis, wan

XIV. San kualtis oksemi motzintokas sen tekitl ihkuak monemilis inon itlamian sen tlahuilolkotonalli II, tlen kahki itech inin Tlanawatiltzintli, kualtis noihki yetos sen tekiketzalistli noso tzintokalistketzalistli, tlakeh sen Tetlahtolpalewelistli tlami, noso tlakeh sen telwlistli amo okachi motzintoka, kualtis noihki tlakeh sen telwlistli moteixkomaka wan monohnotza itech inon Weyi Tlanawatilli. Maski mayeto tekiketzalistli itech sen tlanawatiloyan, welika inewian kihtohiewas wan kenamin yeski sen tlahtlakoltlaxtlawalistli.

XV. Inon Weyi Tekiwha tlen Melahkayehyekowani, kinotzah *Procurador General de la República*, noso okse Weyi Tekiwha tlen kinotza *Agente del Ministerio Público Federal*, san akin, welitiskeh ompa tlakaktoskeh ipampa inon sen tekitl, kualtis monohnotzaskeh ipan inon ixkomakalistli, inewian yeski koxkeh kimonekiltis ompa tlakaktos wan amo okseki motenextis altepepan.

XVI. Tlakeh yomotemakak sen Tetlahtolpalewilelistli tlen kinotzah *amparo*, wan sen tekiwha tlen imak ahsí inon tekitl wan inewian kinekis oksemi ma mochiwas nochí inon Tetlahtolpalewilelistli, noso noihi san ihkon kinekis ma tlahtlami, noso ma elkawi inon tlahtlakolmamaltilistli, inon Weyi mawisotlanawatilchihkan tlen kinotzah *Suprema Corte de Justicia*, waltlanawatis ma motekiketza noso kitekikuiliskeh wan kitelwiskeh inawak se weyi tekiwha tlen Tetlahyowilmakani kinotzah *Juez de Distrito* tlen imak ahísis. Tlakeh inon tekitl kualtis motilketza, noso elkawis, noso kualtis inon Weyi mawisotlanawatilchihkan, tlen kinotzah *Suprema Corte de Justicia*, waltlanawatis ontechias kanah se kawitl noso se keski tonalli wan ma tetlahtlakolahxili, Tlakeh inon tekiwha amo okualtik okachi inontekitl ihkuak itlamian inon kawitl noso tonaltin, welika inon tekiwha yen yeh kitekikuiliskeh wan tlaxtlawas.

Ihkuak inon Weyi mawisotlanawatilchihkan, tlen kinotzah *Suprema Corte de Justicia* okualtiskiaya kahsis inon tekitlamilistli, noso oksemi ma mochiwas Tetlahtolpalewilelistli yeh inewian kitemos kiyektlalis inon tlatzintokalistli wan tlakeh sawel miekeh kinmayawi noso kintlahtlaksa altepetlakah, noso oksekimeh, wan tlakeh inon akin tetelwia wan sapanowa miek tomin ompa awiltis wan poliwis. Inon akin tetelwia welitis kitlahtlanis ma motilketza Tetlahtolpalewilelistli, yeh inewian powis inon tlayehyekolli, wan tlakeh koxamo kualtis kichiwas mochiwas inon tlamantli. Tlakeh onkah tilketzalistli, noso tlakeh inon tlakatl tlen motenpalewihtok amo mochikawa, inon tlamantli kualtis melahkayopan kitlamiltis nochí inon tekitl wan inkon machiohtok itech inin Weyi Tlanawatilli.

XVII. Tlakeh sen Tekiwha tlahtlakolpiani ihkuak amo kichiwa kuali sen tekitl wan kualtiskiaya okiketzaltiskiaya noso ma amo okachi ma owihti inon tekitl, yeh ikinoh tla tetominmakas inawak okse Tekiwha, noihi, tlakeh ika kualtis motominpalewis, wan noso amo miek tomin kitemakas, tlakeh san kipalewisneki inon okse tekiwha, nochin tetlaxtlawaskeh inawak Weyi Tekiwha.

XVIII. (Okipohpolohkeh).

Nawi Tlahkuiloltokaitl

Tlen inewian wan intekih inon tekiwahtlakewaltin wan tetlahtoltiankayotl

Tlanawatiltzintli (Art. 108). Nikan itech inin tlanawatiltzintli, motenewas nochi tekitl tlen intechpowi nochtin inon tekiwahtlakewaltin intekih tlen okinmakakeh wan okintlakehkeh, noso ihkon noihki powih nochtin tekiwahtlakewaltin inon tlen tlakapehpenalli, nochtin powih tlen tekipanowah ompa itech weyi tlahpixkeh kanin weyi altepepan powih tlen kinotzah *Poder Judicial Federal*, inon tekipanohkeh tlen powih weyi tlahpixkeh kanin weyi altepepan *Tlalnanyolotl* tlen kinotzah *Distrito Federal*, nochtin tlahtoanimeh, tlakewalixtlamatkeh, wan nochi siwatl noso tlakatl tlen ompa ma tekipano noso tlekekwalli ompa itech Weyi tlakaolocholli kanin tlanawatilchiwah tlen kinotzah *Congreso de la Unión*, noihki ompa kanin Tlakaolocholli weyi tlanawalilkan kahki *Tlalnanyolotl* tlen kinotzah *Asamblea Legislativa del Distrito Federal*, tlen ompa tekitih kanin Weyi Tlamanawihkan tlen powi weyi olocholkan tlen kitokayotia *Administración Pública Federal*, noso ompa *Tlalnanyotl* tlen kitokayotia *Distrito Federal*, wan nochtin tlen tekitih noso tetlakewaltin, wan tetlakewaltekiwahtin tlen itech mokitzkihokeh tlen san sekkan kinnetechowah inin Weyi Tlanawatilli, tla itlah tlen powi intekih amo kualli kichiwah melahkayopan moowihkankalakiskeh.

Weyi tlahtoani tlen powi itechtlahnantli itokahkan México, tlen kinotzah *Presidente de la República Mexicana*, ihkuak nochi inon kawilli tlen powi itlanawatil, kualtis noiki motelwis wan motlahtlakolmamaltis tlakeh totlalnan kikuitlapan kahkayawa, wan tlakeh kichiwa okseki wehweyi owihtilistli tlen noihki kipihpinatis toweyitlalnan.

Nochtin Tlahtoanimeh tlen tlanawatiah itech tlalnankotonaltin, Tlanawatilchiwani tlen kateh tlanawatilchiwaloyantih, tlen tekitih ompa Tlakaolocholtin tekiyektlalianih tlen kinnotzah *Tribunales Superiores de justicia locales*, nochtin inonkeh tekiwhakeh tlen tlakantokeh kualtis moowihkalaktiskeh tlakeh kiawilmatih inin Weyi tlanawatilli, wan okseki tlanawatiltin tlen nikán Mexico tlanawatiah, wan noihki tlakeh kimotzinkixtilah, noso ichtaka kimoixkoyantilia tetomin tlen powi itech inin Weyi Altepenantli.

Inon wehweyi tlanawatiltin tlen powih itech nochtin Tlalnankotonaltin, innewian kinnehnextiskeh wan kinteixkomakaskeh kemin nikan Tlanawatiltzintli pews inin tlahtowa, intekipanohkawan, noso intlakewalwan welika san se tlamantli kinixkomakas wan ika monawatiskeh ompa intlalkotonalkan noso inaltepeyohkan.

Tlanawatiltzintli (Art. 109). Inon Weyi tlakaolocholli kanin tlanawatilchiwah tlen kinotzah *Congreso de la Unión*, wan ompa tlanawatilixmachiloyantih tlen kahkateh itech Tlalnankotonaltin, inmak kahki tlakeh kimonekiliskeh kinchiwaskeh wan ipan mochikawalismakaskeh, ihkuak sen intlakewal moowihtiliskalakia, noso ika inon Tlanawatilli, kualtis kitelwis, wan kitlaxtlawaltis noso mochiwaltis ma tetlahtlakoltetlaxtlawaltili wan motekiketzas noso tla moowihtilia wan mochiwas kemin nikan tlayakapan inin Tlanawatiltzintli tlahtowa:

I. Ika se Weyi owihkayotzintokalistli, sen tekiyah, kualtis motlahyowilismakas tlakeh kipia itlamamal, inon moikxitokatias kemin ihkuilitok itechtlanawatiltzintli 110, wan tlakeh ihkuak tekkitok ma moowihnetzaki, noso tlakeh san kimpancholkui noso san kinawilmati noch tlen imak kahki tlen itekih wan amo kualli kiyekwika, noso amo kualli kiyekchiwa itlanawatiltekih.

Sen tekiyah amo kualtis kiowihkayotzintokiliskeh tlakeh kinsenmana ikuayehyekolisnexiliswan, noso itlayehyekolwan.

II. Tlakeh sen Tekiwahtlakewalli kiowihkantzintokiihliah wan inon tlen kinotzah *comisión de delitos* tlen imak kahki itlah kahxiliah, inon Tekiwahtlakewalli welika kitlahyowilmakaskeh kemin tlanawatia inon weyi tlanawatilyotl tlen kinotzah *legislación penal*; wan

III. Inon tepalewihtlanawatilixmatinmotlahyowilismakaskeh, tlakeh ipan intekih noso inmak amo kualnestok, noso melahkayopan, noso ixnestok wan nimanwik noso intlanawatil tlen impan kistok amo motekihkiyekchiwah.

Inon kenamin motetlahyowilismakaskeh ixpan Tlanawatilli, sehsen mochihiwaskeh nochtin ixkomakalistin. Ipanpa sen tlahtlakoltetlaxtlawaltlistli, amo kualtis ika oppan motetlahyowilmakas.

Ihkuak sen Tetlakewaltekiyah, noso Tekiwhapalewiani ihkuak nochi inon kawilli tlen powi itlanawatil san elihki pewa motomintia, noso motlakowia ika tetomin wan ihkuak momati tetomin kimotzinkixtilia, noso okse altepetlakatl motokayotetlanetiani, wan kimotlakewia, kinawatia ma ipatka ma motlalkowi, wan san niman kinmiekilia itlalwan nochi tlen iaxkayo mottas kemin teaxka noso momattok yeh tekiyah, wan satepan amo kualtis kitlatis; nochi inon tlamantih imakak kahki inon Weyi Tlanawatiltin wan kimohtoltiskeh kenamin kitetlahyowilmakaskeh inon tekiyah. Inonkeh Wehweyi Tlanawatiltin, noihki kualtis mimohtoltiskeh wan kintekixtiliskeh, imak panoskeh wan satepan kitetlaxtlawiltis inon tlahtlakoltetlaxtlawaltlistli tlen okachi inon Tekiwhapalewiani noso Tetlakewaltekiyah.

Ikah altepetlakatl, yeh inewian, kualtis tetlatelwilis inawak Weyi Tlanawatilchiwaloyan tlen itech kahki Weyi tlakaolocholli kanin tlanawatilchiyah, tlen kinotzah *Cámara de Diputados del Congreso de la Unión*, wan nochi kualli tlapohtias, motlahtolmakas wan kitenextilis tla kimati noso tla kiahsa sen tekiyah tlen motomintia noso tominichteki kemin nikán tlakpak inin Tlanawatiltzintli tlahtohtok.

Tlanawatiltzintli (Art. 110). Nochtin Tekiwahtin tlen nikán motenewah, kemin: Tlanawatilyehyekowani, Tlanawatilchiwani, Tlahtoanimeh, wehweyi tlahtoanimeh, weyi tlahtoani tlen tlanawatia Tlalnanyolotl tlen kinotzah *Distrito Federal*, Melahkayehyekowani, Tlakaolocholtin kan kimpehpenah tekiwahtin tlen kinotzah *Instituto Federal Electoral*, tlahuilowanintih tlen kateh ompa Tlanawatilchihkan, tlanawatilloyan, tlapehpenaloyan, tekiwhakeh tlen tlanawatiah itech Weyi Tlalnanyotl, noihki altepetlakah tlen tekiwhakapantlapalewiani, Tlakaolocholtin tlen ahachi powih nikán Weyi Tlalnanyotl, wan okseki tlen tewan salitokeh tlen wehweyi altepetekititlantih wan tlen tekaltominnechikowah, nochtin kualtis kinowihtzintokaliswiskeh, tlekeh amo kualli intekih kitemakah noso san tlaixpahpachowah.

Tlahtoanimeh tlen tlanawatiah intech intlalnankotonalwan, Tlanawatilchiwanih, Weyi tlanawatianimeh tlen kateh itech Tlakaolocholtin tekiyektlalianih tlen powih tlalnankotonaltin tlen kinnotzah *Magistrados de los Tribunales Superiores de Justicia Locales*, noihki inonkeh

tekiwahtin tlen tekitih itech tlanawatiloyantih, kualtis kinowihtzintokaliswiskeh, kemin kiihtowa inin Tlanawatiltzintli ihkuak chikawak kikohkoskeh Weyi Tlanawatilli, wan tlen inaltepakotonalko tlen ompa sen Tlanawatilli powi kipahpancholkui, noso tlakeh kimotzinkixtiliah wan tetomin kimoichtakatlatiliah, noso kitominichtekilia weyi Altepennyotl, ihkon inin owihtekitl welika motenextilis wan itlahtlakoltetlaxtlawaltilis inmak panowa inonkeh Tlanawatilixmachiloyantih tlen satepan yehwan innewian kualtis melahkayehyekolli kichiwaskeh.

Nochtin tetlahyowilistin intechpowi tlatekikuiliskeh, wan nowiankan motlahtoltiskeh ma amo kanah okseki kitekimakaskeh, amo kanah kitlakewaskeh wan amo kanah tepalewis, noiiki amo kanah okse tekiyah kitlakewas wan ayik okseki Tekiwahtlakewalli yetos.

Inin tetlahyowiliskayotl tlen achtoh motenewa, ihkuak ikah kimoyehyekoltis, tlen kipia achtoh, inon Tlanawatilchiwanih tlen tlanawatiah itech Weyi Tlanawatilchiwaloyan, innewian kiteixpantiskeh innawak inonkeh Weyi Tlanawatilyehyekolkan tlen kinnotzah *Cámara de Senadores*, welika achto monechikoskeh wan san se intlahtol kimohtoltiskeh wan satepan, wan ixpan inon tlahtlakolpiani kiixkomakaskeh kenamin yeski itlahyowiliskayo.

Ihkuak inon tlen Weyi Tlanawatilyehyekolkan ikimatih akini tlahtlakolpiani, niman ihkuakoh ompa kimpehpenas itlakewalwan, kinolochos wan inmak kikawas inon tekitl wan kintlakewas ma kiahxiliyan kenamin kiyektlalis itetlahyowiliskayo, wan inmak momatis kenamin kitetlaxtlawiltiskeh wan tlen tetlahyowilistli kimakaskeh, inon Tlakaolocholli, tlakeh exkan omoxeloh wan ome inon tlakotonalli welika ompa ixpan inon tlahtlakolpiani kikakis kanachi tetlahyowitlaxtlawas.

Itlahtolwan wan itletlahyowiliswan tlen inonkeh kiihtoskeh ompa Weyi Tlanawatilchiwaloyan, tlen kinnotzah *Cámara de Diputados*, wan inon Weyi Tlanawatilyehyekolkan tlen kinnotzah *Cámara de Senadores* amo ikah kintlahtolpanawis, wan amo kipiah Tetlahtolpalewilistli.

Tlanawatiltzintli (Art. 111). Tlakeh inonkeh tlahtoanimeh, tekiwahtin, wan tlen Weyi Tlanawatilchiwaloyan, tlen kinnotzah *Cámara de Diputados*, wan inonkeh Weyi Tlanawatilyehyekolkan tlen kinnotzah *Cámara de Senadores* motenewah, kemin:

Tlanawatilyehyekowani, Tlanawatilchiwani, Tlahtoanimeh, wehweyi tlahtoanimeh, weyi tlahtoani tlen tlanawatia Tlalnanyolotl tlen kinotzah *Distrito Federal*, Melahkayehyekowani, Tlakaolocholtin kan kimpehpenah tekiwahtin tlen kinotzah *Instituto Federal Electoral*, tlahuilowanintih tlen kateh ompa Tlanawatilchihkan, tlanawatiloyan, tlaapehpenaloyan, tekiwahkeh tlen tlanawatiah itech Weyi Tlalnanyotl, noihki altepetlakah tlen tekiwahkapantlapalewiani, Tlakaolocholtin tlen ahachi powih nikan Weyi Tlalnanyotl, wan okseki tlen tewan salitokeh tlen wehweyi altepetekititlantih moowihkayokalakiah wan kiseliskeh se Tetlahyowilistli, maski noso ayamo tlami inkawil tlen kipia okitlamiskiaya, inon Weyi Tlanawatilchiwaloyan, ihkuak moolochotekipanoltia kualtis kihtos koxkeh sen inyolikni kualtis motetlahyowilismakas noso amo.

Tlakeh inon Weyi Tlanawatilchiwaloyan, tlen kinnotzah *Cámara de Diputados* amo okitlahtlakolahsik noso amo okitlahtlakolmakak, inon tlatzintokalistli noso telwilistli san ompa motilketus, wan satepan ihkuak ayakmo tekiti inon altepetlakatl tlen koxamo tlahtlakolpiani inon Tlakaolocholli tlen okinekiaya ma mochiwas se achtoh tlatzintokalistli ahachi kitemolis itlahtlakoltetlaxtlawil, wan ihkon noso satepan kualtis oksemi mochiwaltis ma motlaxtlawa inon Tetlahyowilistli tlen kitewikilia.

Tlakeh inon Weyi Tlanawatilchiwaloyan, tlen kinnotzah *Cámara de Diputados*, welika moselia wan tepalewis ma inon altepetlakatl tlen tlahtlakolpia, Tekiwahkeh tlen imak mokawa inon tekiyochikawalistli welika kichiwaltiskeh ma kitlaxtlawa san kenamin tlanawatia Weyi Tlanawatilli.

Weyi Tlahtoani tlen powi itechtlalnanti itokahkan México Tlen kinotzah *Presidente de la República*, yeh kualtis noihki kitelwiskeh inawak Weyi Tlanawatilyehyekolkan tlen kinotzah *Cámara de Senadores*, mochiwas kemin ompa ihkuilitok itech Tlanawatiltzintli 110, noso ihkon inon Weyi Tlanawatilyehyekolkan tlen kinotzah *Cámara de Senadores*, kimotekitiskeh wan sawel kiikxitokaskeh inon owihkayotl tlen okualtiskiaya itechpowi inon Weyi Tlahtoani.

Tlahtoanimeh tlen tlanawatiah intech intalnankotonalwan, Tlanawatilchiwanih, Weyi tlanawatianimeh tlen kateh itech Tlakaolocholtin tekiyektlalianih tlen powih tlalnankotonaltin tlen kinnotzah *Magistrados de los Tribunales Superiores de Justicia de los Estados*, noihki inonkeh

tekiwahtin tlen tekitih itech tlanawatiloyantih, tlen kinnotzah *Tribunales Superiores de Justicia locales* kualtis kinowihtzintokaliswiskeh, kemin kihtowa inin Tlanawatiltzintli, wan inon owhetekiyotl moteixpantis ompa tlanawatilixmachiloyan tlen itokahkan *Legislaturas Locales*, wan ompa yewan intekih kualtis kitlamiskeh inon tekiyochiwalistli.

Itlahtolwan wan itletlahyowiliswan tlen inonkeh kihtoskeh ompa Weyi Tlanawatilchiwaloyan, tlen kinotzah *Cámara de Diputados*, wan inon Weyi Tlanawatilyehyekolkan tlen kinnotzah *Senadores* amo ikah kintlahtolpanawis, wan amo kipiah Tetlahtolpalewiliistli.

Ihkuak ikah altepetlakatl, tlen welika tlahtlakolpiani tla ok tekititok kanah Tlanawatiloyan tlen kipia motekiketzas wan mochias, tlalia omokalaki itech sen owhkankayotl kitlahyowilmakaskeh noso amo. Tlakeh inon altepetlakatl san kineltoktiah wan amo tlahtlakolpiani, kualtis oksemi mokuapas kanin tekiti, noso tlakeh melahkayopan tlahtlakolpiani, wan tlakeh omoowihkankalaki ihkuak otekinitoya, welika kikaltzakuaskeh inon altepetlakatl wan amo kiselis Tlanawatiltlapohpolwilistli.

Ihkuak itlah telwiliistli ma kichiwa ikah altepetlakatl wan ma kitlahtlakolmaka sen Tetlakewaltekiyah, amo yeski ixkomakalistli.

Ihkuak motemakas sen tetlahyowiliskakayotl inon tlanawatilli mokitzkis noch ipan Tlanawatilihiyowilistli, wan tlakeh ikah moowihkalakia noso ma kitominmakakan, noso ma itlah teihtlakoli noso tlen teaxka, tlen kipia mokalakis kitlaxtlawas, kikuapas tetomin, noso san kech ipati, kitekuapilis san kan noch ika ma motlahtlakoltlaxtlawa.

Amo kualtis eytipan motetlaxtlawaltis se ihyowilistlaxtlawilli tlen ipan kechipati.

Tlanawatiltzintli (Art. 112). Ihkuak se Tekiwahtlakewalli moowihkayokalakia, wan kemin inon Tlanawatiltzintli 111, kanin ompa pewa kiteixpantilia, wan inon tetlakewalli amo tekititok, amo monekis kitemakas ixkomakalistli inon Weyi Tlanawatilchiwaloyan tlen kinotzah *Cámara de Diputados*.

Tlakeh inon Tekiwahtlakewalli oksemi mokuapa wan tekititin kanin otekipanohtoya, noso tla okse iteki kimakah, kualli monemilis inon inon tlahuilokotonaltin tlen kateh itech Tlanawatiltzintli 111, inonkeh tlen kinextiah kenamin mochiwas ika inon chikawak tetlanawatilli.

Tlanawatiltzintli (Art. 113). Nochi inon Tlanawatiltin tlen kiyeknemiliskeh wan kintekiyeheyekoliskeh inonkeh Tekiwahtlakewaltin, tlen kipia motekichikawaskeh, wan ihkon ma yeto se kualli ixnestilistli, melahkayotekitl, tekiyehyekolistli, amo ma yeto chichikoittalistli, ma amo tlatzihkatekitikan tlakewaltin, niman ihkon noch tonalli yeski tekitl, tlanawatiltekitl, tekimakalistli, tekiyochiwalistli; tla ikah tlakewalli amo kualli tekichiwa kualtis inon Tlahtoani, noso tekiwah, Weyi tekiwah imak kahki kualtis tetlahyowilismakas wan kitetlaxtlawiltis inon owihkayotl. Se altepetlakatl noso tlakewalli maski ma tetlaxtlawa noso ma kitlakawaltikan ipan itekih, welika kitekiketzaskeh, noso kitekikuiliskeh wan kitokaskeh, tlen kipia tetlaxtewis wan kinyektlalis inonkeh tlamantih tlen imak oihtlakawikeh ihkual otekinitoya, wan mochiwas kemin ompa tlahtowa sen tlahuilokotonalli tlen neskatotihtok inon III itech inon tlanawatiltzintli 109, noso noihki amo kualtis powis expatipan ipan ewis inon tlenon motetlaxtlawas.

Inon Tlahtoani tlen tlanawatia itech sen Tlalnankotonalli imak kahki tetlaxtlawis, ihkuak motekiyeheyekowa wan amo kualli kisa, welika inewian kitetlaxtlawas, kitekuapilis, noso kitemolis kenamin tetlayorsewis, noso noch kiyekchiwas tlen itech Tlanawatilli itech machiohtok.

Tlanawatiltzintli (Art. 114). Ihkuak sen tekiyochiwalistli mopewaltlis ipan sen tekiwahtlakewalli tlen moowihtzintokalismakas, san kualtis mochiwas inon tekitl ihkuak inon altepetlakatl ok tekititok, noso tla yekin se xiwitl yekin opanok itekiwahtilis. Ihkuak mopewaltlis se tlatzintokalistli kualtis mochiwaltis matetlaxtlawi ihkuak ayamo panowa sen xiwitl.

Tla sen Tekiwhapalewiani sawel tetlahyowilmakalischiwa noso moowihkayokalakiani ihkuak tekititok kualtis motetlahyowilismakas tla amo kualli tekiti, tla kichiwa kualtis ika chikawak kuehsolistli mochiwaltis ma tetlaxtlawi kemin kiihtowa Weyi Tlanawatilyotl, wan tlen kipia panos sen kawitl tlen eyi xiwitl mopowas, amo okachi. Amo kualtis elkawis, noso motlamitis inon

owihkayotl tlakeh inon Tekiwahtlakewalli ok tekititok, inon tekitl welika tlen kipia motlatoktis itech tlen neskatotitok inawak sen Tlanawatiltzintli 111, ompa kualli kipohtok.

Weyi Tlanawatilli kualli kitenextiah inon tekiyehyekolistli, wan kualli kineskayotihtok tlakeh kualtis yeski elkawalistli, noso tlamilistli noso kualtis yeski Tlanawatiltlapohpowalistli, tlalia ihkon, noihki kualtis moikxitokas inon Tlanawatiltzintli 109, itech itlakuilolkotonal III. Tlake sen owihtekiyotl elkawi noso motetlamilismaka wan tlakeh sawel tekokohkeh, wan san ik okichihkeh, tla monekis ma motetlaxtlawilti welika mochiwaltis a amo pano kanah inon eyi xiwitl.

Makuili Tlahkuiloltokaitl

Tlen intechpowih Tlalnankotonaltin wan inon Tlalnanyolotl tlen kinotzah *Distrito Federal*

Tlanawatiltzintli (Art. 115). Nochtin Tlanankotonaltin, tlen san yehwan monawatiah wan kipiah sehsen Tekitlanawatilyotl, noihki kitokaskeh inon Tlahtoani tlen tlanawatia Weyi altepenantli, kualtis se kualli pehpenalistli ma yeto ihkon inyaxka nochtin altepetlakah, Tlanawatihkeh amo tetlalan kahkalakiskeh, amo tepan kahkalakiskeh, san yeh ompa monawatiskeh itech inaltepetlakotonal, san yehwan motekiyehyekoliskeh ihkuak itlah nesi owhkayotl wan kitokaskeh ininkeh:

I. Sen Altepetahtolcan tlen kinotzah *Municipio*, itekiwaht kipehpenah itech sen tekiwahpehpenalistli, wan inon altepetlakatl tlen tlatlani itoka Tekiwaht noso *Presidente Municipal*, noihki ompa inwan tekipanos ok ome tekiwahtlakewaltih tlen intoka: Tekiyekixmelawani tlen kinotzah *Regidor*, okse Tekiyeknemilisittani tlen kinotzah *Síndico*, tlalia okachi miekeh altepetlakah kinpia se altepetl noihki kualtis kanah ome, kanah eyi tlatlamantli inon tekiwahtlakewaltin mopehpenaskeh. Inin Weyi Tlanawatilli tenawatia ma inon tekiwahkayotl monawatis san yeh iselti wan amo momakawas noso kelkawas inon kanin powi itech Tlalnankotonalli.

Inon Altepetahtoani noso *Presidente Municipal*, noihki Tekiyekixmelawani tlen kinotzah *Regidor* wan okse Tekiyeknemilisittani tlen kinotzah *Síndico* wan tlen san sekkan tekitih tekiwahkapan

wan okinxpehpenke itech tlakapehpenalistli, tlalia kineki san niman oksemi ompa tekitiskeh, tlanawatiskeh, san tepitzin kinekiskeh moihekuaniskeh amo kualtis, nochtin tlen ihkon tekith ompa Altepetahtolkan tlen kinotzah *Palacio Municipal* tlen kipia mochiaskeh, wan amo powi oksemi mokalaliskeh ma kinixpehpenakan, inonkeh altepetlakah tleh san intoka oyetok kemeh san tepatka, inonkeh kualtis mokalakiskeh ipan inon tlakapehpenalistli, tlakeh otekitekeh ma ya achitzin ayakmo kichiwas.

Inon Tlanawatilixmatin tlen kateh tlanawatilixmachiloyan tlen kinotzah *Legislatura Local*, tlakeh itech sen nechikolistli exkan omoxelohki, wan satepan motlahtoltiah wan motlanawatilpalewiah, wan tlen okkan powih inon keski Tlanawatilixmatin san sekkan mokakih wan kiihtoskeh ma pohpoliwi se Tekiwahkapan kualtis kichiwas inon intlanawatil, noihki kualtis kikixtiskeh sen Altepetahtiwah maski ayakmo okualtik omopalewih wan welika okahxilihke owihkayotl, welika kitlaxtlawaltiskeh, tlalia inon tekiwha kinekis mopalewis, kualtis kichiwas wan kintenextis nochitlen kitlahtlaniliskeh, Tlanawatilli amo ikah kiyekapanawis.

Tlalia sen Altepetahtoani noso *Presidente Municipal*, noihki Tekiyekixmelawani tlen kinotzah *Regidor* wan okse Tekiyeknemilisittani tlen kinotzah *Síndico* inon eyi, ikah motekikawa noso motekiketza ipatka mokawas tekipanos tlen achtoh ipatka kahki machiohtok itoka, noso mochiwas kemin kimoihtoltia Weyi Tlanawatilli.

Tlakeh pohpoliwi se Altepetahtolkan, noso kinkixtiah, noso san yehwan innewian yawih, wan noihki amo kualtis kalakiskeh impatka inon tepatkayotl okatkah, noihki amo kualtis oksemi yeski Tlakapehpenalistli, inmak kahki inon Tlanawatilixmatin tlen kateh tlanawatilixmachiloyan tlen kinotzah *Legislatura Local*, kiihtoskeh kintlaliskeh okseki altepetlakah san keski monekiskeh tlen Altepetahtlan powih wan kitlamiskeh inon kawitl tlen okinpolowaya, inon tekiwha tlen achtoh oyahkeh noso okinkixtihkeh, noso okintokakeh, tlen yankuikeh altepetlanawatianih tlen kinnotzah *Concejo Municipal*, inmak mokawas nochitlen tekil tlen mochiwas ompa Altepetahtolkan wan yehwan kinittaskeh noso keski Tekiyeknemilisittanih yotoskeh;

II. Nochtin Altepetahtolkantih san yehwan moyehyekoskeh, san yehwan tetlanawatiltiskeh, intechpowi yektekitiskeh wan amo kitlahtolpanawiskeh Weyi Tlanawatilli.

Altepetahtolkantih tlen kinyekanah inon tekiwahkeh wan ompa tlanawatih, inmak kahki wan intech powi, innewian kiseliskeh, tla ihkon kimoihtoltiskeh wan kiseliskeh inon tetlanawatilli tlen kiwalihtoskeh inon tekiwahtin tlen kateh Tlanawatilixmachiloyan tlen kinnotzah Legislaturas de los Estados, wan nochtin inon Tlahtohkantlahpixkeh tlen intoka *Policías*, yektlanawatiltin, amatenawatiltin, wan okseki Tlanawatiltin tlen ompa inewian moyekchiwah wan tepalewiah ma kualli kisa noch i inon tekitl tlen monehneki, wan ika inon kualtis mochikawalismakaskeh wan kinyektekipanoltiskeh noch i intekipanohkawan, noso tlakewaltin wan noihki inwan kualli tekipanoskeh noch i altepetlakah.

Tlen melahkayopan moneki ika inon tlen acho nikan mopowa ma yineli mochikawalismaka:

- a)** Inon tlen kualli sen tekitl moyekchiwas itech Altepetahtohkan, wan kenamin yetos tekiyehyekolistli, wan amo moahkopahpanawis, noso mopancholkuis, kualtis yetos sen chikawak tlahtolli ihkuak noihki yetos tlatlamantli tlayehyekolli, tlen kipia moahsikamatiskeh, wan ompa kisas se kualli tekitl, welika mokitzkihtos itech se kualli tlayehyekolli, yekittalistli, kakilstli wan noch i kualli ixnestok tekitl mochiwas.
- b)** Tlakeh exkan omoxeloh sen olocholtekitl wan ome inon tlakotonalli mohasikamatih, yehwan kualtis kichiwaskeh tlen inyektlayehyekol, noihki kualtis motekimakaskeh wan ma moyektlali miek tlamantli, noso tlen intechpowi kahki, maski inon kawitl ma kipanawi tlen kanachi intekiwahtekih powi ompa yetoskeh:
- c)** Nochi inon tekiwahnawatilotl tlen motennotzah wan tenawatiah ma kualli moyekchiwakan tlen ihkon inahsikamatisil okichihkeh, wan tlen ompa motenewah intech inon tlahuilolkotonaltin tlen machiohtokeh itech III wan IV tlen neskayotitokeh itech inin Tlanawatiltzintli, wan tlen noihki kitenextia itech ometipan tlahuilolkotonalli tlen powi ipan Tlanawatilxelolli VII tlen itechmachiohtok wan neskayotitok itech Tlanawatiltzintli 116, tlen ihkuilitok itech inin Weyi Tlanawatilli;

- d) Tla inon tekiwahtin tlen tekitih wan tlayakantokeh itech sen Altepetahtolkan tlen kinotzah *Municipio* kimonekiltiah se tepalewelistli, tlen kipia kualyotika kitlahtlaniskeh inawak inon Weyi Tlahtoani tlen tlanawatia Tlalnankotinalli, wan moneki tlakeh exkan omoxeloh sen olocholtekitl wan ome inon tlakotonalli mohasikamatih, yehwan kualtis kichiwaskeh tlen inyektlayehyekol wan inon weyi tekiyah kualtis kinpalewis tlekeh yineli wal motlachilia melahkayopan moneki inon tepalewelistli wan itlah moneki; wan
- e) Nochi tlen kualli tenawatilli wan tlen kipia chikawak tenawatilyotl ompa itech inon Altepetahtokayotl, wan tlen amo kipia okseki tlen itech monawatiskeh wan amo kipia, welika sawel ipan motekiyochikawaltiskeh.

Tlanawatilixmatiniih tlen kateh tlanawatilixmachiloyan tlen kinotzah *Legislatura Local*, kintemaktiskeh seki Tlanawatilchiwayotl ompa Altepetahtolkan wan tlen ika mopalewiskeh wan ihkon moahsikamatiskeh miek tlamantli wan kualtis ahachi mopalewiskeh wan kiahsikamatiskeh tlen inon tlahtohtok itech inon neskayotl e) wan h) tlen achto nikan tlakpak omopohkeh;

III. Altepetahtolkantih kipiaskeh miek tlamantih tlen ompa ika kualli ika chantiskeh, tlen ika kualli ika yetoskeh wan noihki intech kahki kinitaskeh altepetlakah, wan impantlachiaskeh ma nochtin kualli yetokan:

- a) Kualli chipahatl, kuitlapiatztli, atekochtli, kiyekiittaskeh inon atl tlen kipitzonelolah ma kiyektlalikan, noso ma kichipawtakan;
- b) Kualli tlawilpan ma kipia itech iohwiwan.
- c) Kipias se kualli Tlahsolchapaniloyan, tlahsolpehpanaloyan wan kiittaskeh amo san ma senmani inon tlahsolli tlen kinsokitilia atl, ohtli wan nochti tlapán.
- d) Weyi Tlanamakaloyanko, tlakowaloyan tlen kinotzah *Central de Abastos*, kanin miek kualli tlakualli monamakas noso mokowas.
- e) Miktlan tlen kinotzah *Panteón*.
- f) Yolkamiktiloyan noso tlanemitilmiktiloyan, tlen kinotzah *rastro*.
- g) Miek wan kuahuallli ohtli, ahawiltloyantih, xochimanaloyantih, wan imak kahki kinyektlalihtos wan kinistlakohtos ma kualli yetokan, amo ma ihtlakawikan;

- h)** Kimpias Tlahtohkantlahpixkeh, tlen nemiskeh wan innewian wan innemak kiittaskeh amo san ma iixkiskinemikan altepetlakah, wan mokitzkis itech Tlanawatiltzintli 21 tlen kipia inin Weyi Tlanawatilli, noihki kualtis kipias inonkeh itlakewalwan tlen kinittaskeh ma kualli nemikan nochi nenkaltih noso kalmimiloltih;wan
- i)** Tlalia okseki tlamantli monehnekiskeh, welika kitekawiliskeh inonkeh Tlanawatilixmatinlh tlen kahkateh ompa itech tlanawatilixmachiloyan tlen kinotzah *Legislatura Local*, wan tla ihkon kimonekiltiskeh wan tla intomin kinahxilis, noso tla intlalpan noihki kualtis kichiwas kichiwaskeh tlenon monehnekis.

Nochi tlen tekitl tlen kimoiskaltiskeh wan tlen kipia yetos mochikawalismakatos itech se Altepetahtolk, inon tekitl amo kinkuehsos noso amo kinihtlakolis tlen kualli intlayehyekol, welika mosalos ika inon weyi Tlalnanyotl intlanawatil wan noihki tlen itech tlalnankotonalli tlen ompa powi.

Altepetahtolkanyohtin tlen kinnotzah *Municipios*, tla inkon kimonekiliskeh, kualtis san sekkan mopalewiskweh, moolochoskeh, motlahtoltiskeh wan miek tekitl san sekkan wan san niman kiyekchiwaskeh. Tla ihkon kimonekiliskeh wan san sekkan moolochoskeh tlen kana ome noso eyi tlatlamantli Tlalnankotonaltin powih, welika monekis ma kinkawilikan ma kichiwakan inon tlen kimotekitia kichiwaskeh inonkeh tlen tlanawatilixmachiloyantih tlen kinnotzah *Legislaturas de los Estados*. Ihkuak sen Altepetahtolk tlen kinotzah *Municipio* kinekis ma kimapalewi inon Tlalnankotonalli wan satepan kimomakuapiltis, kualtis kichiwas, noso tlakeh noihki kichiwa, inon Tlalnankotonalli kualtis kitlatlahtis ma kimapalewi noso ma momakuapa inawak inon Altepetahtlonkan.

Inonkeh altepemasewaltin, moyektekintzaskeh wan san sekkan moolochoskeh wan tlen kimonekiltiskeh kualtis kitlahtlaniskeh ma kimpalewikan ompa itech Altepetahtolk, wan ihkon kineskayotihtok inon weyi Tlanawatilli.

IV. Altepetahtolkanyohtih yehwan kinmokuitlawiliskeh inon tomin tlen kiseliskeh, tlen tetomin tlaxtlawaskeh tlen altepetlakah tlalehkeh, wan okseki tomin tlen ahachi kinechikoskeh, inon

Altepeticah kitemos ikah tlen inewian itekih motominmalwis, noso tetomimpiani, wan tlalia ihkon:

a) Inon tetomin tlen tlaxtlawah altepetlakah tlalehkeh, wan okseki tomin tlen ipan okseki kitlani, wan tlen kualyotika kimatos inon Tlalnankotonalli, wan tlen okseki altepetlakah tlaxtlawaskeh tlen inaxka, kualtis powis weyi tlalli, okseki intlal kanin chantih, ihkuak kixelowah, ihkuak kimoaxkatiah, ihkuak kitepanoltiah, noso tla kualli kiyektlaliah inon tlen yeh yaxka wan okachi patiowa, noihi okachi tetlaxtlawas ompa Altepetahtolkan.

Altepetahtolkanyotin, noso achtoh kualli kimatiskeh nochtin okseki tekiwahkeh tlen ompa powih kualtis kimotlakewiskeh ma kimpalewi Tlalnankotonalli ma yeh kiseli kanah keski tlaxtlawilli tlen altepetlakah kichiwaskeh.

- b)** inon tominxelolistli tlen kichiwaskeh inon Weyi olocholkan tekiwahtominyotl tlen kinnotzah *participaciones federales* tlen kahki Weyi Altepeneanyotl wan kiwaltitlanis wan ahsitin inmak altepetekiwahtin tlen kahkateh Altepetahtolkan, wan ihkon xiwxiatle kimohtoltiskeh kanachi tomin kinekiskeh, inonkeh tlen tlanawatilixmachiloyantih tlen kinnotzah *Legislaturas de los Estados*.
- c)** Tlen kitetominselis kemin nepa se tlaxtlawalistli tlen oksemi kikuapiltiah yen tlen inon tlen tlatemaka wan san kitetlanetia.

Tlanawatiltin tlen weyi olocholkan powih tlen kinnotzah *Leyes Federales*, amo tlatenzakuiliskeh wan amo mokalakiskeh tlakeh inon tomintlaxtlawilli noso tominnechikolli kemin tlahtowah itech inon neskayotl a) wan e), wan ihkon amika san kipahpancholkuis inon wan tlen kipia tetlaxtlawiskeh tlakeh ihkon powi. Inon Tlanawatiltin tlen tenawatiah Tlalnankotonalyoh tlen kinnotzah *Leyes Estatales* tlen kipia kinchiwaltis ma tlaxtlawakan intlalwan, tlen intekih, kanin tekintih, amo ikah san ihkon yeski, san motomintihtos. San kualtis amo tetlaxtlawaskeh inonkeh kaltin tlen kateh altepetekitlan, noso tekititlan, tektiloyan tlen inaxkawan tlen powih kateh imak Tlalnankotonaltin tlen kinnotzah *Estados*, noso Weyi olocholkan tlen kitokayotiah *federación*,

Altepetylatohkantih tlen kinnotzah *Municipios*, kualtis kintlaxtlawaltiskeh yen tlakeh ompa mokalotihokeh wan amo tetlakewalwan, noso amo ompa tepalewianih.

Altepetylatohkanyotin, tlen kinnotzah *Municipios*, innewian kihtoskeh wan kinixpantiskeh tlanawatilixmachiloyantin tlen kinnotzah *Legislaturas de los Estados* inon tlen kanachi kitetlaxtlawaltiskeh nochi akin mokalchiwis, motlalkowis, motlalxelilis, tlen tomin kech ipati intlalwan, wan inon tlaxtlawilli tlen kichiwaskeh altepetlakah itech inon kinnotzah *Tablas de valores Unitarios*, wan ompa kiittaskeh ma amo okachi kinchiwaltiskeh wan tetlaxtlawaltiskeh nochi altepatlakah tlen tekitih kanin tetlaxtlawaltianih.

Tlanawatilixmachiloyantin tlen kinnotzah *Legislaturas de los Estados*, yehwan inmak kahki tla kiihtoskeh kox kema noso amo kualli tlen kimoyehyekoltiah inon ma mochiwa tetomintlaxtlawilli tlen temaktiloytl, tetomin yaski tepixkaloyan tlen kimpiah ompa inonkeh Altepetylatohkanyotin, noihki, inon *Legislaturas*, tetominkuetlawiskeh, kinixpixtoskeh ma kualli kipiakan inon tetomin, wan amo ma kimotzinkixtilikan, noso amo ma kiixpolokan. wan kualtis kiittaskeh kanin okseki ika inon tetomimpixkalistli tlenon kitlaxtlawaskeh wan noihki kiittaskeh kanin okseki tetemimpixkaskeh.

Nochi inon tomimpixkalistli tlen inmak ahsí Altepetylatohkanyotin tlen tlanawatia ompa Altepetylatohkanyotin, intechpowi kihtoskeh akin ipan kistos tetomimpixkapiani, wan tlen Tlanawatilli Kimoihtoltis mochiwas inon tekitil;

V. Altepetylatohkanyotih kimoihtoltiskeh, noso achtoh kinteixpantiskeh inixpan inon Tlanawatilixmachiloyantin tlen kinnotzah *Legislaturas de los Estados*, Tlanawatillit tlen weyi olocholkan powih tlen kinnotzah *Leyes Federales*, wan inkon kema kualtis:

a) Kinchiwaskeh, kinyeksekiskeh wan kinyekxeloskeh, tlayekneskayotiskeh nochi inon tlen powi itlalwan inon Altepetylatohkanyotin wan ompa tlamanawiliskeh, wan noihki kimpiaskeh okseki tlayehyekoltin tlan ika okachi kualli tlekuallnextiskeh;

- b) Yetos tekitilistli, yehyekolistli. Kinchiwaskeh wan kinmanawiskeh tlen tlalli tlakualkan, noso kinyekiittaskeh;
- c) Yetos tekichiwalistli, tekiyehyekolistli, wan ika inon mochiwas tekiyektlalilistli nochi tetlalpan, tetlalan, yetos tlakulanextilistli, inon kualli tekitl mokitzkiltis ipan inon weyi tekichiwalli, noihki nowiankan yetos tenextilistli tlen inewian kichiwas Altepetylaltohkan;
- d) Mochiwas Teyeknawatilistli, yekittalistli, noihki se kualli tlahpialistli itech nochi altepetlalli, welika monehnekiskeh ma mochiwakan kualli tlachiwaltin, motlachialtiskeh ma amo tetlalan kahkalakiskeh, tla itlah sen tekitl mochiwas tetlalan inon amo itekih;
- e) Mokalakis, motekimakas, wan monemitis ma kualli yeto tlalpialistli (tlalli) nochi ma yeto tlakualkan, ma nochi altepetlakah kualli yetokan tlalamayehkeh;
- f) Nochi altepetlakah, tlalia kimonekiltiskeh, tla kaltepamitl chiwaskeh, nochi kalchiwalistli, noso okseki tlachiwalli intlalpan, inon tekawilistli, ixkoamatl ihkuilitos kipiaskeh tekowahkeh;
- g) Tewan motekiltis, mokalakis wan monemitis, tetlalkuahtokalistli mochiwas, inon neskayotilistli tetlalnamikan, wan ipan amatl machiohtos nochi inon tekichiwalli;
- h) Tewan tekichiwalismakas, monemitis wan mokalakis, ma kualli yeknemikan kalnenkalniltin tlen kinnotzah transporte *público*, tlen tewalikanih wan tewikanih nikan nepa, amo texihxikolismakakan, noso impanpatika amo ma yeto tekualankamakalistli.
- i) Kualtis tewantlapowalistli noso sapantlapowalistli wan ma mochiwa tlamanawilistli, wan ihkon welitis tetlalkuitlawis, noso kitlaltlahpialis tlen weyi Tlahtoani itechpowi tlen weyi tlalnannamikoyantli kinotzah *Zona Federal*.

Tla ihkon motlanekiltis, wan mochiwas nochi inon tlanawatilli kemin machiohtok ipan Tlanawatiltzintli 27, tlen ihkuilitok itech inin Weyi Tlanawatilli, kualtis mochiwaskeh okseki Tlanawatiltin tlen okseki tlahtoltin tlen moikxitokaskeh tla okseki tlamanawilistli monehnekiskeh;

VI. Ihkuak ome noso eyi weyaltepemeh sawel niman motlalnamikih, wan nowiankan techanyoh, wan noso tlakeh ahachi powih ok sehsen, noso tlatlamantli Tlanankotonalli, wan sawel noso ihkon okachi momiekiihliah altepetlakah wan techanyoh noihki, inon Weyi olocholkan tlen kinotzah *Federación*, Tlanankotonaltin tlen kinnotzah *Estados* wan Altepetylatohantih tlen kinnotzah *Municipios*, inonkeh, nochtin san sen tlamanawilistli kimotekitiskeh, san sekkan tekitiskeh,

wan amo ikah okachi tlanawatis, noso moyolamachtiskeh wan nochi tekitl ipan mokitzkihtos itech Weyi Tlanawatilli wan melahkayopan ompa kitenextilia.

VII. Inon Tepantlahpiani tlen kinotzah *policía*, kiweltlakamatis itlanawatil tlen kiihtos inon Altepeticiwah, tlen kinotzah *Presidente Municipal*, tlen machiohtok itech tepantlahpialistli Tlanawatilli, tlen kinotzah *Seguridad Pública del Estado*. Inon Tepantlahpiani, noihki kipias se tlakamatilistli inawak inon Tlahtoani tlen tlanawatia Tlalnankotonalli tlen kinotzah *Gobernador*, tlakeh kimotilia onka chikawak wan owih tekitl, noso ixkiskayotl onkah.

Weyi tlahtoani tlen powi itechtlalnантli itokahkan México tlen kinotzah *Presidente de la República Mexicana*, imak yetos nochtin tepantlahpianimeh nowiyankan.

VIII. Inon Tlanawatiltin tlen poweh itech nochtin Tlalnankotonaltin, ompa machiohtos kenamin yetos tekitekiwahxelolistli, tlen kinotzah *Representación Proporcional* itech nochtin Altepeticiwahloyantih.

Ihkon kemin neskayotitok itech inon Tlanawatiltzintli 123, tlen machiohtok itech Weyi Tlanawatilli, wan kanin neskayotitok kenamin tekitiskeh nochtin tepalewianih, noso tlakewaltin wan kisepanmatiskeh inon tlanawatilixmachiloyantih tlen kinnotzah *Legislaturas de los Estados*, wan Altepeticiwahkapantih tlen kinnotzah *Municipios*.

IX. Okipohpolohkeh.

X. Okipohpolohkeh.

Tlanawatiltzintli (Art. 116). Inon chikawak tlanawatilli tlen powi itech Tlalnankotonaltin, exkan moxehxelos, sen itoka Chikawak tetlanawatilli tlen kinotzah *Ejecutivo*, okse tlanawatilchiwaloyan, tlen kinotzah *Legislativo* wan owihkayopohpolohkan tlen kinotzah *Judicial*, wan sen Tlahtoani noso tekiwah amo kualtis imak yetoskeh kana ome tlen noso eyi chikawak tlanawatilyotl tlen achtok omotenehkeh, wan inon kanin tlanawatilchiwah amo san se Tlahtoani imak amo ihkon powi yetos.

Nochi itlanawatil tlen Chikawak Tlanawatilyotl noihki mochiwas wan moikxitokas itech nochi inon Tlalnankotonaltin, ihkon intlanawatil inon Weyi Tlanawatilli, wan ahachi mochiwas kemin inin okseki kateh tzikiotlanawatiltzitzinteh:

I. Tlahtoanimeh tlen tlanawatiah itech Tlalnankotonaltin, tlen kinnotzah *Gobernadores de los Estados*, san powi tlanawatihtoskeh san chikoasen xiwitk, amo okseki kawitl.

Ihkuak yetos tekiwahpehpenalistli wan sen altepetlakatl tlatlanis ma ipan kisto Tlahtoani tlen tlanawatis Tlalnankotonalli, noso tlen tekitiskeh tlanawatilixmachiloyan tlen kinnotzah *Legislatura Local*, nochi kualli yekchitos inon tekiyotl wan mokitzkihtos itech tlanawatilli tlen kitekimelawa tlakapehpenalistli, noso Tlanawatilpehpenalli tlen kinnotzah *Ley Electoral*.

Tlahtoanimeh tlen tlanawatiah itech Tlalnankotonaltin, tlen kinnotzah *Gobernadores de los Estados*, tlakeh omopehpenkeh ihkuak ihkon opowik tonalli, noso san totokawik, noso okse tlamantli, inon altepetlakatl ayakmo oksemi kualtis oksemi tekritis, noso tlalia kinekis ompa yeski kemin tlakewalli, noso amo tepatka ompa okseki tekritis, amo ihkon powi.

Tla sen Tlahtoani kitlamitia itekinawatilyo wan san niman oksemi kipewaltis okseki kawitl, tlalia oksemi kineki imak yetos tekinawatilyotl, amo kualli yetos inon tlayehyekolli, noso amo kualtis inon:

- a) Tlahtoani tla tepatka okalak tlanawatia, noso maski ma kipia okse tekichiwalistli itech inon kawitl, noso maski okse tlamantli oyetoskia itekih;
- b) Tlahtoani tlen sa kanah keski kawitl noso kana ome xiwitl inawak itlamiankan inon tekinawatilyotl, noso altepetlakatl, tlakeh ompa yotekitik itech inon tlanawatilli tlen powi Tlalnankotonalli, welika amo kualtis mokalakis ma kipehpenakan, satepan koxamo kualtis, noso san niman amo powis.

Se altepetlakatl kualtis mokalakis yetos Tlahtoani tlen tlanawatis Tlalnankotonalli, noso tlen kinnotzah *Gobernador Constitucional*, tlalia omotlakatiltih ipan inin weyi Altepenanyotl wan oneski

ipan Tlalnankotonalli, ompa powi noso tlakeh ihkuak poliwi kanah makuili xiwitl ihkuak mokalakis kinekis yetos Tlakapehpenalistli, noihki moneki kipias iyolilis, sempoalli wan mahtlaktli xiwitl noso kema kualtis kiompias achitzin tlakeh inkon kipia machiohtok ipan Weyi Tlanawatilli tlen Tlalnankotokalli powih, kinnotzah *Constitución Política de la Entidad Federativa*.

II. Sen Tlalnankotonalli amo kualtis kipias miekeh Tlanawatilchiwanih, tlakeh inon altepetlakameh amo kateh tlahko xikipilli, noso amo panowah inon achi, kimpas chikoasen Tlanawatilchiwanih, tlakeh panowa inon tlahkoxikipilli altepetlakah, yetoskeh chiknawi Tlanawatilchiwanih, tlalia panowah inon altepetlakameh tlen poweh itech sen Tlalnankotonalli okachi sen xikipilli kualtis kimpas mahtlaktli wan se Tlanawatilchiwanih.

Inon Tlanawatilchiwanih tlen tekitiskeh wan tlanawatilchiwaskeh ompa Tlanawatilixmachiloyantih tlen kinnotzah *Legislaturas de los Estados*, inonkeh, amo kualtis oksemi mokalakiskeh ma kimpehpenakan wan okseki ompa mokawaskeh tlanawatilchihtoskeh. Inonkeh tlen san tepatka omokalakihkeh wan amo otekitekeh, inonkeh kema kualtis mokalakiskeh ma kimpehpenakan noso tlake tlaleyekapan yaskeh, tlalia inonkeh Tlanawatilchiwanih tlen otekitekeh wan kinehnekiskeh tepatka mokalakiskeh, amo kualtis inon tleyehekolli kichiwaskeh, noso amo kichiwas tepatka yetoskeh.

Tlanawatilixmachiloyantih tlen powih itech Tlalnankotonaltin tlen kinnotzah *legislaturas de los Estados*, ompa kimpaskeh itech intlalnakotonalwan se kualli tlatzintokalistli, inon yeh, kualli mokitzkihtos itech noch i Tlanawatiltzitzinteh tlen ompa kintokah wan ika moyeknawatiah, tlachiaskeh, amameh kinnemiliskeh wan san yehwan monawatiskeh. Inon Olocholli tlen itech itekih kichiwas se kualli tlatzintolkalistli, noihki kualli tlaleyektekitis, itech yetos kualli tekiyekchiwastli, tlanawatilyotl, amo itlah chichikoittalistli kipias, kualli tlakatilyotl motokatias.

Inon altepetlakatl tlen tlaleyekatos itech olocholli Tlatzintokalistli, kualtis kipehpenaskeh tlanawatilchiwaskeh ompa Tlanawatilixmachiloyantih tlen kinnotzah *Legislaturas de los Estados*, wan tlakeh tlen exkan omoxelohkeh inon olocholli Tlanawatilchiwaniwan, wan noso ome inon tlakotonalli omotlahtoltihkeh ma sen altepetlakatl yeh ma tlaleykanto, wan ihkon chikome xiwitl

tlayekantos, itech inon olocholli Tlatzintokalistli, ihkon monekis akin tlayekantos ma kipia wehkawiltekitl kanah makuili xiwitl, kualli tlaixmah itetkih kipias, kiixmatis kichiwas kualli Tlazintokalistli wan melahkayopan tekitl.

III. Tlen chikawak Tlanawatilyotl wan itechpowi Owihkayopohpolohkan, tlen kinotzah *Poder Judicial*, inon tlanawatilli inmak mochiwas kemin neskayotitok itech inonkeh Weyi Tlanawatiltzitzinteh tlen poweh Tlalnankotonaltin.

Weyi Tlanawatilli tlen Tlalnankotonalli powih, kinnotzah *Constitución Política de la Entidad Federativa*, wan okseki Wehweli Tlanawatiltin melahkayopan tekitl tlen kinotzah *Leyes Orgánicas de los Estados*, ompa itech mokitziskeh inon Tlakaolocholtin tlen Tlanawatiltekiyekananih tlen kinnotzah *Magistrados* wan tlen wehweli tekiwahtin tlen Tetlahyowilmakanih kinotzah *Jueces*, wan noihki inonkeh Tlanawatiltzitzinteh itech mokitziskeh tlakeh inon tekipalewihkeh kinekiskeh tetlakewaltin yetoskeh, wan kiittaskeh kenamin kalakiskeh, kenamin momachtiskeh wan ixtlamachilahsiskeh, wan ompa tepalewiskeh noso tekitiskeh itech Owihkayopohpolohkan kateh Tlalanakotonaltin, tlen kinotzah *Poderes Judiciales de los Estados*.

Tlakaolocholtin tlen Tlanawatiltekiyekananih tlen kinnotzah *Magistrados* wan tekiwahtin tlen Owihkayopohpolohkan kateh Altepeman noso *Poderes Judiciales Locales* tlen amo poweh Tlalnankotonalli, welika monekis kipiaskeh inon tlatlamantli tlen kitewa itech ineskayo inon Tlanawatiltzintli 95, tlen itlahkuilokotanalwan I, II, III, IV wan V, tlen machihtok itech inin Weyi Tlanawatilli. Amo kualtis tekitiskeh inonkeh achitzin tekiwantin tlen achtoh otepalewihkeh wan tlalia oyetok kemin tlahuilowani, wan noso tlakeh ompa tetlakewalli opanok itekih kemeh melahkayehyekowani *Procurador de Justicia*, noso Tlanawatilchiwani tlen kinotzah *Diputado*, wan tlakeh ok otepalewihtoya, wan ayamo sen xiwitl opanoka, inon amo kualtis san niman ompa tepaleewis.

Tlakaolocholtin tlen Tlanawatiltekiyekananih tlen kinnotzah *Magistrados* wan wehweli tekiwahtin tlen Tetlahyowilmakanih kinotzah *Jueces*, kualtis kintekimakaskeh inonkeh altepetlakah tlen kualli tekitianih, tlen kipiah kualli intlakatilyo, noso tlakeh yokimotlanihkeh ihkuak

melahkayopan tekitih, kualtis sawel inmapah tekitih, wan tlakeh kinixmattokeh inonkeh kualli kiyekchiwah noso tepalewiani intekih ompa kanin Owihkapohpolohkan.

Tlakaolocholtin tlen Tlanawatiltekiyekyananah tlen kinnotzah *Magistrados*, ihkuak tekititoskeh san kanachi kineskayotihtok inon Weyi Tlanawatilli tlen poweh Tlalnankotonalli, kualtis oksemi ompa tekitoskeh noso tla oksemi tepalewiskeh okintlakapehpenalismakakeh, san kualtis amo teixpan tekitoskeh, ihkon kemin tlanawatis wan kiteixpantilia inon Weyi Tlanawatilli tlen nochtin kintekimakani tlen tetlakewaltekiwahtin tlen tekitih wan tepalewiah tlen Tlalankotonalli itlakewalwan.

Tlakaolocholtin tlen Tlanawatiltekiyekyananah tlen kinnotzah *Magistrados* wan wehweyi tekiwahtin tlen Tetlahyowilmakanah, kiseliskeh sawel kualli tlaxtlawilli, wan amo kimatlamotlaskeh, wan inon intekitlaxtlawil amo kualtis kitzinkixtiliskeh tlalia ok tekipanohtok noso ayamo tlami itekimakalis.

VI. Nochi Tlanawatiltin, wan tlen okachi Tlalnankotonaltlanawatiltin tlen kinotzah *Leyes de los Estados*, tlen ika monawatiah inon Tlalnankotonaltin tlen kipiah wan motekipalewis ihkuak monekis mochiwas sen yekmakalistli ipan tekitl tekiwhapehpenalistli, kemin:

- a)** Ihkuak tekiwhapehpenalistli yetos wan ika motenextiskeh inonkeh Tlahtoanimeh tlen tlanawatiskeh tlalnankotonaltin, tlen tekitiskeh tlanawatilmachiloyantih tlen itoka *legislaturas locales*, tlen tlahtoanimeh Altepetyloltiankan tlanawatiskeh nochipa mochiwas ika tlanawatilpehpenalistli, wan inon tekitl tlen kipia yetos kualnestok, ixnestok, amo ma kipia teixpahpacholistli, inon tekitl welika mochiwas tla ihkon monehneki, ipan metztli *julio* tlen sen achtoh tonalli *domingo* powi. Tlalia seki Altepekotonaltin motekiwhapehpenaskeh wan amo inon tonalli wetzi noso kimoiknitia inon tlakapehpenalistli, amo ma motekipachokan, inon tlen achoh omoihtoh ininkeh amo itech ma motlachilikan.
- b)** Ipan inon, tekitl tlen mochiwa wan onkah tlakapehpenalistli, inonkeh tlen altepetlakah tlen tlayekantokeh ipan inon innemak tekitl, yehwan impankistok melahkayotl, kualneskayotl,

ixneskayotl, ixbayannawatilkayotl wan yekneskayotl, noso melahkayopan wan kualyotika ixnestok tekitl ma mochiwa impanpatika;

- c) Inonkeh olocholtekiwahkeh tlen impan chikawak kahki noch i inon tekiwahpehpenalistli wan inon okseki tekiwahtin tlen inmak kahki kinyektlaliskeh inon tlatlamantih tlen moowihtiliah inon tlakapehpenalistin tlen intechpoweh, san yehwan monawatiskeh intech inon tekitl wan kiittaskeh noch i inon tekipehpenalistli kualli ma kisa;
- d) Inon tlapehpenaltekitl tlen impan kistok inon tekiwahtin tlen ompa tlayekantokeh kanin tlahuilowanih kualtis moyehyekoskeh wan kitekawiliskeh ma inon Weyi Tlakaolocholli Tlanawatiikan impan powi Tlapehpenalistli tlen kinotzah Instituto *Federal Electoral* imak ma mochiwa inon tekiwahpehpenalistli tlen altepeyohkan powis mochiwasnekis;
- e) Tlakaolocholtin tlen sentetl intlayehyekol tlen kinotzah *partidos políticos*, san kualtis moyektemaskeh, moyekmanaskeh san ika altepetlakah, amo kualtis ompa kahkalakiskeh noso monetzakiskeh ompa itech inon tlakaolocholtin, noso tla noihki tlakaolocholtin tlen tekipanowanish, inon kualtiskiaya monetechoskeh tlalia ompa machiotokeh san sekkan. Noihki tlalia kimpiah inon intlakapehpenalwan tlen okinekiskiaya ma yehwan ma kimpehpenakan wan ma ahsikan ihkuak yetos tekiwahpehpenalistli, tlalia ihkon kinekiskeh kisepanchiwaskeh sen tekitl ihkon, welika monekis kiikxitokaskeh inon tlen ihkuilitok itech Tlanawatiltzintli 2, ixbayantli A, tlanawatilkotonalli III wan IV tlen kualli machiohtok wan neskayotitok itech inin Weyi Tlanawatilli;
- f) Inonkeh Tlanawatiianih tlen impan chikawak kahki noch i inon tekiwahpehpenalistli, san kualtis mopachoskeh inon tekiwahtin ihkuak kintekinotzah noso kintekimakah inon tlakaolocholtin tlen sentetl intlayehyekol, wan kualli machiohtos inon tekitl tlen kinnawatiskeh;
- g) Ma inon tlakaolocholtin tlen sentetl intlayehyekol tlen kinnotzah *partidos políticos* ma kualli tetominselikan, tlen altepetlakameh kualtis kinmakaskeh wan nochtin ixnestok makinxehxelilikan, wan ma ika ixnestok ompa tekitikan, noso ihkon monehnekis wan ihkuak tepankisaskeh kinyolewaskeh nochtin altepetlakah ma yakan ma tlaixpehpenati ihkuak ahsis tonalli tlen tekiwah pehpenalischiwaskeh. Tlalia sen tlakaolocholli tlen sentetl itlayehyekol ma wehka kipolo wan tla ihkon intlanawatil tekiwahkeh inon olocholli ma pohpoliwi, inmak kahki kiittaskeh kanin mokawaskeh noch i tlamatli tlen iaxka okatkah;
- h) Motemos kenamin inon tomin tlen kiseliskeh ma kualli ika tlakowan, ika tetlaxtlawikan, noso ika ma kualli tlen achtoh powi inon tekitl tlen moyehyekoskeh inon tlakapehpenalistli, wan

tlen itech melahkayopan mochiwas inon nemitilistli ihkuak tepankisah, teyolewah ma impan tlachiakan inon altepetlakah wan noihki ma kualli momattos kanachi tomin kimaktiliskeh inon okseki altepetlakah tlen san se intlayehyekol, inon kanachi tominselistli kichiwaskeh amo ma kipanawi inon kanachi tomin kimaktilia sen Tlahtoani tlen tlanawatia Altepetylakotonalli ihkuak mopehpena, wan inon tlen kanachi tomi san mahtlahtipan san inon ahsis tlen nochi tomin kiawiltia inon Tlahtoani tlen achtoh ihkon inon tomin ika moyehyekowa. Inon tlakaolocholtin tlen sentetl intlayehyekol, tlen kinnotzah *partidos políticos*, inon tomin tlen kinmactiliah moneki ika inon kualnestok wan ixnestok ma kitlamikan, wan tla amo ihkon mochiwas, monekis ma kintlahyowitilmakakan wan ma kitenextikan inon tlen kualli tlahtolli;

- i) Tlakaolocholtin tlen sentetl intlayehyekol, tlalia kinekiskeh, kualtis moteixpantiskeh ompa tlahtolxitiloni, ixtlakopinalxitiloni olinixkopinaloni, kemin ompa machiohtok itech kokoneh tlanawatiltin tlen neskayotitok itech tlanawatiltzintli 41, ixkoyanihkuilolili **ch**, tlen tlahuilolkotonalli **III**, tlen kitenextia inin Weyi Tlanawatilli.
- j) Ma kualli yetokan ihkuilitokeh inonkeh tlanawatiltin tlen kitenewah kenamin mochiwas inon tekitl tlen kinotzah *precampaña* wan *campañas electorales*, wan ihkon ma kintetlahyowilmakakan noso ma kintlaxtlawiltikan tla amo kintlakittah wan amo kinikxitokah. Ihkuak inon *campaña* kichiwas sen altepetlakatl noso kinekis yeski Tlahtoani tlen tlanawatis Tlalnankotonalli inon san kualtis monemitis san nahpoalli wan mahtlaktli tonalli, noso san eyi metztl, amo okachi, ihkuak moyehyekos sen Tlanawatilchiwani noso sen Altepetylakotonalli, inonkeh amo kualtis kipanawiskeh ome metztl noso expoalli tonalli.
- k) Ma motechiwaltikan seki tlamantli kanin ompa kualli moyektekitiskeh, kualnestika wan melahkayopan san se intlayehyekol kitemoskeh inon Weyi tlanawatihkan kanin kahki Weyi Tlanannawatihkan Tlakapehpenalistli *Instituto Federal Electoral* wan inon tlen tekitih wan tlanawatiah inon tlakapehpenalistli tlen kahkateh tlalnankotonalko, wan yetos se kualli tzintokalistli wan kualli impan sepan tlachiaskeh ipan tomin tlen kiseliah wan kitemakah inon Tlakaolocholtin tlen sentetl intlayehyekol, moikxitokas noihki tlen itech machiohtok tlen kahki itlamiankan inon Tlanawatiltzintli 41, itech itlahkuilolkotonali V, tlen kiteixpantilia itech inin Weyi Tlanawatilli.
- l) Ma motemo se kualli tekiyehyekolistli tlen ompa itech machihtos noso kitenextihtos kenamin amo kualli omochi sen tekitl ihkuak onkah tekiyahpehpanalistli, wan kualli ihkuilitos

kenamin mochiwas, tlen tekitl motzintokas wan kenamin ixnestok, kualnestok noso melahkayopan itechpowi yeski sen tekitl ihkuak onkah tekiwahpehpenalistli. Noihki ompa kualli neskayotitos noch i non tlahtoltin melawakeh noso tlanawatiltin tlen amo moyekapanawiskeh, amo motlalchikuiskeh, amo mopancholkuiskeh ihkual yetos sen tzintokalistli tlen ipan amatl machiohtos, noso tlen powis inmak i non tlanawatilchihkeh, wan tla powis kualli mopowaskeh i non amameh kanin altepetlakah okineskayotihkeh tlan yehwan impakilis okitekiwahtlalisnekiayah, wan machihtos koxkeh noch i non tekitl mochiwas noso san kanah keskan.

m) Ma kualli yeto noso ma mochiwa se ixtlamachilistli kanin ihtohtos tleka wan kenamin tlahtlamis sen tlakapehpenalistli ihkuak motemowa i non tlahtoani tlen tlanawatis tlalnankotonolli itoka *Gobernador*, tlanawatilchiwanih i non *diputados*, altepetlakatl tlen tlatlani itoka Tekiwh noso *Presidente Municipal*, Tekiyekixmelawani tlen kinotzah *Regidor*, okse Tekiyeknemilisittani tlen kinotzah *Síndico*, wan noihki ompa ma itech machiohto, tlen kawitl, noso keski tonalli temak panoskeh i non telwilistin wan san kan ma motenextikan i non akin tlatlanis itech i non tlakapehpenalistli, wan ixnestok mochihtias i non tekitl wan kualli mokitzkihtos itech se kualli tekitl tlen i non neltokilistli yekahsis i non tlakapehpenalistli, wan

n) Ma motzintokakan i non owihtilistin wan amo ma motetlaxtlawiltikan akin moowihkalakis itech i non tekitl kanin mochiwa tekiwahpehpenalistli, noihki i non tetlahyowistlaxtlawilli tlen yehwan ihkon kinmotlaliliskeh.

IV. Tlalnankotonaltlanawatiltin wan okseki tlanawatiltin tlen kinnotzah *Leyes de los Estados*, kualtis kinmanaskeh tlakaolocholtin, kanin motlahtoltiskeh noso moixkomakaskeh tlen itech noch i tlahuilolli yetos, wan inonkeh kualtis monawatiskeh wan kitemaktiskeh intlahtol, wan ihkon tlen kintekimakaskeh ihkuak itlah kualanilistli yetos iwan Weyi tlanawatihkan tlen powi Tekixelolistli tlen mochiwa Tlalnankotonalli tlen kinotzah *Administracion Pública Estatal* wan ahachi ixkoyantlakah, monekis ma kinchihtih teyektlanawatiltin wan ika mosentiliskeh, yetos yekchiwalistli, ixnestok tekichiwalistli wan kualli tepantlahtohtilistli;

V. I non sepantekitl tlen kichiwaskeh tepalewianih tlen poweh Tlalnankotonaltin tlen kipia kiikxitokatiaskeh noch i non tlanawatilli tlen kinextiah i non Tlanawatilixmachiloyantih tlen kinnotzah *Legislaturas de los Estados*, wan i non tlen ompa machiohtok itech Weyi Tlanawatilli tlen powi itechtlalnantli itokahkan México tlen kinotzah *Constitucion Politica de los Estados*

Unidos Mexicanos wan itzikuewal tlanawatiltzintli 123 wan nochi tlen ompa itech neskayotitok; wan

VI. Tlalnankotonaltin tlen kinnotzah *Estados*, wan inon weyi olocholkan tlen kitokayotiah *Federación*, kualtis sepantekichiwaskeh wan monawatiskeh, sepantekitiskeh wan kisepanittaskeh ma kualli mochiwakan tlen melahkayopan intekih wan kualnestok ipan tlachiaskeh nochi tlen tlamoneki, wan nochi okachi nowiankan ma tlakualnesi noso tla ihkon moneki.

Tlalnankotonaltin inmak kahki wan intechpowi tlalia ihkon kimonekihiyah inwan motekisepanchiwiliskeh inonkeh Altepetahtolkanyohtih tlen kinnotzah *Municipios* tlalia mokakiskeh wan san sekkan tekitiskeh kemin achtob wan ahkopa neskayotitok.

Tlanawatiltzintli (Art. 117). Nochtin Tlalnankotonaltin, amo kualtiskeh inixkoyan kichiwaskeh:

- I. Sepantilistli, sepanyehyekolistli noso weyi nechikolistli wan okse Tlalnankotonalli, noihki wan inonkeh Tetlalnantih tlen sawel tominyohkeh.
- II. Okipohpolohkeh.
- III. Tominchiwalistli, amatomin, wan okseki amatl tlen amo kualtis kinchiwas wan san itechpowi Weyi tlalnayotl kinchiwas.
- IV. Kitechiwaltis sen tlaxtlawilli ihkuak ikah panos itlapán noso tla itlah tlamanthi kinwikah wan noihki kimpanoltiah, noso yawih tlamacah, tlawikah, amo ikinon kualtis kintomintlahtlanilis.
- V. Amo itechpowi tetomintlahtlanilis ihkual ikah altepetlakatl kalakis noso panos itlapán, noihki ihkuak kisas, noso tlalia itlah tlamanli tlen powi itech inin Weyi altepenantli noso okse tetlalnantlamantli.
- VI. Wan kitechiwaltiskeh sen tlaxtlawilli ma kinmakakan wan tlalia inonkeh tlamanthi kualtis powiskeh Weyi altepenantli noso okse tetlalnantlamantli, noso ihkon welika kinehnekis ma tetlaxtlawi, inonkeh tlamanthi kualtis yokintlaxtlahkeh, noso san ihkon opanokeh tetlanamikkan wan ompa tlaxtlawiloyan kanin tominnechikowah noso ompa motlaxtlawah inonkeh tlamanthi tlen powi itech inin Weyi altepenantli noso okse tetlalnantlamantli, tlaxtlawiloyan tlen okseki tetlalnantlamantli yawi noso ahsikin tlalnayotl tlen ihkon kinotzah *aduana*, ompa, noso tla kinehnekis ma tenextilikan itlah amatl tlen inon tlamanli tlen ik ompa kitepanoltiah.

VII. Sen tlanawatilli kanin ihkuilitos sen, ome tlahtolli tlen kitechiwaltis ma itlah motlaxtlawa, noso ma yeto sen tominmakalistli wan ika ihkon tetomimpixkatoskeh noso tlalia inonkeh tlamantil powi itech inin Weyi altepenantli noso okse tetlalnантlamantli, tlalia san moyehyekowa kanachi ipati inon tlakilotl noso tekichiwalli wan san ipan inon kitetlahtlanis inon tlaxtlawilli, kualtis noihi tlalia seki tlamantih tlen sesekkan okinwalikakeh noso poweh.

VIII. Tewan noso ixxoyan monawatiskeh, wan tetomin kimotlanewiskeh inawak okseki tetlalnanteikiwahtin, inawak oksemi Tlakaolocholtin tetomintlanetianih wan noihi tetlalnampoweh, noso tlalia ika tetomin tlen oksetetlalnan powi noso oksekkan tlen amo nikan powi Weyi Tlalnantli.

Nochtin Tlalnankotonanaltin *Estados* wan Altepetahtolkanyohtih tlen kinnotzah *Municipios*, amo kualtis monewianwiskeh, noso san yehwan monawatiskeh wan san ihkon tetomin kimotlanewiskeh, noihi kualtis okseki Tlakaolocholtin tlen tlatekimakah wan oksemi Tlakaolocholtin tlen achitzin ixxoyan monawatiah san kualtis kualli ma mopachokan inawak tlanawatilixmachiloyan tlen kinnotzah *Legislatura* wan inawak mochikawaskeh tlalia ihkon kinehnekiskeh tekitiskeh wan ihkon kualtis kitenextiliskeh kanachi tomin kimotlanewiah se xiwitl wan kenamin kitekipanoltiah. Tlen ompa tlayekantokeh innemak wan intekih kiteixpantiskeh wan kitenextiskeh kenamin ika inon tetomin otekitekeh wan tlenon okichihkeh noso otlayektlalihkeh.

IX. Techiwaltiskeh noso teyolewaskeh wan kintlaxtlawaltiskeh nochtin inon tekowahkeh tlen intlalan kitokah pisietl, wan inonkeh tlakah tlen kisemana tlen kikowah ika miek wan inon san ok xiwitl, ayamo itlayekchiwalli wan tla ihkon ikah tekiyah kimonekiltis kinchiwaltis ma tlaxtlawakan okachi miek tlen nepa ahkopa Weyi tlakaolocholli kanin tlanawatilchiwah *Congreso de la Unión* ihkon tlanawatia.

Weyi tlakaolocholli kanin tlanawatilchiwah *Congreso de la Unión*, wan Tlanawatilixmachiloyantih tlen kinnotzah *Legislaturas de los Estados*, kinchiwasekeh Tlanawatiltin wan tlen ika kualtis ma tلامي inon kokolistli tlen sawel kintlankuitzationitia noso tlawanalistli ma tlahtlami.

Tlanawatiltzintli (Art. 118). Noihki amo kualtis san yehwan monawatiskeh wan kichiwaskeh sen tekiwahtekitl, inon imak powi Weyi tlakaolocholli kanin tlanawatilchiwah *Congreso de la Unión*, tla ihkon kimonekiltis wan kualtis kitekawilis, mochiwas, tlalia amo, amo kichiwas.

- I. Kitechiwaltis sen tlaxtlawilli ihkuak miek etik tlawika, noso sapanowa etik tlatomachiwa itlah tlamamalli tlen kinotzah *tonelaje*, tlen ipan etik ome tzontli wan mahtlaktli powali kiloh, noihki amo inewian kitechiwaltis sen tlaxtlawilli noso itlah okse tlamantli tlen ahsikin noso yawi weyi atempan akalmaniloyan *puerto* ompa tlaxtlawiloyan kanin tominnechikowah noso ompa motlaxtlawah inonkeh tlamantih tlen powi itech inin Weyi altepenantli noso okse tetlalnantlamantli, noihki ompa tlaxtlawiloyan tlen okseki tetlalnantlamantli yawi noso ahsikin tlalnayotl tlen kinotzah *aduana*.
- II. Amo kualtis itlalpan kimpas yaoyotlakah wan ompa satekitl wehkikawaskeh, noihki amo inewian itlalpan kintlatihtos noso kimpas inonkeh yaokalnenkaltih tlen kinnotzah *bueques de guerra* tlen kinnehneki inon yaoyotlakah.
- III. Amo teyaoyononotzaskeh wan amo teyaoyonankiliskeh tlakeh sen weyi tetlalnantli kinwaltitlani Tetlalnanyaoyatlakah, wan tlalia noso yineli ikachikawak walewah inon Tetlalnanyaoyatlakah wan totlalpan kahkalaktiwitzeh welika inewian inon yaoyotlakah tlen nikan Weyi tlalnantli, kintzakulis, kinixnamikiskeh, amo itlah mochiaskeh. Tlakeh inon ihkon tlamocheva san niman kiixpantiliskeh inon Weyi tlahtoani tlen powi itechtlalnantli itokahkan México Presidente de la República Mexicana.

Tlanawatiltzintli (Art. 119). Wehweli wan chikawakeh olocholtin tlanawatilchiwaloyantih *Poderes de la Unión*, yewan intekih wan sawel intechpowi kinmalwis, noso kintlahpias nochtin Tlalnankotonaltin tlen itech poweh Tlalnantli, tlakeh ikah kinyaoyononotza noso kinyaoyowiteki. Wan tlakeh onkah se weyi owihtilisyaoatl noso chikawak kualanalistli nikan Tlalnantli, welika powi kinmalwis, noso kintlahpias, wan tlakeh kinyolewa inon Tlanawatilxmachiloyan tlen kinotzah *Legislatura del Estados* noso itlahtoani tlen ompa tlanawatia, noso inon kualanilisli ompa intech tlalnankotonalli powi wan amo mokakih.

Nochtin Tlalnankotonaltin iwan Weyi Tlalnanyolotl tlen kinotzah *Distrito Federal*, sawel intechpowi wan inon intekih, san niman kintemaktiskeh tla melahkayopan intlahtlakol, inon tlakah tlen okichihkeh itlah owhikayotl, tla moneki san niman kinkaltzakuaskeh, wan nochtin inon ijkiskeh tlen itlah amo kualli okichihkeh kox otlamiktihkeh, otlachtekkeh, wan noihi kinololoskeh, kinolochoskeh sansekkán nochtin inon tlamantih kinnetechoskeh koxtlachtekli noso okse tlamantli tlen kinahxiliah wan satepan inwan kintemaktiskeh, wan kualtis motemaktiskeh inmak inon Tlalnankotonalli tlen kintzintlatokilis wan kinekis ma kinixpantilikan. Nochi wan okseki inon tekitl mochiwas, mokuetlawis, tlen kipia mokalakiskeh inon tlen tlanawatiah itech melahkayehyekowaniloyan tlen kinnotzah *Procuradurías Generales de Justicia*, tlen kimattoskeh wan kiselihtoskeh inon tlahtolli ompa itech Tlalnankotokaltih. Noihi ika inon tekitl, Nochtin Tlalnankotonaltin wan Weyi Tlalnanyolotl tlen kinotzah *Distrito Federal*, kualtis san sepan tekitiskeh, mopalewiskeh inawak inon Weyi Tlahtoani tlen tlanawatilyohkan kahki, kinotzah *Gobierno Federal*, wan yeh inewian monawatis inawak inon tlen Weyi Melahkayehyekowaniloyan powi Weyi Tlalnanti tlen itoka *Procuraduría General de la República*.

Tla ikah tlakatl kimonekiihliah, noso ihkuak sen altepetlakatl okse tetlalnanteikiyah kimonochilia kiwikasneki tlen kinotzah *extradición*, itech okse Tetlalnankotlakotonalli tlen itoka *Estado extranjero*, inon tekitl kipia tlen kimatis wan kitekawalis tla ihkon monehneki san yen imak Chikawak tetlanawatiltia tlen kinotzah *Ejecutivo Federal* wan tewan nochi kimahmatis ompa owhikayopohpolohkan inon owhitekitl, wan satekitl mokitzkis inawak inin Weyi Tlanawatilli, itech inon separtlahtolistli tlen yikimahmatih okseki Tetlalnanti tlen kinnotzah *Tratados Internacionales*, tlen achtoh yimomatih wan oksemi Tlanawatiltin tlen itech chikawak kichiwaskeh wan amo impan yetos tlaksalistli. Ihkuak yetos sen tekitl ihkon, inon tekiyah Tetlahyowilmakani kinotzah *Juez*, tlakeh kihtos yetos sen tetlahyowilismakalistli wan monekis motetlaxtlawiltis, inon akin omoowihkayokalaki kualtis mokaltzakuas expoalli tonalli, amo okachi.

Tlanawatiltzintli (Art. 120). Nochtin inon Tlahtoanimeh tlen tlanawatiah itech Tlalnankotonaltin kimochiwaltiskeh kinteixpantiskeh nochtin Tlanawatiltin tlen ompa itech itlalnankotonol poweh, wan kitechiwaltiskeh ma momawisittakan wan ma kinikxitokakan nochtin Tlanawatiltin tlen kateh itech ini Weyi Tlalnanti.

Tlanawatiltzintli (Art. 121). Nochtin tlalnankotonaltih tlen poweh itech inin weyi Tlalnantli kimatiskeh wan kichiwaskeh nochi tekitl tlen nowiankan altepeyohkan ompa mochiwah, noihki kimatiskeh inon miek machiyotl tlen monehneki yetos wan neskayotitos, wan inon owihkayopohpolilistli tlen ahachi kimpipiah kualtis kinteixpantiskeh nowiankan. Weyi tlakaolocholli kanin tlanawatilchiwah tlen kinotzah *Congreso de la Unión*, ika itlanawatilyo kualtis kinteixpantis kox kanah keski kualtis motlamitiskeh noso pohpoliwiskeh inon tlen mochiwah nowiankan altepeyohkan, noihki inon machiyotl tlen tlaneskayotia wan okseki tlamantli tlen owihkayopohpolilistli kitemaka, wan kualtis moixitokaskeh tlen itlahtol wan itlanawatil itech ininkeh ihkuiloktonaltin:

- I. Sen Tlanawatilli, noso itlanawatilwan tlen iaxka sen Tlalnankotonalli, sen yeh itlapán kualtis ompa ika monawatis, amo kualtis okse tetlalnankotonalli ompa ika tlanawatis noso tetlahyowilismakas, ihkon, okse tetlalan maski nikán ma powi itech inin Weyi Tlalnantli amo kualtis noso kitechiwaltis ma moikxitokakan itlanawatilwan.
- II. Nochi tlamantli tlen teaxka, kaltin, noso tlalli, chantli wan okseki tlen teaxkayotl san kualtis kintetlanawatiltokaskeh noso kinpalewis inon Tlanawatilli kanin poweh.
- III. Sen tlahtlakoltlaxtlawalistli wan sen tetlahyowilistli, tlen sen altepetlakatl welitis kiselis itech okse tlalnankotonalli tlalia ihkon monekis, ihkuak inon ixkiskiskayotl tlen kitewikilia se altepetlakatl wehka oyahki, noso omochanihkuanih, wan tla ihkon iselti omopachoh, noso tla okikitzkihkeh, ihkon kualtis mochiwas kiselis melahkayopan inon tlanawatilyowilistli.
- IV. Itlayehyekol noso tlen kimoyehyekoltia inon sen altepetlakatl tlen kichiwa, tlen kipia, tlen kichiwa ika iyolilis kox monamiktia, mosiawatia, mosiwakawa, iknoti, nochi iamawan tlen itoka, nochi tlen itechpowi kemin se tlakatl nowian okseki tlalnankotonaltin ihkon kiseliskeh wan kualtis kimpias nochi tlen itechpowi.
- V. Nochi inon teamawan kanin kitennextia tlen ipan kistos sen altepetlakatl wan tlen kintemakah nochtin tekiwahkeh itech nochtin Tlalnankotonaltin, tlen itech monawatiah wan poweh itech intlanawatilwan tlen kipia tlen kiseliskeh itech nowiankan okseki tlalnankotonaltin.

Tlanawatiltzintli (Art. 122). Kualli omoyehyeko itech tlanawatiltzintli ompoalli wan nawi ipampa ken mochikawilis tlanawatikayotl tlen powi *Distrito Federal*, nochi intekiwakawan tlen inmak kahki *Poderes Federales, Ejecutivo, Legislativo iwan Judicial*, nochi omomachioti itech inin tlanawatiltzintli.

Motokayotiah altepetekiwakameh akinmeh kipiah tekiwakayotl itech *Distrito Federal, Asamblea Legislativa, Jefe de Gobierno del Distrito Federal iwan Tribunal Superior de Justicia*.

Asamblea Legislativa tlen powi *Distrito Federal* moyektlalia ika nochi *diputados* tlen tlapehpenaltin itech tekitl tekiwapehpenalistli, san melahkayopan machiotokeh itech se kalpolli, san ken tlanawatia inin Weyi Tlanawatilli iwan okse Tlanawatiltontli tlen kinehneki tekiwakayotl.

Jefe de Gobierno del Distrito Federal imak kahki tekiwakayotl *Ejecutivo* iwan okseki tekiwaxehxelolistli tlen monehneki itech nochi *entidad* iwan tlen kema moneki tlanawatihtos san se tlakatl noso siwatl tlen mopehpenallos melahkayopan iwan chipawak.

Tribunal Superior de Justicia iwan *Consejo de la Judicatura*, ika nochi okseki tekiwakayotl tlen tlanawatia *Estatuto de Gobierno*, melahkayopan kichiwaskeh intekitzin san kampa kinehnekih nochtin altepetlakameh tlen powih ompa *Distrito Federal*.

Nochi tekiwahxehxelolistli iwan okseki tekitl inmak kahki mochiwas intech *Poderes de la Unión* iwan okseki tekiwakameh tlen powih ompa *Distrito Federal* ipampa kenin kihtohtok inin tlanawatilli:

A. *Congreso de la Unión* imak kahki:

- I. Tlanawatiltlayehyekos ipampa nochi tlen powi Distrito Federal iwan amo mokalakis itech okseki tekiwakayotl tlen kipia Asamblea Legislativa.
- II. Kichiwas iwan kiteittitis Tlanawatilli tlen powi itech Gobierno del Distrito Federal.
- III. Tlanawatilchiwas ipampa nochi tetlawikilistli tlen kipa Distrito Federal.

- IV. Kichiwas iwan kixitinis tlanawatilli kampa melahkayopan iwan kualyotika ma mochiwa tekiwakayotl tlen powi itech Poderes de la Unión; iwan
- V. Nochi okseki tlanawatilistli tlen machiotok itech inin Weyi Tlanawatilli.

B. Imaktzin kahki Presidente de los Estados Unidos Mexicanos:

- I. Kintzimpewaltis seki tlanawatiltin iwan kitemaktis imak Congreso de la Unión iwan kampa tlahtohtos ipampa nochi tlen mochiwa itech Distrito Federal.
- II. Motetlahtlanis itech Senado ipampa akin tetlapatillos, tlalia keh moyankuilis Jefe de Gobierno del Distrito Federal.
- III. Itech nochi xiwitl kititlanis itech Congreso de la Unión, tlen achi tomin kualtis motewikilis tlalia motlaxtlawas tekitl tlen kichiwa Distrito Federal. Tlalia moneki, Gobierno del Distrito Federal melahkayopan motetlahtlanis inawak Presidente de la República ihkoni ken kiihtowa inin Weyi Tlanawatilli.
- IV. Kiyehyekos kenin mowellakas Weyi Tlanawatilli ompa kanin tlanawatilxelawah san ken tlanawatia Congreso de la Unión iwan Congreso del Distrito Federal; iwan
- V. Nochi okseki nahnatilistli tlen kahki itech inin Weyi Tlawatilli, Tlawatilli tlen powi Distrito Federal iwan okseki tlatlamantili tlanawatilli.

C. Gobierno del Distrito Federal itlanawatil mochikawilihtos ika inin tlayakanaltin.

SE TLAYAKANALLI.- Nochi tlen imak kahki Asamblea Legislativa:

- I. Diputados tlen powih Asamblea Legislativa eheyi xiwitl tlapehpenaloskeh ika tlapehpenallotl kemin nowiapan mochiwa, san teyolika iwan san toseltihtzin se kichiwas iwan san ken kahki itech Tlanawatilli, inon moneki yetos iwan ihkoni mochiwas tlapehpenallotl, kitemakas amatlaneltokalotl iwan kitekawilis ma se motilwi ihkuak moneki, ihkoni kihtohtok tlanawatiltzintli ompoalli wan se, expoalli iwan, nawpoalli wan kaxtolli wan nawi.
- II. Tla ikah kineki yetos diputado itech Asamblea noihki moneki motekitlahtlanis kemi se diputado federal. Nochi mochiwas itech Asamblea Legislativa iwan kiwelkakiskeh akinmeh ompa

kateh, nochí mowelkakis san ken kah intech tlanawatiltzitzinmeh ompoalli wan mahtlaktli wan se, ompoalli wan kaxtolli wan nawi, expoalli wan se, expoalli wan nawi iwan, expoalli wan kaxtolli wan ome, nawi tlakotontli.

III. *Partido político tlen iselti miak otlatlanki itech tekiwapehpenalistli noso kipia ompoalli wan mahtlaktli por ciento votación ompa *Distrito Federal*, ok kimakaske okseki *Diputados* tlen se kimillia de representación proporcional iwan ika inon melahkayopan kipiaskeh nochí tlanawatillotl.*

IV. *Itech se xiwitl monechikoskeh ome tonalli iwan ik inon moneki kualli kiyehyekos kekemanian, kenin moyekmanaskeh iwan tlen tekitl kichihtiaskeh itech intekiwahkayo. Okseki tenotzalistli kualtis mochiwas itech okseki tonalli tlalia ihkoni nochtin kinekih noso tla ihkoni kimonekiltia *Gobierno del Distrito Federal*.*

V. *Asamblea Legislativa*, san ken tlahtohtok Tlanawatilli, kiihtowa kipia inin keski tekitl:

- a)** Kitemachiltis itlanawatil, kititlanilis *Jefe de Gobierno del Distrito Federal* iwan yeh tlanawatis ma moamoxchiwa iwan moxitinis.
- b)** Tlayehyekos, melahkan motlapowis iwan kihtos kox kualli itech nochí xiwitl tlen achi tomin kalaki iwan tlen achi kisa ompa *Distrito Federal*, acho kualli momattos kenin monechikowa tomin iwan kenin monehneki.

Itech nechikoltominyotl, amo ma yeto miak tomintlawikilistli tlen *Congreso de la Unión* amo kitekawilia ma tomintlami *Distrito Federal*.

Nochí tlayehyekolistli tlen kiihtowa kenin mochiwa tominnechikolistli noso tominkisalistli semihkak imak kah *Gobierno del Distrito Federal*. Nochí inon tekitl motemaktia itlamian *30 de noviembre*, tla keh motekiwayankuilia *Jefe de Gobierno del Distrito Federal*, kualtis motixpantis tominnehnekilistli ne tonalli *20 de diciembre*.

Asamblea Legislativa kichiwas nochí xiwitl se tekitl kanin kihtos kenin monehnekis tomintzin iwan noihi konmaktilis *Jefe de Gobierno del Distrito Federal* iwan yeh konmachiotis itech itekio.

Monehnekis itech nochí tominpixkan tlen powih *Distrito Federal*, tlalia itlah amo inamikyo ken tla kah itech itekiwakayo, kualtis se tlatemos itech tlanawatiltzintli makuilpoalli wan kaxtolli, nawi tlakotontli iwan inciso c).

- c) Kitlatemolis tominpowallotl itech nochí xiwitl ipampatika se tlatzintokayotl tlen powi Asamblea Legislativa del *Distrito Federal*, no ihkoni san ken tlahtotok tlanawatiltzintli expoalli wan mahtlaktli wan nawi, nawi tlakotonyotl.

Tominpowallotl tlen yi oxiwtik motemaktis itech *Asamblea Legislativa* san ken pewa metztlí *junio* iwan amo ma pano mahtlaktli tonalli. Amo okachi panos tonalli motemaktis inin tlamatilistli noso okseki itlah tlamatli kanin mihtotok kenin mokawa tominnechikolistli noso tominxelilistli, kualtis okse tonalli motemaktis tlalia Tlahtoani tlen powi *Distrito Federal* kichiwas se amatl kanin kihtotos tleka ihkoni se mochiwa.

Tlayakantok tekiwa akin tlazintokah ompa itech *Distrito Federal* mopehpenallos ika panowa tlatlahkotipan teachkameh tlen kateh itech *Asamblea Legislativa*, amo kitekawiliskeh ma pano chikome xiwitl iwan ma kualli kimatto tlen kichiwas, kenin kichiwas se tlazintokalistli iwan nochipa ma yektekipanoto.

- d) Kixpehpenas akin tlatekpoyotis tla keh amo onka akin yetos *Jefe de Gobierno del Distrito Federal*.
- e) Kiixpantis seki tlanawatilli ipampa kenin moyektlalis tominnechikokan, tlen tektil moyehyekos, kenin mopowas iwan monechikos tomintzin ompa *Distrito Federal*, iwan akin tlazintoka kikawilis ma kipia tekiwakayotl iwan ma tekipano san ken tlanawatillo, iwan ma kiyyeko iselti yektekipanos, kenin tekitis iwan kipanos itlah owhkayotl. Ika tektil tomintlatzintokalistli moneki sasatepan mochihtias, itech nochí xiwitl, melahkayopan, amo techichikoittas iwan ma yeto tlalneltokallo.
- f) Kitixpantis seki tlanawatilli tlen melahkayopan kichiwas ompa *Distrito Federal* seki tekiwapehpenalistli chipawak iwan tlalneltokallo, nochtin tekiwapehpenkeh amo ikah ma kintlatzakuili, yehwan inselti ma tekiwapehpenakan; ma tlawelkakikan san ken tlanawatia

Estatuto de Gobierno, tlen kualli yi kihtotok itech noch i intlanawatil tlen machiotok itech inciso b) iwan tlamiti itech n) tlen kahki itech tlakotonyotl IV makuilpoalli wan kaxtolli wan se tlanawatiltzintli, iwan noch i tlah okseki tlahtoltzintli tlen kah itech *incisos* j) iwan m) ma kiwelkaki se *gobernador*, *diputados locales* iwan ayuntamientos iwan noihi ma kiwelkaki *Jefe de Gobierno, diputados* tlen powih *Asamblea Legislativa* iwan *Jefes Delegacionales*.

- g)** Tlanawatilchiwaskeh ipampa *Administración Pública local*, kenin iselti motlayehyekoltis iwan tlen tekitl kichihtias.
- h)** Tlanawatilchiwaskeh ipampa tlakanemilistli iwan akinmeh kateh telpiloyan noso ixkiskeh; tlanawatilchiwaskeh ma mochiwa tlakaittalistli, ma yeto tlapalewelistli, ma yetokan tepalewikeh, nochi ma machioto axkayotl iwan tlen tlanamakayotl.
- i)** Itech tlanawatilli kiihtoskeh ken yeski mawisol; ken mowikas yektekiwakayotl; tlen monehneki itech yeknemilistli tlen kitemaka ikah oksekimeh; kenin acho se moyehyekos iwan ken moyektlaliskeh tlakameh; ken yeski pakilisyotl iwan teipanittalistli; iwan ken moyekmattos nochi tlamantli.
- j)** Tlanawatilchiwaskeh itech nochi tekitl tlen moyehyekowa; ken moskaltia se altepetl iwan ken monehnekiskeh itlalwan; ken momalwis tlen nochi totlayawalpan onka; chanchiwalistli; okseki wehweyi tepankalchiwalistli; ohtlapolistli, kenin iwan kanin nemiskeh kochimeh; okseki tlakowalistli iwan tlachiwalistli; iwan kenin melahkayopan monehnekis nochi tlen kipia *Distrito Federal*.
- k)** Kiyekwikas kenin motetlanetis noso motemakas altepetlapalewelistli; tlanawatilchiwas ipampa teposnenkeh, tlen tlachipawah, tlen tlapaxialoltiah, tlen tekallotiah, tlen tlanamakah, kanin yoklamiktiah iwan nakanamakah, kan tetokah.
- l)** Tlanawatilnextiskeh ipampa kenin momiakilis tomintzin, ken momalwis tekitl, kenin mochikawilis miltekitl; kaltlanamayan; yoklamalwilistli; ilwichiwalistli; ken mochikawilis toltekayotl, tlakanemilistli iwan mawiltlistli; iwan nochi tlamachtilistli san ken tlahtotok chikome tlakotonyotl, eyi tlanawatiltzintli.
- m)** Kitixpantiskeh *Ley Orgánica de tribunales* tlen inmak kah tetlahtolpalewiskeh ompa *Distrito Federal*, kanin kinechikos nochi tlen moneki kichiwaskeh tlen altepetlapalewiah ompa.

- n) Kitixpantiskeh *Ley Orgánica del Tribunal de lo Contencioso Administrativo* tlen powi ompa *Distrito Federal*.
- ñ) Kiteittitis itlanawatiltlayehyekol noso itlah okseki tlamantli tlen monehneki ompa *Distrito Federal*, noihki inawak *Congreso de la Unión*; iwan
- o) Nochi okseki tlamantli tlen melahkan kiihtowa inin Tlanawatilli.

OME TLAYAKANALLI. Tlen powi itech Gobierno del Distrito Federal:

- I. Kichiwas itekiwickayo, tlen konxikos chikuasen xiwitl, motekiselis ipan makuilli tonalli metztli diciembre itech xiwitl ihkuak omochi tekiwapehpenalistli, tekiwaselilistli mochiwas san ken tlahtotok tlanawatilli tlen kiyakana tekiwapehpenalistli.

Akin kineki yetos *Jefe de Gobierno del Distrito Federal* moneki kitemaktis seki tlamantli tlen kihtotok *Estatuto de Gobierno*, moneki: yeski mexikatlakatl tlen nikán otlakatik akin kualyotika ma kipia inemilis iwan yi ma chantito kanah eyi xiwitl tla oneski itech *Distrito Federal* iwan ma chantito makuilli xiwitl tlalia oneski itech oksekan mexikatlalpan; ihkuak mochiwas tekiwapehpenalistli yi ma kipixto sempoalli wan mahtlaktli xiwitl, iwan tla ayimo konchiwa inon tekiwakayotl kualtis kichiwas. Chanyotl amo poliwi tlalia okseki tekitl kimaktia *Federación*.

Tlalia *Jefe de Gobierno del Distrito Federal* motzinkixtis, Senado kixpehpenas, san ken itlayehyekol *Presidente de la República*, okse tepatkayotl akin kontlamis tekiwakayotl. Tla wehkawitl onkisas, mokawas tekiwakapan akin kipixtok *Estatutos de Gobierno*. Tlalia yi ik semi yawi, motekikawa noso itlah okseki mochiwa, *Asamblea Legislativa* kixpehpenas okse tepatkatl tlen kitlamis tekiwakawalli. Itekitalamilis *Jefe de Gobierno del Distrito Federal* kualtis moselis tla itlah nexkuitilli omochi. Nochi kisalistli moyekwikas san ken tlatowa *Estatutos*.

- II. *Jefe de Gobierno del Distrito Federal* weyi tekiyo iwan tlanawatilyo:

- a) Kiwelkakis iwan kichiwas nochi tlanawatilli tlen mochiwa itech *Congreso de la Unión*, san ken itechpowi tlachiwas iwan nochi itlanawatikawan;

- b)** Kixinis, kitemachiltis iwan kichiwas tlen kahki itech tlanawatilli tlen kitemaktia *Asamblea Legislativa*, ihkoni kichiwas itech nochi itekiwakayo, mopalewis ika okseki tlanawatilli tlatlamantli. Noihki kixyehyekos nochi tlanawatilli tlen kiwaltitlanilia *Asamblea Legislativa* tlen moxinis iwan amo ma pano kana mahtlaktli tonalli. Tla tlanawatilyehyekolli kineltokah kana tlakameh diputados, *Jefe de Gobierno del Distrito Federal* yi kualtis kitemachiltis;
- c)** Kitemaktis okseki yehyekoltlanawatilli imak *Asamblea Legislativa*;
- d)** Kimixpehpenas iwan kualtis kintekikuilis itekiwakawan, inon tlapehpenkayotl iwan tekikuilistli amo machiotok itech weyi tlanawatilli noso intech okseki tlanawatilli;
- e)** Melahkayopan tlayakantos kampa moneki tlakapalewilestli san ken tlanawatia Tlanawatilli; iwan.
- f)** Kichiwas nochi okseki tlamantli tlen kinawatia inin Weyi tlanawatilli iwan okseki tlanawatilli tlen onka.

EYI TLAYAKANALLI. Ipampa kenin moyekwikas tekitl itech *Administración Pública* tlen powi itech *Distrito Federal*:

- I. Kualli kiyehyekos kenin moyektemakas tekitl itech tlatlamantli tekiwakayotl;
- II. Kiyekmanas tlatlamantli tekiwakayotl kanin motemaka itlanawatillo itech tlaxelolyotl *Distrito Federal*.

Noihki kualli kiyehyekos kenin kichiwas tekixelolyotl itech *Distrito Federal*, tlen tekitl kipiaskeh itech tlatlamantli tekiwakapan, kenin moyekwikas, kenin tekichiwaskeh, iwan kenin kualli moyekwikaskeh ika *Jefe de Gobierno del Distrito Federal*.

Nochtin tekiwakameh akinmeh tlayakantokeh moneki ik semihkak yeskeh tlapehpenallokeh san tlanawatitok tlanawatilli.

NAWI TLAYAKANALLI. Nochi tlen *Tribunal Superior de Justicia* iwan okseki tekiwakayotl tlen tlapelewiah intech powi:

I. Akin kineki yeski weyi tekiwa itech *Tribunal Superior* moneki kichiwas iwan tlatemaktis san ken okseki tekiwakameh tlen tlayakanah itech Suprema Corte de Justicia kintlatlahtlanilia inin Weyi tlanawatilli; noihki monekis, ma yeto kualli tlamachtillo noso kualli ma tekiwachiwa, tla teixmatillo ompa *Distrito Federal* okachi kualli. *Tribunal Superior de Justicia* moyektlalia ika seki tekiwakameh tlen kiihtowa tlanawatilli.

Tla keh se tekiwa tekikawallo itech *Tribunal Superior de Justicia, Jefe de Gobierno del Distrito Federal* kitemos se patkayotl iwan kitemachiltis imixko *Asamblea Legislativa*. Nochtin tekiwakameh kichiwaskeh intekiwakayo san tlantok chikuasen xiwitl iwan kualtis oksemi moyankuiliskeh tla *Asamblea Legislativa* ihkoni kineki; tla ihkoni mochiwa, kualtis noihki kintekikuiliskeh san ken tlahtowa inin Weyi Tlanawatilli itech *Título Cuarto*.

II. Tekixelolistli, tlamaalwlistli iwan welkakilistli tlen itechpowi *Tribunal Superior de Justicia* iwan okseki tlatlamantli tekiwakayotl, nochi yeski imak in *Consejo de la Judicatura del Distrito Federal*. *Consejo de la Judicatura* kimpias chikome tlanawatikameh, senmeh yeski *Presidente del Tribunal Superior de Justicia*, akin noihki kiyakantos *Consejo*. Oksekime yeskeh: se *Magistrado*, Se *Juez de Primera Instancia* iwan se *Juez de Paz*, nochtin san nelichtika tlapehpenalokeh; senmeh kixpehpenas *Jefe de Gobierno del Distrito Federal* iwan ok ome kimixpehpenas *Asamblea Legislativa*. Nochtin akinmeh yeskeh *Consejeros* moneki melahkan kipiaskeh imamawan tlen kintlahtlaniliah akinmeh kinekih yeski tekiwakeh iwan tlantok makuilli xiwitl konchiwaskeh inon tekitl; sesehsen kimpatlatiskeh iwan amo kualtis oksemi moyankuiliskeh.

Consejo kimpehpenas akinmeh yeskeh *Jueces de Primera Instancia* iwan akinmeh okseki itlah tekiwakayotl moyehyekowa itech *Distrito Federal*, nochi ihkoni mochiwa san ken kahki itech tlanawatilli.

III. Kualli moixyehyekos tlen tekitl kichiwas iwan kenin moyakanas *Consejo de la Judicatura*, nochi tekiwakayotl mochiwas ken kiihtowa Weyi Tlanawatilli itech makuiupoalli itlanawatiltzin.

IV. Melahkayopan moyehyekos tekitl san ken tlanawatilli kiihtotok iwan ihkoni mochiwaskeh iwan moyankuilitiaskeh nochtin tekiwakameh, noihki kenin moyekchiwas tepantlachialistli.

V. Tlalia *Consejo de la Judicatura* iwan okseki tekiwakeh amo kiyekchiwa intekio, nochi tenotzalistli iwan itlah tlahyowilistli machiotok itech Weyi Tlanawatilli itech makuilpowalli wan se itlanawatiltzin.

VI. *Consejo de la Judicatura* kimachiotis tlen achi tomin kinehnekiskeh *tribunales de justicia* iwan kimaktis *Jefe de Gobierno del Distrito Federal* iwan yeh kinepanos ika okseki tominkisalistli tlen kitemaktis ma kineltokakan itech *Asamblea Legislativa*.

MAKUILLI TLAYAKANALLI.- Yeski se *Tribunal de lo Contencioso Administrativo*, tlen ixkoyan tetlayehyekoltis tla onka itlah kualankayotl ika ikah iwan tekiwakeh tlen powih itech *Administración Pública local del Distrito Federal*.

Moyehyekos tlen tlanawatilli iwan tlen tekiyotl okachi monechikos, nochi inon noihki mochiwas melahkayopan.

D. Ministerio Público tlen powi *Distrito Federal* moyakanas ika se *Procurador General de Justicia*, akin yeski tlapehpenallo san ken machiotok itech *Estatuto de Gobierno*; inin tekimakalistli iwan okseki tlanawatilli tlen powi kiihtos tlen tekitl mochiwas, akin imak kahki tekiyotl iwan ken tlayakanallos.

E. Itech *Distrito Federal* mochiwas maski amo imak *Presidente de los Estados Unidos Mexicanos*, nochi tlen machiotok itech makuilpoalli wan kaxtolli tlanawatiltzintli itlakotonyo chikome. Tla moixpehpenas noso mopatlas se tekiwa tlen imak kahki kintlanawatis nochi yaotlakameh iwan okseki topilehkeh mochiwas san ken machiotok itech *Estatuto de Gobierno*.

F. Cámara de Senadores del Congreso de la Unión, noso tla moneki, yen *Comisión Permanente*, kualtis kitekikuilis in *Gobierno del Distrito Federal* tlalia yeh omowitili iwan amo kualli inwan moyekwika tekiwakeh tlen powih itech *Poderes de la Unión* noso oksekimeh tlen kateh itech *Distrito Federal*. Tlahtlanilistli mochiwas ihkuak tlahkotipan tlen tlanawatiah itech Cámara de Senadores noso *Comisión permanente* ihkoni okiyehyekokeh.

G. Moneki melahkayopan moyektlanawatiskeh nochtin tekiwakeh tlen powih itech tlatlamantli altepemeh iwan inintin ika *federación* iwan *Distrito Federal* ihkuak moyehyekowa iwan mochiwa itlah tekitl kanin motlalnamiktokeh ika *Distrito Federal*, mochiwas san ken tlamachiotok itech makuilpoalli wan kaxtolli tlanawatiltzintli, chikuasen tlakotonyotl, inon tlayehkolli kipia tlen kiittas ika chanchiwalistli; tlachipawalistli; nemilismalwlistli; tlawikalistli; chipawakatl iwan sokiatl; tlachpanalistli iwan tlahsolnechikolistli iwan tlakamalwlistli, nochi tlatlamantli intekiwakayo ma moyektlanawatikan iwan ma monenechikokan iwan sepaniankan ma mopalewikan san ken kinnawatiah.

Tlatlamantli nechikolistli kualtis mochiwas sepaniankan. Keman mochihtok tlatlamantli nechikolistli moyehyekotias kenin okachi se yektekipanos.

Itech inon miak tlatlamantli nechikolistli, kualtis moyehyekos:

- a)** Tlayakanalli tlen kiihtotos tlen temak kahki, tlen tekitl kichiwaskeh, nochi moyehyekos san ken tetech powi iwan amo se tlapnos ihkuak itlah motlayektlalia noso itlah weyi tekitl mochiwa, tla itlah tetlanetilistli noso tlanamakalistli mochiwa, nochi itlah kualttalistli moneki mochiwas kualyotika.
- b)** Tlayakanalli tlen kimelawas, kinyekwikas nochtin tlen monenechikowah, tlen tekitl kipiaskeh iwan nochi okseki tlatemaktilistli tlen monehnekis, keski tlakameh iwan tlen achi tomintzin monehnekis noihki momattos; iwan
- c)** Nochi itlah okseki tlanawatilistli tlen tlayakanas iwan tlamelawas ma mochiwa tekitl kanin monehneki, tetlatlanetilistli iwan okseki tekitl tlen moyehyekowa.

H. Itlah amo tekawilistli iwan tlatzakuillilli tlen kiihtotok inin Weyi Tlanawatilli ma mochiwa itech okseki *Estados* noihki kimoyakanaskeh tekiwakameh tlen powih *Distrito Federal*.

Chikuasen Tokaitl
Ipampa Tekitl iwan Tepantlachialistli

Tlanawatiltzintli (Art. 123). Nochi tlakatl kipia tlen kipias kualli tekitl iwan melahkayopan tlapalewi; ihkoni mochiwas, san moneki moyehyekos miak iwan tlatlamantli tekitl, ken kiihtowa tlanawatilli.

Congreso de la Unión, moneki kualyotika moyakanas iwan kichiwas seki tlanawatilli ipampa tekitl, nochi inon tlayakantos ihkuak:

- A. Ika nochi tlen miak tlatlamantli tekipanokeh iwan tlakewalmeh, nochi okseki miak tekitlakewalistli tlen onka, moneki:
 - I. Se tlakatl kichiwas itekiyo san kualli chikueyi *hora* motlantok.
 - II. Tlalia tekitl mochiwa yowalpan, moneki se tekipanos san chikome *hora*. Amo motekawilis ma mochiwa tekitl: kanin kokolistla noso amo tlakualkan, itech yowalpan tekitl amo kintekipanoltiskeh tlen ok kokonneh.
 - III. Melahkayopan amo motekawilia se kintekipanoltis tlen ok sapanowa piltonmeh. Akinmeh yi kipia kaxtolli noso kaxtolli wan se xiwitl, itech se tonalli kualtis tekipanoskeh san kana chikuasen *hora*.
 - IV. Tlalia ikah yi otekipano kana chikuasen tonalli yi kualtis mosewis se tonalli.
 - V. Ihkuak siwameh ostotitokeh amo kualtis kichiwaskeh itlah tekitl tlen chikawak iwan kualtis kinkohkokos noso kimihtlakos inkonetzin; melahkayopan mosewitoskeh ihkuak yi kimachiliah tlakonewiskeh, achto chikuasen semana iwan satepan ok chikuasen semana, maski mosewihtos noihi kiselihtos ahsitok itlaxtlawil iwan nion amo motekipolos noso kikuiliskeh itlah tlapalewilli. Ihkuak tlachichitihtos, itech se tonalli kipias ome mosewilistli tlatlahko *orahpan* kampa kualtis kinnekuitlawis inkonewan.
 - VI. Nochi tlaxtlawiltzintli tlen kiseliskeh tekipanokeh kualtis yeski ome tlamantli, tlen san miak tekitl kichiwha iwan tlen okimomachtikeh san se tekitl kichiwaskeh.

Nochi tlaxtlawiltzintli moneki teotitos iwan ihkoni ahxilis itech miak tlanehnekilistli, ma ahxili itech tlakowalistli iwan itech nochi nemilisyotl, ma ahxili piltonmeh intlamachtilis. Okseki tlaxtlawilistli

tlen kiseliah okseki tekipanokeh tlen okachi omomachtikeh moneki motemakas san ken mochiwa tekitl noso san ken tlanawatillo.

Nochi tlaxtlawiltzintli moyehyekos ika seki tlakanechikolli kanin yeskeh tekipanokeh intlayakankawan, tetekowan iwan tekiwakeh, inon tlakanechikolli kualtis mopalewis ika ikah oksekimeh iwan ihkoni kichiwaskeh okachi se kualli tekitl.

VII. Se tekitl motlaxtlawas san ken mochiwa, amo mottas kox se tlakatl noso se siwatl iwan amo se kiittas kanin se walewa.

VIII. Itech se tlaxtlawilli amo yeski itlah tekuililli, tzotzokayotl noso tzintlakixtililli.

IX. Nochtin tekipanokeh intechpowi kinmakaskeh sekitzin tlen okichikeh, nochi inon kualtis mochiwas san ken nikán tlamachiotok:

- a) Yeski se *Comisión Nacional* kampa yeske tekipanokeh intlayakankawan, tetekowan iwan tekiwakeh, nochtin yehwan kixyehyekoskeh tleno iwan kenin motlaxehxeliliskeh.
- b) *Comisión Nacional* tlatzintokas iwan kitemos tlen monehneki mochiwas iwan se kimatis ken kahki tomintlanilistli itech nochi altepeyo. Noihki kualli kixyehyekos tlen moneki se kichiwas itech altepenantli iwan miak tekitl yeski iwan amo tla sohtis tomintzin.
- c) Inon *Comisión* noihki kualtis kichiwas okseki tlayehyekolistli iwan okseki tlatzintokalistli tlen kitemos se kualli tlaxtlawalistli.
- d) Tlanawatilli noihki kiihtowa amo kualtis tetlaxeloltis se *empresa* tle yekin pewa tekipanowa, ihkoni mochiwas, tla itech tekitl tlen mochihtok ayimo itlah tlamantli motemaka.
- e) Ihkuak kinekih kimatiskeh tlen achi iwan kenin kixexeloskeh itlah tomintzin moneki motlayehyekoltiskeh tlen machiotok itech *Ley del Impuesto sobre la Renta*. Tekipanokeh iwan okseki tlakewaltin kualtis motilwiskeh itech *Oficina* tlen powi *Secretaría de Hacienda y Crédito Público* nochi itlah tlen amo kualyotika mochiwah, ma motilwikan san ken mihtowa itech tlanawatilli.
- f) Tekipanokeh iwan okseki tlakewalmeh intechpowi kitzintokaskeh itlah tominxelolli tlen kema amo moneki kipiaskeh itlah tekiwakayotl noso weyi tekitl kanin tepalewiah.

X. Nochi tlaxtlawilli moneki motemaktis ika tomin chipawak, amo motlaxtlawas ika tlamantli, ika amatomin noso ika itlah pitzoyotl tlen amitla ipan ipati.

XI. Ihkuak, kanin se tekipanowa noso se tepalewia onka miak tekitl iwan moneki ok tepitzin se tekipanos, moneki noihki ok tepitzin se kitlaxtlawiskeh. Tla ihkon kahki in tekitl, san eyi *horatipan* se tekipanos iwan itech se semana san eyitipan ihkoni se tlapalewis. Piltonmeh tlen ayimo kitlamiah kaxtolli wan se xiwitl amo kinkawiliskeh ma ihkoni tekipanokan.

XII. Nochi tlatlamantli *empresas* tlen kitemakah itlah tekitl, ken kiihtowa tlanawatilli, inmak kahki, kinmakaskeh intekipanokawan kalmeh kuahualli iwan chipawakeh. Inon tlanawatilistli mochiwas ika nochi tominnechikolistli tlen yeski ika empresas iwan sepaniankan momiakilis iwan kualtis mochiwaskeh miak kalmeh tlen kinmakatiaskeh intekipanokawan, noihki monechikos okseki tomintzin tlen kualtis monehnekis san kemanian.

Moitta sapanowa kualli tla mochiwas se tlanawatilli tlen kiyektlalis se nechikolli kanin yeskeh tekiwakeh de *Gobierno Federal*, tekipanokeh iwan tetekowan intepankiskawan, inon nechikolli kiyekxehxelotias tomin tlen ika mochihiwaskeh kaltzitzinmeh. Tlanawatilli kinyakanas nochtin tekipanokeh iwan yehwan kitlaxtlawaskeh iwan kimoaxkatiskeh se kalli.

Nochi tlen machiotok itech inin tlakotonyotl, noihki kiihtowa ma mochiwakan seki tlamachtiloyan, tlapahtiloyan iwan okseki itlah kualneskayotl tlen monehneki kanin chanchiwah tekipanokeh.

Noihki, tla itech se tekipanokapan ompa chantih kana mahtlakpoalli tlakameh, moneki motemos kana tlahko *hectárea* tlaltzintla kampa mochiwas se tlanamakoyan, mawiltian iwan itlah okseki kualneskayotl.

Itech nochi tekipanokapan amo motekawilia, monamakas itlah tlawankayotl noso mochiwas itlah awiltlistli tlen amo kualli.

XIII. Nochi empresas, san tlen tekitl kipiah iwan kitemakah, inmak kahki kimixtlamachtiskeh iwan semihkak kinmachtitoskeh intekipanokawan. Itech tlanawatilli mixyehyekotias tlen moneki kichiwaskeh tetekowan iwan tetlakekeh tlalia melahkan mokalakiskeh itech inin tekitl.

XIV. Nochtin tetekimakakeh inmak kahki tlapalewiskeh tla se tekipano mokohkowa noso kokoliskui itech tekitl tlen kichiwa; tetekowan noso tetlakekeh kipia tlen kitlaxtlawitoskeh intekipano kokoxki, san ken omotlapowikeh tla keh san nelihtika ixpoliwis noso itlah mochiwas iwan ayakamo kualtis tekipanos. Inin tepantlachialistli ihkoni mochiwas maski akin omotepantlahtolti.

XV. Se teteko imak kahki tepantlachias, ihkoni ken kahki tekipanotlan, kanin mihtowa yeski tlakualkan iwan tlachipawakan, iwan noihki amo se kimotekawilis ma itlah se mochiwas ika itlah tekipanoloni noso tlamantli tlen monehneki itech tekitl, ihkoni, tla nochi tlayektlalillo iwan tlakualkan, tekipanokeh ika pakilstli tekipanotoskeh iwan tla ompa tekipanowah siwameh noihki ma kinmawilkan tlalia ostitokeh. Itech tlanawatilli machiotok tlen monehneki;

XVI. In tekipanohkeh in tekimakakeh kipia tlen sepaniankan moyekwikaskeh iwan mopalewiskeh ma mochiwa se kualli tekitl, kualtis kichiwaskeh okseki nenechikolistli kampa okseki tlamantli kimoyehyekoltiskeh.

XVII. Itech tlanawatiltin kiihtowah imixko powi tekipanokeh iwan tetlakekeh, tlalia mochiwas tekiketzalistli iwan tekikeketzalistli.

XVIII. Se tekiketzalistli melahakayopan ipati ihkuak motemowa ma mochiwa se kualli tekitl, ma motlani miak tomintzin. Itech nochi altepetekipanokan, tla tekipanokeh kinekih motekitzaskeh, ipan mahtlatli tonaltika kipia tlen tlanawatiskeh inawak *Junta de Conciliación y Arbitraje*, ipampa kemanian ayakmo tekipanoskeh. Se tekiketzalistli moihtowa amo kualli ihkuak tlen motekiket Zah mowihtilia ika ikahmeh noso ika itlah teaxkayotl, noso tla onka yaoyotl mowihtiliah ika itlah tlekiwakayotl iaxka.

XIX. Tekikeketzalistli powi melahayopan tlalia miak tekipanolistli yi omochi iwan moneki se kipatiowaltis iwan kualtis monamakas, inon moneki tlen kimattos *Junta de Conciliación y Arbitraje*.

XX. Mopapatelistli noso itlah owikayotl onka itech tominkayotl ika tekitl, moyakanas iwan momelawas ika itlahtoltzin *Junta de Concialización y Arbitraje*, ompa noihki moixpantiske seki tekipanokeh iwan seki tlanawatihkeh intlayakankawan iwan tekiwakeh.

XXI. Tlalia akin tetekimakakeh amo kinekih kiwelkakiskeh tlen motzintoka noso kineltokah itlahtol *Junta*, tlami noch i tlakewalyotl iwan imak mokawa kintlaxtlawis nochtin tekipanokeh asitok eyi metztli, tlalia okseki itlah mochiwah noihi moneki motlaxtlawas. Inin tlanawatilistli amo mochiwas tla keh okse tlamantli panowa. Tla yen tekipano tlapolowa, ayakmo okachi kitekimakaskeh.

XXII. Tla se teteko kitekuilia itekipano iwan amo moneki tleka ihkon kichiwas noso neka tekipano oksekan motempalewia iwan melahkayopan kineki mopalewis ika tekiketzalistli, kualtis motekitlamiti iyolika noso kipia tlen kitlaxtlawiskeh asitok eyi metztli. Itech tlanawatill machiotos tla se teteko kualtis noso amo kualtis kitlaxtlawaltiskeh. Noihi itechpowi kitlaxtlawis itekipano asitok eyi metztli, tlalia yeh ayakmo kineki iwan tekipanos noso okiselilti itlah tlahyowilistli, noso inamik, itahwan, inkonewan noso ikniwan. Teteko amo kualtis kimokuilis inin tlanawatilistli, maski itlah tlahyowitilistli okichikeh ikahmeh tlen powih ompa ichanecawan.

XXIII. Itlah tomintlapalewilli noso itlah okseki tlaxtlawilli tlen intechpowi tekipanokeh, amo kualtis kinkuilis ikah okachi tlen amo powi.

XXIV. Tlalia tekipanokeh tetlawikihihiah inawak intekowan, akin inwan mokitzkitokeh, inchanekawan noso ikahmeh okachi, inon tetlawikihihiah yehwan tekipanokeh iwan amo kualtis se kintlaxtlawiltis tlen inchanekawan, nion amo kualtis se kintlaxtlawilkulilis tlen amo kitlanih itech se metztli.

XXV. Nochi tlen mochiwa ihkuak tekipanokeh motekitemowah, amo moneki tlaxtlawaskeh, inon san kan moneki.

Nochi tekimakalistli mochiwas san tlen achi tekitl onka, iwan nochtin tekitlahtlankeh amo kinchichikowiskeh, kualtis achto kintekimakaskeh akinmeh okachi tlanekuitlawia inkalihtik.

XXVI. Nochi tekitlakewalistli tlen mochiwa ika se mexikatl iwan se tekimakak tlen powi itech okse weyi altepetl, moneki mochiwas ixpan se altepetekiwa tlamatini iwan ixko *Cónsul de la Nación* kanin tekipano moneki yaski, itech se amatl moihiilos nochi tlamantli tlen moneki momattos iwan noch i tlaxtlawas akin tetlakewa.

XXVII. Itlah tekitlakewalistli amo yeski ipati iwan amo moneki mowellkakis, maski kualli ihkuilitok, ihkuak:

- a) Monawatis se tekipanolistli sapanowa tekoko iwan tetlahyowiti.
- b) Amo moyektlaxtlawa san ken tlanawatillo itech *Juntas de Conciliación y Arbitraje*.
- c) Monawatia se tekipano ma tekipano sapanowa miak.
- d) Tekitl motlaxtlawa kan amo tlakuulkan kemi awiltipan, tlakuayan noso tlawanayan, iwan tekipanokeh amo ompa tekipanovah.
- e) Tlatechiwaltiah ma se tlakowa san kan kinekih.
- f) Amo kitekawiliah ma motemaka tlaxtlawilli, tla se tetlawikilia.
- g) Keman tekipano ayakmo kineki kiselis tlaxtlawilli tlalia itlah omochi noso okokoliskuik, tlalia itlah amo okiyekchi noso ayakmo kitemakasnekih.
- h) Nochi itlah okseki tlanawatilistli kanin mihtowa tleka tlami tekitl iwan kenin motemos okseki tekipanokeh intlapalewilis.

XXVIII. Tlanawatiltin melahka kitowah tlen tlamanyotl itechpowi se senyelistli, tlamantli tlen amika kualtis kikuilis, amo kualtis se kitzintlakuilis noso se kitekixtilis, iwan kualtis motetliokolis akin itechpowi.

XXIX. Sapanowa nowian patio *Ley del Seguro Social*, iwan itech kualli machiotok tla ikah ayakmo kualtis tekipanos, wewetia, motekipolowa, kokoliskui iwan noso mokohkowa, konepialistli iwan itlah okseki tepantlachialistli noso tlapalewilistli tlen intechpowi miak tlatlamantli tekipanokeh, tlaltekipanokeh iwan okseki insenyeliswan.

XXX. Okseki tekitilistli noihki motlasohkamati kemin tlen kichiwah okseki tlakaolocholmeh ihkuak kualli tekalchiwiliah iwan amo patio kinnamakah.

XXXI. Inmak kahki tekiwakeh tlen powi itech *estados* ma mochiwa iwan mowellaki noch tlen machiotok intech tlanawatiltin, okseki weyi tlamanyotl inmak kahki wehwewyi tekiwakameh, yehwan intech powi:

- a) Tekitl tlen kisa itech *industrias* iwan okseki tlatemakalistli:
 1. Tzotzolli;
 2. Tlalwilyotl;

3. Tlen powi itech cine;
4. Olli;
5. Tzopelik;
6. Minatitlantekitl;
7. Tepostekitl iwan nochi okseki tekitl tlen mochiwa ika tepostli;
8. Hidrocarburos;
9. *Petroquímica*;
10. *Cementera*;
11. Tenextekitl;
12. *Automotriz* iwan okseki itlamanyo iwan tlawilyotl;
13. *Química*, tlanelolistli iwan pahchiwalistli;
14. Potzyotl iwan amatl;
15. Chiawakyotl tlatlamantli;
16. Tlakualli tlatlamantli, iwan tlen mochiwa iwan motzatzakua tlatlamantli.
17. Tlakonilli tlatlamantli, iwan tlen motzatzakua noso ihkoni monamakas.
18. *Ferrocarriles*;
19. Kuawtekipanolistli, inin tekitl noihki kitta kuawkixtilistli iwan itlah okseki kuawtlayektlalilistli;
20. Tepalkatekitl, itlachiwaliso tepalkatl patlaktik, petik, xochitik, tepalkakomimeh;
21. Pisietl itekiyo, nochi kampa mochiwa tlachichinalyotl; iwan
22. Nochi tomimpiayan iwan tomintlanetiyan.

b) *Empresas:*

1. Tlen motlanawatiah imixkoyan iwan tlen kinyakanah tekiwakameh;
2. Tlen san tepitzin kinkawiliah tekipanoskeh iwan inmak kinkawah okseki industrias; iwan
3. Tlen kichiwhah tekitl ompa tlalnan itlalpan noso ompa tlakitzkillo, tlen kichiwhah tekitl itech weyiatl noso kampa powi totlalnan.

Noihki inmak tekiwakameh kahki, ma mochiwa nochi tlen tekitl tlanawatillo iwan ma tlami itlah kualankayotl tlen kualtis yeski itech ome, eyi *Entidades Federativas*; ma welkakillo itlah senka

tlachiwalyotl tlen omoyehyeko itech se, ome, eyi *Entidad Federativa*; ken tlapalewiskeh tetekowan itech tlamachtilistli; iwan nochi tlen powi ipampatika ixtlamachilistli iwan ma yetokan moesotin itlakewalwan, ma yeto tlakualkan iwan tlachipawakan kan tekipanowah, ompa, tekiwakeh *federales* iwan estatales moneki tlen welika mopalewiskeh, ihkoni mochiwas san tlen tlamachiotok itech tlanawatiltin.

B. Tlen imaktzin powi *Poderes de la Unión, Gobierno del Distrito Federal* iwan itekipanokawan:

- I. Tla tekitl mochiwa tlahka, se tekipanos chikueyi *hora* iwan tla mochiwa yowak, se tekipanos san yen chikome *hora*. Akin okachi tekipanowa, okachi tlaxtlawillo yeski. Tla ikah ok tepitzin tekipanowa, san ok eyi *hora* kualtis onttekipanos, amo kualtis okachi tekipanollos;
- II. Itech chichikuasen tonalpan tekipanolistli moneki motlatzalankatias se tonalli mosewilistli, tlaxtlawiltzintli motemakas ahsitika;
- III. Nochtin tekipanokeh, itech se xiwitl kipiaskeh mosesewilistli kampa kualli konaxitiskeh sempoalli tonalli;
- IV. Tlaxtlawilli moyehyekos iwan motemaktis kualyotika iwan amo ayik nitemos; Se tlaxtlawilli amo motekawilis ma tzikitzi nion ompa *Distrito Federal* nion itech okseki *entidades*;
- V. Tlaxtlawilli momaktis san ken tekitl, amo yeski tlakaittalistli noso siwaittalistli;
- VI. Itlah tlaxtlawalli amo motemakas, motzintemowis noso itlah okseki motekuilis tlalia ihkoni tlamachiotok itech tlanawatiltin;
- VII. Tekipanokeh kintemoskeh ika se melawak tlapehpenalistli kampa kualtis moittas ixtlamatilistli iwan ma yeto imapan tekitl tlen kinekih. Tekiwakeh kitlaliskeh temachtiloyan *Administración Pública*;
- VIII. Nochtin tekipanokeh kipiaskeh se motlatlanilistli kanin kiittaskeh kenin motlasohtla iwan moyekitta innechikawalis. Okachi mochikawkawis akin san yetzin tlanekuitlawia ompa ichantzin;
- IX. Tekipanokeh kualtis kinkixtiskeh itech se tekitl tlalia ihkoni moneki iwan san ken tlamachiotok itech tlanawatilli;

Tla tekikuilistli omochi amo melahkan, tekipano kualtis mochikawkawis amo kitekuilikan noso ma kitlaxtlawikan, ihkoni ma kipalewikan. Tla kemanian ikah motekipolowa, tekipanokeh tlen ihkoni mochiwas kualtis oksemi kinmakaskeh intekitzin noso kipia tlen kinmakaskeh se weyi tlaxtlawilli;

X. Tekipanokeh intechpowi monenechikoskeh iwan sepaniankan mopalewiskeh: Noihki, kualtiskeh motekiketzaskeh tla melahkayopan kintlahtolpalewia tlanawatilli, san kanin monekis itech *Poderes Públicos*, ihkoni mochiwas tlan impan tlaksah iwan kiteipanittah.

XI. Nochi tepantlachialistli mochiwas san ken tlamachiotok itech tlanawatilli:

- a)** Motlaxtlawas ihkuak ikah omokohko noso omokoko; itlahtlakol kokolistli iwan ipampatika nanyotl; ipampa tekitlamilistli, sotlawalistli, wewetilistli iwan mikilistli.
- b)** Tla onka se owitilistli noso kokolistli, amo polillos tekitl.
- c)** Keman siwameh ostitokeh amo kualtis kichiwaskeh itlah tekitl kanin kualtis mowitiliskeh noso kualtis itlah mochiwas intlakayo noso inkonetzin; ihkuak momattok mihxikatis, se metztika acho mosewis iwan ompa ok ome metztika, itlaxtlawil, itekitzin iwan okseki tlapalewilli amo polewis. Itech se tonalli ometipan mosewis iwan tlachichitis iwan kintlamakas okseki ikonewan. Noihki, kipias siwapahtilistli iwan okseki pahtli tlen kichikawilis ma tlachichitito iwan kualtis noihki oksekan kikonepixtoskeh.
- d)** Tekipanokeh inchanekawan noihki kipiaskeh tlapahtilistli iwan itlah pahtli, san keman monekis iwan ken kiihtowa tlanawatilli.
- e)** Mochiwaskeh seki kalmeh noso kanin kualtis mosewiskeh iwan mochikawiliskeh tekipanokeh iwan okseki inchanekawan.
- f)** Kualtis kinmakaskeh tekipanokeh seki kalmeh tlen amo patiokeh, kintlanetiskeh noso kinnamakiltiskeh, san ken omoyehyeko. Noihki, tekiwakayotl san ken itechpowi, tlapalewisi ma mochiwa se tominolololistli tlen ika mochiwaskeh seki kaltzitzinmeh iwan yolik motlaxtlatiaskeh iwan san kanin melahkan kimoaxkatiskeh tekipanokeh, inon kalmeh yeskeh kuahuallli iwan chipawakeh.

Tominnechikolistli tlen mochiwas moneki momattos inawak tlayakankeh akinmeh intechpowi, nochi tominnechikolistli mochiwas iwan nehnekis kualyotika iwan melakayopan.

XII. Itlah owikayotl noso kualankayotl tlen yeski intech tekipanokeh, itech se nechikolistli noso intech intlayakankawan mixkopantis itech *Tribunal de Conciliación y Arbitraje* ihkoni ken motlanawatia.

Nochi owikayotl tlen mochiwa ika *Poder Judicial de la Federación* iwan itlapalewikawan melakan moyektlalis ika itlayehyekol *Consejo de la Judicatura Federal*; *tlalía Suprema Corte de Justicia* iwan itekipanokawan itlah kimotktiah, ihkoni yehwan kipia tlen motlahtolnotzaskeh.

XIII. Yaotlakameh, atlakameh, okseki tekipanokeh, tekiwakeh iwan tekipanokeh tlen powih *Ministerio Público*, ixtlamatkeh iwan okseki tlapalewikeh, yehwan moyakanaskeh ika intlanawatil. Tekiwakeh tlen powih *Ministerio Público*, okseki tlixmatkeh iwan tepantlachixkeh tlen powih itech *Federación, Distrito Federal, Estados* iwan *Municipios*, kualtis kinkuiliskeh intlanawatilyo iwan itekio tlalia amo tlawelkakih, noso noihki kualtis kimpatlaskeh tla amo yektlanawatiah. Tla tekiwa tlen itechpowi tetekikixtis, tepatlas noso kihtos melahkayopan ompa tlami tekitl, *Estado* imak kahki tlaxtlawas nochi tekitl tlen omochi iwan kitemaktis okseki tlapalewilli tlen itechpowi tekipano, nekan tekipano nohki ayakmo kualtis mokuapas tekipanos, ihkoni mochiwas maski motetlakewis ma kipalewikan.

Tekiwakeh akinmeh powih ompa tlahtoanipan *federal, estatal, Distrito Federal* iwan *municipal*, inmak kahki kichikawiliskeh tepantlachialistli tlen kinehneki tlakameh tlen tekipanowah itech *Ministerio Público* iwan nochi okseki inchanekawan.

Weyi tekiwakayotl kinmakas nochtin tekipanokeh tlen powih itech *Ejército, Fuerza Aérea* iwan *Armada*, ahsitok tlapalewilestli tlen machiotok itech f) tlakotonyotl XI tlen nikan powi, nochi tlapalewilli iwan kualnenyotl kmotemaktis san ken tlanawatillo.

XIII Bis. Kaltomintla iwan okseki tlanawatikapan tlen powih itech *Administración Pública Federal* tlen mokitzkitos ika okseki tomimpixkan motlanawatitoskeh ika intekipanokawan san ken mihtowanikan.

XIV. Itech tlanawatilli machiotos ipampa akinmeh tekipanowah san ken kiihtowa teteko. Inon tekipanokeh noihki kipiaskeh miak tlapalewelistli.

Chikome tokaitl
San miak Tlanahnawatilistli

Tlanawatiltzintli (Art. 124). Tlayehyekolli tlen amo kualli machiotok itech inin Weyi Tlanawatilli iwan powi itech tekiwakeh *federales*, moyekitta ompa tlen powi itech *estados*.

Tlanawatiltzintli (Art. 125). Nion akin kualtis kiwikas ome tekitl powallo *federal* iwan tekiwapehpenallo, noihki amo kualtis kiwikas se tekiwakayotl tlen powi itech *Federación* iwan okse tlen powi itech *Estado* iwan noihki pehpenallotin; tlen kema kualtis se kionixpehpenas katlie se konwikas.

Tlanawatiltzintli (Art. 126). Amo kualtis motemakas itlah tlaxtlawilli tlen amo kahki itech Presupuesto noso amo machiotok itech tlanawatilli.

Tlanawatiltzintli (Art. 127). *Presidente de la República, Ministros de la Suprema Corte de Justicia de la Nación, Diputados y Senadores al Congreso de la Unión, Representantes a la Asamblea del Distrito Federal* iwan ikseki altepetlapalewikeh kiseliskeh se kualli tlaxtlawilli tlen amo kualtis kikawaskeh ihkuak tlayakantokeh, tekipanotokeh noso tekiwakatih, inon tlaxtlawilli momattok noch ixtika itech *Presupuesto de Egresos de la Federación y del Distrito Federal* iwan itech okseki *Estados* ipampa kenin monehnekis, san ken moneki.

Tlanawatiltzintli (Art. 128). Nochi altepetlahtoani, kanin amo yeski chichikoittalistli, kipia tlen monehtoltis kualyotika ihkuak motekiselis iwan kineltokas ika noch i yolo Weyi tlanawatilli iwan okseki tlanawatiltzitzinmeh tlen ompa yolih.

Tlanawatiltzintli (Art. 129). Ihkuak amitla yaoyotl onka, amika tekiwa tlen monotza *militar* kualtis itlah kichiwas tlen amo itechpowi, mihtowa kualtis san momamachtihtos. Kiihtowa yeskeh *Comandancias Militares* ompa ixkoyampán, kampa wehwéyi kalpan iwan kampa tlatlatia *Gobierno de la Unión*; kampa yaotlakah mosesewiah, inkalpan noso kanin tlachiwah, noso kampa motekawilia motlahtlaliskeh.

Tlanawatiltzintli (Art. 130). Itech tlahtolyotl kualli momattok kenin omoxelo tekiwakayotl ika teoyotl, itech inin tlanawatiltzintli monahnawatia ken yeski yekwikallotl. Teopanyotl iwan okseki teoyonechikolli moyakanaskeh ika inin tlanawatiltzintli.

Semihkak imak kahki *Congreso de la Unión* tlanawatilchiwas ipampa teoneltokalistli, teopanyotl iwan okseki nechikolteoneltokakeh. Se tlanawatilli ixkoyankan omochi iwan tlayakana melahkayapan, ihkini kahki itlanawatil:

- a) Teopanmeh iwan okseki nechikolisteotlaneltokakeh kipiaskeh tlapalewilestli kemi teotlaneltokakeh ihkuak melahkayapan ihkoni machiotitokeh. Tlanawatilli kiyehyekos iwan kinyakantias inon tlatlamantli nechikolistli san ken motlanawatia.
- b) Tekiwakeh amo kalakiskeh kampa tlatlamantli nechikolteotlaneltolakeh kateh.
- c) In mexikah kualtis moteopixkatlaliskeh san kanin kinekih. Mexikah iwan oksekimeh tlen wehka witzeh, moneki melahkan tlawelkakiskeh.
- d) Ken tlahtotok tlanawatilli, teopixkameh amo kualtis tekiwakatiskeh. Kemi altepewan kualtis tekiwapehpenaskeh, yehwan amo kualtis tlapahpenaloskeh. Akinmeh yi wehkika okikakeh teopixkayotl, kualtis tlatekiwapehpenaloskeh.
- e) Teopixkameh amo sepanolloskeh itech tekiwatlayehyekotl noso mokalakiskeh ma kipalewikan kana motekiwatemo. Noihki amo kualtis itech nechikolistla, teoyotlahtolkan iwan nion

itech kana teotlahtolxitintlan, amo kualtis mochikawaskeh ixko tlalnan itlanawatil, nion amo ixko mosihsiniskeh noso kitlawelittaskeh tlalnantzintli ineskayo.

Melahkayopan amo motekawilia mochiwas itlah tlakanechikolistli kampa tokayotitos ika tlahtolli noso mochtakayakanas ika itlah teoneltokayotl. Itech teopantla amo kualtis mochiwas itlah nechikoltekiwakayotl.

Tla melahkan se tlahtowa iwan tla mochiwa tlen tetechpowi, mochiwa tlaneltokayotl, ika inon mowellaki tlen kiihtowa tlanawatilli.

Teopixkameh, inkohkolwan, inkonewan, imikniwan iwan innamikwan, noihki nochi tlen powi itech nechikolteotlaneltokayotl kanin yehwan powih, amo kualtis kintlamamaltiskeh noso itlah kinkatewiliskeh san ken yehwan otetlapalewikeh.

Nochi itla tlakanemilistli tlen mopia, kahki momalwitos inmak tekiwakameh san ken kahki itech tlanawatilli, ihkoni chikawak iwan ihkoni welkakillo.

Tekiwakeh *federales*, tlen powih itech *estados* iwan tlen powih itech municipios noctin inmak kahki tlawelkakiskeh kemin nikana mihtowa.

Tlanawatiltzintli (Art. 131). Melakan itechpowi *Federación* kineskayotis tlanamakatlamanli tlen ik oksekan witz noso tlen ik oksekan yawi, noso tlen panowa ik totlalnan, noihki motlanawatiltalis iwan semihkak motlatzakuilis, ihkoni kualyotika se yeski, nochi okseki tlamanli kualyotika kipias ohtokalistli itech mexikatlalnan; ompa, tlahtoanimeh tlen powih *Federación* amo kualtiskeh *Distrito Federal* kikuiliskeh altepetlaxtlawilli, ihkon mopowah itech tlanawatiltzintli 117, tlakotonyotl VI iwam VII.

Weyi tlahtoani kualtis kikawiliskeh itech *Congreso de la Unión* ma kitzintlehkolti, ma kitzintemowi noso ma kipolo itlah tlakpaktlaxtlawalistli tlen moneki itech tawalikalalistli iwan tlawikalalistli iwan kenin okseki mochieas; noihki ompa moitta tlen motekawilia ma pano noso amo, tlen kualli iwan

tlen amo kualli, ihkoni moyekchiwa tlanamakalistli, mopalewia tomintzin, mochiwa se kualli tekipanolistli tlen kipalewia tlalnantli. Inewian weyi tlahtoani kontitlanilia Congreso tlen achi tomintzin moselis iwan tlen achi monehnekis, sepaniankan motlayehyekoltiah ipampa inon tekitl.

Tlanawatiltzintli (Art. 132). Wehweli kalmeh, yaokalmeh, kaltlachiwalmeh iwan okseki ixkoyanyotl tlen kipia *Gobierno de la Unión* iwan ika tlapalewiah noso kinehneki, imak tlahpixtollo *Poderes Federales* san ken kihtonwa tlanawatilli tlen kichiwa *Congreso de la Unión*; nochi okseki tlamanaxkayotl tlen mahsis itech okseki estados, moneki noihi yeski tlamatillo.

Tlanawatiltzintli (Art. 133). Inin Weyi Tlanawatilli, okseki tlanawatilli tlen walnesi itech *Congreso de la Unión* iwan nochi okseki tlanawatilli tlen iwan moyekwika, tlen yi tlachiwal noso yekin mochiwas iwan *Presidente de la República*, ika tlahtolyo *Senado*, mochiwas se Weyi Tlanawatilli itech nochi tekiwahkayotl. Tekiwakeh tlen powih itech *Estados* moyakanaskeh ika Weyi Tlanawatilli, ihkoni ikxitlantika mochiwaskeh okseki tlanawatiltin, maski amo melahkayopan.

Tlanawatiltzintli (Art. 134). Nochi tomintzin tlen mopixtok itech *Federación, estados, municipios, Distrito Federal* iwan tlatlamantli tekiwakayotl tlen intechpowi, ma tekapanokan melahkayopan, ma yeto chipawkayotl iwan ma yetokan mahxakaltin ihkuak kinehnekih itlah tomintzin.

Tekitl noso tlachiwalistli kampa monehneki tomintzin moneki kualli kimatiskeh tekiwakeh tlen powih itech *Federación, estados* iwan *Distrito federal* iwan ik inon melahkayopan motitlantos tomintzin kanin nelli monehneki. Inin tlayehyekolli mochikawilia itech tlanawatiltzintli 74, tlakotonyotl VI iwan tlanawatiltzintli 79.

Itlah axkayotilistli, tlatlanewilli iwan itlah tlakawalli tlatlamantli, okseki miak tlapalewilistli iwan itlah tetlakewalistli, motemaktis ma mochiwa ipampa se motlatlanilistli kampa tlanotzaltin miak tekichikeh tlen kixpantiskeh intlayehyekol itech amatl tzaktok tlen kualli tiixpan motlapos iwan mixpantis ixko *Estado* nochi nekan tlayehyekolistli tlen kitemowa se kualli iwan amo patio tekitl iwan nochi okseki yektlachiwalistli.

Ihkuak tekitlatlanilistli tlen nikan moyehyekowa amo mochiwa melahkayopan iwan moneki moyekchiwas, itech tlanawatiltin moyehyekos, moyakanas, mochiwas iwan mihtos tlen tlamatli monehneki kampa ma ahxili tomin, ma moyekchiwa tekitl, amo ma yeto chichikomakalistli iwan ma motemakti inawak *estado* se tekitl chipawak.

Tomintzin tlen kitemaktiah tekiwakeh *federales* iwan kitekipanoltiah *estados, municipios, Distrito Federal* iwan intekiwakayo tlen intechpowih, melahkayopan moyakanaskeh ika inin tlanawatiltzintli iwan ika tlanawatilkonemeh. Tekitlatokalistli ipampa kenin monehneki tomin, mochiwas ika miak ixtlamachilistli tlen onka itech *entidades federativas* iwan ken nikan monawatia.

Nochtin altepetekipanokeh tlawelkakiskeh ma moyekchiwa tlen machiotok itech Weyi Tlanawatilli, Nawi Tokaitl ipowallo.

Nochtin tekiwakeh iwan okseki altepetlapalewikeh tlen powih itech *Federación, estados, municipios*, noihki *Distrito Federal* iwan ialtepemayowan, ik semihkak inmak kahki kualyotika kinehnekiskeh nochi altepeaxkayotl, amo moneki yeski chichikoittalis kampa onka tlatlamantli tlakanechikolli.

Itlah tlayehyekolxitinilistli tlen motemaka ipampa miak tlamatli, moxitinis ika kualyotika, nochi chikawak tekiwakayotl, weyi iwan tzikitzin tekiwakayotl iwan san akin itech moyekchiwas tlananwatilistli iwan tekitl, ihkoni eyi tlamatli tekiwakayotl, moneki kipias mawisotl iwan melawak tlamatilistli iwan melawak tlayakanalistli. Itech tlamatli tlayehyekolxitinilistli amo nestos itlah tokaitl, tlakopinyotl, tlahtolli noso neskayotl tlen kualtis kixpixtos kana tekiwa inehtolis.

Tlanawatiltin, san ken intechpowi kipiaskeh tlanawatilotl, kipiah nochi chikawalistli ma mochiwa nochi tlen kualli san ken tlakpak moihtowa, tlalia yeski tlahyowitzilli, ma motemaka.

Chikueyi Tokaitl
Weyi Tlanawatilli iyankuilisso

Tlanawatiltzintli (Art. 135). Inintzin Weyi Tlanawatilli kualtis okachi moahxitis noso moyekpatlas. Tlalia moneki moahxitis noso moyekpatlas melawak, moneki *Congreso de la Unión* ma tlahtokan panowa tlahkotipan tlanawatilchikeh tlen moestikateh, ma kiyehyekokan tlen ahxitilistli noso tlen yankuclistli moneki, iwan noihki ma mochikawan itech *Estados*.

Congreso de la Unión noso yen *Comisión Permanente*, kipowaskeh keskin *Legislaturas* impan tlahtowah ahxitilistli noso yankuclistli iwan keskin amo.

**Chiknawi Tokaitl
 Weyi Tlanawatilli amo Awiltillo**

Tlanawatilli (Art. 136). Inin Weyi Tlanawatilli amo aik kipolos ichikawalis iwan inemilis, maski kualtis kemanian okuáltiskia ikahmeh mokuehsoskeh iwan amo kinekiske tetlakamatiskeh. Tla keh chikawak mokuehsowah, motzintlalia okse tekiwakayotl tlen amo kineltoka inin Weyi tlanawatilli, san ken nochí altepetl pewa tlachia, niman mochiwas itlanawatillo, iwan san ken omotlamachioti iwan omotemachiti, motlahyowitziskeh, akinmeh otlayakankeh iwan tlen otlapalewikeh noso otlatzintokakeh.

Tlanawatilli Poliwilisso

Se tlanawatiltzintli. Inin Weyi Tlanawatilli nowian moxitinis san nimantzin iwan ika sapanowa miak mawisotl mixmatis iwan motlakamatis itech nochí Weyi *Altepettl*; ixkoyan mochiwas tlanawatillotl tlen powi tekiwapehpenkayotl kan mochiwa *Supremos Poderes Federales y de los Estados*, tlen noihki motekiwamatih, inontin pewas intekiwakayo ipan se tonalli metztli Mayo xowitl 1917, itech inon tonalli momawisomanas *Congreso Constitucional* iwan motlanawatiltixpantis in tlakatzintli tlen omotekiwatlanki itech tlapehpenalyotl kanin omotlali akin yeski *Presidente de la República*.

Ome tlanawatiltzintli. Weyi tlahtoani tlen kiyakana *Poder Ejecutivo de la Nación*, nimantzin san ken motixmachtia Weyi Tlanawatilli, tenotzas ma mochiwa tekiwapehpenalistli tlen powi itech *Poderes Federales*, inon tekiwapehpenalistli moneki mochiwas kampa yeski ahsitok nechikollo Congreso, ihkoni, ika yekpowalistli yi momattos akin powi yeski *Presidente de la República*, ihkon kema mochiwas tekiwakayotl san ken nikan moihtowa.

Eyi tlanawatiltzintli. Nochi wehweyi tekikiwakayotl mopewaltis iwan ihkin mochiwas, *Diputados* iwan *Senadores* pewa intekiwakayo ipan se tonalli metztli *septiembre*, iwan *Presidente de la República*, pewa itekiwakayo itech Metztli *diciembre xiwitl 1916*.

Nawi tlanawatiltzintli. *Senadores* tlen mopehpenalloskeh tlayakapan kawitl iwan kipiah omepan powalli, san ome xiwitl motekiwatlaliskeh, ihkoni, tlahkotipan *Cámara de Senadores* kualtis moyankuilitiaskeh ohome xiwtika.

Makuilli tlanawatiltzintli. *Congreso de la Unión* kimixpehpenas akinmeh yeskeh *Magistrados de la Suprema Corte de Justicia de la Nación*, itech metztli *mayo* iwan ihkoni inon tekiwakayotl kualtis pewas itekiyo ipan se tonalli metztli *junio*.

Itech inin tekiwapehpenalistli amo ipatin tlen kiihtowa nawpoalli wan kaxtolli wan se tlanawatiltzintli kan motixpantiah ipampa *Legislaturas locales* okseki tekiwatlapehpenaltin, iwan tlen yi ixtlapehpenaltin kualtis konchiwaskeh tekiwakayotl ihkon ome xiwitl ken moihtowa itech nawpoalli wan mahtlaktli wan nawi tlanawatiltzintli.

Chikuasen tlanawatiltzintli. *Congreso de la Unión* kipias se kawitl tlantok kampa monechikos tlen pewa ipan kaxtolli tonalli metztli *abril xiwitl 1917*, kampa noihki moyekmanas *Colegio Electoral*, kipowas iwan kixyehyekos ken omochi tekiwapehpenalistli kan omihto akin yeski *Presidente de la República*, tla kuali yi omochi tekitl, kintixpantis *ley Orgánica de los Tribunales de Circuito y de Distrito*, *ley Orgánica de los Tribunales del Distrito Federal y Territorios*, ipampa ihkoni *Suprema Corte de Justicia de la Nación* kinchiwas amameh tlen ika kimixpantis tlen powih keh *Magistrados de Circuito y Jueces de Distrito*, iwan yen *Congreso de la Unión* kichiwas

ipampa tlen tlapehpenallotin *Magistrados, Jueces de Primera Instancia del Distrito Federal y Territorios*; noihki kinchiwas okseki tlanawatiltin tlen kualtis konnehnekis *Poder Ejecutivo de la Nación, Magistrados de Circuito iwan Jueces de Distrito, iwan Magistrados iwan Jueces del Distrito Federal y Territorios*, moneki motekiwaseliskeh ihkuak ayimo onasi se tonalli metztli *Julio xiwitl 1917*, ihkuakon kema noihki tekiwatlamih akinmeh okintekimakaka tlen ok tlanawatitok kemi *Encargado del Poder Ejecutivo de la Nación*.

Chikome tlanawatiltzintli. Sa semi ihkon mochiwas, tlapowalistli tlen kiihtowa ipampa ken otlahtokeh Senadores mochiwas imak *Junta Computadora del Primer Distrito Electoral* tlen powi itech nochí *Estado noso Distrito Federal*, tlen moyekmanas ma kimpowa amameh tlen ika omochi tekiwapehpenalistli kan moyankuiliah *diputados*, keman tlami mochiwa tlapowalli, kinmaktiah senadores akinmeh motekiseliah, seki amatzitzinmeh tlen melahkayopan kimixpantia.

Chikueyi tlanawatiltzintli. *Suprema Corte de Justicia de la Nación*, kiittas iwan kiyektlalis nochí owikayotl tlen powi kan omonek kana itlah tlapalewilli, mochiwas san ken tlanawatillo.

Chiknawi tlanawatiltizintli. Weyi tlahtoani *Primer Jefe del Ejército Constitucionalista, Encargado del Poder Ejecutivo de la Unión*, imak kah kitixpantis se tlanawatilli ipampa tekiwapehpenalistli, inon tlen melakan yi kiyakanas, tekiwapehpenalistli kampa noctin moyankuiliah tlen powih itech *Poderes de la Unión*.

Mahtlaktli tlanawatiltzintli. Akinmeh tepitzin otekiwakatikeh itech *Gobierno* ika kuesolotl, ixko tlen melakan powi *República*, noso otlapalewikeh, otlapachilikeh ika teposmeh, noso otlapalewikeh otetekimakakeh noso okitemaktikeh tekiwakayotl inmak akinmeh okikuesokeh *Gobierno Constitucionalista*, kipia tlen kintlayowitiskeh san ken kah itech tlanawatilli, ihkon mochiwas tla ayimo keman kintlahyowitziah.

Mahtlaktli wan se tlanawatiltzintli. San ken *Congreso de la Unión* iwan san ken itech *Estados okseki tlanawatilyektlaliah* ipampa tlaltekitl iwan tlachiwaltekitl, nochí tlayehyekolli tlen omotlali

itech inin Weyi Tlanawatilli ipampa tlen motlalis itech okseki tlanawatiltin, san niman mowelkakis itech nochi Tlalnantli.

Mahtlaktli wan ome tlanawatiltzintli. In mexikah akinmeh opowikeh itech *Ejército Constitucionalista*, inkonewan iwan insiwawan tlen mokawah, iwan okseki tlakameh tlen otlapalewikeh ipampa tekiyotl *Revolución* noso itech *Instrucción Pública*, kualtis achto kinmakaskeh itlah tlalkonyotl tlen mihtowa itech ompoalli wan chikome tlanawatiltzintli iwan noihki kipiaskeh tzintlatemowilistli tlen okseki tlanawatiltin kiyekiihtowah.

Mahtlaktli wan eyi tlanawatiltzintli. Semihkak ilkawi nochi itlah tetlawikililli tlen omokawato ihkuak omochi kana tekitl, ihkoni mochiwas ken kahki itech Weyi Tlanawatilli, ihkoni yeski inawak tetekowan, senyelistin iwan okseki ihpa tetlakekeh.

Mahtlaktli wan nawi tlanawatiltzintli. Mopolowa *Secretaría de Justicia*.

Mahtlaktli wan kaxtolli tlanawatiltzintli. Motemaktia nochi chikawalistli imak tekiwa *Encargado del Poder Ejecutivo de la Unión* iwan ma kichiwa se tlanawatilli tlen ika ma kintzintlatokilitikan nochtin akinmeh okichikeh, otlapalewikeh noso otetlatikeh ihkuak omochi itlah owihkayotl tlen okichi ma poliwi tekiwakayotl itech metztli *febrero xiwitl 1913* iwan okikuesokeh *Gobierno Constitucionalista*.

Mahtlaktli wan kaxtolli wan se tlanawatiltzintli. *Congreso Constitucional* ihkoni ken powi monechikos melakayopan, itech se tonalli metztli *septiembre* inin xiwitl, kintixpantis nochti tlanawatiltin tlen Weyi Tlanawatilli ayimo kipia ihkoni ken moihtowa itech chikuasen tlanawitiltzintli iwan okachi ipan mochikawas ipan tlen powi tlakanemilistli, iwan tlanawatiltzitzinmeh 30, 32, 33, 35, 36, 38, 107 iwan nochti tlen itlamian tlanawatiltzintli 111 tlapowa.

Mahtlaktli wan kaxtolli wan ome tlanawatiltzintli. Teopanmeh iwan okseki axkayotl tlen, kimelakanotza ome tlakotontli tlen powi itech sempoalli wan chikome tlanawatiltzintli, tlen noihki tlalnantli iaxkayo, yeski tlanawatillo ihkoni ken machiotok itech tlanawatilli.

Mahtlaktli wan kaxtolli wan eyi tlanawatiltzintli. Tlilpoliwi.

Mahtlaktli wan kaxtolli wan nawi tlanawatiltzintli. Tlilpoliwi.

Ihkoni mochiwa itech *Salón de Sesiones del Congreso Constituyente en Querétaro*, ipan se tonalli metztli enero, nawtzontli wan kaxtolpoalli wan kaxtolli wan ome xiwitl.- *Presidente: Luis Manuel Rojas, Diputado tlen powi Jalisco.- Primer Vice-Presidente: Gral. de División Cándido Aguilar, Diputado tlen powi Veracruz.- Segundo Vice-Presidente: Gral. Brigadier Salvador González Torres, Diputado tlen powi Oaxaca.- Diputado tlen powi Aguascalientes: Daniel Cervantes.- Diputado tlen powi Baja California: Ignacio Roel.- Diputados tlen powih Coahuila: M. Aguirre Berlanga, José María Rodríguez, Jorge E. Von Versen, Manuel Cepeda Medrano, José Rodríguez González (Suplente).- Diputado tlen powi Colima: Francisco ramírez Villareal.- Diputados tlen powih Chiapas: Enrique Suárez, Lisandro López, Daniel A. Cepeda, Cristóbal Li. y Castillo, J. Amilcar Vidal.- Diputado tlen powi Chihuahua: Manuel M. Prieto.- Diputados tlen powih Distrito Federal: Gral. L. Pesqueira, Lauro López Guerra, Gerzayn Ugarte, Amador Lozano, Félix F. Palavicini, Carlos Duplán, Rafael L. de los Ríos, Arnulfo Silva, Antonio Norzagaray, Ciro B. Ceballos, Alfonso Herrera, Román Rosas y Reyes (Suplente), Lic. Francisco Espinosa (Suplente).- Diputados tlen powih Durango: Silvestre Dorador, Lic. Rafael Espeleta, Antonio Gutiérrez, Dr. Fernando Gómez Palacio, Alberto Terrones B., Jesús de la Torre.- Diputados tlen powih Guanajuato: Gral. Lic. Ramón Frausto, Ing. Vicente M. Valtierra, José N. Macías, David Peñaflor, José Villaseñor, Santiago Manrique, Lic. Hilario Medina, Manuel G. Aranda, Enrique Colunga, Ing. Ignacio López, Dr. Francisco Díaz Barriga, Nicolás Cano, Tte. Crnl. Gilberto N. Navarro, Luis Fernández Martínez, Luis M. Alcocer (Suplente), Ing. Carlos Ramírez Llaca.- Diputados tlen powih Guerrero: Fidel Jiménez, Fidel Guillén, Francisco Figueroa.- Diputados tlen powih Hidalgo: Antonio Guerrero, Leopoldo Ruiz, Lic. Alberto M. González, Rafael Vega Sánchez, Alfonso Cravioto, Matías Rodríguez, Ismael Pintado Sánchez, Lic. Refugio M. Mercado, Alfonso Mayorga.- Diputados tlen powih Jalisco: Marcelino Dávalos, Federico E. Ibarra, Manuel Dávalos Ornelas, Francisco Martín del Campo, Bruno Moreno, Gaspar Bolaños B., Juan de Dios Robledo, Ramón Castañeda y Castañeda, Jorge Villaseñor,*

Gral. Amado Aguirre, José I. Solórzano, Francisco Labastida Izquierdo, Ignacio Ramos Praslow, José Manzano, Joaquín Aguirre Berlanga, Gral. Brigadier Esteban B. Calderón, Paulino Machorro y Narváez, Crnl. Sebastián Allende, Jr.- Diputados tlen powih México: Aldegundo Villaseñor, Fernando Moreno, Enrique O Fárril, Guillermo Ordorica, José J. Reynoso, Antonio Aguilar, Juan Manuel Giffard, Manuel A. Hernández, Enrique A. Enríquez, Donato Bravo Izquierdo, Rubén Martí.- Diputados tlen powih Michoacán: José P. Ruíz, Alberto Peralta, Cayetano Andrade, Uriel Avilés, Gabriel R. Cervera, Onésimo López Couto, Salvador Alcaraz Romero, Manuel Martínez Solórzano, Martín Castrejón, Lic. Alberto Alvarado, José Alvarez, Rafael Márquez, José Silva Herrera, Amadeo Betancourt, Francisco J. Múgica, Jesús Romero Flores.- Diputados tlen powih Morelos: Antonio Garza Zambrano, Alvaro L. Alcázar, José L. Gómez.- Diputados tlen powih Nuevo León: Manuel Amaya, Nicéforo Zambrano, Luis Ilizaliturri, Crnl. Ramón Gámez, Reynaldo Garza, Plutarco González, Lorenzo Sepúlveda (Suplente).- Diputados tlen powih Oaxaca: Juan Sánchez, Leopoldo Payán, Lic. Manuel Herrera, Lic. Porfirio Sosa, Lic. Celestino Pérez Jr., Crisóforo Rivera Cabrera, Crnl. José F. Gómez, Mayor Luis Espinosa.- Diputados tlen powih Puebla: Dr. Salvador R. Guzmán, Lic. Rafael P. Cañete, Miguel Rosales, Gabriel Rojana, Lic. David Pastrana Jaimes, Froylán C. Manjarrez, Tte. Crnl. Antonio de la Barrera, Mayor José Rivera, Crnl. Epigmenio A. Martínez, Pastor Rouaix, Crnl. de Ings. Luis T. Navarro, Tte. Crnl. Federico Dinorín, Gral. Gabino Bandera Mata, Crnl. Porfirio del Castillo, Crnl. Dr. Gilberto de la Fuente, Alfonso Cabrera, José Verástegui.- Diputados tlen powih Querétaro: Juan N. Frías, Ernesto Perrusquía.- Diputados tlen powih San Luis Potosí: Samuel M. Santos, Dr. Arturo Méndez, Rafael Martínez Mendoza, Rafael Nieto, Dionisio Zavala, Gregorio A. Tello, Rafael Curiel, Cosme Dávila (Suplente).- Diputados tlen powih Sinaloa: Pedro R. Zavala, Andrés Magallón, Carlos M. Ezquerro, Cándido Avilés, Emiliano C. García.- Diputados tlen powih Sonora: Luis G. Monzón, Ramón Ross.- Diputados tlen powih Tabasco: Lic. Rafael Martínez de Escobar, Santiago Ocampo, Carmen Sánchez Magallanes.- Diputados tlen powih Tamaulipas: Crnl. Pedro A. Chapa, Ceferino Fajardo, Fortunato de la Híjar, Emiliano Próspero Nafarrete.- Diputados tlen powih Territorio de Tepic: Tte. Crnl. Cristóbal Limón, Mayor Marcelino Sedano, Juan Espinosa Bávara.- Diputados tlen powih Tlaxcala: Antonio Hidalgo, Ascensión Tépal, Modesto González y Galindo.- Diputados tlen powih Veracruz: Saúl Rodiles, Enrique Meza, Benito Ramírez G., Eliseo L. Céspedes, Adolfo G. García, Josafat F. Márquez, Alfredo Solares,

Alberto Román, Silvestre Aguilar, Angel S. Juarico, Heriberto Jara, Victorio N. Góngora, Carlos L. Gracidas (Suplente), Marcelo Torres, Juan de Dios Palma, Galdino H. Casados, Fernando A. Pereyra.- Diputados tlen powih Yucatán: Enrique Recio, Miguel Alonso Romero, Héctor Victoria A.- Diputados tlen powih Zacatecas: Adolfo Villaseñor, Julián Adame, Jairo R. Dyer, Samuel Castañón, Andrés L. Arteaga, Antonio Cervantes, Crnl. Juan Aguirre Escobar.- Secretario: Fernando Lizardi, Diputado tlen powi Guanajuato.- Secretario: Ernesto Meade Fierro, Diputado tlen powi Coahuila.- Secretario: José M. Truchuelo, Diputado tlen powi Querétaro.- Secretario: Antonio Ancona Albertos, Diputado tlen powi Yucatán.- Prosecretario: Dr. Jesús López Lira, Diputado tlen powi Guanajuato.- Prosecretario: Fernando Castaños, Diputado tlen powi Durango.- Prosecretario: Juan de Dios Bojórquez, Diputado tlen powi Sonora.- Prosecretario: Flavio A. Bórquez, Diputado tlen powi Sonora.

Monawatia, ma miikuilo nochí, ma moxitini iwan ma momachilti kemin tlanawatilli itech weyi altepetl iwan ihkoni nochtin ma kiwelkakikan.

Mochiwa itech *Palacio Nacional de la Ciudad de Querétaro*, ipan makuilli tonalli metztli febrero xiwitl 1917.- V. CARRANZA.- Rúbrica.

Al C. Lic. Manuel Aguirre Berlanga, Subsecretario Encargado del Despacho de Gobernación.- México.

Ika mawisotl nimitzmonawatilia iwan ma kualli moixmati iwan ma mochiwa.